

প্রকাশক :

বিপুল চট্টোপাধ্যায়

এ. মুখার্জী অ্যান্ড কোং প্রাঃ লিঃ

২, বঙ্কিম চ্যাটার্জী স্ট্রীট

কলিকাতা-৭৩

প্রথম সংস্করণ : জ্যৈষ্ঠ ১৩৫৮

মুদ্রাকর :

শ্রীমন্নথনাথ পান

নবীন সরস্বতী প্রেস

১৭ ভীম ঘোষ লেন

কলিকাতা-৭০০০০৬

উৎসর্গ

আমার শিল্পীজীবনের

শ্রেষ্ঠ আবিষ্কার

সত্তাপ্রস্নাত মঘাই ওজাকে



## বিশ্বস্মৃতি

বিষয়		পৃষ্ঠা
১। লোকসঙ্গীতের কয়েকটি আধুনিক সমস্যা	...	১—২৯
২। বাংলা লোকসঙ্গীতের সংকটের স্বরূপ	...	৩০—৫০
৩। পল্লীসমাজের সঙ্গীত ও সংঘাত (১)	...	৫১—৭২
৪। পল্লীসমাজের সঙ্গীত ও সংঘাত (২)	...	৭৩—৯২
৫। লোকসঙ্গীতে উপভাষা, উপমা ও উচ্চারণ	...	৯৩—১০৪
৬। লোকসঙ্গীতের রাগরূপ ও গীতরীতি	...	১০৫—১২৯
৭। গণনাট্য আন্দোলন ও লোকসঙ্গীত	...	১৩০—১৫২
৮। লোকসঙ্গীতে রাগরূপ ও নাগরিক বিকৃতি	...	১৫৩—১৬২
৯। লোকসঙ্গীতে যুদ্ধ ও শান্তি	...	১৬৩—১৭২
১০। বাংলার লোকসঙ্গীতে হিন্দু-মুসলিম ঐক্যের সাধনা	...	১৭৩—১৭৮
১১। শ্রীহট্টের লোকসঙ্গীতের সুরবিচার	...	১৭৯—১৯৩
১২। আসামের জাতীয় উৎসব বিহু	...	১৯৪—২০২
১৩। রঙালী বিহু	...	২০৩—২০৮
১৪। একটি নদী, একটি রাজ্য ও একটি লোকগীতি	...	২০৯—২১৩
১৫। বিহুর মূল্যায়ণ ও বিহুর ভবিষ্যৎ	...	২১৪—২২০
১৬। আসামের বোল মঘাই ওজার ঢোল	...	২২১—২২৬





## কৃতজ্ঞতা

লোকসংগীত সম্পর্কে আমার নানা বিচ্ছিন্ন ভাবনা একসূত্রে গাঁথা হয়ে বইয়ের আকারে আত্মপ্রকাশ করার মুহূর্তে আমার মনে পড়ছে সেইসব নামহীন গ্রামীণ শিল্পীদের—যাদের সৃষ্ট অফুরন্ত সম্পদের ভাণ্ডার থেকে আমার সঙ্গীত ও সঙ্গীতচিন্তার রসদ আহরণ করেছি।

দারিদ্র্যে, অনাহারে ও অনাদরে দিনপাত করে যারা স্বরলোক সৃষ্টি করে গেছেন এবং আজও করছেন তাঁদের প্রতিনিধিত্ব করার অধিকার আমার কতটুকু জানি না, তবে তাঁদের হয়েই এখানে দু'কথা বলার চেষ্টা করেছি।

চল্লিশের দশকে গণনাট্য আন্দোলন যখন সারা ভারতে ছড়িয়ে পড়েছিল তারই একজন সংগঠক হিসেবে তখন এই শ্রমজীবী মানুষ ও তার সৃষ্ট স্বর-সম্পদকে আরও গভীর ভাবে জানবার সুযোগ ঘটল। স্বরমা উপত্যকায় পার্টির নেতৃত্বে ও আমার পরিচালনায় নির্মলেন্দু চৌধুরী, খালেদ চৌধুরী, গোপাল নন্দী, হেমন্ত দাস প্রমুখ শিল্পীদের নিয়ে যে প্রথম সাংস্কৃতিক স্কোয়াড গঠন করা হয়েছিল তারা গ্রামাঞ্চলে অহুষ্ঠানের কঁাকে কঁাকে লোকসঙ্গীত সংগ্রহ করে আনতেন। গ্রামের লোকশিল্পীদের পথ অহুসরণ করে নিজেও গীতিকার হবার চেষ্টা করলাম। কিন্তু তখনও লোকসংগীতের সামাজিক ও সাঙ্গীতিক অবস্থান নিয়ে তেমন ভাবিনি। আসামে গণনাট্য আন্দোলন সংগঠিত করার জীবনে মূল অসমীয়া-জাতির পাশাপাশি বাস করা বহু উপজাতি ও খণ্ড জাতির গানের স্বরের নিজ নিজ বৈচিত্র্য ও বৈশিষ্ট্য আমার মনে জাগাত বহু প্রশ্ন। তখনও ethno-musicology সম্বন্ধে পাশ্চাত্যে যেসব গবেষণা হচ্ছে তার কিছুই জানতাম না। শ্রীহেট্টের রাগপ্রধান সংগীতরচনার পথিকৃৎ কবিয়াল বন্ধু ফণী দাস লোকসংগীত ও রাগসংগীতের তুলনামূলক কিছু কিছু আলোচনা করতেন আমার সঙ্গে—যদিও এ বিষয়ে আমার জ্ঞান ছিল অত্যন্ত সীমাবদ্ধ। তাঁর নিজস্ব মুদ্রণালয় থেকে আমার প্রথম গণসংগীতের বই ‘বিষাণ’ তিনিই প্রকাশ করেন। তাঁর তখনকার আলোচনা আমাকে পরবর্তী সময়ে যথেষ্ট সাহায্য করেছে। কলকাতা বিশ্ববিদ্যালয়ের বাংলা সাহিত্যের অধ্যাপক ডঃ নির্মলেন্দু ভৌমিক লিখিত ‘শ্রীহেট্টের লোকসংগীত’ গ্রন্থে একটি অধ্যায় ‘শ্রীহেট্টের লোকসংগীতের স্বরবিচার’ আমাকে লিখে দিতে অল্পরোধ জানান কিন্তু জেলাগত বা আঞ্চলিক স্বরবিচারের

চেষ্টা তখনও করিনি এবং এ বিষয়ে কোনো প্রামাণ্য লেখাও হাতে ছিল না। তিনিই প্রথম আমাকে এ দিকে আকৃষ্ট করলেন। শান্তিনিকেতন বিশ্ববিদ্যালয়ের বর্তমান উপাচার্য নৃতত্ত্ববিদ ডঃ সুরজিৎসুন্দ্র সিংহ ও ডঃ পূর্ণিমা সিংহ শ্রীনিকেতনে থাকাকালীন ভূমিজদের গানের সুরবিচারের আলোচনা করে আমাকে শোনান। শ্রীযুক্তা পূর্ণিমা সিংহ শুধু বিজ্ঞানের রুতী ছাত্রীই নন—শাস্ত্রীয় সংগীতেও তাঁর যথেষ্ট দক্ষতা। ভূমিজদের সুরবিচারে তাঁর বৈজ্ঞানিক বিশ্লেষণ আমাকে অত্যন্ত অন্তপ্রাণিত ও উৎসাহিত করে। ইতিমধ্যে রাগসঙ্গীতের শিক্ষক শৈলেন পাল বিশেষতঃ বন্ধু নীহারবিন্দু চৌধুরীর কাছে বিভিন্ন রাগের রূপ জানতে কিছুদিন শিক্ষা গ্রহণ করি ও আজও করছি। একধরনের সঙ্গীতবিদ লোকসংগীত ও রাগসংগীতের মধ্যে যে প্রাচীর গড়ে তোলেন আমার কাছে তা ক্রমশঃ ভাঙতে লাগল এবং রাগসংগীতে লোকসংগীতের ও লোকসংগীতে রাগসংগীতের elements খুঁজে খুঁজে নতুন চিন্তার খোরাক পেলাম। মাস্তীর্ষ দৃষ্টিকোণ থেকে লেখা সত্যেন্দ্রনারায়ণ মজুমদার, অধ্যাপক স্থনীল চক্রবর্তী প্রমুখদের লেখাগুলো আমাকে যথেষ্ট সাহায্য করেছে।

এই সময় বিজ্ঞান কলেজের নৃতত্ত্বের অধ্যাপক শ্রীবিশ্বনাথ বন্দ্যোপাধ্যায় স্বভঃপ্রবৃত্ত হয়ে তাঁদের পাঠাগার থেকে ethnomusicology'র সম্পর্কে বই ও ম্যাগাজিন পড়তে দিয়ে আমাকে প্রচুর সাহায্য করেন। সেগুলো থেকে সবকিছু আহরণ করা আমার পক্ষে খুব কঠিন ছিল। তবুও এ থেকে আমি অনস্বীকার্য ভাবে উপকৃত হয়েছি। মনে হয়েছে এইসব সমসাময়িক পাশ্চাত্যপণ্ডিত বিশেষজ্ঞরা উৎপাদক খেটে খাওয়া মানুষের সামাজিক অবস্থিতির বিশ্লেষণ ছাড়াই শুধু সুরবিশ্লেষণে ব্যস্ত আছেন। কিন্তু তাঁদের পূর্বসূরী, এ বিষয়ে পথিকৃৎ, মহান সঙ্গীতজ্ঞ সেসিল শার্প আজও আমাদের কাছে চিরস্মরণীয় হয়ে আছেন। যাহোক, এই সামান্য বিদ্যা ও অভিজ্ঞতা সম্বল করেই আমি চৌদ্দ পনের বছর আগে থেকেই এ বিষয়ে কিছু কিছু লিখতে শুরু করি। শ্রীসৌমিত্র চট্টোপাধ্যায় ও নির্দল্য আচার্য তাঁদের সম্পাদিত 'এক্ষণ'-এ আমার প্রথম প্রবন্ধটি এবং পরপর আরো কয়েকটি প্রবন্ধ প্রকাশ করে আমাকে উৎসাহিত করেন। আমার বন্ধু লোকায়ণিক শ্রীঅরুণ রায়ের সঙ্গে আলোচনা আমাকে সব সময় সাহায্য করেছে। তাঁর সম্পাদিত 'চতুষ্কোণ'-এ আমার প্রবন্ধ প্রকাশ করে তিনি আমাকে কৃতজ্ঞতায় বেঁধেছেন। আসাম গৌরীপুরের লোকসুর ও লোকনৃত্যের ভাঁগুরী প্রমথেশ্বরনাথ ব্রহ্মের নীহার বড়ুয়ার কাছেও আমার ঋণের অন্ত নেই।

আমার অনুজ্ঞাপ্রতিম অধিতীয়। লোকসঙ্গীতশিল্পী প্রতিমা বরুয়ার কথা এই প্রসঙ্গে মনে হয়।

শিলচরের বিশিষ্ট লোকনৃত্য ও লোকসঙ্গীত-সংগ্রাহক আসাম গণনাট্যের আমার সহকর্মী মুকুন্দ ভট্টাচার্যের কথা না বলে পারি না।

আসামে ডিব্রুগড়ে আমার ইস্কুলের সহপাঠী লোহিত কাকতির কাছে বিহগান প্রথম শুনি ১৯২৭-২৮ সালে, যখন বিহগীত শহরের জীবনে নিষিদ্ধ ছিল। পরে আসামের যুগশ্রষ্টা রূপকুমার জ্যোতিপ্রসাদ ও বিষ্ণুরাভা এবং আনন্দিরাম দাস, ডঃ ভূপেন হাজারিকা, ব্রজেন বরুয়া প্রমুখ শিল্পী ও শ্রষ্টাদের এবং বহু লোকশিল্পীর সঙ্গে আমার অতি আপন সম্পর্ক আমাকে আসামের লোকগীতি বুঝতে যথেষ্ট সাহায্য করেছে। এ বইতে প্রধানত বিহুর কথা আলোচনা করেছি।

গ্রাম্য জনতার জীবন চলমান। সেই জীবনে বার বার ডুব দিয়ে মণি আহরণ করতে হয়। এই বরসে ভগ্নস্বাস্থ্য নিয়ে আমার পক্ষে তা সম্ভব হয়ে উঠছে না। আমার আলোচনার মৌলিক দৃষ্টিকোণ গ্রহণ করে আমার সহশিল্পী ও সহকর্মী কালি দাসগুপ্ত উত্তরবঙ্গে ও আসামে বারংবার পরিভ্রমণ করে এই মণি সংগ্রহ করে চলেছেন। আসামে চা-মজুরদের মধ্য থেকে তাঁর সংগ্রহ আদিবাসী সঙ্গীতের তুলনামূলক বিচারের ক্ষেত্রে আমাকে খুবই সাহায্য করেছে। তিনি নিজে গায়ক হওয়াতে তত্ত্ব ও শিল্পে এতদিন আমি যে কথাটি বলতে চেষ্টা করেছি তা আরো শক্তিশালী হয়েছে। তাঁর কাছে আমি ঋণী।

তাছাড়াও ঋীদের কাছে আমি ঋণী এমন এত নাম আছে, যে আজ তাঁদের কথা মনে হলেও এখানে নাম উল্লেখ সম্ভব না। প্যাভনামা প্রাবন্ধিক ও সঙ্গীত সমালোচক বন্ধু নারায়ণ চৌধুরী প্রথম থেকে এই গ্রন্থপ্রকাশে উত্তোষী না হলে এবং মূল্যবান পরামর্শ দিয়ে সাহায্য না করলে 'ও অবিরাম তাগাদা' না দিলে এ বই বার হত না।

প্রকাশক ত্রিবিপুল চট্টোপাধ্যায় লোকসংগীত বিষয়ে একটি বই প্রকাশের আগ্রহ অনেকদিন ধরে দেখিয়ে এসেছেন, তিনি ও তাঁর সংস্থা আমার এই বইটি প্রকাশ করে আমাকে সম্মানিত করেছেন। এজ্ঞেও কৃতজ্ঞ আমি।

হেমাক্ষ বিশ্বাস



## লোকসঙ্গীতের কয়েকটি আধুনিক সমস্যা

আমরা আজ এক সামগ্রিক সংকটের আওর্তে। অর্থনৈতিক বা রাজনৈতিক সংকটের স্বরূপ আমাদের আলোচ্য বিষয় নয়। সাংস্কৃতিক সংকটের সামগ্রিক প্রকৃতিও আমাদের আজ আলোচ্য নয়। আমাদের আলোচনার বিষয় লোকসঙ্গীতের সমস্যা, এবং সেই পরিপ্রেক্ষিতে আমাদের কর্তব্যনিরূপণ। কিন্তু তবু আমি মনে করি আজকের রাজনৈতিক, অর্থনৈতিক ও সামাজিক সমস্যা থেকে বিচ্ছিন্ন করে লোকসঙ্গীতের সমস্যার আলোচনা কখনো সম্পূর্ণ হতে পারে না। লোকসাহিত্য ও লোকসঙ্গীতের জন্মদাতা যে গ্রাম্য জনসাধারণ তাদের জীবনে যে চরম বিপর্যয় নেমে এসেছে—লোকসঙ্গীতের মার্কক রূপকার অসংখ্য গ্রাম্য-শিল্পীর কণ্ঠ যে অনাহার ও দারিদ্র্যে শুক হয়ে এসেছে তাদের দিকে পিছন ফিরে লোকসাহিত্য ও লোকসঙ্গীতের আলোচনা হবে সৌখীন বিলাসিতা ছাড়া আর কিছু নয়। এই ‘একাডেমিক ওদাসীত্ব’ যেন আমাদের কখনো না হয়।

অদৃশ কালো টাকার যক্ষরাজ আজ সর্বশক্তিমান। অর্থনীতিতে মনোপলীর ক্রমবর্ধমান নাগপাশ সমাজ ও সংস্কৃতিকে তার বিষকুণ্ডলীর পাকে জড়িয়ে ধরেছে। একচেটিয়া কর্তৃত্বাধীন পাবলিসিটির লাউডস্পীকারের ইথর ওরফে আজ সর্বব্যাপী। কর্তা-কবলিত রেডিও গ্রামোফোন সিনেমা সংবাদপত্র সাহিত্যপ্রকাশনী এবং সাপ্তাহিকগুলি আজ জনসাধারণের ঝুটিকে নিয়ন্ত্রিত করছে। আমাদের দেশে সংস্কৃতির ক্ষেত্রে এই রেজিমেন্টেশনের স্বরূপ উদ্ঘাটন না করলে লোকসঙ্গীতের সমস্যার উপলব্ধি সম্ভব নয়—তবু লোকসঙ্গীতের সামনে কতকগুলি বিশেষ ধরনের সমস্যা আছে। এখানে তা সামান্য আলোচনা করবো। দৃষ্টিকোণ স্বচ্ছ থাকলে যেটুকু আমরা করবো তাতে আত্মপ্রত্যারণার সুযোগ থাকবে না।

### নাগরিক জনপ্রিয়তা ও লোকসঙ্গীত

অনেকদিন পর আবার কোলকাতা ও উশকণ্ঠে গান গেয়ে যুরছি প্রায়ই। পচিশ বছর আগেকার গণনাট্যের প্রথম যুগের প্রোড্রের বিনগুলি প্রায় ফুলভেই বসেছিলাম। এখন নতুন করে বতোই তা উপলব্ধি করছি ততোই সেকাল ও

একালের গুণগত পার্থক্য পরিষ্কার হয়ে উঠছে। অবশ্য গ্রামের প্রান্তর ও মহানগরীর মুক্ত অঙ্গন এক জিনিস নয়। একটিতে শ্রোতা নিজেই শ্রুতা—লোকসঙ্গীতের জনক হালুয়াচাষা। অন্যটিতে শ্রোতা নাগরিক শিক্ষিত মধ্যবিত্ত—এই যুগে কৃষিসমাজ ও সংস্কৃতি থেকে যার বিচ্ছিন্নতা প্রায় সম্পূর্ণ। এই শহরে শিক্ষিত সমাজের মধ্যে লোকসঙ্গীতের সমাদর ও সমজ্ঞদারী কি বেড়েছে না কমেছে? উত্তরে হয়ত কেউ বলবেন, যদি না বাড়বে তবে এই কোলকাতায় প্রায় ডজনখানেক লোকসঙ্গীত গাইয়ের ডায়রীর এতোগুলি তারিখ ‘ফাংশন’ চিহ্নিত হয় কি করে? তাছাড়া কয়েকজন স্টার লোকসঙ্গীতজ্ঞ আছেন যাদের জনপ্রিয়তা ও অর্থপ্রাপ্তি ২৫।৩০ বৎসর আগেকার লোকসঙ্গীত গায়করা কল্পনাও করতে পারতেন না। রেডিওতে লোকসঙ্গীতের প্রোগ্রাম নিয়মিত। লোকসংস্কৃতিকে কেন্দ্র করে ছোট বড়ো অনেক প্রতিষ্ঠানের নাম শুনা যায়। বঙ্গসংস্কৃতির মত বাৎসরিক সম্মেলনে লোকসঙ্গীতজ্ঞের তো লাইন পড়ে যায়। শহরের অসংখ্য বিচিত্রানুষ্ঠানে আধুনিক ও রবীন্দ্রসঙ্গীতের পাশে লোকসঙ্গীতের জগৎ দু’একটি আসন খালি রাখা হয়। তাছাড়া লোকসাহিত্য, লোকযান প্রভৃতির উপর গবেষণা করে বিশ্ববিদ্যালয়ের ‘ডক্টরেট’ পাওয়া গবেষকের সংখ্যাও নগণ্য নয়। কয়েক বৎসর আগে কি তা ছিল? ভদ্র-দরবারে লোকসঙ্গীতের কি এমন কঙ্কে আগে মিলতো?

কিন্তু এই জনপ্রিয়তা কি সমাদর ও সমজ্ঞদারীর প্রমাণ? প্রতি শীতে সদারজ, তানসেন প্রভৃতি রাগসঙ্গীতের আসরের শ্রোতা গুণে কিংবা অসংখ্য রবীন্দ্র-অনুষ্ঠানের অমুরাগীদের হিসাব কষে যেভাবে সমজ্ঞদারীর মূল্য নিরূপণ করতে পারি ঠিক সেইভাবেই কি বঙ্গসংস্কৃতির বা সেইরকম কোন সম্মেলনের শিক্ষিত শ্রোতার সংখ্যা গণনা করে লোকসঙ্গীতের কদরের দর কষতে পারি?

রাগসঙ্গীতের বৈজ্ঞানিক চর্চার ব্যবস্থা আছে। রাগসঙ্গীত codified। বিশেষ গুরুর কাছে কিংবা ভাতখণ্ডে স্কুলে বসে রাগসঙ্গীতের গায়কী ও ধরানা আয়ত্ত করা যায়। রবীন্দ্রসঙ্গীতও তেমনি আটঘাট ধরানায় বাঁধা। গীতবিতান, দক্ষিণী, বা রবিতীর্থে বসে তা আয়ত্ত করা যায় শিক্ষকের তত্ত্বাবধানে। কিন্তু লোকসঙ্গীতের তেমন নির্দিষ্ট কোন code নেই। থাকতেও পারে না। নেই তার গুরুমুখী ধরানা। যা আছে তাকে আমরা বলতে পারি ‘বাহিরানা’ বা আঞ্চলিকতা। আমরা ছোটবেলা থেকে কানে শুনে, চোখে দেখে মনের ভাবে গান শিখেছি। গলা সেধেছি কখন বলতে পারি না। গলা অবশ্যই

চাই। কিন্তু পদ্ধতিটা হলো সেই ‘বাহিরানা’র। গায়কীটা জলমাটি হাওয়ার, কিংবা পাহাড় ও উপত্যকার। গুরু একজন নয়—গণসমষ্টি। সুরের লহরের তুলিতে আঁকা সামগ্রিক সমষ্টিজীবনের চিত্রপট থাকে চোখের সামনে। একটি বাদ দিয়ে আরেকটিকে উপলব্ধি করা যায় না। এইখানেই সমস্তার গোড়ার কথা।

ভাটওয়ালী যখন গাই মনের পর্দায় সঙ্গে সঙ্গে চলতে থাকে সেই মাছুষ ও প্রকৃতির ছবির সারি। কিন্তু সেই জীবন থেকে বিচ্ছিন্ন নাগরিক শ্রোতার মনের পর্দায় কি সে ছবি প্রসিঞ্চ হয়? ভাটওয়ালীর ‘সুজন নাইয়া’কে হয়ত তাঁরা কোনদিন দেখেছেন দূরে কোন পালের আড়ালে—চলন্ত ট্রেনের কামরা থেকে রোমাঞ্চিক চোখে। কিন্তু ভাটওয়ালীর বিলম্বিত রেশের সুজন নাইয়াকে কি এই চোখে চিনতে পারা যায়? ঝড়োদিনে বর্ষার হাওরে পাগলা ঢেউয়ের সওয়াব সুজনকে কি তাঁরা দেখেছেন? কড়া হাতে বাঘথাবা মুঠোয় হালের হাতল ধবে শঙ্খচিলের মতো ঝড় কাটিয়ে যাওয়া সুজনকে না দেখলে, নৌকাবাইচে মরণপণ পালায় দলবদ্ধ ছল্লোড়ে সারিগানের ছান্দসিক সুজনকে না দেখলে, নিস্তরঙ্গ ভাটিগাওে কর্মবিরত সুজনের লিলুয়া বাতাসে ভাটওয়ালীর ভাবালুতাকে কি করে উপলব্ধি করবেন?

গোয়ালপাড়ার যে মাহত বাঘবসতিজঙ্গলে জীবন বিপন্ন করে জীবিকার তাগিদে বন্যহস্তীর পাল খুঁজে বেড়ায়—আবার বন্দী বন্যহস্তীকে একদিকে অক্লুণের ঘা অক্লদিকে সুরেলা মরমী গানের চামর বুলিয়ে যে বশ মানায়—তার জীবনের একদিকে শোঁর্থবীর্ষ অক্লদিকে দারিদ্র্য ও ঘরের প্রিয়জনের সঙ্গে চিরন্তন বিরহ সব মিলিয়ে সামগ্রিক জীবনের উপলব্ধি না থাকলে কি সেই ভাওয়াইয়ার বেশটানা গোয়ালপাড়ীয়া মাহতের গানের সমজদারী সম্ভব?

ব্রহ্মপুত্রের রূপালী বালিচর, কাশফুলের ঢেউ, পাহাড়তলী উপত্যকার বৃকের সাতনরীহার, দিখৌ, দিশাং, ধনশিরি, কপিলী নদীর প্রচ্ছদপটে মাঠের ধানরোয়া যুবতীটি, কিংবা প্রাঙ্গণে তাঁতশালে নক্সাবুনা মেখলাপরা গ্রাম্য কিশোরী যেয়েটিকে যদি ভালবাসতে না পারি তবে বিহগীতের পুরো আন্বাদন কি করে পাবো?

রবীন্দ্রনাথ গ্রাম্যসাহিত্য সম্বন্ধে যে কথাটি বলেছেন গ্রাম্যসঙ্গীত সম্বন্ধেও তা প্রযোজ্য, কারণ গ্রাম্যগীতি ও কাব্য অবিচ্ছেদ্য। তিনি বলেন:

প্রতিদিন বাহা বিক্ষিপ্ত, বিচ্ছিন্ন খণ্ডখণ্ড ভাবে সম্পন্ন হইতেছে সাহিত্য তাহাকে একস্থানে গাঁথিয়া নিত্যকালের জন্য প্রস্তুত করিতে চেষ্টা করিতেছে।



...সেইজন্য বাংলা জনপদের মধ্যে ছড়া গান কথা আকারে যে সাহিত্য গ্রামবাসীর মনকে সকল সময়েই দোলা দিতেছে তাহাকে কাব্য হিসাবে গ্রহণ করিতে গেলে তাহার সঙ্গে সঙ্গে মনে মনে সমস্ত গ্রাম, সমস্ত লোকালয়কে জড়াইয়া লইয়া পাঠ করিতে হয়, তাহারাই ইহার ভাঙা ছন্দ এবং অপূর্ণ মিলকে অর্থে ও প্রাণে ভরাট করিয়া তোলে।

#### সংকটের স্বরূপ

যে গণজীবনের নিত্যনৈমিত্তিক কর্মলীলা থেকে লোকসঙ্গীতের প্রবাহটি উৎসারিত, শহুরে শিক্ষিত সমাজের সে ধারা থেকে ক্রমবর্ধমান বিচ্ছিন্নতাই সংকটের গোড়ার কথা—পূর্বেই তা বলেছি। এই বিচ্ছিন্নতার খাল দিয়েই বিকৃতির কুমীর এসে ঘরে ঢুকেছে। আজ কোলকাতাকেন্দ্রিক পশ্চিমবঙ্গে অধিকাংশ স্রোতাই সেই বিকৃতির বিচারে অসমর্থ।

কিছুদিন আগে কোলকাতার উপকণ্ঠে এক লোকসঙ্গীত প্রতিযোগিতায় আমাকে বিচারক হিসাবে যেতে হয়েছিল। সেই অঞ্চলের অধিকাংশই পূর্ববঙ্গের লোক। ছেলে মেয়ে প্রায় পঁচিশ খ্রিশতাব্দী প্রাতিযোগী ছিল। আশা করেছিলাম—জজীবর্তীর দক্ষিণা স্বরূপ অন্তত দু'একটি নতুন গান সংগ্রহ করে নিয়ে আসতে পারবো। অবশেষে হারমনিয়ম ও তবলা সহযোগে যা পরিবেশন করা হলো তার মধ্যে একটিতেও লোকসঙ্গীতের এতটুকু স্বাদ পেলাম না। যাও দু'একটি গান কথায় ও স্বরে কিছুটা হয়েছিল গায়কীতে একেবারেই উৎসাহনি—নাগরিক পালিশে তার ধূলাবালি, কাদামাটি সব ঝরে পড়েছিল। এক সময়কার অতিপরিচিত আব্বাসউদ্দীন বা শচীন দেববর্মনের গানগুলিও যেন সবাই ভুলে গেছে।

কলেজে বা ইউনিভার্সিটির ছাত্রদের মধ্যে বিচিত্র অহুষ্ঠান নামীয় জিনিসগুলির ভয়াবহ চরিত্রের কথা না-ই বা বললাম। মাঝে মাঝে রিফিউজি কলোনীতে গান গাইবার ডাক পড়ে। সেখানে প্রাণ খুলে পূর্ববঙ্গের মেঠোগান গাইবো বলে কতবার গিয়েছি। সেখানকার প্রাচীন বয়স্ক লোকদের মনে সেই গানে nostalgia—কেলে আলা গায়ের কথা বা হারানো দিনগুলির স্মৃতি জাগাতে পারি, কিন্তু বর্তমান জেনারেশনের ছিন্নমূল পরিবেশে মানুষ তরুণ তরুণী, প্রাণে সেই ভোলপাড় জাগাতে পারি না। বরঞ্চ সেখানে দেখেছি কোন হিন্দী চলচ্চিত্রের জনপ্রিয় গান গেয়ে অন্ত একজন গায়ক অনেক বেশী

ওদের মন জয় করতে পারেন। এ শুধু দুঃখের নয়—আশঙ্কার কথা। কি করে তা হলো ?

আজকালকার যুগটা manufactured music-এর যুগ। গান বাজারের commodity বা পণ্য। কমাশিয়েল সুর বলে একটি কথা সুরশিল্পীদের মধ্যে চালু আছে। ভৈরবীচক্রের তন্ত্রময়ের মতো তা এক ছুরুছ ব্যাপার। ফাট্কা বাজারের দালাল কিংবা ঘোড়দৌড়ের মাঠের টাউট-এর মতো। চলচ্চিত্রের মিউজিক ডিরেক্টর বা গ্রামোফোন কোম্পানীর প্রড্যুসারকে এই ভৈরবীচক্রের কোড্কে আয়ত্ত্ব করতে হয়। আটের রথ চলছে আজ এই তন্ত্রময়ের টানে। পেশাদারী শিল্পী চিরদিনই ছিল। Professionalism এবং Commercialism এক জিনিস নয়। গ্রামে অতীতে গায়ন, বায়েন প্রভৃতি পেশাদারী শিল্পী ছিল। পেশা ও আটে সেদিন কোন সংঘাত ছিল না। বরঞ্চ পেশাটা উৎকর্ষের কারণ ছিল। সংঘাতটা ছিল পেশা ও দারিদ্র্যক্লিষ্ট সমাজব্যবস্থায়। ছোটবেলায় আমরা একটা ছড়া শিখেছিলাম :

কি কাম করলাম রে ভাই গাজীর গীত গাইয়া

পাঁচ আনা রুজি করলাম পাঁচ সিকার খাইয়া।

গ্রামের পেশাদারী গাজীর গীত গাইয়ের আর্থিক অবস্থাটাই এই ছড়ায় ধরা পড়েছে, কিন্তু গাজীর গীত শুনাতে গিয়ে সস্তায় ‘যেমন দেবতা তেমনি নৈবেদ্য’ দিবার ফাঁকিবাঁজিতে সে যায়নি। চরম দারিদ্র্যেও তাদের স্বষ্টিক্রিয়ায় কোন ব্যবসায়ী বুদ্ধি ভেজাল মেণাতে পারেনি। শিল্পী ও শ্রোতার সম্পর্কটা শুধু প্রমোদ বিতরণের জন্ত ছিল না। সম্পর্কটা ছিল সামাজিক দায়িত্বের, আনন্দ-মাধ্যম লোকশিল্পার, গোষ্ঠীচেতনার ঐক্যগ্রস্থনে এবং কর্মজীবনের প্রেরণা হিসাবে।

কিন্তু এখন পেশা রূপালী নেণাব মাতলামীতে ঘুরপাক খাচ্ছে। শিল্পী আজ paid piper অর্থাৎ রূপিয়া শিল্পের রূপ নির্ধারণ করে। প্রথমেই উল্লেখ করেছি স্ফীত মুদ্রারাক্ষসের আধিপত্য সংস্কৃতির কি ছুফুতি এনেছে। লোকরঞ্জনের সমস্ত মাধ্যমগুলি একচেটিয়া আধিপত্যে রুচি তৈরীর mass production-এ নিয়োজিত, তার জন্ত প্রয়োজন ‘ট্রেডমার্ক’ এবং সেই ট্রেডমার্কই হলো স্টার-আর্টিস্ট। পাবলিসিটির ঢাকের কাঠি হাতে থাকলে নকল কোলীজ সৃষ্টি করে চিরাগত ‘অরেঞ্জ’-র স্বাদকে নবাগত ‘কোকাকোলা’ যে পরাস্ত করতে পারে তা তো চোখের সামনেই দেখছেন। এমন একদিন ছিল, যখন গ্রামোফোন কোম্পানী

আনকোরা পল্লীগায়কের সন্ধানে গ্রামে স্কাউট পাঠাতেন। এভাবেই অনন্তবালা বৈষ্ণবী বা টেপুমিঞাদের সঙ্গে আমাদের পরিচয়। কিন্তু তেহিনোদিবসাগতা। আজ তাদের জন্ম গ্রামোফোন কোম্পানীর দ্বার বন্ধ। লোকসঙ্গীতের লংপ্রে রেকর্ড করাতে হলে এখন আর গায়ে গায়ে লংমাচের কষ্ট নেই, আধুনিক স্টার-শিল্পীদের মার্জিত কণ্ঠের বাজার দর তার চেয়ে অনেক বেশী।

বাংলাদেশে এই সংকটটা ঘনীভূত হয়েছে আরো তিনটি কারণে। প্রথম কথা কোলকাতা হলো মেট্রোপোলিস—আমরা যাকে বলি মহানগরী। আজকের ধনিকতন্ত্রী সমাজপরিবেশে এই সব মহানগরীর সাংস্কৃতিক চরিত্র হয় cosmopolitan বা বারোবাজারী। রবীন্দ্রযুগে যে বাঙালী বুদ্ধিজীবীরা একদিন কোলকাতার প্রাণকেন্দ্রের স্বস্থতা বজায় রেখেছিলেন, তাঁরা আজ দেউলিয়া। মানসিক দিক দিয়ে এঁরা অবক্ষয়ী বীজাণুতে আক্রান্ত, সৃষ্টির ক্ষেত্রে বক্ষা, ব্যক্তিচরিত্রে অধঃপতিত। তাই বারোবাজারী বিজাতীয় আর্টের আক্রমণের সামনে বুদ্ধিজীবীর কোলকাতা আজ আত্মসমর্পণ করেছে। বিয়ে বাড়িতে, সরস্বতী পূজায়, শারদীয় মাইকের ময়দানবী চিংকারে রবীন্দ্রঐতিহ্যবাহী শিক্ষাভিমानी বাঙালী পাড়ায় পাড়ায় সুরের নামে যে আস্থরিক দৌরাণ্ডা চলতে থাকে এটি তারই একটি নিদর্শন মাত্র।

দ্বিতীয়ত, কোলকাতাকে ঘিরে যে কয়টি জেলা আছে,—হাওড়া, হুগলী বা চব্বিশপরগণা—লোকসঙ্গীতের দিক দিয়ে তাঁকে বাংলা দেশের সবচেয়ে নিম্নল ভূমি বললে অত্যাক্তি হবে না। তার ঐতিহাসিক কারণ বিশ্লেষণ করতে চাই না। কিন্তু কোলকাতাকে ঘিরে থাকা এই নিম্নল ভূমি কোলকাতার সংস্কৃতির এই বারোবাজারী চরিত্রকে অনেকখানি সাহায্য করেছে।

পূর্ববঙ্গের রাজধানী ঢাকার আশেপাশে ভাটয়ালীর মাটি ও জল এমন সজীব যে সেখানে সে বিপদ খুব কম। সেখানকার নাগরিকদের কানে মেঠোহরের রেশ সর্বদা ভেসে আসে। গ্রামের সঙ্গে তাদের সম্পর্ক বিচ্ছিন্ন নয়। আমলা শাসিত হলেও ঢাকা রেডিওর লোকসঙ্গীতে তার আশ্বাদ আজো আমরা খুঁজে পাই। গোহাটীতে বসে বিহু গীতে কিংবা ওজাপালীতে ডেজাল মেশানো খুব কঠিন। কিন্তু কোলকাতার লোকসঙ্গীতের আসরে সবই সম্ভব। শ্রোতার কান তৈরী নয়। মন মাটিতে বাঁধা নয়,—বাউল, ভাটয়ালী, ভাওয়াইয়া গুরকে নিয়ে টানাহেঁচড়া করলেও শ্রোতার বুকে তা বেঁধে না, কারণ সেই mental association বা ভাবানুশঙ্কের বালাই তাদের নেই।

তৃতীয়ত, বঙ্গভঙ্গ। বাংলার লোকসঙ্গীতের অক্ষরন্ত খনি পূর্ববঙ্গের সাথে আমাদের দৈনিক বিচ্ছেদে যে লোকসঙ্গীতের ক্ষেত্রে কী অপূরণীয় ক্ষতি সাধন করেছে তার মূল্যায়ণ আজো হয়নি। সেই ভাণ্ডারের অধিকারী যে সব রিকর্ডিং পশ্চিমবাংলায় হাজারে হাজারে এসেছেন মাটি থেকে শিকড় ওপড়ানো তাঁদের পুঁজিপাটা রসের অভাবে প্রায় শুকিয়ে এসেছে। পদ্মার ওপার থেকে যে সব মাটির খাঁটা শিল্পী এসেছিলেন তাঁরা যেন কোথায় হারিয়ে গেছেন। কোলকাতায় অলিতে গলিতে স্বরোদ, সেতারের সাধক পাওয়া যায় কিন্তু একটি দোতারা বাদক খুঁজে পাওয়া দুষ্কর।

এই অবস্থার মধ্যে আমি শুরুতেই যার উল্লেখ করেছি, রবীন্দ্রসঙ্গীত বা বাগসঙ্গীত তার সুদৃঢ় দুর্গ তৈরী করে নিয়েছে। বিভিন্ন শিল্পী ও প্রতিষ্ঠানের সমবেত সাধনায় এই হট্টমেলার হাটেও তাদের ঘরানা সুপ্রতিষ্ঠ। অসংখ্য দরদী শ্রোতার তৈরী কান সতর্ক গ্রহণায় জাগ্রত। বিকৃতির বিপদ নেই, সমস্যা প্রসারের। এই শ্রোতারা হয়ত সবাই সরগম ব্যাখ্যা করে বুঝতে পারেন না কিন্তু কান দিয়ে ও মন দিয়ে উপলব্ধি করতে পারেন প্রচলিত রাগের রূপ। তাঁরা হয়ত আশাবরী এবং জোনপুরী পার্থক্য ধরতে পারেন না, কিন্তু ভৈরবী ও আশাবরীর তফাৎটা ধরতে পারেন। অথচ সেই শিক্ষিত শ্রোতৃবর্গের অধিকাংশই ভাটিয়ালী আর ভাওয়াইয়ার পার্থক্য কানে শুনে বুঝতে পারেন না—গায়কীর কথা ছেড়েই দিলাম। এই অজ্ঞানতাই লোকসঙ্গীতের ঘরে বিকৃতির সিঁদকাটি।

সমাধানের সন্ধানে

এই অন্ধগলি থেকে খোলা হাওয়ার সন্ধানী আমরা। সেই পথে আজ আমাদের দেশের লোকসাহিত্য বা লোকসঙ্গীতের প্রথম সন্ধানীদের স্মরণ করতে চাই শ্রদ্ধাভরে।

গত শতাব্দীতে আমাদের দেশে প্রথম জাতীয় জাগরণ ও গণচেতনার উন্মেষই সাধারণ খেটে খাওয়া মানুষ, সমাজে অপাঙ্ক্তেয় হাড়ি, ডোম, কৈবর্ত, বাগ্‌দীদের দিকে শিক্ষিত শ্রেণীর দৃষ্টি কেরালো। সঙ্গে সঙ্গে গ্রাম্য অলিখিত সাহিত্য কিংবা গীতের দিকে পূর্বসূরীদের দৃষ্টি পড়লো।

রবীন্দ্রনাথ : ১৯১২ খ্রীষ্টাব্দে বিশ্ববিদ্যালয়ের ছাত্রদের প্রতি সম্ভাষণে বলেন :

সন্ধান ও সংগ্রহ করিবার বিষয় এমন কত আছে তাহার সীমা নাই।

আমাদের ব্রতশার্বণগুলি বাংলার এক অংশে বেকুপ অন্য অংশে লেকুপ নহে।

স্থানভেদে সামাজিক প্রথার অনেক বিভিন্নতা আছে। এ ছাড়া গ্রাম্য ছড়া, ছেলে ভুলাইবার ছড়া, প্রচলিত গান প্রভৃতির মধ্যে অনেক জ্ঞাতব্য বিষয় নিহিত আছে।

সে সস্তাষণেই অল্প জায়গায় বলেছেন :

আমরা নৃতত্ত্ব অর্থাৎ ethnology বইয়ে পড়ি না তাহা নহে, যখন দেখিতে পাই সেই বই পড়ার দরুণ আমাদের ঘরের পাশে যে হাড়িডোম কৈবর্ত, বাগদি রহিয়াছে তাহাদের সম্পূর্ণ পরিচয় পাইবার আমাদের লেশমাত্র ঐহিক জন্মে না তখনই বুঝিতে পারি পুঁথি সম্বন্ধে আমাদের কতো বড়ো একটা কুসংস্কার জন্মিয়া গেছে—পুঁথিকে আমরা কতো বড়ো মনে করি এবং পুঁথি যাহার প্রতিবিম্ব তাহাকে কতই তুচ্ছ বলিয়া জানি। .. ভারতমাতা যে হিমালয়ের চূর্ণম চূড়ার উপরে শিলাসনে বসিয়া কেবলই কঙ্কণস্বরে বীণা বাজাইতেছেন একথা ধ্যান করা নেশামাত্র, কিন্তু ভারতমাতা যে পল্লীতেই পঞ্চশেষ পানাপুষ্করের ধারে ম্যালেরিয়াজীর্ণ গ্রীহারোগীকে কোলে লইয়া তাহার পথের জন্ত আপন শূন্য ভাণ্ডারের দিকে হতাশদৃষ্টিতে চাহিয়া আছেন ইহা দেখাই স্বার্থ দেখা।...

তারও আগে ১৯০৭ খ্রীষ্টাব্দে দক্ষিণারঙ্গন মিত্র মজুমদারের 'ঠাকুরমার ঝুলি' প্রথম সংস্করণের ভূমিকায় রবীন্দ্রনাথ লেখেন :

ঠাকুরমার ঝুলিটির মতো এত বড় স্বদেশী জিনিষ আমাদের দেশে আর কি আছে? কিন্তু হায় এই মোহন ঝুলিটিও ইদানীং ম্যাঞ্চেষ্টারের কল হইতে তৈরী হইয়া আসিতেছিল। এখনকার কালে বিলাতের fairy tales আমাদের ছেলেদের একমাত্র গতি হইয়া উঠিবার উপক্রম করিয়াছে। স্বদেশের দিদিমা কোম্পানী একেবারে দেউলে।

রবীন্দ্রনাথের সঙ্গে বাউলদের সম্পর্ক তাঁর চিন্তায়, সঙ্গীতে, সাহিত্যে, এমনকি বেশভূষায় বাউলদের প্রভাব সম্পর্কে আপনারা জানেন।

তারও আগে আমাদের দেশের দয়দী মনীষী রেভারেণ্ড লালবিহারী দে সাধারণ চাষাভূষার প্রতি গভীর অস্বরাগ থেকেই Folktales of Bengal এবং Bengal Peasant Life লেখেন। শেষোক্ত বই-এর ভূমিকায় তিনি বলেন :  
Zaminder's Catchari is the scene of Ryots' degradation where he

is derided, spat upon and treated as if they were the veriest vermins in creation.

নিগৃহীত অনাদৃত আমাদের দেশের সাধারণ মানুষের প্রতি গভীর মমতা, তাদের সৃষ্টিপ্রতিভার স্বীকৃতিই লোকসঙ্গীতের অহুসঙ্গানী আমাদের পথিকৃৎদের অহুপ্রাণিত কবেছিল। পরবর্তীকালে এই ধারা চিরস্মরণীয় দীনেশচন্দ্র সেনের মধ্যে এসে গভীরতর এবং প্রশস্ততর হয়। নাগরিক সাহিত্যধারায় যখন দেবদেবীর উৎপাত চলছিল এবং সীতাসাবিত্রীদময়স্বীর ছিল একচেটিয়া অধিকার ঠিক তখন চাষাভূষার ঘরে মহুয়া, মলুয়া, মদিনার আবিষ্কার আমাদের সংস্কা-ত জগতে এক মোড়কেবানো ঘটনা। সে উপলক্ষে ময়মনসিংহ গীতিকার ভূমিকায় দীনেশচন্দ্র সেন যে অব্যূল্য আলোচনায় লোকসঙ্গীত গবেষক ও অহুরাগীদেব সামনে এক নতুন দিগদর্শন তুলে ধরেন তার উদ্ধৃতি আর এখানে করছি না। সঙ্গে সঙ্গে আমরা প্রকৃতভাৱে স্মরণ করি চিরদরিদ্র লোকসাহিত্যের পথিকৃৎ চন্দ্রকুমার দে-কে। সেটা ছিল সাধারণ মানুষের আত্মপ্রতিষ্ঠার যুগ। সে সময় স্মরণ করুন আব্বাসউদ্দীন ও শচীন দেববর্মণের পল্লীগীতি সারা বাংলায় কী শিহরণ তুলেছিল। শিক্ষিত সমাজ যেন তার জগুই উন্মুখ হয়ে বসেছিল। গ্রামোফোন কোম্পানী হাওয়া বুঝেই সেদিন পাল তুলেছিলেন—অবশ্য ব্যবসায়ী বুদ্ধিতে। তবু তাঁদের সেজ্ঞ সাধুবাদ দিতে হয়।

গণনাট্য আন্দোলন ও লোকসঙ্গীত

লোকসঙ্গীত যে সময় ছিল সংহত সমাজের সামগ্রিক সৃষ্টি, লোকসঙ্গীতের সেই নৈব্যক্তিকতা ও মোখিকতার রূপ থেকে সমাজের শ্রেণীবিভক্তিকরণের তীব্রতার ও জটিলতার সঙ্গে সঙ্গে তা অনেক দূর এগিয়ে এসেছে। অবশ্য এই ‘এগিয়ে আসা’ কথাটাতে আমি অগ্রগতি বুঝাতে চাই না। কারণ আমার মতে ধর্ম-প্রভাবমুক্ত আদি কমিউনিটীসৃষ্ট বিশেষ উপলক্ষজাত অহুপ্রেরণায় improved স্বতঃস্ফূর্ত লোকসঙ্গীতগুলি হুরে ও রচনায় অনেক বেশী আবেগ ও আবেদনশীল। আজো বাংলাদেশে উত্তরবঙ্গের তথাকথিত ‘বাহে’ উপজাতির সৃষ্টি ভাওয়াইয়াতে তার সাক্ষ্য পাই। তারপর এল ভণিতার যুগ। লোকসঙ্গীতেও বিশেষ রচয়িতার আবির্ভাব হলো। দীন শরৎ বলে, ভেইবে রাধারমণ বলে, পাগল জালালে কয় ইত্যাদি। কিন্তু এখানে ব্যাপ্তি সমষ্টিচেতনারই বাহক ছিলেন। সমাজমানসের বিশেষ বক্তব্যটি ব্যক্তিমানসে প্রতিফলিত হতো। সেইজগুও

ভণিতায়ুক্ত হয়েও এগুলি লোকসঙ্গীত। সমাজ আলোড়নকারী বিশেষ ঘটনাকে ব্যক্তিরচয়িতা লিপিবদ্ধ করেছেন সমাজের প্রতিভূ হিসেবে লৌকিক রূপরীতিতে। ভূমিকম্প, ঘূর্ণিঝড় যখন বহুলোকের সর্বনাশ ডেকে এনেছে লোকসঙ্গীত রচয়িতারা তা রচনায় রূপ দিয়েছেন। যুদ্ধ, বিদ্রোহ ও জাতীয় মুক্তি আন্দোলন আমাদের লোকসঙ্গীতে অমূল্য ঐতিহ্য সৃষ্টি করেছে। পলাশীর যুদ্ধের

“কি হলোরে জান

পলাশীর ময়দানে নবাব হারালো পরাণ।”

হুদিরামের ফাঁসির গান

“একবার বিদায় দে মা ঘুরে আসি...”

কিংবা মহাযুদ্ধের বিরুদ্ধে চট্টগ্রামের গ্রাম্যবধূর সেই আকৃতি

“বসরায় পাঠাফিস হৈল ছাড়া

খসম আমার গেল কৈ ছাড়ি লড়াই-এর ডাক পাইতরা।”

প্রভৃতি আমাদের লোকসঙ্গীতের ভাণ্ডারকে ঐশ্বর্যশালী করেছে। তাদের পথ অনুসরণ করে কোন বিশেষ রচয়িতা যদি আজকের কৃষক বিদ্রোহের বা তেভাগা আন্দোলনের অমর শহীদদের আত্মদানের অনুপ্রেরণায় লোকসঙ্গীত রচনা করেন—লৌকিক সুর ও রচনার ভঙ্গী অব্যাহত রেখে—যা লক্ষলোকের মনে আলোড়ন তোলে—যা জনসাধারণ গ্রহণ করে তাদের নিজের গান বলে তবে আপত্তির কি আছে? বরঞ্চ এটাই লোকসঙ্গীতের রূপান্তরের স্বাভাবিক ধারা। অথচ আমাদের কিহু গোঁড়া লোকসাহিত্য গবেষক এতে ‘রাজনীতি’ আছে বলে আংকে ওঠেন। কেউবা বলেন, লোকসঙ্গীতে এসব হলো প্রক্ষিপ্ত। সিপাহী বিদ্রোহে যে অসংখ্য লোকগীতি উত্তর ভারতে ছড়িয়ে পড়েছিল তাতে কি রাজনীতি নেই! ভগৎসিংহের উপর যে অসংখ্য গান পাঞ্জাবে ছড়িয়ে আছে, মণিরাম দেওয়ানের ফাঁসির উপর যে অসংখ্য গান আসামে ছড়িয়ে আছে তাতে কি রাজনীতি নেই! জাতীয় মুক্তি আন্দোলনজাত গানকে কেউ কেউ স্বীকৃতি দিলেও কৃষকের শ্রেণীসংগ্রামজাত গানকে তারা কিছুতেই গ্রহণ করতে নারাজ। ভারতের অসংখ্য কৃষিবিদ্রোহে জনসমাজে বহু গান রচিত হয়েছে—আমাদের গবেষকদের অধিকাংশের প্রতিক্রিয়াশীল গোঁড়ামির জন্য ওই সব গান সংগৃহীত হয়নি এবং অনেক লোপ পেয়েছে।

এখানেই গণনাট্যসংঘ বিশেষ ভূমিকা নিয়ে অবতীর্ণ হয়। সারা ভারতে কৃষক ও শ্রমিকের গণ-শ্রেণীসংগ্রামজাত নতুন জীবনবোধে শত শত গান সেদিন রচিত হয়। এক অংশ কৃষক আন্দোলনে নিয়োজিত আমাদের মত শিক্ষিত শ্রেণীর রচয়িতা অল্প অংশ নিরক্ষর চাষীর আপন ঘরেরই রচয়িতা। আরেকটি বড় অংশ ধারা প্রত্যক্ষ আন্দোলনে ছিলেন না—ধারা আউল বাউল নামেই খ্যাত ছিলেন তাঁদের ভাবধারায় সেদিনের আন্দোলনের জোয়ারের ধাক্কা পড়েছিল এবং তাঁরাও স্বতঃস্ফূর্ত গান রচনা করেছিলেন—তাই নেত্রকোণায় লক্ষ কৃষকের সমাবেশে আমাদের পরিচালিত সাংস্কৃতিক অহুষ্ঠানে রবাহুত রসিদউদ্দিন, জামসেউদ্দিন প্রমুখ আউলিয়া গায়করা আমাদের সকলকে বিস্ময়াবিষ্ট করে ময়মনসিংহের ‘ব্যালাড’ গাইবার বিশেষ ঢঙে যখন গান ধরলেন :

আমার দুঃখের অস্ত্র নাই

দুঃখ কার কাছে জানাই

স্বপ্নের স্বপন ভাঁড়লোরে

চুরাই বাজারে—

ভাইরে ভাই—তেরশ পঞ্চাশের কথা মনে কেউর পরে গো

মনে কি কেউর পরে

জুধার জালায় বুকের ছাওয়াল

মায়ে বিক্রী করে রে

চুরাই বাজারে ॥

ইত্যাদি... ..

তখন বৃহতে পারি—আউলিয়ারদের ‘আবহায়াতের’ ত্রিবেণী সঙ্গমের সাধনা থেকে বিক্ষুব্ধগণসমুদ্রসঙ্গমে টেনে এনেছে চোরাইবাজার ও ছুঁড়িক। জনসাধারণের অবিচ্ছেদ্য অংশ হিসাবে তাঁরাও গণবিক্ষোভের সরিকদার। নতুন প্রাণপ্রবাহে লোকসঙ্গীত সমৃদ্ধ হলো। দৃষ্টান্ত বাড়িয়ে প্রবন্ধকে দীর্ঘ করতে চাই না। আমাদের মতো শিক্ষিত রচয়িতাদেরও কিছু গান লোকসঙ্গীতেরই অঙ্গীভূত হয়ে আজো বেঁচে আছে। সে সময় আমাদের দৃষ্টি খুব স্বচ্ছ ছিল না। সচেতন ভাবে ততটা গান রচনা করিনি আন্দোলনের ত্যাগিদে যতটা করেছি। লোকসঙ্গীত রচনা করবো বলে করিনি। এজন্য তার মধ্যে কতকগুলি লোকসঙ্গীত হিসাবে উৎরে গেছে—কথায়, সুরে ও ঢঙে। কিন্তু সে সময় গণনাট্য রচনার অধিকাংশই লোকসঙ্গীতের অন্তর্ভুক্ত হতে পারেনি—লৌকিক রূপরীতি ও ঢঙের



বিচারে। আমরা তাকে বলি ‘গণসঙ্গীত’। কিন্তু নিবারণ পণ্ডিত, বিশ্ব পণ্ডিত, রমেশ লীল প্রমুখ সত্যিকার লোকশিল্পীদের সেদিনকার বহু রচনা লোকসঙ্গীতের ধারার সঙ্গেই মিশে গিয়েছিল। সর্বভারতীয় এই আন্দোলন লোকসঙ্গীতে নতুন প্রাণসঞ্চার করেছিল। কিন্তু গণনাট্য আন্দোলনের একজন আদি উত্থোক্ত। হিসাবে আমাদের স্বীকার করতেই হয়—অমরা সেদিন ঘনিষ্ঠ গণসংযোগে থাকলেও লোকসংস্কৃতির ও লৌকিক ঐতিহ্যের অধ্যয়নে যে নিষ্ঠা ও অধ্যবসায় দরকার তার স্বযোগ ও সময় আমাদের ছিল না। জনসাধারণের সঙ্গে গভীরভাবে মিশবার স্বযোগ পেলেও সে তুলনায় সংগ্রহ করতে পারিনি। ফলে আন্দোলনের ঢেউ পলিমাটি যথেষ্ট বয়ে আনলেও সে তুলনায় ফসল আহরণ করতে আমরা পারিনি।

তারপর নাগরিক জীবনে যে সব রচয়িতা লোকসঙ্গীতের সন্ধানী হলেন দেখলাম তাঁদের অধিকাংশেরই উদ্দেশ্য হলো ‘স্মরণ-চুরি’, লোকসঙ্গীত গবেষণা নয়। অগুদিকে খারা সত্যি লোকসঙ্গীত গবেষণায় নিরত হলেন তাঁদের মধ্যে দেখতে পেলাম শুধু academic অনুসন্ধিসা। এঁদের গবেষণাজাত সংগ্রহ ও সঙ্কলনে আমরা অত্যন্ত উপকৃত এবং সেজগত আমরা তাঁদের কাছে ঋণী। কিন্তু তবু মনে হয় এঁদের অনেকের লক্ষ্য যেন কেবল বিশ্ববিদ্যালয়ের ডক্টরেট পাওয়া। গণজীবনের ব্যথা বেদনা ও সংগ্রাম সম্বন্ধে এঁরা এমন নিষ্পৃহ যে তাঁদের সঙ্গে আলাপ করলে মনে হয় লোকসঙ্গীতকে এঁরা যেন বাহ্যিকের exhibit ভাবেন। লোকসঙ্গীত যেন এঁদের বৈঠকখানায় বিষ্ণুপুরী পোড়ামাটির ঘোড়া। এইসব পণ্ডিত ব্যক্তিদের কেউ কেউ জনজীবন থেকে এমন বিচ্ছিন্ন হয়ে পড়েন যে দীনেশ-চন্দ্র সেনের দানকে পর্যন্ত লঘু করে দেখতে লাগলেন। কেউ কেউ দীনেশচন্দ্র সেনের সাধারণ জনতার প্রতি গভীর অহুসাগকে ‘অন্ধ অহুসাগ’ ‘মাত্রাতিরিক্ত ভাবাতিশয্য’ বলে মন্তব্য করেছেন। বিশ্ববিদ্যালয়ের কিছু বিদগ্ধ ব্যক্তি অবশেষে ‘ময়মনসিংহ গীতিকা’র মৌলিকতা নিয়েই প্রসন্ন তুললেন। কেউ কেউ ভাবলেন এ মূলের উপর দীনেশচন্দ্র সেনের মূল্যায়না। আবার কেউবা প্রকাণ্ডই বললেন এ সবটাই জাল। জনজীবনবিচ্ছিন্ন বাংলার বাবু-সংস্কৃতির দেউলিয়াপনার এমন নিদর্শন আর নেই। এমন সময় যিনি আমাদের দেশের জনতার এই অমূল্য অবদানকে যুক্তি তথ্য দিয়ে পুনঃপ্রতিষ্ঠা করলেন সেই দরদী মনীষী হলেন চেকোজোভাকিয়ার তরুণ ভারতবিদ ডঃ ডুসান জ্ভাভিতেল। তিনি আমাদের নমস্কার।

লোকসঙ্গীতের গবেষণা ও গণদৃষ্টি

বাংলার নিরক্ষর পল্লীসমাজের অলিখিত সাহিত্য ও সঙ্গীতকে আমাদের পূর্বসূরীরা যে মর্যাদা দিয়েছিলেন সেই মর্যাদাকে নুতন করে আরো গভীর ও ব্যাপকভাবে আমাদের ফিরিয়ে আনার জন্ম চেষ্টা করতে হবে। এখনো শিক্ষিত শ্রেণীর মধ্যে লোকসাহিত্য ও লোকসঙ্গীত সম্বন্ধে শুধু অজ্ঞতা নয়—গুপ্ত অবজ্ঞার ভাব বর্তমান। আজো কোলকাতা বিশ্ববিদ্যালয়ের মত অগ্রসর শিক্ষায়তনে বাংলা সাহিত্যের ডিগ্রিকোর্সে লোকসাহিত্যের তেমন কোন স্থান নেই। বাংলা সাহিত্যে ডিগ্রি বা অনার্স পাওয়া ছাত্রদের কাছে লোকসাহিত্য অবশ্যপাঠ্য ও জ্ঞাতব্য বিষয় নয়। মাত্র কয়েক বৎসর আগে এম. এ ক্লাসে একটি পেপার লোকসাহিত্যের উপর করা হয়েছে। আমাদের কবি ও সাহিত্যিকরা এ বিষয়ে সবচেয়ে অজ্ঞ। সঙ্গীতজ্ঞরাও তাই। রবীন্দ্রসঙ্গীতের কথায়, সুরে ও দর্শনে বাউলের প্রভাবের কথা আগেই বলেছি—কিন্তু ধারা রবীন্দ্রসঙ্গীত সচরাচর গেয়ে ফিরেন তাঁদেব একটি খাঁটি বাউলগান গাইতে বলুন—আমার কথার সত্যতা উপলব্ধি করবেন। আমাদের আকাশবাণীব কর্তারা ভাবেন লোকসঙ্গীত এমনই লঘুসঙ্গীত যে সবাই গাইতে পারে। কাজেই তার দক্ষিণাও সবচেয়ে কম। এই বিচ্ছিন্নতার দৃষ্টি থেকে একাত্মতার দৃষ্টিতে আমাদের ফিরে আসতে হবে। যে দৃষ্টিকে আমি বলতে চাই গণদৃষ্টি।

১৯৩৪ খ্রীষ্টাব্দে প্রথম নিখিল সোভিয়েট লেখক কংগ্রেসে ম্যাক্সিম গর্কী বলেছিলেন : We must realise that it is the masses' labour that is the chief organiser of culture and creator of all ideas... There was a time in antiquity when the toilers' oral lore was the sole organiser of their experience, the translator of ideas into terms of images and stimulator of the collective labour energy. That is something we must realise... I would again draw your attention to the fact, that most profound, striking and artistically perfect types of heroes have been created by folklore, the oral creation of the working people.

গ্যোটে বলেছেন : Folktale is the father of all fiction and folksong is the mother of all poetry...

সাহিত্যের ক্ষেত্রে গর্কী ও গ্যোটে যা বলেছিলেন গল্প শ্রাব্যতার প্রেষ্ঠ রূপ

সঙ্গীতবিদ শ্রীংকা সঙ্গীতের ব্যাপারে ঠিক সে কথাই বলেছিলেন : It is the people who create music, we only arrange it. এ যুগে সেই কথাটি আরো আবেগের সঙ্গে বলেছেন পল রবসন : One perhaps forgets my own career, and that for five years, I would sing nothing but the music of my people. Later when it was established as a fine folkmusic I began to learn of the folk music of other peoples. This has been one of the bonds that have drawn me so close to the peoples of the world, bonds through this likeness in music that made me understand the political growth of many peoples, the struggles of many peoples and brought me back to you to fight here in this land as I shall continue to do.

এই দৃষ্টিকোণকেই আমি বলতে চাই গণদৃষ্টি। আজকের দিনে এই গণচেতনা ছাড়া লোকসঙ্গীতের উপলব্ধি বা গবেষণা ভ্রান্ত হতে বাধ্য। এই দৃষ্টিকোণ থেকেই নাগরিক বা লৌকিক সাহিত্য ও সঙ্গীতকে আজ 'উচ্চ' এবং 'নিম্ন' আখ্যা দেবার মধ্যে বিপদ দেখতে পাই।

রবীন্দ্রনাথ তাঁর 'গ্রাম্যসাহিত্য' প্রবন্ধে লিখেছেন :

গাছের শিকড়টা যেমন মাটির সঙ্গে জড়িত এবং তাহার অগ্রভাগ আকাশের দিকে ছড়াইয়া পড়িয়াছে, তেমনি সর্বত্রই সাহিত্যের নিম্ন অংশ স্বদেশের মাটির মধ্যেই অনেক পরিমাণে জড়িত হইয়া ঢাকা থাকে ; তাহা বিশেষরূপে সংকীর্ণরূপে দেশীয়, স্থানীয়।...সাহিত্যের যে অংশ সার্বভৌমিক তাহা এই প্রাদেশিক নিম্নস্তরের থাকটার উপরে পাড়াইয়া আছে। এইরূপ নিম্ন সাহিত্য এবং উচ্চ সাহিত্যের মধ্যে বরাবর ভিতরকার একটি যোগ আছে।

নীচের সহিত উপরের এই যে যোগ, প্রাচীন বঙ্গসাহিত্য আলোচনা করিলেই ইহা স্পষ্ট দেখিতে পাওয়া যায়। অন্নদামঙ্গল ও কবিকঙ্কনের কবি যদিচ রাজসভা ধনীসভার কবি, যদিচ তাঁহারা উভয়ে পণ্ডিত, সংস্কৃত কাব্য সাহিত্যে বিশারদ, তথাপি দেশীয় প্রচলিত সাহিত্যকে বেশিদূর ছাড়াইয়া বাইতে পারেন নাই।...কবিকঙ্কণ চণ্ডী, ধর্মমঙ্গল, মনসার ভাসান, সত্য-পীরের কথা, সমস্তই গ্রাম্যকাহিনী অবলম্বনে রচিত।...

রবীন্দ্রনাথ একটি বিশেষ পরিপ্রেক্ষিতে এবং বিশেষ অর্থে 'উচ্চ' এবং 'নিম্ন' শব্দগুলি ব্যবহার করেছিলেন। তা থেকে যদি কেউ এ সিদ্ধান্তে আসেন যে উৎকর্ষের দিক দিয়ে লোকসাহিত্য নিম্নশ্রেণীর এবং নাগরিক সাহিত্য উচ্চশ্রেণীর তবে তা হবে নিতান্তই হাশ্বকর।

চিরায়ত সাহিত্য ও সঙ্গীত চিরদিন লোকায়ত সাহিত্য ও সঙ্গীতকে ভিত্তি করেই গড়ে উঠেছে। গঠন-পরিপাট্যে অর্থাৎ টেকনিক বা আঙ্গিকের উৎকর্ষে ও অলঙ্করণে চিরায়ত সুপ্রতিষ্ঠ। তা বলে বিশেষ ভাব ও রস সৃষ্টিতে তা লোকায়তের চেয়ে সর্বক্ষেত্রে উৎকর্ষের দাবী কি করতে পারে? তা হলে রবীন্দ্রনাথ একটি ছেলে ভুলানো ছড়া

ও পারেতে কালো রঙ বুষ্টি পড়ে ঝমঝম  
এ পারেতে লব্ধা গাছটি রাঙা টুকটুক করে,  
গুণবতী ভাই আমার মন কেমন করে ॥

-এর সঙ্গে মহাকবি কালিদাসের 'মেঘালোকে ভবতি স্মৃথিনোহপ্যন্তথাবুস্তিচেতঃ' তুলনা করে বলতেন না 'কালিদাস যে কথাটি ঈষৎ দীর্ঘনিশ্বাস ফেলিয়া উল্লেখ করিয়াছেন মাত্র, এই ছড়ায় সেই কথাটা বুক ফাটিয়া কাঁদিয়া উঠিয়াছে।'।

গানের বেলাও উচ্চাঙ্গ সঙ্গীতে, আলাপ, বিস্তার, তান, তাল ও লয়ের টানাপোড়েনে যে জটিল দক্ষতার পরিচয় মেলে সে ক্ষেত্রে আমাদের অগ্ণাত গানের চেয়ে তার উৎকর্ষতা অনস্বীকার্য। কিন্তু বিশেষ বিশেষ ভাব ও রসসৃষ্টিতে রাগসঙ্গীত, রবীন্দ্রসঙ্গীত বা লোকসঙ্গীতের ক্ষেত্র স্বতন্ত্র। সেখানে উচ্চ এবং নিম্ন বলে কোন শ্রেণীভেদ সম্ভব নয়। খাঁটি লোকসঙ্গীতে দেশের সাধারণ মানুষ, মাটি ও প্রকৃতির সঙ্গে যে একাত্মতার বান্ধন সৃষ্টি করে অন্য সঙ্গীতে তা হয় না। লোকসাহিত্যের বেলাও সেই কথা। কাজেই আজকের দিনে বিশেষত যখন অবক্ষয়ী নাগরিক বুদ্ধিজীবী শ্রেণীর সঙ্গে গণমানসের সম্পর্ক একেবারে ছিন্ন তখন তাদের সৃষ্টিকর্মের ও চিন্তার চেয়ে লোকসাহিত্য ও লোকসঙ্গীতের উৎকর্ষের কথাই আমাদের জোরের সঙ্গে বলতে হয়। 'বাংলার লোকসাহিত্য' গ্রন্থে 'ব্যুৎপত্তি ও লোকসাহিত্য' শিরোনামায় আলোচনা করতে গিয়ে খ্যাতনামা লোকসাহিত্য গবেষক ডঃ আশুতোষ ভট্টাচার্য মহাশয় এক জায়গায় বলেছেন :

'নাগরিক মন উচ্চতর সাহিত্য হইতেই রসপিপাসা চরিতার্থ করিতে অভ্যস্ত হইয়া উঠিয়াছে। উচ্চতর সাহিত্যের প্রকাশভঙ্গি এবং লোকসাহিত্যের

প্রকাশভঙ্গি এক নহে। যদিও লোকসাহিত্যের মধ্যে একটি চিরন্তন আবেদন আছে সত্য, তথাপি সেই আবেদনটির বহিরঙ্গগত রূপ ক্রমে নাগরিক সমাজের মধ্যে অপরিচিত হইয়া উঠিতেছে। সেইজন্য রূপকথা কিংবা উপকথার মধ্যে যে শাস্ত আবেদনই থাকুক না কেন, তাহা আধুনিক সাহিত্য হইতে রস-সংগ্রহ করিতে অভ্যস্ত পাঠকের নিকট কোনও কৌতূহল সৃষ্টি করিতে পারে না। কিন্তু আধুনিক রুচি ও রসবোধ অহুযায়ী লোকসাহিত্যের বিশ্লেষণ করিয়া এই বিষয়ে কৌতূহল সৃষ্টি করিতে পারিলে ইহার প্রতি অতুরাগ সঞ্চার হওয়া সম্ভব।’...

বর্তমান নাগরিক সমাজের ‘আধুনিক রুচি’কে অধ্যাপক আশুতোষ ভট্টাচার্য মহাশয় যে ভাবে ছাড়পত্র দিয়েছেন আমি তা দিতে রাজী নই। যে পাশ্চাত্য শিক্ষাব্যবস্থা চিন্তায়, কথায়, বেশভূষায় ইংরেজীযানা আমদানী করেছিল এবং দেশজ সবকিছুর প্রতিই একটা অবজ্ঞামিশ্রিত উন্নাসিকতার জন্ম দিয়েছিল, সেই দৃষ্টিভঙ্গিকে প্রতিরোধ করেই আমাদের লোকসঙ্গীত ও সাহিত্যের পথিকত্ব রাখা শুরু করেছিলেন। পূর্বে উল্লেখ করেছি ১৯০৭ সনে রবীন্দ্রনাথ ‘ঠাকুরমার ঝুলি’র ভূমিকায় মন্তব্য করেছিলেন : ‘এখনকার কালে বিলাতের ‘Fairy tales’ আমাদের হেলেনের একমাত্র গতি হইয়া উঠিবার উপক্রম করিয়াছে। স্বদেশের দিদিমা কোম্পানী একেবারে দেউলে।’ ১৮৯৮ সনে লিখিত ‘গ্রাম্যসাহিত্য’ প্রবন্ধে এই আধুনিক শিক্ষার বিষময় ফলের কথা উল্লেখ করে তিনি বলেছেন :

‘অতি অল্পদিন হইল ‘আধুনিক কাল’ দূরদেশাগত নবীন জামাতার মতো নতুন চাল চলন লইয়া পল্লীর অন্তঃপুরেও প্রবেশ করিয়াছে। এজন্য গ্রাম্যছড়া-সংগ্রহের ভার ষাঁহারা লইয়াছেন তাঁহারা আমাকে লিখিতেছেন — ‘প্রাচীন। ভিন্ন আঙ্গকালকার মেয়েদের কাছে এইরূপ কবিতা অনিবার প্রত্যাশা নাই। তাহারা ইহা জানে না এবং জানিবার কৌতূহলও রাখে না।...সুতরাং পাঁচটি ছড়া সংগ্রহ করিতে হইলেই পাঁচগ্রামের বুদ্ধার আশ্রয় লইতে হয়।’...

লোকসঙ্গীতের অন্তঃপুরে আধুনিক রুচি নগরের নতুন জামাতা হয়ে প্রবেশ করে এতোদিন আগেই যদি এমন কাণ্ড করে যেতে পারলো তবে আজ যখন কোলকাতা মহানগরীকেন্দ্রিক বাংলাদেশের বুদ্ধিজীবীশ্রেণী গণসমাজের সমস্ত শিকড় থেকে নিজেকে উৎপাটিত করে বৈদ্যের বাহাদুরী দেখাচ্ছেন তখন তাঁদের

এই ‘আধুনিক রুচি ও রসবোধ’ অল্পবয়সী লোকসাহিত্য ও সঙ্গীত পরিবেশন করার কথা বলা আমাদের পক্ষে অত্যন্ত মারাত্মক।

লোকসঙ্গীতের সাক্ষীতকী

আজ পর্যন্ত লোকসঙ্গীতের যতো আলোচনা হয়েছে তা সাহিত্যিক বা সামাজিক দিক থেকেই করা হয়েছে, কিন্তু সাক্ষীতিক দিক দিয়ে আলোচনা হয়নি বললেই চলে।

লোকসঙ্গীত কি, তা বিচারের প্রধান মানদণ্ড হলো সুর ও গীত-রীতি। পল্লীগীতি দুপ্রকারের—এক, সুর যেখানে কথানির্ভর ও কথা-অনুসারী, অন্য, সুর যেখানে কথানিরপেক্ষ। সুর যেখানে কথানিরপেক্ষতার আপন অভিব্যক্তিতে আবেদনময় হয়ে ওঠে এবং বিশেষ জাতের বিশেষ প্রকৃতিকে উদ্ঘাটিত করে সেখানেই লোকসঙ্গীতের উৎকর্ষ। সেজন্যই পৃথিবীর সর্বদেশের এ ধরনের লোকসঙ্গীতের আবেদন দেশাতীত হয়ে ওঠে। এবং এখানেই musicologist বা সঙ্গীতবিদের বিষয় ও গবেষণার অন্তর্গত।

লোকসঙ্গীতের সুর বাদ দিয়ে কথার আলোচনা রাম ছাড়া রামায়ণীর মতো। এবিষয়ে রবীন্দ্রনাথই ছিলেন সবচেয়ে উপযুক্ত ব্যক্তি। তিনি সঙ্গীত সম্বন্ধে মূল্যবান প্রবন্ধ লিখে গেছেন এবং রাগসঙ্গীতকে তদানীন্তন কালোয়াতীর কণ্ঠ ব্যায়াম থেকে মুক্ত করার সাধনায় নিযুক্ত ছিলেন, কিন্তু লোকসঙ্গীতের সাক্ষীতিকী নিয়ে কোন আলোচনা করে যাননি। হয়ত তখনো লোকসঙ্গীতের সংগ্রহ ও অনুশীলনের প্রাথমিক স্তর ছিল বলেই শিক্ষিত শ্রেণীর সেনিকে দৃষ্টি আকর্ষণ করার জন্য তিনি এর সাহিত্যরসের দিকটাই প্রথমে তুলে ধরতে চেয়েছিলেন। ইদানীং সঙ্গীতাচার্য সুরেশ চক্রবর্তী মহাশয় প্রমুখ দু’একজন এবিষয়ে সামান্য আলোচনা করেছেন।

লোকসঙ্গীতের বিষয়ে প্রথমে আমি যে ‘বাহিরানার’ কথা উল্লেখ করেছিলাম আসলে তা হলো আঞ্চলিকতা। এই আঞ্চলিকতা একটি ভৌগোলিক পরিবেশে সংহত কোন উপজাতি বা ethnic group-এর মধ্য থেকে গড়ে উঠেছে। বাঙালী ভাষা ও রুচিতে একটি জাতি। কিন্তু তথাপি সেখানে জেলা বা অঞ্চল-গত যে উপভাষা আছে এবং তা বলার এক বিশেষ সুর বা intonation আছে তাতে যে সব উপজাতি বা খণ্ডজাতির মিশ্রণে বাঙালী জাতির উৎপত্তি হয়েছে তাদের সাক্ষ্য মেলে। সুরের ব্যাপারে তা আরো সত্য। সকলেই জানেন

সুরসম্প্রদায়ের কথা। শুদ্ধ ও বিকৃত মিলে বারটি স্বর অবলম্বনেই বিশ্বের সমস্ত সুরের সৃষ্টি। এই স্বরগুলি দীর্ঘদিনের ক্রমবিবর্তনের ভিতর দিয়ে এসেছে। অতি আদিম জাতির সুর দু'টি কি তিন স্বরেই আবদ্ধ থাকতো। আজো ত্রিস্বরিক এবং চতুঃস্বরিক উপজাতীয় সুর পাওয়া যায়। মুণ্ডাদের ভূমিজ সম্প্রদায়ের গান শুনেছিলাম তার সুর ত্রিস্বরিক। যেমন—

গা ১১ | সা গা ১ | রা রা ১ | সা ১১ | সা সা ১ | সা সা ১ | সমা ১১ |

আসামের বড়োজাতির গান চতুঃস্বরিক। যেমন (দ্রুতলয়)—

সা সা সা | গা রা ১ | রা রা রা | পা ১ ১ | গা গা ১ | রা রা ১ | প্. ১ ১ |

সা সা সা | গা রা ১ | রা রা রা | পা-১-১ | গা গা ১ | রা রা ১ | সা ১ ১ |

অধিকাংশ লোকসঙ্গীতই পঞ্চস্বরিক বা ঔড়বজাতীয়। কিন্তু স্বরের আরোহণ, অবরোহণ, সঙ্গীত ও বিসঙ্গীতের টানাপোড়েনে এক একটি জাতির লোকসঙ্গীতে এমনি একটি melodic pattern বা স্বর-নক্সা তৈরী হয় যে সেই বিশেষ জাতির বৈশিষ্ট্যের সঙ্গে তাদের সামগ্রিক জীবনের সঙ্গে সেই সুরটি জড়িয়ে থাকে। যতোই তার নানারকমের গান থাকুক না—ঐ সুরটির ফ্রেম থেকে যেন সে বেরিয়ে যেতে পারে না। বিশেষ ভৌগোলিক সীমা ও ভাষানিবদ্ধ একটি জাতির সেটাই মূলস্বর। আসাম উপত্যকায় যতো রকম গানই থাকুক তার প্রাণকেন্দ্র হলো বিহ। বিহ ঔড়বজাতীয়। সা জা মা পা গা স'। স্বর, কোমলগাঙ্গার, মধ্যম, পঞ্চম ও কোমল নিখাদ। ধানিরাগের স্বরবিজ্ঞানের সঙ্গে এর সাদৃশ্য বনিত। নেপালীদের যত গান আছে তা নীচের পর্দাগুলিকেই অনুসরণ করে :

সা রা মা পা ধা স'।

হুবহু দুর্গারাগের পর্দায় তা পড়ে। যদিও চলনের ঢঙ কিছুটা পৃথক। কিন্তু বহু গোষ্ঠী ও উপজাতির মিলন ও সমন্বয়ে একটি ভাষানিবদ্ধ জাতি উপজাতিদের সুর সমন্বয়ে একটি বিশেষ Melodic Pattern-এর জন্ম দেয়। প্রাচীন সংহত গোষ্ঠীসমাজের cohesion ভেঙে এককেন্দ্রিক রাষ্ট্রপ্রতিষ্ঠার ভিজিতে যে Nationality গড়ে উঠে তার ধারা বিবিধ। যেমন ভাষার দিক দিয়ে বিভিন্ন উপভাষা অতিক্রম করে একটি গৃহীত মাতৃভাষার সুরে একটি জাতি ঐক্যবদ্ধ হয়, পাশাপাশি তেমনি স্থানীয় উপভাষাগুলি নিজ প্রকাশভঙ্গীতে বেঁচে থাকে এবং উপরোক্ত ধারাকে সমৃদ্ধ করে। সঙ্গীতের ক্ষেত্রেও National melodic pattern-এর মধ্যে Zonal characteristics নিয়ে আঞ্চলিক

লৌকিক প্যাটার্নগুলি বেঁচে থাকে। লোকসঙ্গীত গবেষকদের সেই আঞ্চলিক বৈশিষ্ট্যগুলির দিকে বিশেষ নজর দিতে হবে।

বাংলাদেশের পূর্ববঙ্গের মূল মেলোডি হলো ভাটীয়ালী, উত্তরবঙ্গের তেমনি ভাওয়াইয়া, মধ্যবঙ্গের মূল গীতরীতি হলো বাউল। এখানে আমি বাউল দর্শনের কথা বলছি না, তার সুর-রীতির কথা বলছি। পূর্ববঙ্গেও বাউল আছে তবু ভাটীয়ালীর প্রভাবে তার নিজস্ব গীতরীতি হারিয়ে ফেলেছে। আর পশ্চিম প্রত্যন্ত রাঢ় বাংলার গীতরীতি—একে আমরা ঝুমুর রীতি বলতে পারি (যদিও তা বিচারসাপেক্ষ)। অবশ্য বাউল ভাটীয়ালী ও ভাওয়াইয়ায় যে ঐক্যাত্মক আমরা পাই ঝুমুরে তা পাই না। তার উপজাতীয় বৈশিষ্ট্য বাংলা সুরের সাধারণ স্রোতে মিশে একটি ধারার সৃষ্টি করতে পারেনি।

বাংলাদেশের লোকসঙ্গীতে একটা জিনিস লক্ষণীয়। তা হলো সপ্তস্বরের খেলা। তারও ‘বন্দিশ’ উপরোক্ত অঞ্চলগত ভাবে বিভক্ত। দৃষ্টান্তস্বরূপ এখানে ভাটীয়ালীর সংক্ষিপ্ত আলোচনা করতে চাই। ভাটীয়ালীর সাধারণ রূপ হলো

সা রা মা—পা ধা গা ধা পা ধা মা—পা মা গা রা স গ্ ধ্—ধ্ সা—সা রা  
গা—মা গা রা সা রা—সা।

প্রচলিত ঝিঁঝিট রাগের সঙ্গে তার সাদৃশ্য লক্ষণীয়। যাহোক, ভাটীয়ালীর উপরোক্ত রাগের মধ্যে সিলেট, ত্রিপুরা, ময়মনসিং প্রভৃতি অঞ্চলে তার চলনের বিশেষ বিশেষ রূপ ও গায়কী নিয়ে ভাটীয়ালীর আঞ্চলিক নামকরণ করা যায়। পূর্ববাংলার কোন কোন অঞ্চলে ভাটীয়ালীতে অবরোহণে কোমল গাঙ্কারের স্পর্শ তাকে অপূর্ব মাধুর্যমণ্ডিত করেছে। আবার কোন কোন অঞ্চলে উত্তরবঙ্গে টপ্পাটপে স্তম্ভ কাজ একটি বিশেষ রূপ নিয়েছে। সাধারণত ভাটীয়ালীতে আছায়ী ও অন্তরা ছাড়া অন্ত কিছু থাকে না এবং খাদে মৈবতের নীচে যায় না এবং সেখানে বিরতি নেয়। কিন্তু কোন কোন অঞ্চলে ভাটীয়ালীতে সঙ্কারীও দেখতে পাওয়া যায় যা খাদের পঞ্চম পর্বন্ত নেমে বিরতি নেয়। এ হলো ভাটীয়ালী ‘রাগের’ আভ্যন্তরীণ বৈচিত্র্য। ভাওয়াইয়া অঞ্চলকেও এভাবে বিশ্লেষণ করা যায়। যেমন গোয়ালপাড়া ও কুচবিহার অঞ্চলের ভাওয়াইয়ার পার্থক্য। বাউলেও মধ্যবঙ্গের লালনশাহী এবং বীরভূমের বাউলের মধ্যে সুরের পার্থক্য লক্ষণীয়। আমাদের কানে যা বিহারের দেহাতী গান বলে পরিচিত তাদের কাছে তা মৈথিলী, মগধী ও ভোজপুরী ‘ঘরানা’য় বিভক্ত। এই যে আঞ্চলিক বৈচিত্র্য লোকসঙ্গীতের গায়কীর সেটাই প্রাণ। সেই প্রাণধারার বৈচিত্র্যকে বাঁচিয়ে রাখা আজ



আমাদের একটি মৌলিক কর্তব্য। নগরের প্রতিকূলশক্তি এই বৈচিত্র্যকে ভেঙে ফেলার চেষ্টা করছে।

আর একটি কথা এই প্রসঙ্গে মনে রাখতে হয়, লোকসঙ্গীত থেকে যেমন রাগসঙ্গীতের উৎপত্তি তেমনি রাগসঙ্গীত লোকসঙ্গীতকে চিরদিনই প্রভাবান্বিত করেছে। চর্যার কাল থেকে বাংলা দেশে যে রাগসঙ্গীতের ধারা প্রবাহিত, সে সম্বন্ধে বলবার অধিকারী ধারা সেইসব গুণীব্যক্তিরা আলোচনা করেছেন। তাঁদের বক্তব্যের উপর নির্ভর করে আমরা বলতে পারি সেই ধারা থেকে বাংলার লোকসঙ্গীত সম্পূর্ণ বিচ্ছিন্ন সমান্তরালভাবে চলেনি। চলতে পারে না। কারণ বাংলায় রাগসঙ্গীতের বিকাশ দরবারী ঘরানায় আবদ্ধ ছিল না। পূর্ববঙ্গে ছোটবেলা থেকে আমরা দেখেছি বিয়েতে কিংবা কোন উৎসবে গ্রামের বাস্তকর বা নাগাটি প্রেণীর শিল্পীদের বাঁশীতে বা সানাইতে চলতো বিশুদ্ধ রাগরাগিণীর আলাপ ও বিস্তার। যাত্রাগানের বিবেক চিরদিনই বিশুদ্ধ রাগে গান করতো। তাছাড়া লোকসঙ্গীতের বাইরেও কিছু গ্রাম্য রচয়িতা ছিলেন যাদের রচিত গান গ্রামে গ্রামে ছড়িয়ে পড়েছিল। দৃষ্টান্তস্বরূপ ঢাকার দ্বিজদাস কিংবা ত্রিপুরার মনোমোহনের কথা উল্লেখ করতে পারি। বিশুদ্ধ রাগরাগিণীতে তাঁরা গান রচনা করে গেছেন। তাঁদের রচিত সেইসব গান গ্রামের লোকের মুখে মুখে ছিল। তার প্রভাব আমাদের লোকসঙ্গীতেও দেখতে পাই। সঙ্গীতাচার্য সুরেশ চক্রবর্তী মহাশয় ডাটওয়ালীর সঙ্গে কঁসোলী ঝিঁঝিট রাগিণীর সাদৃশ্যের কথা বলে বলছেন, বাংলাদেশে বিশেষত পূর্ববঙ্গের গীতবীতিতে ঝিঁঝিটের প্রভাব অসামান্য। এই কথা বলেই তিনি মন্তব্য করেছেন : ‘আমাদের মনে হয়, এই শেষোক্ত প্রকার ঝিঁঝিটের মূল রয়েছে এই পল্লীসঙ্গীতের মধ্যেই।’ কাজেই নীচ থেকে লোকসঙ্গীতের বিকাশ এবং উপর থেকে রাগসঙ্গীতের প্রভাব এই দুয়ের সমন্বয়ের সীমারেখা টানা খুব কঠিন। যাহোক বাংলাদেশের লোকসঙ্গীতে ভৈরবী, দেশ, ঝিঁঝিট, ভীমপলতী প্রভৃতি রাগের প্রভাব পাওয়া যায়। কিন্তু যতোই তার প্রভাব থাক, লোকসঙ্গীতের ছন্দ ও গায়কী তার নিজস্ব, এবং সেটাই তাকে স্বাভাব্য এনে দিয়েছে। তাকে কোন রাগিণী নিবন্ধ সরগমে ফেলা যায় না।

লোকসঙ্গীত এক জায়গায় বসে থাকে না। তা পরিবর্তনশীল। কিন্তু তার পরিবর্তনের একটা নিজস্ব ধারা আছে। বাইরে থেকে কেউ তা করতে গেলেই তা বিচ্যুত এবং বিকৃত হয়ে পড়ে। ‘তাঁদের নিজের জীবনের সঙ্গে ওতপ্রোত যুক্ত তাদেরই আপন শিল্পী এক সামগ্রিক স্বীকৃতি ও অহুমোহনের মধ্যে অলঙ্ক্য

এবং অচেতনভাবে সে পরিবর্তনের পথে কাজ করেন। বাইরে বসে কোন শিক্ষিত সুরকারের নিজের খুশিমতো লোকসঙ্গীত সংস্কারের কাজে হাত দেবার কোন অধিকার নেই। কৃষিনির্ভর সমাজে ধনিকতন্ত্রী অর্থনীতি যে চরম অব্যবস্থা সৃষ্টি করেছে তাতে লোকসঙ্গীতে বিকৃতির অনবরত অল্পপ্রবেশ ঘটছে। সেখানে পরিবর্তনের তত্ত্ব অহুসঙ্কানের চেয়ে আত্মরক্ষাটাই প্রধান হয়ে দেখা দিয়েছে আজ।

এখানেই শহরের বিশেষ করে আকাশবাণী নিয়োজিত কিছু তথাকথিত লোকসঙ্গীত রচয়িতার কথা বলতে চাই। তাঁরা কেউবা রচনা করেন কথা, কেউবা আবাব সুর সংযোজনা করেন। “পুরাতন” লোকসঙ্গীতের পাশাপাশি এঁরা চালু করেছেন ‘আধুনিক’ লোকসঙ্গীত। প্রথম কথা লোকসঙ্গীতে কথা ও সুরের রচয়িতা কখনো ভিন্ন হতে পারে না। দ্বিতীয়ত লোকসঙ্গীতে জনতার যুগ আসার পরেও সুর সামগ্রিক সৃষ্টি হিসাবেই রয়ে গেছে—একক সুরদাতা কেউ হতে পারে না। ঐতিহ্যবাহী লৌকিকসুরে পরবর্তীকালে কোন কোন পল্লীবচয়িতা নিজস্ব ঢঙ সৃষ্ট কবেছেন। যেমন ময়মনসিংহের বিখ্যাত জালালের গান। আমরা ভাটগালালীতে একে জালালী ঢঙ বলি। কিন্তু মূলসুর লৌকিক সামগ্রিক সৃষ্টি। যদি গ্রামোফোন কোম্পানীর কোন লোকসঙ্গীতের বেকর্ডে কিংবা আকাশবাণীর কোন লোকসঙ্গীতে তথাকথিত রচয়িতা সুরে নিজের নাম ব্যবহার করেন তখন তা শুধু হান্তকর অনৈতিহাসিক ব্যাপারই নয়, বীতিমত সামাজিক অপরাধ বলে আমি মনে করি। তাছাড়া এ ধবণের রচনাও অচল। প্রচলিত গানেরই সামান্য অদলবদল। শ্রামকে ‘কাল’ আর ‘কাল’ কে শ্রাম বলাব মত। কেউ কেউ আবাব গ্রাম্যভাবাব সাথে সাধুভাষার অপূর্ব মিশ্রণ ঘটিয়ে শহরে লোকসঙ্গীত বচনা করেন। আমাদের অসুস্থ লোকসঙ্গীতের ভাণ্ডাব কি উজ্জাদ হয়ে গেল? বেডিও ও গ্রামোফোন কর্তৃপক্ষের এই যথেষ্টাচারের বিরুদ্ধে সজ্জবন্ধ প্রতিবাদ প্রয়োজন।

এবাব লোকসঙ্গীত পরিবেশন সম্বন্ধে দু’একটা কথা বলতে চাই। যখনই মঞ্চ এবং মাইক এসে যায় তখনই মুক্তপ্রাস্তরে গান গাইবার অবাধ ভঙ্গীটিকে সীমায়িত করার প্রস্ন এসে যায়। তবু যে কয়টি উপকরণ লোকসঙ্গীতকে জাতিচ্যুত হবার সজ্জাবনা থেকে রক্ষা করতে পারে সেদিকে আমাদের নজর রাখতে হয়। বহু বিবর্তনের মধ্য দিয়ে সুরের ভাবাহুসঙ্গ হিসাবে যে সব লৌকিক তার, ভবির, আলক ও ঘন যন্ত্রের বিকাশ হয়েছে—যেমন একতার, লাউরা, দোতার, খমক, আড়বাঁশী, ঢোল, ঢোলক, খঞ্জনি, মন্দিরা প্রভৃতি আজকাল

শহরের লোকসঙ্গীতের আসরে প্রায় বর্জিত। তার স্থান গ্রহণ করেছে হারমনিয়ম ও তবলা। কমবেশী আমরা সবাই এ অপরাধে অপরাধী। হারমনিয়ম নিয়ে অনেক বিতর্ক হয়ে গেছে। কিন্তু লোকসঙ্গীতের ক্ষেত্রে তার ক্ষতিকর প্রভাব নিয়ে কোন আলোচনা হয়নি। লোকসঙ্গীতের কতকগুলি শ্রুতির ও মীড়ের কাজ আছে যা হারমনিয়ম একেবারে নষ্ট করে দেয়। লোকসঙ্গীতের একটা বিশেষ মুড় বা মেজাজ আছে যার সম্পূর্ণ পরিপন্থী হলো হারমনিয়ম। তবলার বেলাও সে কথা সত্য। ঢোলকের বা লৌকিক ‘পারকাশন’ যন্ত্রের যে বোলবাণী— তবলার তা নয়। লৌকিক তালের ছন্দ তবলায় আসে না। সঙ্গে দোতার বা একতারা বা লাউয়া থাকলে যে গ্রাম্য-পরিমণ্ডল সৃষ্টি হয় তা ব্যতিরেকে শুধু তবলা ও হারমনিয়মে লোকসঙ্গীতে একটা sophistication বা নাগরিক পরিবেশ সৃষ্টি করে যার মাঝখানে লোকসঙ্গীত আপন জলমাটি থেকে সহজেই বিচ্যুত হয়। শহরে তবলাবাদক পাওয়া যায়, ঢোলকবাদক বা দোতারাবাদক পাওয়া দুস্কর। সেটাও একটা অগ্রতম কারণ বটে। কিন্তু তা বলে সহজে কাজ সারার নীতিকে আমরা সমর্থন করতে পারি না। আমাদের গ্রামের গায়করা তারের যন্ত্রেই নিজেদের স্কেল খুঁজে পান, কিন্তু আমরা হারমনিয়ম ছাড়া নিজেদের স্কেল পাই না। আমাদের কাছে আজ তা necessary evil হয়ে দাঁড়িয়েছে। কিন্তু স্কেলের সাহায্যের জগৎ হারমনিয়মকে পিছনে রেখে গায়ক নিজে একটি লাউয়া, একতারা কিংবা পারলে দোতার নিয়ে বসলে এবং ঢোলক বা থমকে ছন্দ রাখলে তবু পরিবেশটা রক্ষিত হয়। কিন্তু তবলার রেলা আর হারমনিয়মের হুড়োর মধ্যে লোকসঙ্গীতের যে পঞ্চস্বপ্রাপ্তি ঘটছে, সেদিকে রসিকজনের দৃষ্টি আকর্ষণ করা আমাদের কর্তব্য। লোকগীত চর্চার সঙ্গে সঙ্গে লোকযন্ত্র চর্চারও সমধিক প্রয়োজন আজ দেখা যাচ্ছে।

এখানে আর একটা কথা বলতে চাই। স্বরে আঞ্চলিকতা রক্ষা শুধু নয় আঞ্চলিক উপভাষার বিশেষ উচ্চারণভঙ্গীটি বজায় রাখার দিকে আমাদের সচেষ্ট হতে হবে। পূর্ববঙ্গে চান্ বা চান্দ-এর যে উচ্চারণ তাকে সাধুভাষায় চাঁদ বললে সমস্ত রসই নষ্ট হয়ে গেল। তারপর পূর্ববঙ্গে দীর্ঘ উচ্চারণ প্রায় নেই। আবার অনেক সময় ‘ও’কার ‘উ’কার হয়ে যায়। ‘তুমার’ জায়গায় সংশোধন করে ‘তোমার’ বললে হবে না। উত্তরবঙ্গের ‘কয়া যাও’-কে ‘কৈয়া যাও’ বললে ভুল হবে। পূর্ববঙ্গের ‘কেনে আইলাম’-কে ‘কেনে আইলাম’ বললেও চলবে না। হুটোম্ব বাড়িয়ে লাভ নেই।

সংগ্রহ ও সমীক্ষা ; গ্রহণ ও বর্জন

আমরা সংগ্রহ করব সব কিন্তু গ্রহণ করব কি সব ? আমাদের কাছে এটি একটি বড় প্রশ্ন। ঐতিহ্যবিচারে গ্রহণের সঙ্গে বর্জনের প্রশ্নও জড়িত আছে। সংস্কৃতিতে সমন্বয় যেমন আছে সংঘর্ষও তেমনি আছে। একথা মনে না রাখলে সমীক্ষা সঠিক হতে পারে না। লোকসঙ্গীতে ওলাবিবি, বনচুর্গা, শীতলামাই থেকে শুরু করে অসংখ্য অপদেবতার স্ততিগান আছে। এগুলি কুসংস্কার ছাড়া আর কিছুই নয়। কিন্তু গানের সুরের মূল্যে এবং রচনায় সমাজচিত্রের দিক দিয়ে শুধু আমাদের তা বিবেচ্য। লৌকিক আচারের উপরে বহুস্থানে শাস্ত্রীয় আচার চাপিয়ে দেওয়া হয়েছে ব্রাহ্মণাধিপত্যে। লোকসঙ্গীত জীবনমুখী, পৃথিবীমুখী। জীবন অসার, বা মানবদেহ অসার, এ হলো উপর থেকে চাপানো আমাদের লোকসঙ্গীতের ঐতিহ্যের পরিপন্থী দর্শনচিন্তা। তাই উত্তরবঙ্গ ও গোয়ালপাড়ার অপূর্ণ মানবিক আবেদনবাহী গানের মধ্যে যখন হঠাৎ শুনি—

হরি বলো মন রসনা

মানব দেহের গৈরব কইরো না।

এ দেহ মাটির ভাণ্ড

ভাঙ্গিলে হইবে খণ্ডে খণ্ড

ভাঙ্গিলে ভাণ্ড জোড়া লাগিবে না। —ইত্যাদি

তখনি খটকা লাগে। ‘বাংলার ব্রত’ পুস্তকে অবনীন্দ্রনাথ ঠাকুর যে দৃষ্টিকোণ থেকে আলোচনা করেছেন আমার মনে হয় সেই দৃষ্টিকোণই হবে আমাদের প্রধান পথ-প্রদর্শক। বাংলার ব্রতকথাকে লৌকিক ও শাস্ত্রীয়—দু’ভাগ করে তিনি খাঁটি ব্রত-কথাকে ‘নৈবেদ্য ও দক্ষিণার লোভী ব্রাহ্মণদের মনগড়া ব্রত’ থেকে উদ্ধার করেন। তিনি লিখেছেন : ‘হিন্দুধর্মের প্রাদুর্ভাবের সঙ্গে লৌকিক ব্রতের চেহারা এমন অদলবদল হয়ে গিয়েছে যে, এখন যে ব্রতগুলি খাঁটি অবস্থায় পাওয়া যাচ্ছে তা অতি অল্প, এবং দু-চারটি ছাড়া সেগুলিও খণ্ড অসম্পূর্ণ অবস্থায় আমরা পাই।’ অবনীন্দ্রনাথ দুটি ব্রতের ছড়া তুলনামূলকভাবে বিশ্লেষণ করেছেন। খাঁটি ব্রতকথা :

রণে রণে এয়ো হব, জনে জনে স্রো হব

আকালে লক্ষ্মী হব, সময়ে পুত্রবতী হব ॥

সেই সঙ্গে নিচের শাস্ত্রীয় প্রশ্নাম মন্ত্র :

বহুমাতা দেবী গো, করি নমস্কার ॥

পৃথিবীতে জন্ম যেন না হয় আমার।

তুলনা করে অবনীন্দ্রনাথ মন্তব্য করেছেন : ‘এই যে পৃথিবীর বা কিছু তার উপরে ঘোর বিতৃষ্ণা...এটা বেদেরও নয় ব্রতেরও নয়।’

অবনীন্দ্রনাথের যে বৈজ্ঞানিক এবং তীক্ষ্ণ ঐতিহাসিক দৃষ্টি বাংলার ব্রত বিশ্লেষণে আমরা দেখতে পাই, দুঃখের বিষয় তাঁর সমকালীন কিংবা পরবর্তী লোকসাহিত্য গবেষকদের মধ্যে তা পাই না। বর্ণসংঘাত ধর্মসংঘাত প্রভৃতির অন্তরালে যে শ্রেণীসংঘাতের পরোক্ষ ধারাটি লোকসংস্কৃতিতে প্রবহমান, সেদিকে কেউ দৃষ্টি দেন না। বাংলার প্রগতি লেখক ও শিল্পী আন্দোলনের প্রথম পর্বে ১৯৪৫ ইংরাজীতে ডঃ ভূপেন্দ্রনাথ দত্ত তাঁর ‘সাহিত্যে প্রগতি’ গ্রন্থে অসম্পূর্ণভাবে হলেও এ বিষয়ে কিছুটা আলোচনা করেন। তিনি পাল-যুগের আলোচনা করে লেখেন : ‘পরের যুগের ব্রাহ্মণেরা বাঙ্গালীর শৌর্য্যবীর্যের ও গুণগরিমার চিহ্ন একেবারে মুছিয়া দিয়াছে। এখন ‘ধান ভানতে মহীপালের গীত’-এর পরিবর্তে ‘শিবের গীত’ গাওয়া হয়। চৈতন্যচরিতামৃত দ্বৈতের সহিত বলা হইয়াছে,

জোগীপাল ভোগীপাল মহীপাল গীত

শুনে সব লোকে আনন্দিত।...

‘হাজার বৎসর পূর্বে বাংলায় বৌদ্ধরাষ্ট্রিক প্রাধান্যের যে সব প্রতিভূ ছিল তাহার কোন চিহ্ন আজ নাই। ইহা হইতেছে ভীষণ শ্রেণীসংগ্রামের একটি নির্মম দৃষ্টান্ত। দশম শতাব্দীতে এই সংগ্রাম ধর্মসংগ্রামরূপে প্রকাশ পায়। বাংলায় ছড়া

আগডোম বাগডোম ঘোড়াডোম সাজে—

... ..

সাজতে সাজতে পড়ল সাড়া

সাড়া গেল বামুনপাড়া।

সেই সংগ্রামের স্মৃতি জাগাইয়া রাখিতেছে।’

ডঃ ভূপেন দত্ত বর্ণিত শ্রেণীসংগ্রাম যে কত সত্য তার প্রমাণ পরবর্তীকালে ব্রাহ্মণাধিপত্যে এই ছড়া থেকে ‘সাড়া গেল বামুনপাড়া’ এই কলিটি একেবারে সেন্সরের কাঁচিতে গুম্ব করা হয়েছে। রবীন্দ্রনাথ লোকসাহিত্যে এই ছড়ার যে কয়টি পাঠ লিপিবদ্ধ করেছেন কোথায়ও সেই কথাগুলি নেই। ডক্টর আব্দতোষ ভট্টাচার্য তাঁর ‘বাংলার লোকসাহিত্য’ গ্রন্থে ‘আগডুম বাগডুম’-এর আটটি পাঠ সংগ্রহ করেছেন। কিন্তু আশ্চর্য্য তারও কোথাও ‘সাজতে সাজতে পড়ল সাড়া, সাড়া গেল বামুনপাড়া’ এই দুই ছত্র নেই। সেই জায়গায় আছে, ‘বাজতে বাজতে

এল ডুলি, ডুলি গেল সেই কমলাপুলি।' সেইজন্য রবীন্দ্রনাথ তাঁর লোকসাহিত্যে এ বিষয়ে মন্তব্য করেন : 'আগডুম বাগডুম ঝোড়াডুম সাজে' এই ছত্রটির কোনো পরিষ্কার অর্থ আছে কিনা জানি না, অথবা যদি অল্প কোনো ছত্রের অপভ্রংশ হয় তবে সে ছত্রটি কী ছিল তাহাও অনুমান করা সহজ নহে।'.....অথচ মূল ছত্র দু'টি থাকলে রবীন্দ্রনাথের পক্ষে তার অর্থ উদ্ধার অতি সহজ হতো। যাহোক এই একটি দৃষ্টান্ত থেকেই আমরা 'পুনরুদ্ধার' ও পুনর্বিবেচনের দায়িত্বের গুরুত্ব বুঝতে পারি। বহু গান আছে যা আধ্যাত্মিক বা দেহতত্ত্ব বলে বলা হয় মূলত তা সামাজিক অত্যায়েব বিরুদ্ধে রূপকের সাহায্যে পরোক্ষ প্রতিবাদ।

লোকসঙ্গীত ও আন্তর্জাতিকতা

কিছুদিন আগে একটি বিশেষ লোকসঙ্গীতের প্রতিষ্ঠানের পক্ষ থেকে তাব সম্পাদক আমার কাছে আসেন সেই প্রতিষ্ঠানের বিষয় আলোচনা করতে। সেই প্রতিষ্ঠানের সঙ্গে যুক্ত আছেন বিশ্ববিদ্যালয়ের নামকরা কয়েকজন অধ্যাপক। সেই প্রতিষ্ঠানের আদর্শ ও উদ্দেশ্য ঘোষণার প্রথম ছেইই আছে : 'বিষয়-বৈচিত্র্যে ও ভাব-ঐশ্বর্যে বাংলার লোকসঙ্গীত ভাবতবর্ষের যে কোন প্রদেশের লোকসঙ্গীত অপেক্ষা শ্রেষ্ঠত্বের দাবী রাখে।' আমি তাঁকে প্রশ্ন করলাম কোন মাপকাঠিতে বাংলার শ্রেষ্ঠত্ব প্রমাণ কবলেন? বিশ্ববিদ্যালয়ের সাহিত্যে উচ্চ ডিগ্রি থাকা সত্ত্বেও দেখা গেল অত্যান্ত প্রদেশের লোকসাহিত্য সম্বন্ধে তিনি একেবারে অজ্ঞ। নিজের মনের বদ্ধমূল ধারণা ছাড়া কোন যুক্তিই তিনি হাজির করতে পারলেন না। সাহিত্যিক বিচার কিংবা সঙ্গীতিক বিচার যে কোন দিক দিয়েই ভারতের অত্যান্ত প্রদেশের লোকসঙ্গীত বাংলাদেশ থেকে নিম্ন-পর্যায়ের—একথা চিন্তা করা শুধু অজ্ঞতাপ্রসূত নয়, জাত্যভিমানজাত। যে বাংলাদেশের বিদগ্ধ সাহিত্যে বা নাটকে 'কমিক রিলিফ' দেবার জন্য ওড়িয়া চরিত্র কিংবা বিহারী চরিত্র আনা হয়—সেই বাংলাদেশের কিছু লোকসঙ্গীত-দরদী বুদ্ধিজীবী নিজেদের লোকসঙ্গীত সম্বন্ধে এ ধরনের দূষিত মারাত্মক ধারণা প্রকাশ করবেন তাতে আশ্চর্য হবার কিছু নেই। কিন্তু আমাদের লোকসাধারণ তার সাহিত্যে এমনি জাত্যভিমানের পবিচয় দেয়নি কখনো। শত জাত-পাত ও ধর্মবিভক্ত সমাজে লোককবি গেয়েছেন :

নানা বরণ গাজীয়ে তার একই বরণ দুধ

জগৎ ভরমিয়া দেখলাম একই মায়ের পুত।

বিভিন্ন সর্বজাতীয় সম্মেলনে আসাম থেকে আরম্ভ করে বাংলা বিহার উড়িষ্যা উত্তর প্রদেশ পাঞ্জাব গুজরাট রাজপুতনা মহারাষ্ট্র ভারতের কত প্রদেশের লোকসঙ্গীত শুনেছি—ও বিশ্বয়ে ভেবেছি একই প্রাণধারার কী বিচিত্র বর্ণাঢ্য অভিব্যক্তি! সেখানে যে স্বরের রামধনুটি রচিত হয় তাতে প্রত্যেক জাতি যে রঙ লেপন করে তার মেলোডির যে মেজাজ সে তার একান্ত নিজস্ব—অন্য জাতির চেয়ে তা নিম্ন না উচ্চ এ বিচার আসতেই পারে না। যদি কেউ বলেন বাংলা লোকসঙ্গীতে সাতটি স্বরের খেলা কাজেই পঞ্চস্বর ঔড়বজাতীয় লোকসঙ্গীত থেকে তা শ্রেষ্ঠ তাঁকে বলবো তাহলে ঔড়বজাতীয় মালকোষ রাগ সম্পূর্ণজাতি ইমন থেকে নিম্নশ্রেণীর। পাগল ছাড়া অন্য কেউ তা বলবে না। যাক পূর্বেই বলেছি বঙ্গমূল জাত্যভিমানজাত যা, তা যুক্তির ধার ধারে না। বিহারের কিছু ভোজপুরী গান আমার সংগ্রহের মধ্যে আছে। বাংলাদেশে শিক্ষিত সমাবেশে এ গান করে দেখেছি অনেকেই তাতে যতটা কৌতুক বোধে হাততালি দেন রসবোধে ততটা নয়। ভাবটা যেন, বিদগ্ধ পরিবেশে ঠেলাওয়ালার, রিক্সাওয়ালার, মটরগাড়ির গান—মজার ব্যাপারই বটে। অথচ কোলকাতা শহরে চলতে চলতে যদি কখনো লোকসঙ্গীতের একক রেশ কানে আসে কিংবা সমবেত সমষ্টি আবেগমণ্ডিত লোকগীতি শুনতে পাই তা হলো হাড়ভাঙা ঋষিশ্রমের শেষে মিলিতভাবে গীত ঢোলক ও করতাল সমন্বিত বিহারের প্রাণস্পন্দিত দেহাতী গান। বাংলা লোকসঙ্গীত তো কোলকাতায় বাঙালী বসতিতে আর শুনতে পাওয়া যায় না। হোলীর সময় বসন্তের দুঃস্বপ্ন প্রাণাবেগে গীত পূর্ববঙ্গের হোরী গান কোলকাতায় রঙ ছোঁড়াছুঁড়ির সময় আমরা শুনি না—আকাশবাণীতে ভূ-সাজানো গান কয়েকটি ছাড়া, কিন্তু কোলকাতায় হোলীর সময় বিহারীদের হোলীগানে প্রাণ নেচে ওঠে। এ অভিজ্ঞতা আপনাদের সকলের আছে।

যাহোক আমাদের এ বিষয়ে সতর্ক থাকতে হবে এবং সমস্ত সংকীর্ণ জাতীয়তাবাদকে পরিত্যাগ করতে হবে, কারণ তা লোকসঙ্গীতের সম্পূর্ণ পরিপন্থী। এ শুধু ভারত বা পাকিস্তান সম্পর্কে নয়। সারা বিশ্বের লোকসঙ্গীত সম্পর্কে আমাদের হতে হবে এমনি অন্ধাঙ্গুণ।

লোকসঙ্গীতের ভবিষ্যৎ

আজকাল লোকসঙ্গীত নিয়ে ধারা চর্চা করেন তাঁদের মধ্যে কেউ কেউ বলেন : ‘গরুর গাড়ির জায়গায় আজকাল রেলগাড়ি ও মোটরগাড়ি এসেছে।

পরিবহনের সুব্যবস্থার ফলে শহর ও গ্রামাঞ্চলের দূরত্ব ও ব্যবধানের সকল বাধা দূর হয়েছে। লোকসঙ্গীত আগে ছিল নিরক্ষর পল্লীবাসীর রচনা। কিন্তু গ্রামে বর্তমানে দ্রুতগতিতে শিক্ষাসম্প্রসারণ ঘটেছে।...তাই বিশ-পঁচিশ বছর আগেও বাংলার লোকসঙ্গীতের ভাবধারা ও প্রকাশভঙ্গী যে ধরনের ছিল আজকে তার কিছুটা পরিবর্তন সংঘটিত হয়েছে। আজকের লোকসঙ্গীতের ভাব ও ভাষায় শিক্ষা ও সংস্কৃতির স্পর্শ যেন ক্রমশঃই স্পষ্ট হয়ে উঠছে। সেখানে চলতি কথায় বলতে গেলে হয়তো বলতে হবে কেমন যেন শহরে শহরে ভাব। এ ধরনের মস্তব্যে বেশীর ভাগ ক্ষেত্রে যে ভাবের প্রাধান্য থাকে তাকে বিরূপতাই বলা যেতে পারে। কিন্তু সত্যিই কি বিরূপতার কারণ কিছু আছে এর মধ্যে? এই ধরনের চিন্তা লোকসঙ্গীতের বিকৃতিরই সমর্থন করছে। কাজেই আমাদের মধ্যে এ বিষয়ে আলোচনা হওয়া দরকার। পূর্বের আলোচনায় লোকসঙ্গীতের সংকটের যে রূপটা আপনাদের সামনে তুলে ধরতে চেষ্টা করেছি, উপরোক্ত বিশ্লেষণটি ঠিক তার বিপরীত। গ্রাম ও শহরের দূরত্ব পরিবহনে কমে আসলেও আর্থিক বন্টনে সে দূরত্ব বেড়ে গেছে অনেক। পল্লীতে শিক্ষার জোলুস উপবে উপরে সংখ্যাতত্ত্বে কিছুটা বাড়লেও অশিক্ষা ও কুশিক্ষার অন্ধকাব বেড়েছে অনেক বেশী। নিরক্ষরতা ও অশিক্ষা এক জিনিস নয়।

পল্লী আগেরই মতো কৃষিনির্ভর এবং কৃষকসমাজে যদি কোন পরিবর্তন এসে থাকে তবে তা পরিবর্তন না বলে বলা উচিত বিপর্যয়। সাংস্কৃতিক দিক থেকে যদি কিছু পরিবর্তন এসে থাকে তবে গ্রামে গ্রামে সংস্কৃতির পুরাতন মাধ্যম যাত্রা-কথকতার চেয়ে আধিপত্য হাটে বা গঞ্জে সিনেমা ভবনগুলির—যেখান থেকে বিকৃত রুচি আজ পরিবেশন করা হচ্ছে। পরিবর্তন বলে থাকে বলা হয় তা হলো অরাজকতাপ্রসূত বিকৃতি। সেই কথা বলেই আজকের এই আলোচনা শুরু কবেছিলাম।

জাতীয় সংস্কৃতি বিকাশের দুটি প্রধান ধারা। আপাতদৃষ্টিতে তা পরস্পর বিপরীত। কিন্তু এই বৈপরীত্যের ঐক্যই সূঁচু বিকাশের গতিবেগ সৃষ্টি করে। একটি ধারা কেন্দ্রাতিগ (Centrifugal), অন্যটি কেন্দ্রাভিমুখ (Centripetal)। ভাবতবর্ষের মতো বহুভাষা, বহুজাতি ও উপজাতি অধ্যুষিত দেশের পক্ষে এ আবো সত্য। উচ্চাঙ্গসঙ্গীত, নৃত্য ইত্যাদির যেমন একটা সর্বভারতীয় কেন্দ্রমুখী রূপ আছে, তেমনি লৌকিক ঐতিহ্যের রূপটা কেন্দ্রাতিগ আঞ্চলিক-স্থানীয় বৈশিষ্ট্য নিয়েই বিকশিত হচ্ছে। আমাদের দেশের অগণিত জনসাধারণ



যেদিন সত্যি সত্যি নিজেদের ভাগ্যবিধাতা হবে সেদিন তার সংস্কৃতির বহুবিচিত্র সহস্রদল বিকাশ দেখে একতন্ত্রীরা প্রতিবাদ করতে পারেন কিন্তু ভারতের সেটাই সত্যিকার ভবিষ্যৎরূপ। বহু উপজাতি ও খণ্ডজাতি নিজেদের সংস্কৃতির বৈশিষ্ট্যের স্বীকৃতি ফিরে পাবে। বহু হারানো লৌকিক ঐতিহ্যের দিকে চোখ ফিরবে। আজকের অরাজক ধনতান্ত্রিক বিকাশে লোকসঙ্গীতে যেটুকু বিকৃতি এসেছে তা থেকে তাকে মুক্ত করার সংগঠিত প্রয়াস চলবে। আজ চারিদিকে বিভিন্ন ভাষার দাবী দেখে যারা ভারতের বিভক্তির ভয় পাচ্ছেন তাঁরা জাতি বিকাশের এই স্বাভাবিক ধারাটিকে স্বীকার করেন না।<sup>১</sup> হিন্দীভাষাভাষীর বিহার বলে থাকে আমরা জানতাম তার মধ্যে আজ ভোজপুরী, মগধী ও মৈথিলী ভাষার সাহিত্য সৃষ্টি হচ্ছে।

ভাষার বিকাশের সাথে আমি সঙ্গীতের বিকাশের ধারা মেলাতে চাইছি না। ভাষার সমস্ত আরো জটিল এবং স্বতন্ত্র। লোকসঙ্গীতের যে স্বাভাবিক বিকাশ ঔপনিবেশিক কৃষিব্যবস্থায়, শিক্ষিতের উন্নাসিকতায় ভ্রান্ত মূল্যবোধে নিকর হয়েছিল, বিশেষত ধনতান্ত্রিক অসম বিকাশে যে অল্পমূল্য উপজাতিগুলি উন্নত জাতির মধ্যে নিজেদের বৈশিষ্ট্য হারিয়ে ফেলেছিল, আজকের সমাজব্যবস্থা বিলুপ্ত হয়ে যেদিন এদেশে সত্যি সমাজতন্ত্র প্রতিষ্ঠা হবে তখন নিজেদের হারানো ঐতিহ্যকে উদ্ধারের জন্য নিজেদের বৈশিষ্ট্যের পূর্ণ বিকাশের পথে এক বিরাট পদক্ষেপ শুরু করবে। অক্টোবর বিপ্লবের পর সোভিয়েটে অসংখ্য জাতি ও উপজাতির সংস্কৃতির বহুমুখী বিকাশের খবর আপনারা জানেন। সেখানে অর্থনীতির ক্ষেত্রে তখন চলছিল অতিক্রম গতিতে আধুনিক যন্ত্রশিল্পের সম্প্রসারণ। কাজেই ‘গরুর গাড়ির জায়গায় রেলগাড়ি’ আসার সঙ্গে সঙ্গেই লোকসঙ্গীতে কিন্তু রেলের সিটি শুনা যায়নি। বিশেষত সচ্যোমুক্ত ঔপনিবেশিক এবং অর্ধ-ঔপনিবেশিক এশীয় দেশগুলি সম্বন্ধে তা আরো সত্য।

পাশ্চাত্যের কোন কোন ধনতান্ত্রিক দেশে যন্ত্রশিল্পের সামগ্রিক বিকাশেব জন্য লোকসঙ্গীত প্রায় গবেষণারই বস্তু হয়ে বেঁচে আছে। কিন্তু আমাদের দেশে এখনো একান্তভাবে কৃষিনির্ভর এবং সেই কৃষিতে ‘মেকানাইজেশন’ কিছুই হয়নি। আজো আমাদের পল্লী অঞ্চলে অসংখ্য গানের জন্ম হচ্ছে। শুধু গানের নয়, উপকথার এবং গীতিকারেরও। মাত্র কিছুদিন আগে সমস্ত পূর্ববঙ্গে ঝড়ের গতিতে যে গীতিকাটি জনচিহ্ন তোলপাড় করেছিল সে হলো ‘রূপবান’। কে তার রচয়িতা কেউ জানে না, অথচ এ গীতিকা বা ‘পালা গান’ শোমেনি

এমন লোক পূর্ববঙ্গে পাওয়া যাবে না। তারও কয়েক বৎসর আগে ঠিক এমনভাবে ‘গুনাইবিবির’ গান ছড়িয়ে পড়েছিল। এই প্রেমোপাখ্যানমূলক গীতিকাগুলি পাকিস্তানে মোল্লাদের এবং তাদের চাপে সরকারের আক্রমণের বস্তু হয়েছিল। সে খবর হয়ত আপনারা জানেন। কাজেই ফোক্লোর সম্বন্ধে পাশ্চাত্যের গবেষক চার্লস ফ্রান্সিস পটারের উক্তি উদ্ধৃত করে : Folklore is a lively fossil, which refuses to die—অর্থাৎ লোকসংগীত হচ্ছে ‘মৃত অ-মৃত’ বলে যারা সংজ্ঞা দেন তাঁদের এই সংজ্ঞা অনুমোদনের দেশে প্রযুক্ত হতে পারে না। লোকসঙ্গীত গবেষণা ময়নাতদন্ত নয়। এ জীবন-বিজ্ঞান।

তবু একটা প্রশ্ন থেকে যায়। ভবিষ্যতে যেদিন বিজ্ঞানের পূর্ণ বিকাশে শ্রেণীহীন সমাজে গ্রাম ও শহরের পার্থক্য থাকবে না, কৃষি ও শিল্পের তফাত ঘুচে যাবে, কার্টের লাঙল এবং পালের নৌকা হবে মিউজিয়ামের বস্তু, Manual labour এবং Intellectual labour—কায়িক ও মানসিক শ্রম বলে শ্রমের দুই সংজ্ঞা থাকবে না, সেদিনও কি বিদ্যুৎ সঙ্গীত ও লোকসঙ্গীতে কোন পার্থক্য থাকবে? এ প্রশ্ন আমাদের আজকের সমস্যার অন্তর্গত নয়। এর আলোচনা হবে নেহাত তত্ত্বগত, এবং abstract। অবশ্য আমাদের মধ্যে এ বিষয়ে কোন বিতর্ক উঠলে আমরা তা থেকে লাভবানই হবো। কিন্তু আমার বক্তব্য হলো, এই প্রশ্ন আজকের কোন শিক্ষিত লোকসঙ্গীত গায়ক বা রচয়িতাকে যদৃচ্ছা পরীক্ষা ও নিরীক্ষার স্তরোন্নতির চালাবার অধিকারী করে না।

যাহোক চাঁদে মাছষ পৌছাবে বলে চকোবের হুশিয়ার আপাতত কোন কারণ নেই।

## বাংলা লোকসঙ্গীতের সংকটের স্বরূপ

আমাদের দেশে লোকসাহিত্যের আলোচনা যতটা হয়েছে, সে তুলনায় লোকসঙ্গীতের আলোচনা হয়নি বললেই চলে। আবাস সংগ্রহ যতটা হয়েছে, সমীক্ষা সে তুলনায় মোটেই হয়নি। পূর্ব পাকিস্তানের বাংলা একাডেমি এবং কলকাতা বিশ্ববিদ্যালয় প্রকাশন এবং অন্যান্য গ্রন্থকারের প্রকাশিত বই হিসেব করলে সংগ্রহটা নেহাত কম নয়। কিন্তু লোকসঙ্গীতের আলোচনা কতটুকু হয়েছে? অথচ লোকসঙ্গীতে সাহিত্য ও সঙ্গীত অবিভাজ্য। একটা ছাড়া আরেকটার মূল্যায়ন অসম্পূর্ণ এবং এতে লোকসঙ্গীতের চরিত্রনিরূপণ ভ্রান্ত হতে বাধ্য।

১৮৬৪ খৃষ্টাব্দে বিলাতে উইলিয়াম জন টমস্ ফোকলোর শব্দটি ব্যবহার করে লোকসংস্কৃতির চর্চার এক নতুন অধ্যায়ের সূচনা করেন। কিন্তু এই শব্দটির কোনো স্থানির্দিষ্ট সংজ্ঞা ছিল না। Popular Antiquities বা পুরাতনী বিদ্যা হিসাবেই শব্দটির ব্যবহার হতো। ইংলণ্ডে ফোকলোর সোসাইটি গড়ে ওঠে ১৮৭৮ সনে। স্তার লরেন্স গোম্ ও উইলিয়াম টমস্ হন তার কর্ণধার। তারপর এ ধরনের ফোকলোর সোসাইটি ইউরোপের স্থানে স্থানে গড়ে উঠতে থাকে। এর পশ্চাৎপট ছিল গণজাগরণ ও গণচেতনা। ১৮৪৮ খৃষ্টাব্দে মার্কস্ ও এঙ্গেলসের কমিউনিস্ট ম্যানিফেস্টে প্রকাশিত হয় ইউরোপের ব্যাপক শ্রমিক অভ্যুত্থানের পরিপ্রেক্ষিতে। ইউরোপে শ্রমজীবী মানুষের এই জাগরণের পরিপ্রেক্ষিতে যদি ফোকলোর আন্দোলনকে না দেখি তবে তার সঠিক ঐতিহাসিক তাৎপর্য আমরা উপলব্ধি করতে পারবো না। রাজারাজড়ার উত্থানপতনের লিখিত একাডেমিক ইতিহাসের পাশাপাশি শ্রমজীবী জনগণের অলিখিত ইতিহাস অবিচ্ছিন্ন ধারায় চলে আসছে ঐতিহ্য ও স্মৃতির oral literature-কে অবলম্বন করে। হঠাৎ সেই নির্বিশেষ মানুষগুলি যখন সংস্কৃত শ্রেণীচেতনায় অত্যন্ত সর্বিশেষ হয়ে ওঠে, তখন তাঁদের অলিখিত লোকসাহিত্য শিক্ষিত নাগরিক বুদ্ধিজীবীর চেতনার দ্বারা আবৃত হানে।

যাহোক, ফোকলোর বা লোকসংস্কৃতির অধ্যয়ন যতই হোক, উনবিংশ শতাব্দীতে কিন্তু Folk music বা লোকসঙ্গীত কোনো স্বীকৃতি পায়নি। ইউরোপের সেসময়কার ধ্রুপদী সঙ্গীতের দিকপালরা লোকসঙ্গীতের থেকে

রসদ আহরণ করলেও লোকসঙ্গীত তখনও স্বাধীন স্বকীয় মহিমায় প্রতিষ্ঠিত হয়নি। সেই পথে সত্যিকারের পথিকৃৎ হলেন সেসিল শার্প (Cecil Sharp)। ইংলণ্ডে এই শতাব্দীর প্রথম দশকে সেসিল শার্পের আবিষ্কার—আবিষ্কারই বলবো—এক রীতিমতো সাড়াজাগানো ঘটনা। এর আগে ইংরেজ জাতির যে কোনো লোকসঙ্গীত আছে তা ইংলণ্ডে কেউ স্বীকার করতেন না। বিদগ্ধমহল lower classes-এর music-কে low class music বলে ভাবতেন—যা তাঁরা art music-এর vulgarisation বলেই মনে করতেন। কিন্তু সেসিল শার্প সমারসেটে এবং উত্তর আমেরিকার সেই অঞ্চলের লোকের আদিবংশধরদের মধ্যে দীর্ঘকাল অসীম অধ্যবসায়ে সংগ্রহ ও গবেষণা করে প্রায় ৫০০০ গানের নিজের হাতে স্বরলিপি করে ইংবেজি লোকসঙ্গীত সম্বন্ধে যে সিদ্ধান্ত ১৯০৭ সনে প্রকাশ করেন, তখন থেকেই সঙ্গীতের এক বিশেষ শাখা হিসাবে লোকসঙ্গীত ইংলণ্ডের সমাজে প্রতিষ্ঠিত হলো।

সেসিল শার্পের পূর্ববর্তী কার্ল এঙ্গেল যাকে national music আখ্যা দিয়ে common people-এব সঙ্গীত বলতে চেয়েছিলেন, সেসিল শার্প তাকে জার্মান শব্দ Volkshied ফোকস্নিড-এর অনুবাদ করে folk song বলে চিহ্নিত করেন; এবং সাধারণ মানুষের গান না বলে স্পষ্ট করে peasant masses বা কৃষকশ্রেণীর সঙ্গীত বলে সংজ্ঞা দেন। সেসিল শার্প ছিলেন সমাজতন্ত্রী আদর্শে উদ্ভূত এবং শোষিত শ্রেণীর সঙ্গীতের জন্ম সমাপ্তিপ্রাণ।

আমাদের দেশের লালবিহারী দে, রবীন্দ্রনাথ, অবনীন্দ্রনাথ, দীনেশ সেন প্রমুখ মনীষীরা লোকসাহিত্য ও সঙ্গীতের অনুসন্ধানের পরোক্ষ ও প্রত্যক্ষ অনুপ্রেরণা পেয়েছিলেন গ্রামীণ মেহনতী মানুষের নবজাগরণ থেকে। সিপাহী বিদ্রোহ, সাঁওতাল বিদ্রোহ, নীল বিদ্রোহ থেকে আরম্ভ করে এযুগের প্রথম পাদ হতে ব্রিটিশ সাম্রাজ্যবাদী শাসনের বিরুদ্ধে ব্যাপক জাতীয় মুক্তি আন্দোলন—সেই অনুপ্রেরণার পটভূমিকা রচনা করেছিল।

এটা খুবই লক্ষণীয় এবং তাৎপর্যপূর্ণ যে, রবীন্দ্রনাথ তাঁর স্বদেশপ্রেমোদ্দীপক গানের অধিকাংশতেই লোকসঙ্গীতের সুর কেবল নয়, বাচনভঙ্গিও ব্যবহার করেছিলেন। এব আগে বিভিন্ন কৃষিবিদ্রোহের ও আন্দোলনের প্রতিজ্ঞায় গ্রাম্য কবিরা তাঁদের নিজস্ব সুরে গান ও ছড়া লিখেছেন গণমনের প্রতিধ্বনি হিসাবে। কিন্তু নাগরিক সাক্ষাতিক-জ্ঞান ও বৈদগ্ধ্য নিয়ে রবীন্দ্রনাথই প্রথম অত্যন্ত সচেতনভাবে লোকসঙ্গীতের খাঁটি সুর আমাদের মধ্যে ছড়িয়ে

দেন। এর পেছনেও কাজ করেছিল বিরাট গণজাগরণ। ত্রিশোত্তর বাংলায় আব্বাসউদ্দীন, শচীন দেববর্মণ এবং অন্যান্য অধ্যাত গ্রাম্যাগায়কের জনপ্রিয়তা, তাঁদের রেকর্ডের অহুতপূর্ব চাহিদা প্রথম যুদ্ধোত্তর ভারতে গণজাগরণেরই সাক্ষ্য বহন করে।

রবীন্দ্রনাথই ছিলেন উপযুক্ত ব্যক্তি যিনি লোকসঙ্গীতের সাদ্বৈতিক বিশ্লেষণ করে আমাদের পথ অনেকটা আলোকিত করতে পারতেন। কিন্তু তিনি লোকসাহিত্য ও লোককাব্যের সাহিত্যিক মূল্য নিয়েই আলোচনা করেছেন বেশি এবং এর প্রয়োজনও ছিল অভিজাত সাহিত্যের রসপায়ী বিদগ্ধ শ্রেণীর ভ্রান্ত ধারণা বা অজ্ঞতা দূর করতে। তাছাড়া তখনো লোকসঙ্গীতের সংগ্রহ ছিল অত্যন্ত সীমাবদ্ধ। ডঃ দীনেশচন্দ্র সেন শোষিত শ্রেণীর দৃষ্টিকোণ থেকে অনাবিকৃত জনসমূহের সন্ধান আমাদের দিলেন। তিনি তাঁর সাহিত্যিক গভীরতায় ডুব দিয়ে আমাদের জগৎ মুক্তাভরা অনেক ঝিঝকের সন্ধান দিলেন। কিন্তু তিনিও সাদ্বৈতিক দিক দিয়ে যেতে পারলেন না। তিনি সঙ্গীতবিদ ছিলেন না এবং সে সময়ে টেপরেকর্ডারও ছিল না। সত্য, কিন্তু তবু তিনি ময়মনসিংহ-গীতিকা ও অন্যান্য পূর্ববঙ্গগীতিকা কী সুরে গাওয়া হতো তার অতি সামান্য নমুনাও যদি রেকর্ড করিয়ে যেতে পারতেন তবে আমাদের কাজ অনেক এগিয়ে থাকতো।

তাঁর পরবর্তী যেসব পণ্ডিত ময়মনসিংহ-গীতিকার প্রামাণিকতা ও মৌলিকতা অস্বীকার করেছিলেন, তাঁদেরও অপচেষ্টার হাতে হাতকড়া পড়তো। পূর্ববঙ্গের ব্যালাড বা পালাগানের সুরগুলি বিক্ষিপ্ত অবস্থায় গানের ভাঙা ভাঙা কলিকে আশ্রয় করে ছড়িয়ে ছিলো। আজও সব লুপ্ত হয়ে যায়নি। ‘বাঁচার গান’ বা বাঁচার সুরের সঙ্গে আমরা পরিচিত। জলের ঘাটে মহুয়া ও নদের-চাঁদ ঠাকুরের কথোপকথনকে অবলম্বন করে এই সুরটি যখন কোনো গ্রাম্যাগায়কের কাছে শুনেছিলাম, তখন জানতাম না এটা ময়মনসিংহ গীতিকার অন্তর্গত মহুয়াগীতিকার একটি অংশ। কিন্তু যে কলিগুলি প্রথমে শিখেছিলাম তার কয়েকটি কলি দীনেশচন্দ্র সেনের প্রেরণায় চন্দ্রকুমার দেব সংগৃহীত গীতিকাটিতেও নেই। যেমন

মহুয়া :                      পুঙ্খ বেড়ের জাতি ফালে ফালাও পাও

সাপের মাথার মনি দেইখা হাত বাড়াইতায় চাও।

নদেরচাঁদ ঠাকুর : সাপও মারবাম সাপিনী মারবাম মণি লইবাম হাতে  
 বমের হাতো প্রাণটি খেয়া গ্রেম করবাম ভোর সাথে ।

স্বরটো লক্ষ্য—ভাটিয়ালীর প্রভাবে আচ্ছন্ন লোকসঙ্গীতের ধারার মধ্যে এই স্বরটি এক মৌলিক বৈশিষ্ট্য নিয়ে আত্মীয় বেঙ্গে জাতিরই যেন সাক্ষ্য বহন করছে। এই স্বরের ধারা অনুধাবন করে অগ্রসর হলে হৃদয় জ্বাভিতের প্রমুখ পণ্ডিতদের কাজ অনেক সহজ হয়ে যেতো।

বাই হোক, যা বলতে চেয়েছিলাম, লোকসঙ্গীতের সঙ্গীতিক বা musicological characteristics-এর বিশ্লেষণের মাধ্যমেই আমরা লোকসঙ্গীত গবেষণাকে পরিপূর্ণ বৈজ্ঞানিক ভিত্তির উপর প্রতিষ্ঠিত করতে পারি। লোকসঙ্গীতের কয়েকটি সঙ্গীতিক বৈশিষ্ট্য নিয়েই আজ প্রধানত আলোচনা করতে চাই। তাহলে লোকসঙ্গীতের বিকৃতির স্বরূপটা ধরতে আমাদের সুবিধা হবে, কারণ বিকৃতিটা আসছে প্রধানত সঙ্গীতের দিক দিয়েই।

লোকসঙ্গীতের কয়েকটি গোড়ার কথা

প্রায় অর্ধশতাব্দী আগে সেসিল শার্প Continuity—Variation—Selection এই যে তিনটি Principle নিবদ্ধ করে গিয়েছিলেন—তারই ভিত্তিতে ১৯৫৯ সালে International Folk Music Council যে সংজ্ঞাটি নির্ধারণ করেছেন, একটু দীর্ঘ হলেও আমাদের তা স্বরণে রাখা প্রয়োজন : “Folk music is the product of a musical tradition that has been evolved through the process of oral transmission. The factors that shape the tradition are : (i) **Continuity** which links the present with the past , (ii) **Variation** which springs from the creative impulse of the individual or the group ; and (iii) **Selection** by the community, which determines the form or forms in which the music survives.

The term can be applied to music that has been evolved from rudimentary beginnings by a community uninfluenced by popular and art music and it can likewise be applied to music which has originated with an individual composer and has subsequently been absorbed into the unwritten living tradition of a community.

The term does not cover composed popular music that has been taken over ready-made by a community and remains unchanged, for it is the re-fashioning and recreation of the music by the community that gives it its folk character."

ঐতিহ্য—উদ্ভাবন—নির্বাচন এই তিনের সম্পর্ক সহজে সঠিক ধারণাই আমাদের বিশ্লেষণের পথ-নির্দেশক।

আর্ট মিউজিক বা অভিজাত সংগীত থেকে লোকসঙ্গীতের তফাত এইখানেই। আর্ট মিউজিক সচেতন ব্যক্তিপ্রতিভার সৃষ্টি, লোকসঙ্গীত অচেতন সমষ্টি-সৃষ্টি।

সাধারণ মানুষের স্বতঃস্ফূর্ত ভাবের প্রকাশ হয় স্বর বা স্বরাংশকে অবলম্বন করে। হয়তো সে স্বর দুটো স্বর বা তিনটে স্বরকেই কেবল আশ্রয় করে। ঠিক যেমন ভাষাশিক্ষার পথে শিশুর অর্ধস্ফূট বুলি। কিন্তু এই স্বরগুলিকে আমরা কোনোদিন সঙ্গীতের পাতে তুলতে চাইনি। মিলিত শ্রমজীবনের ছন্দ থেকেই শ্রমের synchroni-ation-এর স্বরের ও তালের উৎপত্তি। তারপর বিভিন্ন শ্রমবিভাগের ভাবে স্বরেরও বিভাগ ও বৈচিত্র্য দেখা দেয়। আত্মো শ্রমের synchronisation-এর স্বর শুনতে পাওয়া যায়। শুধুন :

মার যোয়ানা—হেইও

জোরসে থিঁচো—হেইও

সাবাস বাহাছর—হেইও ..ইত্যাদি।

সা।।।।।-পা।পা।সা।।।।।।।

বিশ্বব্রিক এই ধনিসমষ্টির মধ্যেও যে স্বর ভাগে তা শুধু synchronisation of labour-process বা শ্রম-সমষ্টির ব্যাপারই নয়, এর মধ্যে যেন magical act-ও আছে। তারই উন্নত রূপ ছাদপেটানো গান বা সারিগান প্রভৃতি। কিন্তু ব্যক্তিবিশেষের প্রাথমিক আকাজক্ষা ও আকৃতিটিও কিন্তু স্বরাশ্রয়ী—যেমন মেয়েদের লক্ষ্মীর পাঁচালী পাঠ :

দোল পূর্ণিমার নিশি, নির্মল গগন

বৃহস্পতি প্রবাহিত মলয় পবন

লক্ষ্মীসহ একাসনে বসি নারায়ণ

কৌতুকে করিছে কথা নানা আলাপন।

পা। সা সা সা। সা সা রে রে

ধো ল গু গি মা র নি নি  
 সা রে রে রে। সা নি নি নি।  
 নিরম ল গ গ • • ব  
 রে ক্র ক্র ক্র। গা গা রে সা।  
 মু ছ ম ম প্র বা হি ত  
 সা রে রে রে। রে — — —।  
 ম ল র গ ব — — ন

গ্রামে আমাদের বাড়ির পাশে ছেলেহারা এক কিশানী মাঝে তাঁর ছেলে উপেনের জন্ম কঁদতে শুনতাম। কাঁঠাল গাছের গোড়ায় বসে ভোরবেলায় তিনি যখন কঁদতেন তা থেকে একটি সুর বেরোত—অর্থাৎ সুর ধরেই যেন তিনি কঁদতেন, কান্নায় refrain ছিল ‘ও আমার বাবাধনরে ডাকিয়া’—তখন তাব মধ্যে সুবেব সন্ধান কেউ কবলে অবশ্যই হাসতাম। কিন্তু আজ যখন সেই কান্নাব সুরটি মনে আসে তখন মনে হয় ভাটিয়ালীর একটি ক্ষীণ-ভ্রগেবই কান্না আমাব কানে ভেসে আসছে আজও।

মাঘ মাসে ধানকাটা হয়ে গেলে ক্ষেতের মাঝখান দিয়ে কোনাকুনি পায়ে পায়ে পথ তৈরি হতো। সেই পথে যেতাম গ্রামের মধ্য ইংরেজি স্কুলে। মাঠের মাঝখানে একটি বড়ো শেওড়া গাছ ছিল। তাকে পাশ কাটিয়ে যেতে দিনের বেলাই গা ছমছম করতো। কারণ সেই গাছে নাকি অনেক ‘দেবদেবীর ভর’ ছিল। মেয়েবা বলতো ‘রূপসী গাছ’। বিশেষত নবজাত শিশুর মঙ্গলকামনায় রূপসী ঠাকুরাণীর কাছে গান গেয়ে গেয়ে মেয়েরা আসতো : ‘রূপসীর দর্শনে ষাইবারনি গোঁ সই।’

সা গা গা গা রে গা সা বে রে সা সান্ধা  
 ক প — সী — র দ বি — শ নে —  
 বা সা সা সা গা সারে সা — — — — —  
 ষাই বা ই নি গো — সই — — — —

গাইবার চেষ্টা করতাম না। কেননা এগুলিকে গানই ভাবতাম না। কিন্তু কানে কানে সুরটা মনে গাঁথা হয়ে ছিল। অনেকদিন পর আসামে মেয়েদেব বিদ্যানাম শুনে ছোটবেলাকাব সিলেটের গ্রামাঞ্চলের সেই ‘রূপসী’র গানের সাদৃশ্যে চমকে উঠি :

‘প্রথম প্রহর রাত্রি ফুলি আছে চম্পা।

উঠা রাধা গুণবতী তুলি বন্ধা খোপা।

ধা সা সা সা সা সাগা — রে গা সা রে



প্র থ ম প্র হ• — র — রা —

সা ধা সা রে গা রে সা ধা ধা সা

তি — ফু লি ই রা হে এ চম্ পা

প্রত্যেক মা-ই কিন্তু শিশুকে ঘুম পাড়ানোর সময়ে হন অসচেতন গায়িকা।  
মাতৃস্বের গভীরতম আকৃতি অন্তোলান্বিত এই সব ঘুমপাড়ানীর মধ্যে :

ধন ধন ধন চম্পাফুলের বন,

এই ধন ঘর ঘরে নাই তার বুথাই জীবন।'

ধা ধা ধা	সা সা সা	রে গা গা	— — —
ধ • ন	ধ • ন	ধ • ন	• • •
গা গা রে	গা রে রে	সা সা সা	— — —
চ ম পা	ফু লে র	ব • ন	• • •
গা গা গা	পা পা পা	ধা ধা নি	ধা পা পা
এ ই ধ	ন ঘা র	ঘ রে •	না ই •
গা গা রে	গা রে রে	সা সা সা	সা সা সা
বু • থা	ই জী •	ব • ন	• • •

একটি অসমীয়া নিচুকনি অর্থাৎ ঘুমপাড়ানীয়া শুনুন :

আমারে মইনা শুবএ

সোনালী ধাননি দাবএ

ন' চাউলেরে চিডা ভাজি দিম

বাটি ভরি ভরি খাবএ.....

বেশিদিন আগের কথা নয় যখন আসামের শিক্ষিত সমাজ এগুলিকে গানের মর্যাদা দিত না। এই শতাব্দীর ত্রিশ দশকে আসামের যুগশ্রষ্টা জ্যোতিপ্রসাদ এই মেয়েলী গানের সুরকে আশ্রয় করেই আসামে আধুনিক অসমীয়া গানে যুগান্তর আনেন।

আমাদের সঙ্গীতশাস্ত্রকাররা একটি স্বর, দুটি স্বর, তিনটি স্বরকে অবলম্বন করা সুরকে আঁচিক, গাখিক, সামিক ইত্যাদি বলে যে বিভাগ করেছেন তার রূপচিহ্ন আমি জানি না—তবে লোকসঙ্গীতের শৈশবের ছড়ানে টুকরোগুলিতে আজও তার সাক্ষ্য মেলে। শিশুর অক্ষুট বুলিগুলি যেমন ভাষায় রূপ নেয়, তেমনি এই সুরের টুকরোগুলি ক্রমশ পরিপূর্ণ সঙ্গীতের রূপ নেয়। লোক-সঙ্গীতের ব্যাপারেই এই কথাটি কেবল সত্য নয়, আমাদের উচ্চাঙ্গ সঙ্গীতের সৌধটিও দাঁড়িয়ে আছে এই মূল ভিত্তিটির উপর। তবে উচ্চাঙ্গ সঙ্গীতের superstructureটি সচেতনভাবে ব্যাকরণভিত্তিক, codified।

পঁচিশ বৎসর আগেকার কথা। আমি তখন নৈনীতালের কাছে ডাঙরালী পাহাড়ে স্বাস্থ্যনিবাসে ছিলাম। পাহাড়ের ঢালু গায়ে স্থানীয় গাড়োয়ালী মেয়েরা বাস-কাটতো আর গুনগুন করে গান গাইত। একই সুর, কিন্তু মন টেনে নিতো। প্রায় ছয় মাস ধরে বারে বারে শুনে একমুহূর্তের জ্ঞাতও একেবারে মনে হতো না। যেন পাহাড়ী ঝিঝির ডাক। এই ভালোলাগার কারণ কি জানতাম না। ভাবতাম হয়তো রুগ্মশব্দ্যার নিঃসঙ্গতা আর হিমালয়ের মন-কেড়ে-নেয়া প্রাকৃতিক পরিবেশই এর কারণ। সেই স্বাস্থ্যনিবাসে থাকতেন লক্কো-এর একজন সঙ্গীতবিদ্যারদ। সেই গাড়োয়ালী সুরে আমার অহুরাগ দেখে তিনি আমাকে বললেন—এ তো দুর্গারাগের ঠাঁটে বাঁধা। একটি কলিতেই সুরটা বাঁধা ছিল—আর একটি কলিই আমার মনে ছিল—

“সৌরেকী পিকলি পাধানি

পানি পী যা পানি।”

ধা সা সা সা সা সা সা ধা ধা ধা ধা

সৌ রে কী পি ক লি পা ধা নি . .

মা পা ধা পা মা রে সা ধা সা

পা . নি পী . . যা পা নি

যাহোক আমাব সেই সঙ্গীতজ্ঞ বন্ধুটি কিন্তু আমার সামনে এক জগৎ খুলে দিলেন। রুশ ধ্রুপদী সঙ্গীতের পিতা Glinka-ব সেই অমর বাক্যটির তাৎপর্যও যেন প্রথম আমার কাছে উদ্ঘাটিত হলো : ‘It is the people who create music. We only arrange it.’

লোকসংগীতের অলিখিত নিয়ম

লোকসঙ্গীত যতই স্বতঃস্ফূর্ত বা অসচেতন হোক, তার কতকগুলি unwritten laws বা অলিখিত নিয়মাবলী আছে। সেই নিয়মাবলীর মধ্যে সবচেয়ে মুখ্য বলে যে নিয়মটিকে আমি মনে করি তা হলো আঞ্চলিকতা।

“আঞ্চলিকানা” : রাগসঙ্গীতে আমরা ঘরানা কথাটা ব্যবহার করে থাকি। কিন্তু লোকসঙ্গীতে কোনো ঘরানা নেই, আছে ‘বাহিবানা’। একে আমি বলি আঞ্চলিকানা। ঘরানা ব্যক্তিকেন্দ্রিক বা পরিবারকেন্দ্রিক। কিন্তু লোকসঙ্গীত গুরুমুখী বা বিজ্ঞানমুখী নয়। ঘরে বসে রেওয়াজ করে লোকসঙ্গীত আয়ত্ত করা যায় না। একটা বিশেষ অঞ্চলের জনসমাজের জীবনের সঙ্গে দীর্ঘকালের identification সেজ্জ প্রয়োজন। লোকসঙ্গীতের স্টাইলটা আঞ্চলিক

জীবনধারা থেকে উদ্ভূত। এই আঞ্চলিকতা গড়ে উঠেছে একটা বিশেষ স্বরসমষ্টি বা ঠাটকে অবলম্বন করে। তার সঙ্গে মিশেছে আঞ্চলিক কণ্ঠভঙ্গি এবং পারিভাষিক উচ্চারণভঙ্গি। ভাষাভিত্তিক কোনো রাজ্যকে ষাণ্মিকভাবে নিয়ে এই অঞ্চলবিভাগ হয় না। যেমন বাংলাদেশকে মোটামুটি আমরা সুরের দিক থেকে পূর্ববঙ্গ, উত্তরবঙ্গ, মধ্যবঙ্গ বা পশ্চিমবঙ্গ এভাবে বিভাগ করি। গানের কথায়, ভাবে, এমনকি ভাষায়ও তফাত ততটা পাই না—পরিভাষার ছাপটাও সবসময় ততটা থাকে না, কিন্তু সুরের ছাপ অতি স্পষ্ট। সুরে আবার এইসব অঞ্চল বা region-এর/sub-region-এর ছাপটাও লক্ষণীয়, যেমন পূর্ববঙ্গের সাধারণ রাগিণী ও স্টাইল মুখ্যত ভাটিয়ালী। আবার সেখানেও স্থল আঞ্চলিক ছাপ পাওয়া যায়। যেমন ময়মনসিংহের ভাটিয়ালী এবং ত্রিপুরাসিলেটের ভাটিয়ালীর মধ্যে ঢঙের বা স্টাইলের পার্থক্য পাওয়া যায়। দুটি গান শুনুন :

আমার দুঃখের অন্ত নাই  
 দুঃখ কার জানে জানাই  
 সুরের স্বপন ভাঙলোরে চুরাইবাজারে ।  
 ভাইরে ভাই...১৩৫০-এর কথা  
 মনে কি কেউর পড়ে—বে  
 মনে কি কেউর পড়ে  
 ক্ষুধার জালায় বুকের ছাওয়াল  
 মায়ে বিক্রী করে রে—  
 চুরাইবাজারে...ইত্যাদি ॥

ময়মনসিংহের এই ভাটিয়ালীর উত্তরাঙ্গের পুকারের আকৃতিটা লক্ষ্য করুন। এবার সিলেট-ত্রিপুরা অঞ্চলের একটি বিশেষ ধরনের ভাটিয়ালী শুনুন :

শুরু কি ধন, চিনলায় না মন দেখলায় না ভাবিয়া  
 মন পাগলারে—  
 সাধের জনম যায়রে গইয়া  
 খেলছে মন দাবা পাশা  
 তাতে মন কইর্যাছ খাসা  
 নিজের বাসা আগে না বাকিয়া ,  
 সোনা খৈয়া রাঙের বেপার রে  
 মন করলাম কার লাগিয়া...ইত্যাদি ॥

ভাটিয়ালী সাধারণত শুধুগাছার দিয়েই ওঠানামা করে, কিন্তু এখানে অবরোহণে কোমলগাছারের আন্দোলন এক অপরূপ মাধুর্য সৃষ্টি করেছে। এটা এই অঞ্চলেরই বৈশিষ্ট্য।

উত্তরবঙ্গের ভাওয়াইয়ার একটা সুস্পষ্ট রূপ আছে। যেমন আব্বাসউদ্দীন-গীত সেই বিখ্যাত গানটি :

ফান্দে পড়িয়া বগা কান্দে

ফান্দে পড়িয়া বগায় করে টানাটুনা

আহারে কুহুরার সূতা হৈল লোহার গুণারে...ইত্যাদি ॥

একই পরিভাষা হওয়া সত্ত্বেও এবং কোচ-রাজবংশী সংস্কৃতির অন্তর্গত হয়েও গোয়ালপাড়ার ভাওয়াইয়া সুরের একটি নিজস্ব বৈশিষ্ট্য—সেই আঞ্চলিকতারই সাক্ষ্য বহন করে। টেপরেকর্ড-করা প্রতিমা বড়ুয়ার কণ্ঠে একটি গান শুনুন :

‘হস্তির কন্ঠা চন্ডির কন্ঠা বামুনের নারী

মাথায় নিয়া তামকলসী হস্তে সোনার ঝারি

সখিও ও মোর হায় হস্তির কন্ঠারে—

গানিকো দয়া নাই মাছতের লাগিয়া রে।

ঠিক তেমনি আসামে উত্তর আসাম ও নিম্ন আসামের পার্থক্যটা লক্ষণীয়। কামরূপ জেলায় উত্তর আসামের বিহরাগ অত্যন্ত ক্রীণ হয়ে এসে ওজাপালীর প্রাধান্য মেনে নিয়েছে। আবার সীমান্তের ভাটিয়ালী ও ভাওয়াইয়ার সাথে সমন্বয় সাধন কবেছে। উত্তরভারতের লোকসঙ্গীতে যাকে আমরা এককথায় বলি দেহাতী গীত—তাতে বিহারী বা উত্তরভারতীয় বলে কিছু নেই, আছে ভোজপুরী, মৈথিলী, মগধী প্রভৃতি আঞ্চলিক নাম ও সুরবৈশিষ্ট্য।

এই যে আঞ্চলিকতা তার মূল নিয়ামক শক্তি কী? কতটা ভূপ্রকৃতি, কতটা সমাজব্যবহার সুর, কতটা ethnic বা গোষ্ঠী- বা জাতিগত তা পণ্ডিতদের আলোচ্য বিষয়। তবে আমরা দেখছি এক একটি বিশেষ আদিম মানবগোষ্ঠীকে কেন্দ্র করে এক একটি সুরের ঠাঁট গড়ে উঠেছে এবং আঞ্চলিকতার যে এটাই প্রধান নিয়ামক শক্তি সে বিষয় সন্দেহ নেই। তার সাথে সমাজব্যবহার বিবর্তন এবং অর্থনৈতিক কাঠামোতে শ্রমব্যবহার রূপান্তরের প্রভাবও অনস্বীকার্য। কিন্তু সমাজ-রূপান্তরে শুধু সমন্বয় দেখলেই চলবে না, শ্রেণীবৈষম্যজাত সংঘাতটাও সেখানে একটি আসল কথা। শুধু লোকসঙ্গীতের দর্শনে নয় সুরেও তা অহুসঙ্কান করতে হয়। অনেক সময় উপজাতীয় erotic

এবং জীবনধর্মী সুরেও সামন্তসমাজের রক্ষক ব্রাহ্মণ্যবাদী হিন্দুরা তাদের আত্মসমর্পণকারী ভক্তিবাদী ভাবধারার সাথে সুরেরও এমন অঙ্গপ্রবেশ ঘটিয়েছেন—যা লোকসঙ্গীতের অকৃত্রিম রূপটিকে উজ্জ্বল না করে মলিনই করেছে। যাহোক এখানে সে বিতর্কে ঢুকতে চাই না।

এই আঞ্চলিকতার বিকাশ আমাদের দেশে সুস্থভাবে হয়নি। আমাদের দেশে পরিপূর্ণ সমাজতান্ত্রিক সমাজ বিকশিত হলে প্রত্যেক উপজাতি, খণ্ডজাতি, অধিজাতি প্রভৃতি যখন স্বকীয় অধিকারে প্রতিষ্ঠিত হবে, তখন যার যার সাংস্কৃতিক স্বাতন্ত্র্য নিয়ে ভারতীয় লোকসঙ্গীতের যে বর্ণাঢ্য মণিহারটি গাঁথবে—আজকে আমরা হয়তো তার রূপটি কল্পনাও করতে পারছি না। এই বন্ধনহীন বিকাশই লোকসঙ্গীতের আঞ্চলিকতার বৈশিষ্ট্যকে হাজারগুণ বিকশিত করে তুলবে। বহু হারিয়ে-যাওয়া অপ্রচলিত সুরকে আমরা খুঁজে পাব।

সাবা ভারতে কৃষক আন্দোলনের সাথে সাথে লোকসংস্কৃতির শীর্ণ নদীতে যে নতুন জোয়ার ডেকেছিলো—গণনাট্য আন্দোলনের সংগঠক ও গীতিকাব হিসাবে তাতে আমিও সামান্য অংশ নিয়েছিলাম। দেখেছি কোটি কোটি কৃষক ও গবীর জনসাধারণ তাদের বিচিত্র সংস্কৃতি ও সুরকে খুঁজে পেলো নতুন সম্মানে ও মর্যাদায়।

কিন্তু এক শ্রেণীর পণ্ডিতদের কাছে তাব উন্টো কথাও শুনতে হয়। তাঁরা আঞ্চলিক স্বকীয়তায় ভীত। এঁরা সংস্কৃতিতে ‘অখণ্ডভারতপন্থী’।

‘বাংলার লোকসঙ্গীত’ গ্রন্থের ভূমিকায় ডঃ আশুতোষ ভট্টাচার্য মহাশয় লিখছেন :

(১) “বিভিন্ন জাতি যদি নিজস্ব স্বকীয়তা বিসর্জন না দিয়া স্বাধীনভাবে বাস করিতে থাকে, তখন লোকসংস্কৃতি কিংবা সমাজবিজ্ঞানের দিক হইতে তাহার কোনো মূল্য প্রকাশ পায় না।”

(২) “ভারতবর্ষে নেগ্রিটো হইতে আরম্ভ করিয়া নর্ডিক পর্যন্ত জাতি নিজস্ব স্বাধীন অস্তিত্ব রক্ষা করিতে পারে নাই—বরং তাহাদের নিজস্ব বৈশিষ্ট্য বিসর্জন দিয়া এই বিপুল দেশের মধ্যে একাকার হইয়া বাস করিতেছে। যথার্থ লোকসংস্কৃতি এই পরিবেশেই বিকাশলাভ করিতে পারে।”

(৩) “বিভিন্ন জাতি একদেশে বাস করিয়াও যেখানে নিজেদের স্বাতন্ত্র্য বিসর্জন দেয় নাই, সেখানে কোনো সামগ্রিক সাংস্কৃতিক ঐক্য গড়িয়া উঠিতে পারে না।”

(৪) “পৃথিবীর বহু জাতি নিজেদের স্বাভাবিক রক্ষা করিবার দুঃস্বপ্ন প্রয়াসে নিজেদের অস্তিত্বই বিলুপ্ত করিয়া দিতে বাধ্য হইয়াছে। ভারত এই পক্ষে কোনোদিনই অগ্রসর হয় নাই।”

এ বক্তব্য শুধু অবৈজ্ঞানিক ও অনৈতিহাসিক নয়, এই বক্তব্য আজ লোকসঙ্গীতে বিকৃতির দর্শন হয়ে দাঁড়িয়েছে। এটী সব বিকৃতিকারীরা সমস্ত আঞ্চলিকতাকে ভেঙে “স্বরের সর্বজনীনতা” প্রচার করেন।

গ্রাম্যতা ও গায়কী

এই আঞ্চলিকতা থেকে লোকসঙ্গীতের গায়কীর উৎপত্তি। অঞ্চলগত ভক্তিটা বেওয়াঙ্গী জিনিস নয়। জীবনে একবার এক দুর্লভ সুযোগ ষটেছিলো আলাউদ্দীন খাঁ সাহেবেব এক আলোচনা-আসরে উপস্থিত থাকবার। আলোচনায় যোগ দেবার যোগ্যতা আমার ছিল না। আমি ছিলাম সঙ্গীত নীতবিশারদ। কিন্তু আমি জানতাম একেবারে গ্রামসঙ্গীতের হালচষা মাটির সঙ্গে শিকড় ছড়িয়ে শাস্ত্রীয় সঙ্গীতের শিখবচ্ছড়ায় আলাউদ্দীন খাঁ যেমন উঠেছেন— ভারতে আব কোনো সংগীতগুরু সেভাবে পারেননি। কথায় কথায় তিনি লোকসঙ্গীতের প্রসঙ্গে এলেন। সমস্ত কথা আমার হৃদয় মনে নেই, তবে একটি কথা তিনি বলেছিলেন যে, রাগসঙ্গীত ও লোকসঙ্গীতের মধ্যকার প্রধান পার্থক্য হলো গায়কীর। দৃষ্টান্ত দিতে গিয়ে তিনি বললেন : “আমার ছোটবেলাকাব শোনা একটি গান গাইছি : নিরলে, কইও গিয়া বন্ধুয়ার লাগ পাইলে।” খাঁ সাহেব যে অঞ্চলের—ত্রিপুরা জেলার সেই অঞ্চলটি হলো ত্রিহাট জেলাব আমাদের অঞ্চলেব সীমান্তবর্তী। মাত্র একটি খালের ব্যবধান। এ অঞ্চলের লোকসঙ্গীতের গায়কী একই রকম। এই গানটি ছোটবেলা থেকে আমিও গেয়েছি। খাঁ সাহেব গাইছিলেন :

“এগো নিরলে, কইও দুঃখ বন্ধুয়ার লাগ পাইলে

আমার বন্ধু রজি চজি

হাওরে বাক্সিয়াছ টজি

তবু পরাণ না জুড়য়ে বাতাসে, গো নিরলে।”

প্রথমবার স্থানীয় চণ্ডে মৌলিক ভাটিয়ালী সুরে গেয়ে দ্বিতীয়বার সুর অক্ষুণ্ণ রেখে চণ্ড ও গায়কী বদলিয়ে প্রথম কলিটি আবার গাইলেন—বললেন : “দেখলে তো, শুনেতে একেবারে উচ্চাঙ্গ সঙ্গীতের মতো। ভাটিয়ালীই কিংকিট-খাখাডের

রূপ নিলো।” সঙ্গীতশাস্ত্রী পরলোকগত সুরেশ চক্রবর্তী মহাশয় ভাটিয়ালীকে কসোলী-ঝিঁঝিট বলে আখ্যা দিয়ে গেছেন।

এই ঢঙ ও গায়কীকেই আমি বলি সুরের গ্রাম্যতা ও আঞ্চলিকতা। আব্বাসউদ্দীনের আত্মজীবনীতে আছে যে শচীন দেববর্মণ তাঁর কাছে ভাওয়াইয়া শিখতে চেয়েছিলেন—কিন্তু পরে বলেন : “আপনার এই গলাভাড়াটা আমার উঠছে না মোটেই।” শচীন দেব সত্যিকারের সুরশিল্পী তাই তিনি ভাওয়াইয়া গাইতে আর যাননি। কিন্তু দুঃখের বিষয় ভাওয়াইয়ার আত্মকর আব্বাসউদ্দীন কিন্তু বুঝতে পারলেন না যে সত্যিকারের ভাটিয়ালী তাঁর গলায় খেলে না মোটেই। প্রখ্যাত কবি জসিমুদ্দীন আমাকে বলেছিলেন—“অনেক চেষ্টা করে দেখেছি কিন্তু ভাটিয়ালীর বিশেষ খোঁচ ও ভাঁজগুলি আব্বাসের গলায় ওঠে না।” কিন্তু কবি জসিমুদ্দীনও কিন্তু এর কারণগুলো বুঝতে পারেননি। ইদানীং আব্বাসউদ্দীনের ভাটিয়ালী গানের একটি লং প্লে রেকর্ড বেরিয়েছে। অধিকাংশ গানই কবি জসিমুদ্দীনের রচনা। আব্বাসউদ্দীন ভাটিয়ালীর উপর এমন ষ্টমরোলার চালিয়েছেন যে, গানগুলি শুনে কাঁদতে ইচ্ছে করে—একজন এমন ভালো শিল্পী কি করে তাঁর সীমানার বাইরে যেতে গিয়ে ভাটিয়ালীর পালটিকে ছিঁড়ে টুকরো টুকরো করেছেন। কবি জসিমুদ্দীনই বা কি করে তাতে সাহায্য দিলেন। কিন্তু শচীন দেববর্মণ সংযম দেখিয়েছেন, কারণ এ বিষয়ে তিনি সচেতন। যাক, তাতে আমার বক্তব্য—‘সুরের আঞ্চলিকতা’-ই প্রমাণিত হয়।

যাঁরা দীর্ঘকাল কলকাতাবাসী কিংবা যাঁদের কণ্ঠ রেওয়াজী মন্থণতায় শানানো, তাঁরা যে অঞ্চলেরই হোন লোকসঙ্গীতের ঢঙটি প্রকাশ করতে পারেন না। কিছুদিন আগে H. M. V. প্রকাশিত লং প্লে রেকর্ড ‘Folk Songs of Bengal’ নিশ্চয়ই শুনেছেন। সেখান থেকে দুটি গানের উদাহরণ দেব। একটি গান প্রতিমা বন্দ্যোপাধ্যায়ের গাওয়া, অন্যটি ধনঞ্জয় ভট্টাচার্যের গাওয়া। বাংলা দেশের এই দুটি সুরেলা রেওয়াজী কণ্ঠ সূদীর্ঘকাল যাবৎ আমাদের মুগ্ধ করে এসেছে, এ বিষয় দ্বিমত থাকতে পারে না। কিন্তু সেজন্য কি লোকসঙ্গীতও তাঁরা ভালো গাইবেন? প্রতিমা দেবী গেয়েছেন :

বন্ধু সময় জানো না

অসময়ে বাজাও বাঁশী মন তো মানে না।

সুসঙ্গীত গলায় এমন চিহ্ন অলঙ্কার লোকসঙ্গীতে পাই না। লোকসঙ্গীতেও

অনুসরণ আছে, কিন্তু গ্রাম্য মেয়ের পায়ের মল, গলার কামরাঙা মালার সাথে প্রতিমা দেবীর গলার নেকলেস একদম মানায় না। সেই গানের অন্তরায় :

এক প্রহর রাজে শাইও বন্ধু

বাঁশীতে দাঁও টান

ওগো ঘরে আছে কুলনারী উড়াইলা পরাগরে বন্ধু।

এখানে ‘বাঁশীতে দাঁও টান’ গাইতে এমন ঠুংরীর কাজ করেছেন যে সমস্ত গানটাই অত্যন্ত পবিত্রীলিত মনে হয়। ঠিক তেমনি ধনঞ্জয়বাবু যখন গান :

গুরু কই রইলা ও বাঁচি না পরানে

দিল দরিয়ায় ঢেউ উঠিয়াছে

পাড়ি দেই কেমনে গুরু।

তখন একটি বিদগ্ধ কণ্ঠের পালিসে লোকসঙ্গীতের সহজাত আঞ্চলিক ভঙ্গিকে পরিমার্জিত করে একটি ‘ভদ্র’ রূপ দেওয়া হয়। তাহলে লতা মুদ্রেশকরের ‘ফান্দে পড়িয়া বগা কান্দে রে’ গাওয়ার পর আব্বাসউদ্দীনের রেকর্ডটি ভেঙে ফেলতে হয়। অথচ অনন্তবালা বৈষ্ণবী, ললিতা দেবী এঁদের আজও আমরা ভুলতে পাবি না কেন? রেকর্ড কোম্পানি ‘স্টারশিল্পী’দেব দিয়েই এখন ‘ফোকসং’ গাওয়ার সিদ্ধান্ত নিয়েছেন—কাবণ সেই লেবেলেই অর্থসমাগম বেশি।

আকাশবাণীব ভূমিকা আরও মারাত্মক, কারণ নিত্যনতুন বেতারী লোকসংগীত ও সংগীতজ্ঞ তাঁরা হাজির করছেন যাঁদের অধিকাংশ আজন্ম জনসাধারণ থেকে বিচ্ছিন্ন হয়ে শহরে মানুষ হয়েছেন এবং কোনো শিক্ষকের কাছে গান শিখেছেন। তাঁদের গলায় খাঁটি ভঙ্গিটি পাব কি করে? এঁদের মধ্যে কয়েকজন আছেন যাঁরা নিজেদের অঞ্চলে মানুষ হয়েছেন এবং সাধারণ লোকগায়কদের গান শুনে শিখেছেন। তাঁরা এখন কলকাতায় থাকলেও তাঁদের অজিত কণ্ঠ হারাননি। যদিও কেউ কেউ ‘কমার্শিয়াল সাফল্য’র খাতিরে এবং ছল্লাভী শ্রোতার তাগিদে এবং নগরীর বিদগ্ধ পরিবেশে তাঁদের মোঠো গলা হারিয়ে ফেলেছেন। এর মধ্যে কেউ কেউ কোনো অঞ্চলের গান মোটামুটি ভালো গান, কিন্তু অল্প অঞ্চলের গান গাইতে গিয়ে হাত্তকর ব্যাপার করেন। পূর্ববঙ্গের ঢঙটি হয়তো তাঁর গলায় ওঠে কিন্তু তিনি উত্তরবঙ্গের ডাওয়াইয়া গাইতে গিয়ে ও তার ঢঙ গলায় তুলতে গিয়ে ‘প্যারোডি’ করে ছাড়েন। সেসময় বিশেষ সহজাত স্বতঃস্ফূর্ত ঢঙটি এক অসহ্য ম্যানারিজম-এ পরিণত হয়।



রেডিওতে গলা শুনেই বলতে পারি ‘গ্রাম্য’ গলা না ‘শহুরে’ গলা। সুরের এই গ্রাম্যতা লোকসঙ্গীতের মূখ্য কথা। কোনো গুরুর কাছে বসে তা আয়ত্ত করা যায় না। চাই গ্রাম্যজীবনের সাথে identification। রবীন্দ্রসঙ্গীত, রাগসঙ্গীত গুরুমুখী—শহরের শিক্ষকের কাছে বসে রেওয়াজ করলে আয়ত্ত করা যায়—কিন্তু লোকসঙ্গীত গুরুমুখী নয়। তাকে আয়ত্ত করতে হলে জনজীবনের সঙ্গে ঘনিষ্ঠ সাযুজ্য প্রয়োজন। তা থেকে আসে গলায় গ্রাম্যতা। শ্রমজীবী জনতার দুঃখ ও সংগ্রামে একাত্মতা থেকেই আসে সুরের আকৃতি ও আর্তি। এই আর্তি আনতে যখন অনেকে কাঁদো-কাঁদো সুরে গান করেন। তখন না হেসে থাকতে পারি না।

সংগীত সমালোচক সুপণ্ডিত শার্ঙ্গদেব মহাশয় দেশ পত্রিকায় “গানের আসরে” একবার লোকসঙ্গীতের সংকট সম্বন্ধে আমার এক চিঠির বক্তব্যের সঙ্গে মতৈক্য প্রকাশ করেন। কিন্তু সেইসঙ্গে লোকসঙ্গীতের পরিবেশনা সম্পর্কে যে মত উপস্থিত করেন দুঃখের বিষয় আমি তা সমর্থন করতে পারি না। তিনি বলেছিলেন “লোকসংগীত—যা আমরা শুনি—তা কিভাবে পরিবেশিত হবে? একেবারে উৎপত্তিস্থলে যেভাবে গাওয়া হয় সেইভাবে, না একটু পরিমার্জিত আকারে? এক্ষেত্রে হয়ত নিতান্ত রক্ষণশীল ব্যক্তির সঙ্গে লেখকের মতের মিল হবে না। অলঙ্কারশাস্ত্রে বলে গ্রাম্যতা একটা দোষ। অনেক সময় লোকসঙ্গীতে এই গ্রাম্যতার আতিশয্য থাকে। খাটি গ্রামীণ পরিবেশে ধারা গান শুনেছেন, তাঁরা জানেন অনেকের মধ্যেই নানাব্রকম ‘মানারিজম’ আছে—সে উচ্চারণেও হতে পারে অথবা গাইবার ভঙ্গিতেও হতে পারে। এটাকে দোষই বলতে হবে এবং গ্রামীণ গীতিতেও গ্রাম্যতাদোষ বহুল পরিমাণে থাকে। এটাকেও যদি কেউ লোকসঙ্গীতের একটা। যথার্থ রূপ বলে ধরে নেন, তাহলে অহুমান ভুল হবে। এটুকুকে একটু শুদ্ধ করে নিতেই হবে রসিকসমাজে পরিবেশনের খাতিরে। এর জন্য লোকসঙ্গীতে বিকৃতি ঘটবার সম্ভাবনা নেই। বলা বাহুল্য এটি সাবধানতার সঙ্গে করতে হবে, কেননা স্বাধীনতার স্বযোগ এতে সামান্য। নিতান্ত আদিম লোকসঙ্গীত তাঁদের কাজে লাগতে পারে ধারা একেবারে থিয়োরিটিকাল দিক থেকে কাজ করেন; কিন্তু শিল্পের জগতে একটু মার্জনা করে না নিলে চলে না—খুব সামান্যভাবে হলেও এটা করা আবশ্যিক হয়ে পড়ে।”

শার্ঙ্গদেব অনেক সাবধানবাণী উচ্চারণ করেও যেটুকু অসাবধানী

উক্তি করেছেন তার স্বধোণ মিরে “গ্রাম্যাতা” পরিত্যাগ করে সচেতন urbanisation-এর ভেজাল ব্যবসায়ীরা—আঞ্চলিক ভঙ্গিকে (বা তাঁদের কণ্ঠে অসাধ্য) আয়ত্ত করার অপারগতাকে শিল্পের জগতে পরিমার্জনা বলে চালিয়ে নিতে পারেন। এখানে প্রশ্ন, পরিমার্জনা করার অধিকারী কারা? যে রসিকসমাজে পরিবেশনের কথা বলেছেন, সেই রসিকসমাজটিই বা কারা? অলঙ্কারশাস্ত্রে কোন্ গ্রাম্যাতাকে দোষাবহ বলেছে—অন্তত লোকসঙ্গীতের ক্ষেত্রে আমি তা জানি না, বুঝতেও পারছি না। শত শত লোকসঙ্গীত গায়ককে “একেবার উৎপত্তিহীন” দেখেছি যাদের মতো গাইতে পারি না বলে আমাব আফসোসের অন্ত নেই; গ্রামে গান গাইলেই সবাই গায়ক বলে স্বীকৃত হয় না। দেখানেও রসিকসমাজ আছে—সেখানেও গ্রহণ-বর্জন আছে। জনসাধারণই এই গ্রহণ-বর্জনের মালিক। কাজেই ধারা গায়ন, বায়েন, ওজা, ইত্যাদি বলে গ্রাম্য-সমাজে গৃহীত—তাঁরাই সত্যিকারের প্রতিনিধি। এঁদের কণ্ঠে যে গ্রাম্যাতা আমি তারই কথা বলছি। এর মধ্যে কোনো ম্যানারিজম নেই—বরং ম্যানারিজমটা ঘটে শহরের লোকসংগীত গায়কদের—যা আসে গ্রাম্য ভঙ্গি নকল করার অপচেষ্টা থেকে। জনসাধারণ থেকে সম্পূর্ণ বিচ্ছিন্ন কলকাতার আধুনিক রসিকসমাজে পরিবেশনের খাতিরে চোখের সামনে কত লোকশিল্পী অকালমৃত্যু দেখলাম আর অসহায়ভাবে দেখছি লোকসঙ্গীতের উপর নিষ্করণ অদ্বোপচার। শার্ঙ্গদেব যদি ভাবেন আমি নিতান্ত রক্ষণশীল ব্যক্তি, তবে আমি নাচার। গ্রাম্য শিল্পী কিন্তু রক্ষণশীল নয়। একই গান একই অঞ্চলের এক এক শিল্পীকে নিজের স্বকীয় ঢঙে উপস্থিত করতে দেখেছি। স্বরেব রক্ষণশীলতা ও ভাবের গতিশীলতা হলো লোকসঙ্গীতের রূপান্তরের রূপরেখা। কিন্তু স্বরের এই রক্ষণশীলতা বলতে অপরিবর্তনীয়তা বোঝায় না। শাস্ত্রীয় সঙ্গীতের উৎপত্তিহীন যেমন লোকসঙ্গীত, তেমনি শাস্ত্রীয় সঙ্গীতের সর্বভারতীয় রূপটিও লোকসঙ্গীতের আঞ্চলিক রূপকে কখনও কখনও প্রভাবান্বিত করেছে। অর্থাৎ এ ব্যাপারে কোনো one way road নেই। গ্রামের শিল্পীর কানেও বিভিন্ন স্বর ভেসে আসে। সার্ধক শিল্পীর হাতে যখন সমন্বয় ঘটে—তখন জনসাধারণ তা গ্রহণ করে নেয়। একটি গানে ভাটিয়ালীর সাথে ভূপালীর হৃদয় সংমিশ্রণ লক্ষণীয়—যদিও চউটা পুরো ভাটিয়ালী রয়ে গেছে।

(আমি) কেমনে জানিব গো ও গুরু

কার মনে কি?

আমি যার লাগিয়া আইলাম ভবে

সে দিল ফাঁকি ।

কার মনে কি ।-

আমি দেশবিদেশ ভ্রমণ করি,

মনের মাহুষ তালাস করি ।

পাই না দেখিতে

আমি সমুদ্রতীরে হুঃখী পেলে গো—

আমি হৈতাম তার সাথী—

কার মনে কি ?

এমনি পূর্ববঙ্গেব কোনো কোনো লোকসঙ্গীতে ভীমপলশী, দেশ প্রভৃতি বাগের সুস্পষ্ট প্রভাব পাওয়া যায় । কিন্তু এই সময়টারও একটা পদ্ধতি আছে—যা জনজীবন থেকে বিচ্ছিন্নতায় কোনো একক সঙ্গীত প্রতিভার experiment দিবে ঘটানো যায় না । কোনো কোনো সময় সুরে experiment-এর অনুপ্রবেশ পল্লীসঙ্গীতে ঘটানোর চেষ্টা হয়েছে অতীতে । কিন্তু আজ তা একচেটিয়া কবলিত গণমাধ্যম—বেতার, চলচ্চিত্র, রেকর্ড ইত্যাদি—সহযোগে অত্যন্ত সংগঠিত ও সচেতনভাবে করা হচ্ছে । বাজারের জন্ত পণ্যসৃষ্টির মতোই এ হলো manufactured folk song এবং এর আক্রমণটা আজ আমাদের সামনে ভয়াবহ হয়ে দেখা দিয়েছে ।

### Improvisation ও লোকসঙ্গীত

লোকসঙ্গীতে গলার গ্রাম্যতা বা একটি বিশেষ Tonal quality-র কথা বলেছি—যা ঘরে বসে রেওয়াজ করে আয়ত্ত করা যায় না । এবার আর একটি বিষয়ের কথা বলবো ।

অনেকদিন আগে যখন প্রথম কলকাতায় প্রগতি লেখক ও শিল্পী সম্মেলনে গান গাইতে আসি তখন একদিন একজন সংগীতজ্ঞ আমার কাছ থেকে একটি পূর্ববঙ্গের লোকসঙ্গীত স্বরলিপিবদ্ধ করতে আসেন । আমি একটি ভাটিয়ালী গাইছিলাম । কিন্তু তিনি স্বরলিপি করতে গিয়ে ভীষণ ফাঁপরে পড়েন আমাকে নিয়ে । বার বার আমাকে স্বরণ করিয়ে দিচ্ছিলেন “আপনি কিন্তু আগের বার যে রকম গাইছিলেন এবার ঠিক সেরকম গাইছেন না—” কিন্তু আমি আমার ভুল ঠিক বুঝতে পারছিলাম না । পরে সঙ্গীতজ্ঞ ত্রলোক একরকম হাল ছেড়ে

দিলেন। সে সময় আমি ভীষণ লজ্জিত হয়েছিলাম সঙ্গীতবিজ্ঞান সম্পর্কে আমার অজ্ঞতা ধরা পড়ে যাওয়ায়। অনেকদিন পরে বুঝলাম, প্রাচীন গ্রীক দার্শনিক থেমিস বলেছিলেন এক নদীতে একজন ছুবার স্নান করে না, ঠিক সে ভাবে বলা যায় একজন লোকসঙ্গীত-গাইয়ে একই গান ছুবার একই ভাবে গান না। কেউ হয়ত বলবেন একজন খেয়াল-গাইয়ে বা ঠুংরী-গাইয়েও একই গান একইভাবে ছুবার গান না, improvisation-টাই তার আসল বাহাদুরী। কিন্তু তফাতটা হলো, ক্লাসিকাল-গাইয়ে অত্যন্ত সচেতনভাবে improvise করেন আর লোকসঙ্গীত-গাইয়ে এ ব্যাপারে অচেতন। অথচ তাব মূল Local musical mode বা ঠাঁটের ভেতবেই সেটা করেন।

George Thompson তাঁর বিখ্যাত বই Marxism and Poetry-তে প্রাচীন লোকগীতিকাব্যের ‘মুহূর্তেব অমুপ্রেরণায় উদ্ভাবনের’ বা Inspired improvisation-এর দৃষ্টান্ত সহ বিশদ আলোচনা করেছেন। তিনি বলেছেন “Every minstrel with any skill at all always improvises, so that he cannot recite a song twice over in exactly the same form ..”

আমাদের দেশেও আমি সে রকম বহু কথিয়াল বা স্বভাব লোককবিদের গাইতে গিয়ে অমুপ্রাণিত হয়ে আসরে দাঁড়িয়ে কাব্যবচনা করতে দেখেছি এবং গায়কদের মুখেও বিশেষ কোনো উৎসবের জনসমাবেশে উদ্ভাদনার মুহূর্তে এই ধরনের উদ্ভাবনের প্রক্রিয়া দেখেছি। আসামের বিহ উৎসবে গ্রাম্য গায়কদের সুরে ও রচনায় এই প্রক্রিয়া এখনও দেখা যায়। অথচ সুরের Melodic Pattern এ যতই নতুন স্বর আনবার চেষ্টা করুক, তা কিন্তু বিহুর সা জা মা পা গা এই পঞ্চ-স্বরের ঔড়ব জাতীয় ঠাঁটের কাঠামো ও বিহুর বিশেষ ঢঙটির মধ্যেই থাকে। এই উদ্ভাবন বা improvisation কিন্তু একটা collective creation বা যৌথ সৃষ্টি। যৌথ চেতনার বিশেষ একটি অমুপ্রাণিত মুহূর্তে জনগণের কোনো শিল্পী প্রতিভা এটি করেন। আজকাল কলকাতায় একদল সুরকার ও রচয়িতা আছেন যারা রেকর্ড কোম্পানির ও আকাশবাণীর ছত্রছায়ায় ও গৃহপোষকতার লোক-সঙ্গীতের কারখানা খুলেছেন ও commercialised লোকগীতি সেখানে উৎপাদন করছেন। এই সমস্তার সবচেয়ে ইয়াজিক দিকটা হলো—কলকাতায় অধিকাংশ সঙ্গীতশাস্ত্রী ও রবীন্দ্রসঙ্গীতজ্ঞ এই ভেজাল ব্যবসায়ের স্বরূপটা বুঝতে পারেন না। তাঁদের এই অজ্ঞতার স্ববোণে গ্রহরীহীন গ্রাম্যগীতির এই urbanised ব্যবসার আরও সহজ হয়ে উঠেছে।

অন্যদিকে ধারা শহরের কোনো গুরুত্ব আছে শিক্ষালাভ করেন এবং স্বরলিপি করে তা ধরতে চান তাঁরা লোকসঙ্গীতের এই স্বাধীনতার কথা জানেন না—যার নাম improvisation ; একমাত্র গ্রাম্যজীবনের সঙ্গে ঘনিষ্ঠতা থেকেই সেই গায়কীর স্বাধীনতা অর্জন করা যায়। স্বরলিপিসহ যেসব লোকসঙ্গীতের বই বের হচ্ছে সেগুলিকে নির্ভর করে কোনোদিনই লোকসঙ্গীতের খাঁটি রূপ পাওয়া যেতে পারে না। গবেষকদের তা সাহায্য করতে পারে মাত্র।

মিউজিক, ছন্দ ও তাল

আর মাত্র একটি বিষয় উল্লেখ করে এই আলোচনা শেষ করবো। সেটি হলো লোকসঙ্গীতে মিউজিক ও তালের হুল্লোড়ী দৌরাখ্য এবং ছন্দের স্বেচ্ছাচার। লোকসঙ্গীত বিকৃতির এটি আর একটি নমুনা।

যৌথ শ্রমপ্রক্রিয়া থেকেই ছন্দ ও সুরের উৎপত্তি। শ্রমধ্বনিই কালক্রমে ছুটি থেকে তিনটি বা চারটি স্বরে বিস্তারিত হয়ে সঙ্গীতে বিকাশ লাভ করে। ছন্দেরও বিকাশ শ্রমজীবনের ছন্দ থেকে। আজও নৌকাবাইচ ছাদপেটা ইত্যাদিতে তার সাক্ষ্য মেলে। যৌথজীবনের সাথেই নৃত্যগীত ও সঙ্গীত অবিচ্ছেদ্যভাবে ছিল। আজও বহু লোকসংগীত নৃত্যসম্বলিত। আদিবাসীদের মধ্যে দেখেছি তারা গান গাওয়ার সময় না নেচে পারে না, আবার নাচের সময় না গেয়ে পারে না। এটা স্বতঃস্ফূর্ত ঘটনা। আদিবাসী কেন, আমাদের বর্তমান গ্রাম্য জীবনেও অধিকাংশ সময়েই দেহসঞ্চালন ছাড়া লোকসঙ্গীত করতে দেখা যায় না। কিন্তু শহরের গায়করা যখন মাইকের সামনে আড়ষ্ট হয়ে বসেন তখন কোনো নৃত্যসম্বলিত গানকে তিনি যেভাবে উপস্থিত করেন তাতে দেহভঙ্গিমার স্তব্ধতা নেই। কিন্তু গায়কের মানসপটে মূল গানের ছবিটা যদি পরিষ্কার থাকে তবে সেই প্রাণশক্তি আনবার জন্য মূল ছন্দকে বলি দিয়ে ‘রক-এন-রোল’ জাতীয় ছন্দে তাকে ফ্রেসতে চেষ্টা করবেন না। একদিকে ছন্দপ্রধান বাউল গান যেমন শহরের আড়ষ্ট গাইয়েদের গলায় এবং তবলার তালে পড়ে ভগ্ন পায়ে চলতে থাকে, তেমনি ছন্দহীন ভাটিয়ালীকে তাদের গলায় ও তবলার রেজায় পড়ে প্রাণ হারাতে হচ্ছে। ৩ মাত্রা ও ৪ মাত্রার টানা পোড়েনেই পৃথিবীর সব তাল। কিন্তু তথাপি এত বৈচিত্র্য কিসে? বিশেষত ছন্দে ও চলনে। বিশেষ লোকসঙ্গীতের বিশেষ চলন আছে। যেমন অধিকাংশ লোকসঙ্গীতেরই চলনটা আড়া।

এখানেই আসে লৌকিক বাস্তবত্বগুলির কথা। আজকাল তা হুপ্রাণ্য হয়ে পড়েছে। এই মহানগরীতে সন্ধারণভাবে ভালো সেতারী অনেক পাবেন, কিন্তু ভালো দোতারা বাজিয়ে পাওয়া দুস্কর। অথচ দোতারা ছাড়া বাংলা লোক-সঙ্গীতের কথা ভাবা যায় না। প্রত্যেক দেশে এবং অঞ্চলে তার নিজস্ব বাস্তবত্ব নানা রকমের আছে। এগুলির বিবর্তন আমাদের সঙ্গীতের ইতিহাসে এক বিন্দুস্বরূপ অধ্যায়। এ শুধু গানে ‘অ্যাকস্পেনিমেন্ট’ ভাবা ঠিক নয়। এক একটি যন্ত্র এক এক প্রকারের মূড় বা মেজাজ সৃষ্টি করে। পূর্ববঙ্গের ‘লাউয়া’ বা একতারার সঙ্গে পশ্চিমবঙ্গের একতারার সঙ্গে পার্থক্য আছে। পূর্ববঙ্গের দোতারার সঙ্গে উত্তরবঙ্গের দোতারার পার্থক্যও লক্ষ্যীয়। এ সবই বিশেষ স্বরের প্রকৃতির সাথে সম্বন্ধযুক্ত। কিন্তু আজকের গায়করা অধিকাংশই সেসব লৌকিক বাস্তবত্ব পরিত্যাগ করে হারমনিয়াম ও তবলার আশ্রয় নিয়েছেন। লোকসঙ্গীতের পক্ষে এ দুটোই বিসংবাদী যন্ত্র। লোকসঙ্গীতের শ্রুতিক্রমে নষ্ট করছে হারমনিয়াম ও ছন্দকে মার্জিত করছে তবলা। ঢোল ও ঢোলকের মেজাজ তবলায় পাওয়া যায় না। শুধু একটি একতারার হাতে নিয়ে গাইলে কোনো কোনো লোকসঙ্গীতের যে আমেজ পাওয়া যায় অল্প যন্ত্র হাজির করলে তা নষ্ট হয়ে যায়। দেশী বিদেশী অত্যধিক যন্ত্রের যন্ত্রণায় আজ আমাদের সঙ্গীত পীড়িত, কণ্ঠ ক্রমশই গোপ হয়ে পড়ছে। অর্কেস্ট্রেশনের অবৈধ প্রণয়ে লোকসঙ্গীত চরিত্রহীন হয়ে পড়ছে। আর একটি ব্যাপার আপনারা লক্ষ্য করেছেন। আজকাল কোরাসে লোকসঙ্গীত গাওয়া হচ্ছে। কোনো কোনো বৌথক্রিয়ামূলক গান আছে যা দলবদ্ধভাবে গাওয়া হলে ভালো। কিন্তু যেগুলি একক গীত তা দলবদ্ধভাবে গাইতে গেলে মূল সেন্টিমেন্ট নষ্ট হয়ে যায়। ভাটিয়ানী, ডাওয়াইয়া যদি কোরাসে ফেলা যায় তবে আর কিছুই থাকে না।

#### উপসংহার

আমাদের লোকসঙ্গীতের সাদৃশ্যিক বিকৃতির প্রধান কয়েকটি রূপ আলোচনা করলাম। বিকৃতির আরও অন্যান্য দিক আছে। বিশেষত পদ্রচনার ব্যাপারে পরিভাষাকে সংস্কার করে যে ভঙ্গরূপ দেওয়া হচ্ছে তা, কিংবা পরিচ্ছদের মাঝে মাঝে যে ইচ্ছাকৃত চাষাড়ে গোশাক পরানো হচ্ছে— তা আলোচনা না করলে আমার বক্তব্য অসম্পূর্ণ থেকে যাবে। কিন্তু তথাপি আজ শুধু স্বরের দিকটাই আমার জ্ঞান-বুদ্ধিমত্তা আলোচনা করলাম। মূলত

লোকসঙ্গীতের পদরচয়িতা সুরকার ও গায়ক একই ব্যক্তি। তাদের বিচ্ছিন্ন করে দেখা যায় না। কিন্তু আজ আকাশবাণী ও গ্রামোফোন কোম্পানীর দৌলতে শহরের কিছু specialised পদরচয়িতা উৎপাদিত হয়েছেন, যাদের স্বরূপ উদ্ঘাটিত করা প্রয়োজন।

ব্যক্তিগতভাবে কোনো বিশেষ শিল্পী বা বচয়িতাকে সামনে বেখে আমি কথা বলছি না। আজ আসছে একচেটিয়া-করায়ত্ত গণমাধ্যম মারফৎ। অল্পদিকে গণচেতনা যেখানে গণঅভ্যুত্থানে পৌঁছেছে, সেখানে মুমূর্ষু ধনিকশ্রেণীর হাতে সংস্কৃতির গণমাধ্যমগুলি গণসংস্কৃতির বিকৃতির জন্ত সংঘবদ্ধ প্রচেষ্টা চালাচ্ছে। বাংলাদেশের বৃহত্তর জনসাধারণের বিশেষ কবে তরুণশ্রেণীর সাংস্কৃতিক রুচিকে তারা অন্তত সাময়িকভাবে নষ্ট কবে দিতে সমর্থ হয়েছে। লোকসঙ্গীত সেভাবেই আক্রান্ত। তবে আমাদের বিচ্ছিন্নতা-বিলাসী শিক্ষিত শ্রেণী, যাদের প্রত্যেকের শিরায় শিরায় সামন্ত ও ক্ষুদ্রে সামন্তশ্রেণীর রক্ত প্রবহমান, লোকসঙ্গীতের স্রষ্টা নিঃস্ব জনসাধারণের সঙ্গে যাদের যোগসূত্র নেই—তাদের অজ্ঞতা লোকসঙ্গীতের সংকটকে আরও তীব্র কবে তুলেছে। এর বিরুদ্ধে আমাদের সজ্জবদ্ধ প্রচেষ্টা চালাতে হবে।

## পল্লীসমাজের সঙ্গীত ও সংঘাত

দীর্ঘদিন চীনে থাকাকালীন সেখানকার বিভিন্ন অঞ্চলের লোকসঙ্গীত শুনবার সুযোগ ঘটেছিল। চীন-প্রবাসের অধিকাংশ সময়ই কেটেছে গ্রামাঞ্চলে। সেজন্য কেবল শহরের অহুষ্ঠানগুলিতেই নয়, গ্রামাঞ্চলের ঘনিষ্ঠ পরিবেশে সেখানকার লোকসঙ্গীত ও ধারাবাহী লৌকিক অপেরা দেখার সুভোগ্য হয়েছিল। ও দেশের প্রাচীন ঐতিহ্যবাহী লোকগীতি ও অপেরাব গান শুনবার সময় আমার যে জিনিসটি বিশেষ করে মনে লেগেছিল, সেটি হল চীনাঙ্গের লোকসংস্কৃতির ইহজাগতিকতা ও সামাজিক অত্যাচারের বিরুদ্ধে প্রতিবাদমুখিতা। রাশিয়া বা ইউরোপের যেসব লোকসঙ্গীত আমবা বিভিন্ন লেখকের লেখা মাধ্যমে দেখতে পাই সেখানেও দেখি বস্তুবাদী জীবনমুখিতার প্রাধান্য। শোষণশ্রেণীর ভাবাদর্শের সঙ্গে সংঘাতই লোকসঙ্গীতের বিচার ও বিকাশের মূল চালিকা-শক্তি। কিন্তু এদেশের, বিশেষত বাংলাব লোকসঙ্গীত—জীবন-বিমুখী অধ্যাত্মবাদের দ্বারা এমন আচ্ছন্ন কেন ?

আমাদের কোনো কোনো তত্ত্ববিদ হয়ত তার কারণ দেখাতে গিয়ে বলবেন আমরা ‘অন্তর্মুখী’, ‘অধ্যাত্মবাদী’—আর অন্ত্যন্ত দেশ হল ‘বহির্মুখী’, ‘বস্তুবাদী’ ; আমরা ধর্মপ্রাণ—অন্তরা ‘সেকুলার’ ইত্যাদি। তবে কি এদেশে অত্যাচারী জমিদার, মহাজন, রাজরাজড়া ছিল না ? না, শোষণ নিপীড়নের একটানা দা খেয়ে খেয়ে ওরা ভাগ্যব কাছে অর্থাৎ শোষণশ্রেণীর ভাববাদী দর্শনের কাছে এমনি আত্মনিবেদন করেছে যে প্রতিবাদের ভাষা তারা হারিয়ে ফেলেছিল ? না, যারা সংগ্রহকারী বা বিশেষজ্ঞ গবেষক বলে স্বীকৃতি পেয়েছেন তাঁদের দৃষ্টিকে ভাববাদে এমনি আচ্ছন্ন করে রেখেছিল যে তাঁরা আমাদের লোকসঙ্গীতের ধূলোমাখা পরশপাথর ফেলে ছুড়িই কুড়িয়েছেন বেশি ? বিষয়টা একটু বিশদ আলোচনার দাবি রাখে।

ভারতের সমাজব্যবস্থার অন্তর্ভুক্ত ও তার মানসিক প্রতিকলন

শ্রেণীসমাজে দারিদ্র্যের গর্ভেই লোকসঙ্গীতের জন্ম। অন্ত্যন্ত দেশে যেমন আমাদের দেশেও দারিদ্র্য, শোষণ ও শাসন ছিল এবং আছে। কিন্তু সমাজ-বিকাশে ভারতের একটা বিশেষ প্রকৃতি ছিল, যেজন্য তার ভাবাদর্শে ভাববাদের প্রাধান্য ভারতের শোষিত সমাজের লোকায়ত দৃষ্টিকে অনেকখানি আচ্ছন্ন



করতে সমর্থ হয়েছিল। এবিষয়ে ঐতিহাসিক বস্তুবাদের বৈজ্ঞানিক দৃষ্টিতে অধ্যাপক দেবীপ্রসাদ চট্টোপাধ্যায় তাঁর মূল্যবান গ্রন্থ ‘লোকায়ত’তে বিশদ আলোচনায় বিশ্লেষণের চেষ্টা করেছেন। ভারতীয় চিন্তার দুটি পরম্পর-বিপরীত ধারা সম্বন্ধে বলতে গিয়ে তিনি লিখেছেন : ‘ভারতীয় সংস্কৃতির ক্ষেত্রে যেন দুটি স্পষ্ট ধারা স্বতন্ত্রভাবে প্রবাহিত হতে দেখা যায়। একদিকে অধ্যাত্মবাদের মহিমামুখর শাসকশ্রেণীর সংস্কৃতি। অপরদিকে প্রাক-অধ্যাত্মবাদের এবং অতএব প্রাক্‌বিভক্ত পর্ষদের স্মারক-বহুল গণসংস্কৃতি। দ্বিতীয়টি লোকেমু আয়ত এবং সেই অর্থে লোকায়ত।’ লোকসংস্কৃতি দ্বিতীয় ধারাটিরই অন্তর্গত। গণ-সংস্কৃতির নামান্তর হিসাবে লোকায়ত শব্দটি ব্রাহ্মণ্যনীতির প্রচারকদের কাছে গালিগালাজের সামিল হয়ে দাঁড়িয়েছিল। লোকায়ত দর্শন ও চিন্তাকে অবদমন করার জন্য যে সংঘবদ্ধ প্রচার পুরাণকারেরা করেছিলেন এবং কঠিন সত্ৰাসী বিধানের ব্যবস্থা দিয়েছিলেন তা আমাদের দৃষ্টিকোণে না রাখলে আমরা আজ আমাদের দেশের লোকসংস্কৃতির ঐতিহাসিক বিশ্লেষণে ব্যর্থ হব।

আমরা সাধারণত যেসব লোকসঙ্গীত ক’রে থাকি, কিংবা আমরা আমাদের আলোচনায় সাধারণত উদ্ধৃত হয়ে থাকে তা কালগতভাবে দু-শতাব্দীর পরিধি অতিক্রম করে যায়নি। এই কালটায় ভারতের সমাজব্যবস্থার কি প্রকৃতি ছিল তা জানতে হলে আমাদের কার্ল মার্কসের ঐতিহাসিক লেখার দিকেই চোখ ফেরাতে হবে। ভারতের স্বয়ংসম্পূর্ণ, স্বাণু, আত্মমুখী গ্রাম্যসমাজের স্বায়ত্ত্বের শক্তি ও অগ্রদিকে তার দুর্বলতার কথা বলতে গিয়ে মার্কস বলেন :

‘...We must not forget that this undignified, stagnatory, and vegetative life, that this passive sort of existence evoked on the other part, in contradistinction, wild, aimless, unbounded forces of destruction and rendered murder itself a religious rite in Hindostan. We must not forget that these little communities were contaminated by distinctions of caste and by slavery, that they subjugated man to external circumstances instead of elevating man to be the sovereign of circumstances, that they transformed a self-developing social state into never changing natural destiny, and thus brought about a brutalising worship of nature, exhibiting its degradation in the fact that man, the

sovereign of nature, fell down on his knees in adoration of Hanuman, the monkey, and Sabbala the cow.'

বে অতীত গ্রাম-সমবায়গুলি একদিন ছিল লোকশক্তির ঘাঁটি—উৎপাদন-পদ্ধতির কোনো মৌলিক পরিবর্তন না হওয়াতে ক্রমশ তার প্রগতি সম্পূর্ণ রুদ্ধ হয়ে যায় এবং শাসকশ্রেণীর প্রতিক্রিয়াশীল ব্রাহ্মণ্যবাদের প্রভাবে আচ্ছন্ন হতে থাকে। এই অচলায়তন গ্রাম্যসমাজেরই বনিয়াদের উপর ভাবগত উপরিসৌধে নানা প্রকারের জীবনবিরোধী তত্ত্ব ও চিন্তা দানা বেঁধেছিল। আমাদের লোক-সঙ্গীতেও তার দীর্ঘস্থায়ী প্রভাব লক্ষ্য করা যায়।

ভারতীয় গ্রামীণ সমাজের অচলায়তনকে প্রথম আঘাত করেছিল ব্রিটিশ শাসন। তাই কাল মার্কস ব্রিটিশের নৃশংসতম ধ্বংসলীলার কঠোর নিন্দা করেও ভাবতেব এই সনাতন সমাজকে ভারি ব্যাপারে 'unconscious tool of history' বলে ব্রিটিশ শাসনকে অভিহিত করেছিলেন। কিন্তু ভারতেব ঔপনিবেশিক অর্থনীতি থেকে কৃষিসমাজকে মুক্ত করার গণতান্ত্রিক বিপ্লব এগিয়ে গেল না। সিপাহী বিদ্রোহ—মার্কস যাকে স্বাধীনতার যুদ্ধ বলে আখ্যা দিয়েছিলেন—ব্যর্থ হল, কৃষক অভ্যুত্থানগুলিও বিফল হল। তাই ভারতের জনসাধারণের ঔপনিবেশিক অর্থনৈতিক শোষণকে প্রাচীন অদৃষ্টবাদ ও অধ্যাত্মবাদ সাহায্য করতে লাগল। আত্মসমর্পণের জীবনদর্শন, জীবনের অনিত্যতার দর্শন জনজীবনকে প্রভাবান্বিত করতে লাগলো—

‘বড় সাথে বাইস্কাছ ঘর, বড় করছাও আশা

বজ্রনী পরভাত কালে পক্ষী ছাড়ব বাসা।’

কিন্তু পাশাপাশি জনসাধারণেব আর একটি ইতিহাস আছে। বিদেশী শাসক ও তার দেশীয় মুংসুদ্রির বিরুদ্ধে বিদ্রোহী জনশক্তি বারে বারে পরাজিত হয়েও বাবে বারে আত্মপ্রকাশ কবেছে। খ্রীষ্টপ্রকাশ রায় তাঁর ‘ভারতের কৃষক-বিদ্রোহ ও গণতান্ত্রিক সংগ্রাম’ নামক অমূল্য গ্রন্থে অসংখ্য কৃষক-অভ্যুত্থানের বীর-গাথা লিপিবদ্ধ কবেছেন। তার সাথে সাথে জনসাধারণের নতুন মূল্যবোধ, নতুন গণধর্ম প্রভৃতির ইতিহাসও আমরা পাই। কিন্তু প্রশ্ন জাগে, লোকসংগীতে তাব প্রতিধ্বনি সে রকম আমরা পাই না কেন? তিতুমীর, দুধুমিঞা বা সমেশের গাজীদের নিয়ে ‘ব্যালাড’ বা গীতিকা পেলাম না কেন? ভাবজগতে অধ্যাত্ম-বাদের অপ্রতিহত ক্ষমতাই কি তার একমাত্র কারণ? তাছাড়াও অন্ত প্রশ্ন মনে জাগে।

তা হল আমাদের জনগণ-স্বষ্ট বীররা যেমন ইংরেজি শিক্ষায় শিক্ষিত ঐতিহাসিকদের ইতিহাসের পাতায় ছিল চিরদিন বিন্মত ও অবজ্ঞাত, তেমনি আমাদের লোকসংস্কৃতির বৈপ্লবিক ঐতিহ্যের পথে ছড়ানো আদিম রূপ গ্র্যানাইট পাথরগুলি আমাদের পল্লীসংস্কৃতির ভিজ়েমাটির গবেষকরা ও সংগ্রাহকরা কোনোদিন আদর করে কুড়িয়ে ঝোলায় ভরতে রাজি হননি। এঁদের মধ্যে অনেকেই ছিলেন আবার ব্রিটিশ-ভক্ত কিংবা সরকার-অমুরাগী, সেদিক দিয়েও বাধা ছিল তাঁদের মানসিকতায়। আজও অনেকাংশে একথা প্রযোজ্য। তাছাড়া ভক্তিবাদী আত্মসমর্পণের ও আধ্যাত্মিক তত্ত্বমূলক ধারাটিকেই তাঁরা ‘ভারতীয় ধারা’ বলে মেনে নিয়ে সেই দৃষ্টিতেই সংগ্রহ করেছেন। সামান্য অহুসদ্ধান করলে আজও অনেক টুকরো ছড়া, গানের ভাঙাকলি, গীতিকার ছিন্নমালা খুঁজে পাওয়া যায়— শুধু বাংলাদেশে নয়, ভারতের সর্বত্র। বাংলাদেশে পলাশীর রণাঙ্গনে পরাজয় থেকে আরম্ভ করে প্রত্যেকটি গণজাগরণের কিছু কিছু সাক্ষ্য আমাদের লোকসঙ্গীতে আছে। লোকসঙ্গীতের অমুরাগীরা সকলেই পলাশীযুদ্ধের স্মৃতিবহনকারী একটি লোকগীতির খবর রাখেন :

কি হলোরে জান

পলাশীর ময়দানে নবাব হারালো পরান।

ভীর পড়ে কাঁকে কাঁকে, গুলি পড়ে রয়ে

একলা মীরমদন বল কত নেবে সয়ে।

ছোট ছোট তেলেকাগুলি লাল কুঁত গায়

হাঁটুগেড়ে মারছে ভীর মীরমদনের গায়।

কি হলোরে জান

পলাশীর ময়দানে হারালো পরান।

নবাব কাঁদে, সিপুই কাঁদে, আর কাঁদে হাতী

কলকাতাতে বসে কাঁদে মোহনলালের বেটা।

কি হলোরে জান

পলাশীর ময়দানে উড়ে কোম্পানি নিশান।

ফুলবাগে ম'ল নবাব খোসবাগে মাটি

চাঁদোয়া টাঙ্গারে কাঁদে মোহনলালের বেটা।

কি হলোরে জান

পলাশীর ময়দানে উড়ে কোম্পানি নিশান।

পলাশীর প্রাঙ্গণ থেকে হুদিরামের ফাঁসির মঞ্চ অনেকদূর। পলাশীর ‘মোহন-  
লালের বেটা’র পরাজয়ের কান্না আর হুদিরামের ‘একবার বিদায় দাও মা যুরে  
আসি’র গৌরবে চোখের জলের তফাত অনেকখানি। অজ্ঞাত লোককবি-রচিত  
সেই গানটি লক্ষ লক্ষ লোকের সংগ্রামী সাম্রাজ্যবাদবিরোধী চেতনার স্পন্দনটি  
ধরে রেখেছে।

শ্রী পি. সি. যোশী সিপাহিবিজ্ঞোহেব আলোড়নে রচিত উত্তরভারতের কিছু  
লোকগীত সংগ্রহ করে তার ইংরেজি অনুবাদ করে প্রকাশ করেছেন। বাশীর  
রানী সম্পর্কে তাতে কিছু গীত আছে :

মাটি আর পাথর থেকে  
রানী গড়েছেন তাঁর সৈন্য,  
কাঠ থেকে  
তিনি বানিয়েছেন তরবারি  
পাহাড়কে করেছেন তিনি ষোড়া  
সোজা ছুটছেন গোয়ালিয়র।...

আব একটি গীতিকাতে আছে :

গাছগুলো কেটে ফেল  
ফাঁসীর রানী আদেশ দিলেন।  
যাতে ফিরিঙ্গীর আমাদের সৈন্যদের  
ফাঁসি দিতে না পারে।  
কাপুরুষ ব্রিটিশ ঘেন চিংকার করে  
বলতে না পারে  
ফাঁসি দাও। গাছে ঝুলিয়ে দাও।  
গাছগুলো কেটে ফেলো  
যাতে বোন্ধুরে তারা ছায়া না পায়।...

ভারতের সর্বত্রই ব্রিটিশবিরোধী অভ্যুত্থানকে কেন্দ্র করে কিংবা জাতীয়  
আন্দোলনের প্রভাবে বহু লোকগীতি রচিত হয়েছে। কোনো কোনো রাজ্যে  
পুরো গীতিকা আজও আছে ; যেমন আসামে মণিরাম দেওয়ানের ফাঁসিকে কেন্দ্র  
করে রচিত গীতিকাটি :

সোনার খোঁয়াখোঁয়াত খালি ঐ মণিরাম  
রূপর খোঁয়াখোঁয়াত খালি

কিনো রজাবরত দ্রোহ আচরিলি

ডিভিত চিপেজরী ললি।।...

সোনার হাঁকোর খেতি বনিরাম, ক্রশোর হাঁকোর খেতি তামাক ; রাজার বিরুদ্ধে কি বিদ্রোহ করিলি—তোর গলায় লাগলো কাঁসির রশি।

ভারতবর্ষের ব্যাপক কৃষকবিদ্রোহের মধ্যে একটি হল নীলবিদ্রোহ (১৮৫২-৬১)। বাংলাদেশের বুদ্ধিজীবী মহলে ও সাহিত্যে সবচেয়ে বেশি আলোড়নকারী ঘটনাটি লৌকিক ছড়ার কয়েকটি কলিতে অমর হয়ে আছে, যা আমাদের সকলেরই জানা : 'নীলবান্দরে সোনার বাংলা/করলে এবার ছারখার'... ইত্যাদি।

কৃষক সম্প্রদায় যখন জীবনমরণ সংগ্রামে ব্যস্ত তখন তার প্রতি শহরের মধ্যবিত্ত শ্রেণীর এক অংশ সহানুভূতিশীল হলেও, অধিকাংশই নিষ্ক্রিয় দর্শকের ভূমিকা নিয়েছিলেন। গ্রাম্যকবির গানে তাই বিজ্ঞপ্তি ব্যক্ত হয়েছিল :

মোল্লাহাটির লম্বালাঠি রইল সব ছদোর আঁটি

কোলকাতার বাবুভেয়ে এল সব বজরা চেপে

লড়াই দেখবে বলে।

‘অর্থাৎ মোল্লাহাটির কুখ্যাত নীলকুটির বিপুল লাঠিয়াল দলের লাঠির বোঝা একেজো হইয়া রহিল। বিদ্রোহী কৃষকের সহিত নীলকুটির লাঠিয়াল দলের ভয়ঙ্কর যুদ্ধে নীলকুটির লাঠিয়াল দল পরাজিত ও বিধ্বস্ত। আর কলিকাতার বাবুভাইগণ মজা দেখিবার জন্য বজরায় চাপিয়া যুদ্ধ দেখিতে আসিয়াছেন।’ (সুপ্রকাশ রায়, ভারতের কৃষকবিদ্রোহ ও গণতান্ত্রিক সংগ্রাম।

ভারতের সবচেয়ে সুসংগঠিত ও ব্যাপক কৃষক-বিদ্রোহ অগ্রতম সাঁওতাল-বিদ্রোহ (১৮৫৫-৫৭)। জমিদার ও মহাজনশ্রেণীর বিরুদ্ধে এই বিদ্রোহের আরম্ভ হলেও সামন্তশোষণের প্রধান পৃষ্ঠপোষক ব্রিটিশ শাসকদের বিরুদ্ধে প্রত্যক্ষ সশস্ত্র সংগ্রামে রূপান্তরিত হয়ে তা ব্রিটিশ শাসনের ভিত্তিযূল কাঁপিয়ে তুলেছিল। বিহার ও পশ্চিমবঙ্গের হাজার হাজার সাঁওতাল উপজাতি অসীম বীরত্বে ভীষণ ধনুক নিয়ে বন্দুকের বিরুদ্ধে লড়াই করেছিল। এই ঐতিহাসিক বিদ্রোহের নায়ক ছিল চার ভাই—সিধু, কাহ্ন, চাঁদ ও ভৈরব। সেই সিধু ও কাহ্ন আমাদের ইতিহাসে স্থান না পেলেও লোকসংগীতে অমর হয়ে আছে।

সাঁওতাল উপজাতিদের লব্ধে বিশেষজ্ঞ ব্রিটিশ মিডিলিয়ান W. G. Archer সাঁওতাল বিদ্রোহ-জাত কিছু লোকসঙ্গীত সংগ্রহ করে তার অনুবাদ

*Santhal Rebellion Songs* নামে একটি গ্রন্থ প্রকাশ করেন। সেখানকার একটি গানের অর্থবাদ হল :

Sido why are you bathed in blood ?  
Kanu, why do you cry hul, hul ?  
For our people we have bathed in blood  
For the trader thieves  
Have robbed us of our land.

[ সাঁওতাল ভাষায় 'হুল' মানে বিদ্রোহ । ]

এভাবে সমস্ত ভারতবর্ষেই বিভিন্ন ভাষায় ছড়া, প্রবাদ, গীতের ভাঙা কলি ছড়িয়ে আছে। একটি ওড়িয়া গান শুনেছিলাম,

পারাবীপ নয়ী পিন্নড় নাসি  
লকে যুগু গলা ভালি...

গায়ক বললেন সেটা ওড়িয়ার প্রথম গণবিদ্রোহ পাইকবিদ্রোহ (১৮১৭-২০)-এর গান। কিন্তু তিনি সে গানের মাত্র কয়েকটি কলি জানেন। জনৈক বন্ধু দার্জিলিং-ফেলার ওঁরাওদের কিছু গান সংগ্রহ করতে গিয়েছিলেন। সাঁওতাল ভাষায় 'মাটিকে বানাল কায়া মাটিমে গিয়া'—অর্থাৎ মাটির দেহ মাটিতেই মিশে যাবো—ধরনের কয়েকটি গান শোনার পর ওঁদের মৌলিক ওঁরাও ভাষার গান শুনেতে চাইলে একজন বয়স্ক আদিবাসী শুনালেন একটি গান :

নাগপুরিয়া লাড়াই চোচা  
গোড়ায় তারা নামাকে মালা ;  
ভায়ারে জিনগিরে টুয়ার  
মানোয় জিনগিরে টাপার ।...

এই গানের ভাঙা কলিটি ১৮৫৫ সালে নাগপুরে ওঁরাও বিদ্রোহের স্মৃতিবহনকারী।

নিম্ন আসামের একটি ঘুমপাড়ানীয়া গান :

শুন্ছারি আপিগিলা খাজনা লগাইছি  
দিবা নল্লি নিব ধরি পেদা লগাইদি ।...

আমাদের কাছে রজিয়া কৃষক বিদ্রোহের ( ১৮২৪-২৫ ) স্মৃতি বহন করে আনে। দরং ও কামরূপের বিভিন্ন অঞ্চলে এই বিদ্রোহ ছড়িয়ে পড়েছিল। ব্রিটিশ-সরকারের বিরুদ্ধে নিম্ন আসামের জনগণ তাঁদের যে পার্টি কর্তৃক গড়ে তোলেন, তার নাম 'রাইজমেল' বলে খ্যাত। আসামের সমস্ত জেলা এটাই ছিল সবচেয়ে

ব্যাপক ও সুসংগঠিত বিব্রোহ। রঞ্জিয়ার এক চারণের কাছ থেকে আসাম গণনাট্য সংঘ এ বিষয়ে এক অসম্পূর্ণ গীতিকা সংগ্রহ করেছিল।

আমাদের গ্রাম্য কবিরাল গান, পটের গান, ঢাকির গান, ভাটের গান, গম্ভীবা ইত্যাদি গীতের ধারার মূল প্রাণশক্তিই হল সমকালীনতা। সমসাময়িক রাষ্ট্র-নৈতিক ঘটনাবলি তাতে প্রত্যক্ষভাবে প্রতিফলিত হয়। একসময় গম্ভীবা গানের উপর ব্রিটিশ শাসকদের নিষেধাজ্ঞা আরি হয়েছিল। কংগ্রেস সরকার-বিরোধী বাংলাভাষা আন্দোলনের ঢেউ লেগে সীমান্তবাংলার ফসলকামনার টুঙ্গ গানের চিরাচরিত বক্তব্য কখনো বদলে গিয়েছে এবং টুঙ্গ গায়ক বা গায়িকা বা হয়েছেন নিগূহীত। পণ্ডিত গবেষকরা হয়ত বলবেন—এটা হল প্রচলিত ধারাব বিচ্যুতি বা তাব উপর প্রক্ষিপ্ত।

যদিও কেউ এ ধারাটিকে স্বীকার করেও নেন তবু তিনি বলতে পারেন বাংলা লোকসংগীতের মহানদীর মূলধারা এটা নয়—এটা মাত্র একটা উপনদী। তাছাড়া এই ধারার সাহিত্য ও কাব্যিক গুণ ও শিল্পকর্ম খুব দুর্বল। মূলধারাটি হল রাধা-কৃষ্ণলীলা, দেহতত্ত্ব ও আধ্যাত্মিক গীতের ধারা। আপাতদৃষ্টিতে এতে বৌদ্ধিকতা আছে মনে হলেও বিশ্লেষণ করলেই দেখতে পাব, তা আংশিক সত্য মাত্র।

#### লোকসংগীতের বিভাগ ও বিচার

সাধারণত দেখা যায়, সংগ্রাহকরা ও গবেষকরা লোকসংগীতকে প্রণয়, প্রকৃতি, বিবাহ, ব্রত, পূজা, শ্রম, স্বদেশ ইত্যাদি শ্রেণীতে বিভাগ করেন। আঞ্চলিক ঐতিহ্য, আঙ্গিক ও ভাষাগত বৈচিত্র্য বুঝবার জন্য এ ধরনের শ্রেণীবিভাগের প্রয়োজন আছে, কিন্তু বিচার ও বিশ্লেষণের ক্ষেত্রে এ ধরনের vertical বিভাগ না করে আমাদের বিভাগটা হওয়া উচিত horizontal। কারণ তা থেকেই বেরিয়ে আসবে class contents বা তার অন্তর্নিহিত বক্তব্যের শ্রেণীসংগ্রামগত চরিত্রটি। তা থেকেই জানতে পারব লোকসংগীতের সামগ্রিক ধারাটির অন্তর্লীন ভাবাদর্শের সংঘাতের স্বরূপটা কি।

বাঁরা শ্রমজীবনের গান বলে একটা আলাদা category করে থাকেন, তাঁরা ছাদপেটা, ধানভানা, ইত্যাদি গান—প্রত্যক্ষভাবে শ্রমের ছন্দসঙ্গীতের অন্তর্গত অনিহিত গীত একসাথে জড়ো করে শ্রমজীবনের গানের শ্রেণীবিভাগ ক'রে—অন্ত গান থেকে সম্পূর্ণ পৃথক ক'রে—আলোচনা করে থাকেন। আমার মতে তাঁরা গাছ দেখেন কিন্তু বন দেখতে পান না।

লোকসঙ্গীত সামগ্রিকভাবেই শ্রমজীবনের ও শ্রমকামনার সঙ্গীত। যেখানে শ্রমের সঙ্গে, শ্রমজাত উৎপাদনের ফলশ্রুতির সঙ্গে বিচ্ছিন্নতা—সেখানেই লোকসঙ্গীত স্বর্ধ্বচ্যুত।

‘বানর থেকে মানুষে উত্তরণের ক্ষেত্রে শ্রমের ভূমিকা’ বিষয়ে ক্রেডারিক এঙ্গেলস-এর ঐতিহাসিক নিবন্ধটি এ বিষয়ে আমাদের পথপ্রদর্শক :

‘... Before the first flint could be fashioned into a knife by human hands, a period of time may have elapsed in comparison with which the historical period known to us appears insignificant. But the decisive step was taken, the hand had become free and could henceforth attain ever greater dexterity and skill, and the greater flexibility thus acquired was inherited and increased from generation to generation.

Thus the hand is not only the organ of labour, it is also the product of labour. Only by labour, by adaptation to ever new operations, by inheritance of the thus acquired special development of muscles, ligaments and, over longer periods of time, bones as well, and by the ever renewed employment of this inherited finesse in new, more and more complicated operations, has the human hand attained the high degree of perfection that has enabled it to conjure into being the pictures of a Raphael, the statues of a Thorwaldsen, the music of Paganini...

The mastery over nature, which began with the development of the hand, with labour, widened man's horizon at every new advance....the development of labour necessarily helped to bring the members of society closer together by multiplying cases of mutual support, joint activity, and by making clear the advantage of this joint activity to each individual. In short, men in the making arrived at the point where they had something to say to one another. The urge created its organ; the undeveloped larynx of the ape was slowly but surely transformed by means of modulation.



in order to produce constantly more developed modulation, and the organs of the mouth gradually learned to pronounce one articulate letter after another....First labour, after it and then with it speech—these were the two most essential stimuli under the influence of which the brain of the ape gradually changed into that of man....'

শ্রম-প্রক্রিয়ার বিকাশের সঙ্গে সঙ্গে যৌথ কর্মোন্মুখে গড়ে ওঠে সমাজ, তারই সাথে কণ্ঠ, ভাষা, শ্রুতি, তাল, ছন্দ ইত্যাদি। কাজেই প্রকৃতি জয় করার সংগ্রামে শ্রম-প্রক্রিয়া থেকেই প্রথম সংগীতেরও জন্ম। শ্রেণীহীন আদিম সংহত সমাজের মেহনতের সংগতি রাখতে এবং যৌথশ্রমের ফল কামনার ঐচ্ছজালিক প্রেরণায় উদ্দীপিত নৃত্য, গীত, বাজের সাথে মিলিত হতো দৈনন্দিক বা জৈবিক কণ্ঠস্বরের এক্যতান। কিন্তু এর সম্পূর্ণ প্রক্রিয়াটা বুঝতে হলে কার্ল মার্কসের একটি কথা মনে রাখতে হয়। তিনি মনুষ্য এবং অজ্ঞাত প্রাণী-জগতের মৌলিক পার্থক্যের কথা বলতে গিয়ে বলেন যে পাথরের হাতিয়ার গড়া আদিম মানুষের চেয়ে একটি মাকড়সার দক্ষতা ও নৈপুণ্য অনেকগুণ বেশি, কিন্তু তবু আদিম মানুষের অধিকতর উৎকর্ষের প্রধান কারণ হল, মাকড়সা, সহজাত প্রবৃত্তিতে (instinct) গড়ে তোলে—কিন্তু মানুষ একটা কিছু তৈরি করার আগে তাকে কল্পনায় প্রথম গড়ে নেয়।

মানুষের কর্ম-কল্পনার এই সম্পর্কটা আমাদের মনে রাখতে হবে লোক-সঙ্গীতের আলোচনার সময়েও। কর্ম-জগৎ যেমন কল্পনা-জগতে পরিপূর্ণতায় প্রাক্ষিপ্ত হয়—তেমনি আবার কল্পনা-জগৎ কর্মজগৎকে উদ্দীপিত করে। এখানেই আসে magic এবং music-এর সম্পর্ক। কারণ ঐচ্ছজালিক mimesis বা চূচুক্রুতাই কণ্ঠসঙ্গীতের আদি উৎস—'Magic may be described as an illusory technique supplementing the deficiencies of the real technique; or, more exactly, it is the real technique in its subjective aspect. A magical act is one in which savages strive to impose their will on their environment by mimicking the natural process that they desire to bring about. If they want rain, they perform a dance in which they imitate the gathering clouds, the clap of thunder, the falling shower'.... (Marxism and Poetry, George Thomson)

লোকসঙ্গীতের ঐচ্ছজালিক কল্পনার জগৎ আজও নানাভাবে বর্তমান। প্রত্যক্ষ শ্রমের কথা বা ধ্বনি থাকলেই তা শ্রমসঙ্গীত এবং না থাকলে তা অন্তঃশ্রেণীর সঙ্গীত বলে সীমারেখা টেনে দেওয়াটা অবৈজ্ঞানিক এবং চিন্তা ও দৃষ্টিকোণের দিক থেকে ভ্রান্ত। যাকে বলেছি প্রণয়ের গান তার অধিকাংশই ফসল-উৎপাদনের ঐচ্ছজালিক কল্পনার সঙ্গে আজও পরোক্ষভাবে জড়িত। কৃষি-সমাজের উৎপাদন থেকে প্রণয়জীবন আলাদা নয়। অর্থাৎ শ্রম ও প্রেম একসাথে মিশে আছে। কিন্তু নাগরিক ব্যক্তিকেন্দ্রিকতার মানসিকতায়, প্রেম, বিরহ, বিচ্ছেদ প্রভৃতি শ্রমজীবন থেকে বিচ্ছিন্ন phenomenon। সে দৃষ্টিতেই সাধারণত তাঁরা লোকসঙ্গীতের আলোচনা করে থাকেন; এবং বাস্তবিক শ্রেণী-বিভাগ করে থাকেন। তাতে আমাদের সমাজের অন্তর্লীন সংঘাতকে সচেতন বা অচেতনভাবে গোপন করা হয়।

লোকসঙ্গীতে শ্রেণীসমাজের সংঘাত

আমাদের দেশে একটা কথা আছে ধান ভানতে শিবের গীত। আদতে কথাটা ছিল ধান ভানতে মহীপালের গীত। সে যাহোক মহীপালের বা শিবের গীত গাওয়াব সঙ্গে ধানভানার মধ্যে প্রসঙ্গহীনতা ও বৈপরীত্যই যঁরা দেখেন তাঁরা লোকসাহিত্যের খাটি সমজদার নন। ছাদ পিটোতে গিয়ে ঝুন্দি দল বেঁধে গান করে :

ও আমাব চান্দ্রের কণা আন্ধাইর কইর্যা কই গেলিলো

আন্ধার কইর্যা কই গেলিলো পাগল কইর্যা কই গেলিলো।

তোব লাগি যাইমু ঢাকা

বাস্ত ভইর্যা আনমু টেকা

দোতালাতে বাথবো তোরে খেড়ী ঘবে রাখবো না লো ॥

কিন্হা আনমু ঢাকাই শাড়ি

পিন্হা যাবি বাড়ি বাড়ি

রাস্তার লোকে দেইখ্যা তোরে বুক খাপড়াইয়া মরবে ওলো ॥

তাহলে তা অপ্রাসঙ্গিক নয় মোটেই। ছাদ-পিটনোর শ্রমে, অগ্নের পাকাদালান গডতে গডতে তাদের নিজের কামনাকেই প্রক্ষেপ করছে—যা এই ধনতান্ত্রিক সমাজে কোনোদিন পূর্ণ হবার নয়।

ছাদ-পিটনো বা নৌকাবাইচের গান সারিগানকে যদি বলা হয় কর্মমুখী গান

তবে কি তালহীন বিলম্বিত ভাটিয়ালিকে বলবো আধ্যাত্মিক ? সেই একই মাঝি বা ক্বৈতের ক্লবক কর্মবিরতির সময় যে গান গায় তা কর্মের বিরতিমাত্র এবং বিরতিতে কর্মটাই প্রকৃষ্ট, সেটা কর্ম থেকে বিচ্ছিন্নতা বুঝায় না। সারিগান— তা রচনার দৈনন্দিন বিষয়বস্তুতে, ছন্দ ও স্বরের মাত্রাশ্রয়ী খাড়া ওঠানামায় ও সমবেত কণ্ঠের উল্লাসে—যদি হয় বহিমুখী তবে ভাটিয়ালির একক বিলম্বিত বিস্তারে ও রচনার বস্তুব্যে তা অন্তর্মুখীন। কিন্তু অন্তর্মুখীন হলেই তা আধ্যাত্মিক হয় না। এখানে ব্যক্তি সমষ্টি থেকে বিচ্ছিন্ন নয়। শ্রমজীবনের বঞ্চনা তাতে আর্তি ও অল্পযোগ এনেছে কিন্তু তাতে শ্রমজীবন-বিমুখতা ব্যক্ত হয়নি। যেখানে সেই বিমুখতা এসেছে—এবং ‘অনিত্যসংসার’ ছেড়ে পরলোকের আকাঙ্ক্ষা জেগে উঠেছে—সেখানে শোষকশ্রেণীর আধ্যাত্মিক ভাবাদর্শে ভাটিয়ালি স্বধর্মচ্যুত হয়েছে। প্রত্যক্ষ শ্রমের সাফল্যের আনন্দ যখন ব্যক্ত হয় ভাটিয়ালিতে :

সেলাম চাচা, সেলাম তোমার পায়

বড় নাওএর মাঝি মোরে বানাইছে আল্লায়।

কইও গিয়া চাচীর কাছে

আল্লায় মোরে দিন দিয়াছে

গুণটানাটান ঘুইচ্যা গেছে বইসাছি পাছায়।...

‘গুণটানা নাইয়া’ নৌকার ‘হাইলধরা’ প্রধান মাঝির পদে ‘প্রমোশন’ পেয়েছে। শ্রমজীবনের এর চেয়ে বড়ো সাফল্য আর কি থাকতে পারে ? তাই বাপ-মা-মরা ছেলেকে যে-চাচী মানুষ করেছিল, তাঁর কাছে কৃতজ্ঞতা স্বরে স্বরে নির্জন পল্লীর বাতাসকে মুখর করে তুলছে। কিন্তু শ্রমের ফল থেকে যখন সে বঞ্চিত হল তখন শুনতে পেলাম :

মনমাঝি তোর বৈঠা নেরে

আমিতো আর বাইতে পারলাম না ॥

আমি সারা জন্ম বাইলাম বৈঠারে

নদীর কূল কিনারা পাইলাম না ॥

একে আমার ভাঙা তরী

পাপের বোঝা হৈল ভারি

এখন উপায় কি করি

আমি আর কতকাল বাইবো বৈঠারে

নোকা ভাইটায় ছাড়া উজ্জায় না ॥...

যদিও সামন্তবাদী ব্রাহ্মণ্যধর্মের প্রভাবে ‘পাপের বোঝা’ ভারি হওয়ার ধারণা এসেছে তবু সমস্ত গানটিই কিন্তু তার বঞ্চনার ইতিহাস। দিনরাত্রি শ্রম করেও তার ফল থেকে সে বঞ্চিত। বহিজীবনে এই বঞ্চনার কারণ সে জানে না, শোষণের স্বরূপ সে বুঝতে পারেনি—তাই অন্তর্জীবনে গুমরে মরছে। সারাজীবন বৈঠা মেয়ে নদীর কূলকিনারা না-পাওয়াটাতে আধ্যাত্মিকতা খুঁজে বেড়ানোটা শোষণব্যবহার উপর আবরণ সৃষ্টি করা ছাড়া আর কিছু নয়। এখানে মনে পড়ে কার্ল মার্কসের উক্তিটি : ‘Religious suffering is at the same time an expression of real suffering. Religion is the sigh of the oppressed creature, the sentiment of a heartless world, and, the soul of soulless conditions’. যাকে আধ্যাত্মিক বলা হয় সেই সব গানে জীবনের বঞ্চনাই ব্যক্ত।

আর একটি জনপ্রিয় ভাটিয়ালির কথা ধরা যাক :

এ ভবসাগরে রে ক্যামনে দিমু পাড়ি রে

দিবানিশি কান্দিরে নদীর কূলে বইয়া ॥

ও মনরে—ভবেরি বাজারে আইলাম

যোল আনা লইয়া

আমার সর্বস্বধন লুইট্যা নিল

ডাকাইতে লগ পাইয়া ॥...

ও মনরে--ভবসাগরের ডেউ দেখিয়া

প্রাণপাখি যায় উড়িয়া রে

শূন্যঘাটে পইড়্যা রইলাম

ভাঙাতরী লইয়া রে ॥...

ভবের বাজারে সর্বস্ব অপহরণকারী ডাকাতটি কে? আর সর্বস্ব হারিয়ে ভাঙাতরী নিয়ে শূন্যঘাটে পড়ে থাকার কারণটি কি? এর পিছনে ধারী আধ্যাত্মিকতা খুঁজে বেড়ান—খুঁজুন, কিন্তু আমরা জানি এর পিছনের ইতিহাসটা।

আর একটু এগিয়ে গেলে আমরা ভাটিয়ালিতে গুরুবাদের রূপকে যে-ছবিটি পাই তা আরও পরিষ্কার :

তোমার শ্রীচরণে এ নালিশ জানাই—দয়াল গুরু ও

বড় দুঃখে দুঃখী আমিও গুরু, ভবে কেউ নাই আপনার ॥

গুরু ও—আমার বাড়ির চারিধারে  
ডাকাইতের দল এসত করে—ও  
মনা ডাকাইত দলের সর্দার, ও  
তারা লুটে করে ছারেখার ॥

গুরু ও—আমার সাতগুরুষের বাড়িখানা  
তাতে জমিদারের খাজনা দেনা—ও  
আমায় কখন জানি উচ্ছেদ করে—ও  
খাজনার যমরাজা তহশিলদার ॥

এর আর বিশ্লেষণের প্রয়োজন আছে কি ? ‘জমিদার’ ও ‘তহশিলদার’ কথাগুলিরও আধ্যাত্মিক বিশ্লেষণে পণ্ডিতরা হয়ত এগিয়ে আসবেন, কারণ তাঁদের কানে এই কথাগুলি ‘অকাব্যিক’ ঠেকবে নিশ্চয়। বহু মুবশিদি ভাবধারা প্রভাবিত ভাটিয়ালিরও শ্রেণীশোষণের চরিত্রটি বিশ্লেষণের অপেক্ষা রাখে না। যেমন :

আমার ভাবনার কিন্তু দূর হইল না  
শুনেন গো মুরশিদ ।

মুরশিদ ও—কারো বা আছে হাতী গো ঘোড়া  
আমার আছে কানা মেড়া—ও  
মেড়ায় পূব চিনে পচিম চিনে না—ও  
শুনেন গো মুরশিদ ॥

মুরশিদ ও—কারো বা আছে দলান গো কুঠা  
আমার আছে ভাঙা ডেরা—ও  
ডেরায় মেঘ মানে তুফান মানে না—ও  
শুনেন গো মুরশিদ....॥

মুরশিদের কাছে নালিশটা অত্যন্ত স্পষ্ট। এতে তাত্ত্বিক ব্যাখ্যার কোনো স্বযোগ নেই। শোষণের বিরুদ্ধে এই পরোক্ষ প্রতিবাদের গানগুলি আমাদের নিঃশ্রেণী স্পিরিচুয়ালের কথা মনে করিয়ে দেয়।

কিন্তু ক্রমশ দেহতত্ত্বের মিস্টিক সাধনপদ্ধতির কূট ধাঁধায় এবং বৈষ্ণবী আত্ম-সমর্পণে সমাজসচেতনতা গেল হারিয়ে। এবং যতই গান দেহতত্ত্বের কুলকুণ্ডলিনীর পাকে ভড়িয়ে পড়ল ততই একশ্রেণীর গবেষক ‘ভারতীয় আধ্যাত্মিকতা’র আশ্বাদ পেয়ে খুশি হয়ে উঠতে লাগলেন, আর প্রচার করতে লাগলেন আহা, এই তো। আসল লোকসঙ্গীত !

তত্ত্ব ও সত্য

সাধারণভাবে আমাদের লোকসঙ্গীতে যেসব তত্ত্বমূলক গান আছে—সৃষ্টিতত্ত্ব, সাধনতত্ত্ব, গুরুতত্ত্ব, প্রেমতত্ত্ব, পরমতত্ত্ব, মাতৃতত্ত্ব ইত্যাদি—সকলকেই এককথায় আমরা দেহতত্ত্ব বলে আখ্যা দিয়ে থাকি। বাউল ও সুরীদের নিগূঢ় তত্ত্বকথা নিয়ে অনেক আলোচনা হয়েছে।

যদি সেই নিগূঢ় তত্ত্বকথাই বাউলগানের আসল বক্তব্য হতো তাহলেও তা লোকসঙ্গীতের আলোচ্য বিষয় বলে গণ্য হতো না ; কারণ লোকসঙ্গীত একটি জনসমাজের সৃষ্টি, তা গুহাবাসী বা আখড়াবাসী বোঙ্গী বা তন্ত্রাচারীর সৃষ্টি হতে পারে না। বাউল গানের তত্ত্ব একটা সমাজসত্যের উপরেই একদিন প্রতিষ্ঠিত হয়েছিল। তার রচনার ও সুরে সেই সহজিয়া সত্যটিই নিঃস্ব জনসাধারণের ষোথ আবেগকে আন্দোলিত করতে পেরেছিল। সেই সহজিয়া সত্যটি কী ? কেনই বা আমাদের দেশের সমাজপতিরা একদিন বাউল-খেদা আন্দোলনে মেতে উঠেছিলেন ?

শ্রেণীসমাজের উৎপত্তির পর থেকেই শোষকের ধর্মের পান্টা শোষিতের ধর্ম নানা নামে আত্মপ্রকাশ করেছে। বুনিয়াদের শ্রেণীসংঘাতটা উপরিসোঁধে এসে বাহ্যত ধর্মের সংঘাত বলে চিহ্নিত হয়েছে। আমাদের দেশের অগণিত কৃষক-বিক্রোহের বিক্রোহী নেতারা বিশেষ বিশেষ গণধর্মের পতাকার তলে জনতাকে জড়ো করেছেন। সাঁওতাল বিক্রোহের নেতা সিধু বা কাহুও তেমনি এক বিশেষ ভগবানের দূত হিসেবেই সাঁওতাল জনসমাজে গৃহীত হয়েছিলেন। ফরিদপুরের ফরাজি বিক্রোহ ও তাদের নেতা দুধুমিঞার মোল্লাতন্ত্র-বিরোধী ধর্মমত কিংবা ধর্মসংস্কারক ওয়াহাবিদের বিক্রোহের কথা আমরা জানি। অন্তান্ত রাজ্যেও তেমনি বহু দৃষ্টান্ত আছে। মুণ্ডাবিক্রোহ ও বিরশা ‘ভগবানে’র নতুন ধর্মমত প্রচারের কথাও এই প্রসঙ্গে স্মরণ করতে পারি। আসামে আহোম রাজাদের বিরুদ্ধে মোরামারিয়া বিক্রোহীরা ছিল রাষ্ট্রীয় শক্তিদ্বর্মের বিরুদ্ধে শঙ্করদেব-শিষ্য অনিরুদ্ধ-প্রচারিত বৈষ্ণবধর্মাবলম্বী।

বাউল মতবাদের বিকাশ হয় সামন্তসমাজের শাসকশ্রেণীর প্রতিকূল মতবাদ হিসাবেই। বাউলরা প্রচলিত ধর্ম, জাতি বা বর্ণ বৈষম্য, দেবদেবী, পূজাআচার, নামাজ-রোজা, মন্দির-মসজিদ কণ্টকিত সামন্তসমাজের ধ্যানধারণাকে প্রকাশ্যে অস্বীকার করতেন, এবং সেই ভাবধারাতেই আগুত তাঁদের ‘মনের মাহুশ’ এক নতুন মানবতাবাদের প্রতীক হয়ে উঠেছিল। সামন্তসমাজে নিপীড়িত জনমানসে

তাই সেই মানুষটি আসন পাততে পেরেছিল। সমাজের অতিদরিদ্র, ভূমিহীন, নিঃস্ব চাষী ও তথাকথিত নিম্নজাতি থেকেই বাউলরা এসেছিলেন। কিংবদন্তি আছে, স্বকিসাধক পারস্তের মনসুর হাজারকে গোঁড়া শরিয়তিরা পুড়িয়ে মেরেছিল—কারণ তিনি বলেছিলেন ‘আনাল হক’—আমিই সেই দৈবর। ঠিক তেমনি সমাজপতিদের হাতে লালন ফকির প্রমুখ বাউলদের নিগ্রহের কাহিনীও প্রচলিত আছে। বাউল দর্শন-মানুষমুখী, ইহজীবনমুখী, তবু কেন তাঁরা বিবাগী, কেন নিজেরা বলে : ‘আমরা পাখির জাত’! তার কারণ আচারবিচারের প্রহরী-ঘেরা বর্ণহিন্দুর সমাজের অচলায়তনে মুক্তমতি বাউলদের বাসা বাঁধবার কোনো স্থযোগ ছিল না। এই ‘মুক্তডানা’ পাখির জাত ছিল সামন্ততন্ত্রী শেকলে বাঁধা মেহনতকারী মানুষের মুক্তিকামনারই প্রতীক ও প্রতিনিধি।

সমাজের উৎপাদন-ব্যবস্থায় কোনো পরিবর্তন না আসায়, সামন্তসমাজের বিরুদ্ধে কৃষিবিদ্রোহগুলি সব ব্যর্থ হওয়ায়—জনজীবনে সামন্তবাদী আধ্যাত্মিকতা শক্তিশালী হয়ে ওঠে। সেজন্য লোকায়ত বাউলমতবাদে বিভিন্ন পশ্চাদমুখী ধর্মীয় মিশ্রণ ঘটতে থাকে। বাউলরা শ্রমজগৎ থেকে নিজেদের বিচ্ছিন্ন করে আখড়া-বাগী হতে লাগলেন এবং আত্মকেজ্রিক তত্ত্বাচারী যোগী হয়ে উঠলেন।

সেজন্য বাউল বা মুরশিদি গানকে মোটামুটি দু’ভাগে ভাগ করতে পারি। এক মানবতাবাদী প্রতিবাদে ধ্বনিত—যাকে Protest Songs বা ‘প্রতিবাদী গীতে’র শর্যায়ে ফেলতে পারি। অন্য ধারাটি হল কেবল গুহতত্বাচারী জীবনবিমুখী প্রতি-ক্রিয়াশীল ধারা। আদিম সমাজের ঐক্যজালিক প্রজননের প্রক্রিয়ার ধারণা থেকেই বাউলদের দেহতত্ত্বের উৎপত্তি। কিন্তু প্রথম ধারায় বৃহত্তর কৃষিসমাজের উৎপাদনের মধ্যে সেই তত্ত্বটি অন্তর্লীন, কিন্তু উপরোক্ত দ্বিতীয় ধারায় সেই তত্ত্বটি উৎপাদনের শ্রমপ্রক্রিয়া থেকে বিচ্ছিন্ন হয়ে তত্ত্বাচারী বিকৃতির আশ্রয় নিয়েছে। এইসব বাউলরা এক গুহসাধনমার্গের অন্ধকার পথে সমাজসচেতনতা হারিয়ে ফেলে যট্টচক্র, ছয়লতিফা বা জয়ী নাড়ী, ঈড়াপিন্জলাহুয়য়ার জিবেগীসঙ্গমের বা ‘আবহায়াতে’র কূট তত্ত্ব নিয়ে উপমার তেরফের করে একই ধরনের অসংখ্য গান রচনা করেছেন বা বক্তব্য হিসেবে অসার ও রচনা হিসেবে অসার্থক।

বাউল সঙ্গীত ও সাধনা সম্বন্ধে রবীন্দ্রনাথের দৃষ্টিভঙ্গি এই প্রসঙ্গে স্মরণ করতে পারি। সবাই জানেন বাউল সঙ্গীত ও বাউল দর্শন রবীন্দ্রনাথকে কিভাবে প্রভাবান্বিত করেছিল। এ-প্রভাব এত গভীর ছিল যে পোশাকে-পরিচ্ছদে, ভাবে ও স্বরে তাঁকে বলা হতো রবীন্দ্র-বাউল। তিনি নিজেও অনেকবার সেকথা ব্যক্ত

করেছেন। বাউলদের মুক্তমতি মানবতার দর্শনই রবীন্দ্রনাথকে আকর্ষণ করেছিল। বাউলের মানবিক আবেদনে মুগ্ধ রবীন্দ্রনাথ বলেছেন : ‘...এমন বাউলের গান শুনেছি, ভাবার সরলতায় ভাবের গভীরতায় হৃদের দরদে বার তুলনা মেলে না, তাতে যেমন জ্ঞানের তত্ত্ব, তেমনি কাব্যরচনা, তেমনি ভক্তির রস মিশেছে। লোকসাহিত্যে এমন অপূর্বতা আর কোথাও পাওয়া যায় বলে বিশ্বাস করিনে।’

‘খারা...প্রয়োজনের তাড়নায় হিন্দু-মুসলমানের মিলনের নানা কৌশল খুঁজে বেড়াচ্ছেন, সেই শিক্ষিত জেগীর সভাসমিতিতে ব্যক্ত করে রবীন্দ্রনাথ নিরঙ্কর মল্লীবাউলের ‘মাহুয়ের অন্তরতর গভীর সত্যের মধ্যে মিলনের’ সাধনায় ‘ইস্কুল কলেজের অগোচরে’ ‘বাংলাদেশের গ্রামের গভীর চিন্তে’ হিন্দু-মুসলমানের মিলনের চিরস্থায়ী আসন অলঙ্ঘ্য রচনার কথা ব্যক্ত করেছেন। আবার সেই একই প্রবন্ধে (মুহম্মদ মনসুরউদ্দীনের ‘হারামগিরি’র আশীর্বাদ-পত্রে) রবীন্দ্রনাথ বলেছেন : ‘সকল সাহিত্যে যেমন লোকসাহিত্যেও তেমনি, তার ভালোমন্দের ভেদ আছে।... অধিকাংশ আধুনিক বাউলের গানের অমূল্যতা চলে গেছে, তা চলতি হাটের শস্তা দামের জিনিস হয়ে পথে পথে বিকোচ্ছে। তা অনেকস্থলে বাঁধি বোলের পুনরাবৃত্তি এবং হাত্তকর উপমা তুলনার ঘারা আকীর্ণ,—তার অনেকগুলোই মৃত্যুভয়ের শাসনে মাহুষকে বৈরাগীদলে টানবার প্রচারকগিরি।...এই জন্তে সাধারণত যে-সব বাউলের গান যেখানে-সেখানে পাওয়া যায়, কি সাধনার, কি সাহিত্যের দিক থেকে তার দাম বেশি নয়।’

বাউলগানের দুটো দিকই রবীন্দ্রনাথ দেখেছিলেন। কিন্তু আমাদের কিছু কিছু গবেষককে এই দুজনের তত্ত্বসর্বস্ব হাত্তকর উপমাযুক্ত বাউলগানের ভাবে বিভোর হয়ে ‘খাঁটি লোকসঙ্গীতে’র সন্ধান পেয়ে আত্মহারা হয়ে যেতে দেখেছি।

বাউল-ছুনিয়ার মধ্যমণি লালন ফকিরের জীবনকাহিনী ও তাঁকে ঘিরে নানা কিংবদন্তির মধ্যে বাউলের মর্মকথা রূপায়িত হয়েছে। মেহনতি জনসাধারণ তার মানসমুতিকেই কিংবদন্তির মধ্যে রূপায়িত করে। কিন্তু কাঙাল হরিনাথের অপ্রকাশিত ‘দিনপঞ্জি’তে দেখি সত্যি সত্যি লালন-চরিত্র—ভোলা বাউল আবার প্রয়োজন হলে হতে পারেন জাঁদরেল লাঠিয়াল। হাতের একতারাটি রেখে জমিদারের অত্যাচারের বিরুদ্ধে লাঠিও ধরতে পারেন। কাঙাল হরিনাথ তাঁর পত্রিকা ‘গ্রামবার্তা’য় জমিদারের প্রজানিপীড়নের খবর ছাপানোর জন্ত সেই জমিদার বখন কাঙাল হরিনাথকে শায়েস্তা করার জন্ত লাঠিয়ালের দল পাঠান, তখন লালন তাঁর দলবল নিয়ে নিজে লাঠি হাতে সেই লাঠিয়ালের দলকে আছা করে চিট



করে হুঙ্কার কুবক-বন্ধু হরিনাথকে রক্ষা করেন। [ কাঙাল হরিনাথের দিনপঞ্জি—  
ঐশ্বর্য্য রায়ের সৌজ্যে ]। লালনের গান ও জীবনে এখানেই মিল। এ মিল  
না দেখলেই লাগে তবু ও সত্যের গরমিল।

লালন যখন জাতকে পদাঘাত মাবেন :

সবলোকে কয় লালন কি জাত সংসারে

লালন কয় জেতের কিরূপ দেখলাম না এ নজরে ॥...

জগৎ বেড়ে জেতের কথা

লোকে গোরব করে যথা তথা

লালন সে জেতের ফাতা

বিকিয়েছে সাত বাজারে ॥

তখন সামন্তসমাজের বর্ণাশ্রমের বৃকেই সে-নাথিটা গিয়ে লাগে। শাসকদের  
বিরুদ্ধে সংগ্রামে জনগণের সমষ্টিগত ঐক্যের জন্ম, কর্ম ও জাতের গণ্ডিকে ভেঙে  
কেলার বাণী ছিল সংগ্রামেরই বাণী। তাব অনেক পরে গণতান্ত্রিক চেতনার  
ব্যাপক বিকাশের পর কাজী নজরুল লিখেছিলেন : ‘জাতের নামে বজ্রাতি সব  
জাতজালিয়াত খেলছে জুয়া।’

লালনের মাহুষত্বকে সবরকমেব মূর্তিপূজা নিন্দিত ও পরিত্যক্ত।

মাটির ঢিপি, কাঠের ছবি

ভূত ভাবে সব দেবাদেবী

ভোলে না সে এসব জপি

ও যে মাহুষ-রতন চেনে।...ইত্যাদি।

কিংবা :

ফকিরি করবি ক্ষেপা কোন রাগে

আছে হিন্দুমুসলমান দুইভাগে ॥

থাকে ভেষ্টের আশায় মমিনগণ

হিন্দুরা দেয় স্বর্গেতে মন

ভেষ্ট স্বর্গ ফাটক সমান

কার বা তা ভালো লাগে ॥

যে দেশে ঔপনিবেশিক শাসকদের সহায়তায় সামন্তীয় সংস্কৃতি-সংক্রমিত  
গ্রাম্য সমাজে ‘ইহসংসারে পাপের বোঝা খালাস করার জন্ম’ স্বর্গ আর বেহেশ্তের  
সন্ধানে মাহুষকে ধাওয়া করানো হতো, সেই সমাজে ‘ভেষ্ট স্বর্গ ফাটক সমান’

বলার হুঃসাহসিক বলিষ্ঠ জীবনবাদের গীত গেয়ে জনসংস্কৃতির নতুন চেতনা এনেছিলেন বাউলরা। কখনো কখনো লালনের গানে রূপকের ছলে যে-ছবিটি পাই তা প্রত্যক্ষ শ্রেণীশোষণের :

রাজ্যেশ্বর রাজা যিনি  
চোরেরও সে শিরোমণি  
নালিশ করবো আমি  
কোনখানে কার নিকটে।...  
গেল ধনমান আমার  
খালিঘর দেখি জমার  
লালন কয় পাঞ্জনারো দায়  
কখন যেন যায় লাটে ॥

অনেক সময় তত্ত্বকথাব আশ্রয় না নিয়ে তাঁরা সোজা হুজি ভাবাদর্শের সংগ্রামে নেমেছেন। পরবর্তী বাউলদের মধ্যে লালনের শিষ্য হুদুশাহ ছিলেন এ বিষয়ে অগ্রণী, যদিও লালনের রচনার কাব্যগুণ তাঁর ততটা ছিল না। হুদুশাহ বলছেন :

বল্লালসেন শয়তানী দাগায়  
গোত্রজাত সৃষ্টি কবে যায়  
বেদান্তে আছে কোথায়, আমরা দেখি নাই।  
জাতি আর সম্প্রদায় মিলে  
ভারত শ্রাশান করিলে  
বিনয় করে হুদু বলে বুঝে দেখ ভাই ॥

অন্ধবিশ্বাসের বিরুদ্ধে বাউলরা শাণিত যুক্তিবাদের হাতিয়ার হাতে তুলে নিয়েছিলেন অসীম সাহসে। যেসব মুসলমান মাতৃভাষা থেকে আরবিভাষাকে বেশি পবিত্র মনে করেন—কারণ, কোরাণ সেই ভাষাতেই লেখা—তাঁদের বিরুদ্ধে হুদুশাহ মোক্ষম যুক্তি হাজির করেছেন:

মহম্মদের জন্ম যদি হতো এদেশে  
বেহেশতের কোন ভাষা হতো বলতো এলে।  
মাতৃভাষা ত্যজে সবাই  
আরবিভাষা শিখলে ভাই  
তাতে ভাই ফয়দা তো নাই অবশেষে ॥

প্রত্যেক জাতির স্বাধীন সত্তার প্রধান অভিব্যক্তি যে-ভাষা—অনেক রক্তদানে

বেকথা বাংলাদেশের লোকে শিখেছে—আশ্চর্য লাগে বাউলদের গণতান্ত্রিক তত্ত্বে সে-চেতনা অনেকদিন আগেই এসেছিল।

কিন্তু আমাদের অর্ধ-ঔপনিবেশিক সমাজে, ভূমিতে চিরস্থায়ী ব্যবস্থার নব্য-ভূম্যধিকারীর নিরঙ্কুশ শোষণে পল্লীজীবনের কৃষিসংকটের আবদ্ধ জলাশয়ের গর্জলায় বাউল তত্ত্বেরও সামাজিক চেতনার বহিঃস্থিতি, তত্ত্বাচারী যোগাসনের গুহ্মবোধোদ্যতা এবং অর্থহীনতায় ডুবে গেল। যে-বাউলরা বলতেন ‘দেবের হুল’ভ মানবজন্ম তোমার’ সেই বাউলরা আবার যখন দেখলেন ‘মানবজন্ম সফল হইল না’ তখন তাঁরা ভাগ্যের কাছে বৈষ্ণবীয় আত্মসমর্পণের আশ্রয় নিলেন। দোষী করলেন ‘ষড়রিণ্ডকে’, তাকাতে পারলেন না পরজন্ম-অপহরণকারীদের দিকে। উৎপাদনকারী জীবন থেকে সম্পূর্ণ বিচ্ছিন্ন হয়ে আত্মরতিতে নিমগ্ন হলেন। এমনকি যে-লালন পরজন্মের চিন্তাকে নস্ত্রাং করে মল্লজীবনকে শ্রেষ্ঠ জীবন বলেছেন—দীর্ঘজীবী সেই লালনকে দেখি পারাপারের ভাবনায় আকুল :

পথেরো গোলমালে পড়ে  
ডুবলাম কুপজল মাঝাবে  
লালন বলে কেশে ধবে  
কূলে নাও গুরু আমায়।

কিংবা :

কলির জীবকে হয়ে সদয়  
পারে যেতে ডাকছে নিতাই  
অধীন লালন বলে, মন চলো যাই  
এমন দয়াল মিলবে না।

যে-বাউলরা একসময় গাইছিলেন :

তোমার পথ ঢেক্যাছে মন্দিরে মসজিদে  
ও তোমার ডাক শুনে গাঁই চলতে না পাই  
আমার পথ রুখে দাঁড়ায় গুরুতে মূরশেদে।...

সেই বাউলরাই পরে নমাজ, রোজা, শরিয়তের প্রচার করতে লাগলেন। পরলোক-প্রত্যাশী ধর্মের বিরুদ্ধে যে-বাউলরা ইহজীবনের জয়গান গেয়েছিলেন :

আমি এমন জনম পাব কিরে আর  
এমন চাঁদের বাজার মিলবে কিরে আবার ?

সেই বাউলদেরই কেউ কেউ একেবারে যমরাজের প্রচারক হয়ে উঠলেন :

একল আর ওকল, হারিয়ে ঢুকল  
কবে ফুটিবে মন তোর বিয়ের ফুল।  
বাব চলন করি বাঁশের দোলায় চড়ি  
ভাতবেহারার স্বপ্নে চড়ি  
সকল হবে ভুল ;  
আগে পাছে কার্তের বোঝা  
ছেড়ে দিয়ে ভবের মজা  
শতরবাড়ী হুবে রে তোর নদীর কূল।...  
বরণ কুলাতে দিবে, বরশয্যায় শোয়াইবে  
আট কড়াকড়ি দিবে তুলসীর মূল...  
উত্তর শিয়র করে হাত পা ভাঙ্গিয়া তোরে  
অনল জালিয়া শেষে করিবে নির্মূল।...

এ একটি বীভৎস গীত। শ্রাধান্বাটের চিতাশয্যায় বিয়ের বাসর।  
মল্লয়দেহের অগ্নিদাহনের এই নারকীয় বর্ণনা—লোকসঙ্গীতের লোকায়ত  
জীবনদর্শনের এক বিকট ব্যঙ্গ।

আবার বহু বাউল-গানের দেহতত্ত্ব আধুনিক জগতের উপমার চমৎকারিচ্ছে  
এবং কখনো কখনো ধাঁধা সৃষ্টি করেই চলতে লাগলো :

বাপের যখন হয় নি জনম  
নাতি এলো তিনজনা  
প্রেম কারিগর রসিক সৃজন  
গড়লো প্রেমের কারখানা।

পূর্বেই বলেছি বাউলের দু-ধারার কথা। শেষোক্ত ধারায় বিচ্ছিন্নতাব্যাধি-  
পীড়িত একদল শহুরে বুদ্ধিজীবী বেশ মজেছেন। কোনো বঙ্গদর্শী বুদ্ধিজীবী  
হিপি-দর্শন ও বাউল-দর্শনের মধ্যে এক সাদৃশ্য আবিষ্কার করে এক অভিনব  
‘খিলিস’ হাঙ্গির করেছেন। তিনি লিখছেন : ‘এযুগের হিপিদের সঙ্গে বৌদ্ধ-  
বৈষ্ণব সহজিয়াদের অনেকদিক থেকে মিল আছে। প্রেম-ভালবাসা হিপি-জীবনের  
বড় আদর্শ। হিপিদের আস্তানায় ও জমায়েতে ‘লভ’ কথাটা তাই বড় করে  
ব্যানারে লেখা থাকে। ভাবান্বিত হবার জন্য হিপিরা ‘পট’-ধুম (কতকটা গাঁজা-  
সিদ্ধির মতো), নানারকম ড্রাগ ও সুরা পান করেন, সহজিয়ারাও গঞ্জিকা-সিদ্ধি

গেবনে অভ্যস্ত। উভয়েরই মতে তাছাড়া নাকি 'ভাব' আসে না এবং ভাবের বায়ুলোকে চিহ্ন করা যায় না। সহজিয়ারা সমাজ-পরিবার বর্জন করতেন এবং কোনো বাহ্যিচার বা নীতিবন্ধন মানতেন না। হিপিরাও তাই, তাঁরা বর্তমান সমাজ ও পরিবারের বন্ধন ছিন্ন করে যত্রতত্র সহজিয়াদের মতো চলেকিরে বেড়ান। নিজেদের আহা-বিহারে ও মেলামেশায় স্ত্রী-পুরুষ হিপিরাও ভ্রাম্যমাণ বাউলের মতো কোনো সামাজিক নীতিবন্ধন মানেন না। সহজিয়াদের মতো হিপিরাও গুরু-বিশ্বাসী এবং মাথার চুলদাড়ি পোশাকপরিচ্ছদের দিক থেকেও তাঁদের বাউল-সাদৃশ্য লক্ষণীয়। হিপিবিদ্রোহকে তাই আধুনিক যন্ত্রণুগের সহজিয়া বিদ্রোহ বলেছি।'

বাংলাদেশের জমিদারী শোষণ, বর্ণহিন্দু শাসিত সমাজের নিপীড়নে নিঃস্ব, ঘর-ছাড়া বাউলদের সংসার-নিরাসক্তির সঙ্গে মার্কিন সাম্রাজ্যবাদের উপনিবেশ-শোষণজাত ধন-প্রাচুর্যের অপজাত কোটিপতি সন্তান হিপিদের মারিজুয়ানার 'সাইকেডেলিক' তুরীয়মার্গের সম্পর্ক খুঁজে পেয়ে বর্তমান বাংলার বিচ্ছিন্নতা-ব্যাধি ক্লিষ্ট কিছু পণ্ডিত গবেষক আত্মপ্রসাদ লাভ করেছেন। এই যুক্তিতেই তাঁরা পুরী বা কোনারকের মন্দিরগাত্রের মৈথুনরত যুগলমূর্তির সঙ্গে আজকের শিক্ষিত সমাজের ব্যভিচারের সাদৃশ্য খুঁজে পাবেন, কিংবা ভারতের কোনো কোনো উপজাতির মেয়েদের বস্কাবরণহীনতা থেকে আজকের ক্ষয়িষ্ণু পশ্চিমী নাগরিক জীবনের মেয়েদের 'টপলেসে'র সাদৃশ্যটাও খুঁজে পাবেন।

## পল্লীসমাজের সঙ্গীত ও সংঘাত—২

পূর্ববর্তী প্রবন্ধে যে আলোচনা করেছি তাতে দেখাতে চেয়েছি গ্রাম্যজীবনে সামাজিক শ্রমের সাথে যুক্ত সমাজের পিরামিডের পাদদেশের ‘শূদ্র’ আর পিরামিডের তুঙ্গে বসে শ্রমজীবন থেকে বিচ্ছিন্ন ‘ভদ্রে’র জীবনদর্শনের সংঘাত কিভাবে লোকসঙ্গীতে প্রতিফলিত হয়েছে। শূদ্রেরা যখনই সাময়িকভাবে পরাজিত হয়েছে, তখনই ভদ্রের দর্শন তাকে অভিহৃত করেছে। অতি গোপনে অতি সূক্ষ্মভাবে চলেছে এ সংগ্রাম—ভাবে, ভাষায়, এমন কি সুরে। ভদ্রশ্রেণী লোকসঙ্গীতকে তার ভাবধারায় বিকৃত করে তার শ্রেণীস্বার্থে জনসাধারণের আকৃষ্ট রূপে ব্যবহার করতে চেয়েছে। যেখানে পারেনি, সেখানে ভদ্রশ্রেণী সেই লোকসঙ্গীতকে সঙ্গীতের মর্যাদা দিতেই অস্বীকার করেছে, এমনকি নিষিদ্ধ করেছে। শুধু আমাদের দেশে নয় সব দেশেই তা ঘটেছে।

ইয়োরোপের দ্রুপদী সঙ্গীত-শ্রষ্টারা লোকসঙ্গীত থেকে প্রচুর আহরণ করলেও স্যামুয়েল শার্প, বেলা বারটক্ প্রমুখ চিরস্মরণীয় লোকসঙ্গীত-গবেষকরাই গত শতাব্দীতে লোকসঙ্গীতকে স্বাধীন স্বতন্ত্র সঙ্গীতের মর্যাদায় প্রতিষ্ঠিত করেন। উচ্চাঙ্গ মিউজিকের ছিটফোঁটাতাই লোকসংগীত গড়ে উঠেছে—এর আগে অধিকাংশেরই ছিল এই বন্ধমূল ভ্রান্ত বিশ্বাস। আমাদের দেশে লোকসঙ্গীতকে নাগরিক সমাজে প্রতিষ্ঠা করেন রবীন্দ্রনাথই। স্বদেশী আন্দোলনের জোয়ারে গণমনে যে দোলা উঠেছিল তাতে ছবছ লৌকিক সুরের মুক্ত হাওয়ায় গানের পাল খাটিয়ে দিয়েছিলেন তিনি। তথাপি তাঁর নিজের সাধু রচনাকে আশ্রয় করেই তা সম্ভব হয়েছিল। লোকসঙ্গীতের আঞ্চলিক ভাষার ও স্টাইলের স্থান ছিল না। ত্রিশ দশকে আব্বাসউদ্দীন যখন কোচবিহারী ভাওয়াইয়া গান নদীর নাম সহ ‘কচুয়া, মাছ মারে মাছুয়া’ গানটি রেকর্ড করতে গেলেন, তখন কোম্পানির কর্তারা কিছুতেই এই ‘ইতর’ ভাষায় রেকর্ড করতে রাজি হলেন না। অবশেষে সুর ঠিক রেখে কাজী নজরুলকে দিয়ে ভদ্রভাষায় তার রূপান্তর করলেন : ‘নদীর নাম সহি অজনা, নাচে তীরে খজনা’—তারপরে রেকর্ড করলেন। কিন্তু আব্বাসউদ্দীনের সহজাত গ্রাম্য সঙ্গীত-মানস উপলব্ধি করেছিল, এই ভদ্রভাষার ব্যবহারটা পাখির ডানা কেটে নেওয়ার মতোই হয়েছে। তিনি সংগ্রাম চালিয়ে গেলেন, তাঁর সহায় ছিল ত্রিশোত্তর গণজাগরণ। অবশেষে

‘কান্দে পড়িয়া বগায় কান্দে’ এবং ‘ওকি গাড়ীয়াল ভাই’ রেকর্ড প্রকাশ হওয়ার সঙ্গে সঙ্গে বাংলা সংগীত-জগতে এক বিপ্লব ঘটল—বার তাৎপৰ্য আজকের পরিশীলিত, বিকৃত ও ভদ্রীকৃত লোকসঙ্গীতের ব্যবসায়িক হলায় হারিয়ে গেছে। সেদিন নতুন গণচেতনার সাড়া পাওয়ায় ‘আনকোরা’ যেঠো গানের প্রচার সাময়িকভাবে হলেও কোম্পানি হাতে তুলে নিয়েছিল—পল্লী গীতির প্রতি অহুসারে নয়,—বিরাট অর্থকরী সাফল্যের খাতিরে। অথাত অজ্ঞাত পল্লী-শিল্পী টেপু মিক্সা বা অনন্তবালা বৈষ্ণবীদের কণ্ঠে বাংলার পল্লীর সোনারকাঠির স্পর্শ পেয়েছিল বিচ্ছিন্ন বিদগ্ধ নাগরিক সমাজ।

শচীন দেববর্মণও তাঁর সংগৃহীত লোকসঙ্গীত প্রথমে গাইতে সাহস পাননি। তাঁর প্রথম রেকর্ড,

ডাকলে কোকিল রোজ বিহানে

মা ঠর বাটে যাই,

আকাশ তখন উষার সিতায়

সিঁদুর মাথায় ভাই।

হেমেন্দ্রকুমার রায়ের লেখা একটি ‘ভ্রাম্যিত’ লোকসঙ্গীত।

আজকে আবার শাসক শ্রেণী এবং একচেটিয়া পুঁজিপতির করায়ত্ত mass media বা গণমাধ্যমগুলি স্টার শিল্পীর লেবেল দিয়ে ‘ভদ্রীকৃত’ লোকসঙ্গীতের ঢালাও প্রচার শুরু করেছে। অবক্ষয়ী নাগরিক ভ্রমসমাজের অবজ্ঞা, অজ্ঞানতা ও সুবিধাবাদ তাতে সাহায্য করেছে। আজ কায়েমী স্বার্থের পাবলিসিটি ও ‘সংস্কৃতি’-প্রচারের শাখা-প্রশাখা এমন বহুধা বিস্তারিত এবং তার সাথে জীবিকা ও আর্থিক সাফল্য এমনভাবে ওতপ্রোত জড়িত যে লোকসঙ্গীতের গবেষক-পণ্ডিতরা প্রায় সগাই তাতে আবদ্ধ হয়ে আছেন; তাঁদের মুখ খোলার উপায় নেই। তাই তাঁদের সেমিনারে লোকসঙ্গীতের আলোচনা - যেন মৃত জীবের ‘ফসিল’ নিয়ে বাস্তবিতার মতো শোনায়। আজকের বিপদটা তাঁরা দেখেও দেখেন না—বলতে গিয়েও বলেন না।

শ্রম, প্রকৃতি ও প্রণয়

পূর্ববর্তী প্রবন্ধে শ্রম ও শ্রমকর্মিনার সম্পর্কের পরিপ্রেক্ষিতে বাউলগান সম্বন্ধে আলোচনা করেছি। সেখানে ধারা শুধু বাউলের তত্ত্বটা দেখেন কিন্তু তার সমাজসত্যটা না-দেখে, বাউলগানকে লোকসঙ্গীতের পর্যায়ে কেলতে

চান না, তাঁদের বক্তব্যকে যেমন খণ্ডন করতে চেষ্টা করেছি, আবার ষাঁ বাউলের তত্ত্বসর্বস্ব তাত্ত্বিক বিকৃতিকেই বাউল-দর্শনের সার কথা ভেবে হিন্দী দর্শনের সাথে সান্নিধ্য খুঁজে পেয়েছেন তাঁদের পাণ্ডিত্যের শ্রাস্তিকেও দেখাতে চেষ্টা করেছি।

আজ সেই পরিপ্রেক্ষিতেই আমাদের লোকসঙ্গীতের সবচেয়ে আকর্ষণী অঙ্গ—নরনারীর প্রেম নিয়ে সামান্ত আলোচনা করব।

সংহত-উপজাতি ও অর্ধ-উপজাতি সমাজে ফসল ও সম্ভান, শ্রম ও প্রণয়—এদের সম্পর্ক প্রত্যক্ষভাবে ব্যক্ত হতো তার অসংখ্য দৃষ্টান্ত আমাদের দেশে বিভিন্ন আদি লোকসঙ্গীতে আছে। নাগা পাহাড়ের কনিয়াক নাগাদের গায়্য দেবতার উদ্দেশ্যে গান আছে, যার মর্মার্থ হল :

হে গোয়াং দেবতা,

আমাদের পাথর ও নারীকে করুণা কোরো

পুরুষ যেমন নারীকে জড়িয়ে ধরে

তেমনি ফসলের বীজ মাটিকে জড়িয়ে ধরুক।

এখানে প্রণয় ও ফসল প্রত্যক্ষভাবে জড়িয়ে আছে। যেখানে আদি কোঁ সমাজের অনেক প্রকৃতি অব্যাহত আছে, সামান্ত সমাজের শ্রমবিভাগ খুব দান বাঁধেনি, সেখানে আজও লোকসঙ্গীতে তার স্বাক্ষর মেলে। আমাদের প্রাস্তবর্ত রাজ্য আসামের প্রধান লোকসঙ্গীত ‘বিহু’তে তা অগ্নান রয়ে গেছে। সে-গীতে ধারায় শ্রম, প্রণয়, প্রকৃতি সব অঙ্গাদি মিশে আছে। নদনদী, পাহাড়-পর্বত পশুপাখি, লতাফুল, বনের দোলা, নরনারীর মিলিত নৃত্যগীতের দোলায় মিশে সবই আকাজিকত প্রমোৎপাদনের ছন্দে বাঁধা। আজও সেখানে ধান রোয়া, ধান কাটার একচেটিয়া অধিকারী হল মেয়েরা। আসামে সমাজের উপরতলা শৈব বা শাক্ত ধর্ম এমনকি রাষ্ট্রশক্তি-বিরোধী ব্যাপক মহাপুরুষীয় বৈষ্ণব আন্দোলনের প্রভাব থেকেও আশ্চর্যজনকভাবে বিহুগীত মুক্ত। রাধাকৃষ্ণ তে দূরের কথা ঈশ্বরের স্থানও সেখানে নেই। মাঝে মাঝে কখনো ঈশ্বরের নাম এসেছে নেহাং বক্তব্যের পরিপূরক হিসাবে—

প্রথমে ঈশ্বরে জগৎখন সৃজিলে

তার পিছত সৃজিলে জিও

সেই জন ঈশ্বরে পীরিতি করিলে

আমিনো ন করিম কিয়।



। জন দৈবরে জগৎটা সৃষ্টি করল তারপর সৃষ্টি করল জীব, সেই জন দৈবর যদি  
 ঐরিত্য করতে পারল তবে আমরা করতে পারব না কেন? পীরিত্য ছাড়া  
 ঐ হয় কি করে? বিহুগীতে প্রকৃতি ও প্রথম পরম্পরের পরিপূরক—

চরাই কুমলীয়া                      উরিব নোয়ারে  
 ঘুরি ঘুরি ডালত পরে  
 চেনেহু কুমলীয়া                      পাহরিব নোয়ারো  
 ঘুরি ঘুরি মনত পরে ।

খিব কচি ছানা উডতে জানে না উডতে গিয়ে ঘুরে ঘুরে ডালেতেই এসে  
 ডে । কচি প্রেম ভুলতে গেলেও, ঘুরে ঘুরে মনেই এসে পড়ে ।

পর্বতে পর্বতে বগাব পাবো মই  
 লতা বগাবলৈ টান  
 বলিয়া হাতিক বলাব পাবো মই  
 চেনাইক বলাবলৈ টান ।

পর্বতের পর পর্বত আমি বেয়ে উঠতে পারি, লতা পাবি না বাইতে । পাগলা  
 তিকেও বশ মানাতে পারি, আমার সখীকে পারলাম না বশ মানাতে ।

জোনব লগত তরাটিওলালে  
 পরেবত শুয়নী করি  
 আমার লগত সুরু চেনাই ওলালে  
 আলিগাট শুয়নী করি ।

দের সঙ্গে তারাটিব উদয়—পর্বতের শোভা । আমার সাথে প্রেমসীর  
 মন—পথের শোভা ।

কর্মজীবনে প্রকৃতির সঙ্গে তার দ্বন্দ্ব—কিন্তু কাব্যলোকে সে প্রকৃতিরই অঙ্গ ।  
 ফল ফোটে, ফুলে ফুলে মিলন হয়ে ফল হবে বলে, পাখি গান গায়, পাখিতে  
 পাখিতে মিলন হয়ে শাবক জন্মাবে বলে, নরনারী নৃত্যগীতে মত্ত হয়, তাদের  
 মিলনে সন্তান জন্মাবে বলে । লোকসঙ্গীতে প্রেম ও প্রকৃতির এই মর্মকথা—  
 প্রকৃতির সঙ্গে identification বা অবিচ্ছিন্নতা ।

তুমি হইও বটবৃক্ষ, আমি হইব লতা ।

ভাওয়াইয়া গানে যেমন আছে :

দিনের শোভা স্বরূপেরে রাইতের শোভা চান  
 হালুয়ার শোভা হালকুশি জমিনের শোভা খান ।

ঘাসের শোভা সবুজ রঙের মাটির শোভা ঘাস  
কাশিয়ার শোভা ধগ্‌লাফুল আসিলে ভাদ্র মাস।  
সড়কের শোভা বটবৃক্ষ বৃক্ষের শোভা ছায়া  
বনের শোভা রসের ফুলফল মনের শোভা মায়া।  
ফণির শোভা মণি হায়রে গজের গজমতি  
মোর আঙ্গিনার শোভা হইলেন তুমি রূপবতী।

প্রকৃতির সঙ্গে হৃদয় ও মিলনের সম্পর্ক যে-জনসমাজের, তাদের কাছেই এই ধরনের গান জাগতে পারে। যে-শিকারীর বাণে হরিণ বিদ্ধ হয় হরিণীর চুঃখে সে-ই আবার গান রচনা করে। যে-শিকারীর ফাঁদে বক ধরা পড়ে ‘বগী’র চুঃখে সে-ই আবার গান গায় :

ফান্দে পড়িয়া বগা কান্দেবে।  
উড়িয়া যায়রে চকোয়া পঙ্খি  
বগীক বলে ঠারে  
তোমার বগা বন্দী হইছে ধর্ল নদীর পারে।  
এই কথা শুনিয়া বগী দুই পাখা মেলিল—  
ওরে ধর্ল নদীর পাড়ে যায়, দরশন দিলরে,  
বগাক দেখিয়া বগী কান্দেরে  
বগীক দেখিয়া বগায় কান্দেরে।...

এইসব ছবি কালিদাসের বা রবীন্দ্রনাথের হাত থেকে কোনোদিনই আসতে পারে না। কারণ মহাকবিরা দূরের ধ্যানস্থ দর্শক আর লোক-কবিরা প্রকৃতির লীলাখেলার সক্রিয় অংশীদার।

প্রণয় ও প্রতিবাদ

কোম গোষ্ঠী-সমাজের সমানাধিকারের স্বলে এল সামন্তসমাজের পুরুষপ্রাধান্ত, বহুবিবাহ, বাল্যবিবাহ, বৈধব্যপ্রথা, বংশকোলিষ্ঠ, শাখা সিঁচুর, পর্দাপ্রথা ইত্যাদি। তারই সমর্থনে এল নতুন মূল্যবোধ, নতুন ধ্যানধারণা ও ধর্মচিন্তা। কিন্তু শ্রমজীবী সমাজ তা সহজে মেনে নিল না। এই সমাজব্যবস্থার বিরুদ্ধে তার প্রতিবাদ গানে, গল্পে, গাথায় নানাভাবে ধ্বনিত হয়ে উঠল। প্রথম দিকে কোনো রূপকের আশ্রয় না নিয়েই তা ব্যক্ত হয়েছে। তাই প্রেমে বিচ্ছেদ ও বিরহই প্রাধান্ত পেয়েছে। ভারতের লোকসঙ্গীতের প্রণয় গীতে সর্বত্র এই স্বর। এ বিষয়ে বাংলাদেশে কাব্যে, স্বরে, আর্তি ও আবৃত্তিতে সবচেয়ে

আবেগময় হল উত্তরবঙ্গের ভাওয়াইয়া গান। তার আবেদন প্রত্যক্ষ, তার উপমা ও প্রতিমা অতি জীবনঘনিষ্ঠ। কারণ উত্তরবঙ্গের কোচরাজবংশী সমাজ আদি হাইব্যাল সমাজের প্রাণশক্তি অনেকখানি বজায় রাখতে পেরেছে।

ওকি একবার আসিয়া

সোনার চান্দ মোর যাও দেখিয়ারে

কুড়া কান্দে কুড়ি কান্দে কান্দে বালি হাঁস

ওরে ডাহকীর কান্দনে মুই

ছাড়ছ ভায়ার দেশ রে ॥

আইলত ফুটে আইল কাশিয়া

দোলাত ফুটে হোলা

ওরে বাপমায় বেচেয়া খাইছে

সোয়ামী পাগেলারে ॥

উত্তরবঙ্গের স্থানীয় ভাষায় ‘বেচেয়া খাওয়া’ মানে বিয়ে দেওয়া। এটা খুবই তাৎপর্যপূর্ণ। বাপ-মা পাগলা স্বামীর কাছে টাকা খেয়ে মেয়েকে বিয়ে দিয়েছে। এখানে নিজের মা-বাবার বিরুদ্ধেও অভিযোগ ধ্বনিত হয়ে উঠেছে। ভাওয়াইয়া গানকে তাই এক কথায় সামন্ত-সমাজের বিরুদ্ধে নারী জাতির প্রতিবাদের গান বলা চলে। অবশ্য এর অর্থ এই নয় যে গানগুলি সব মেয়েদের রচনা। মেয়েদের মুখ দিয়ে গ্রাম্য সমাজের পুরুষেরাও প্রতিবাদ জানিয়েছে।

ও মোর ভাবের দেওরা

থুইয়া আয় মোক বাপ ভাইয়ার দেশে রে।

বাপ ভাই মোর ছুরাচার

বেচেয়া খাইছে মোর ছুরাস্তর রে

বেচেয়া খাইছে মোক মদকিয়ার বররে ॥

মদকিয়া মদ খায়

আগুন দিতে মোর ঝাতি পোহায় রে—

নলের ডালে শরীল কইল মোয় কালারে,

কাশিয়া আর যাগের ফুলেরে

নদী করছে দেওরা ছলুফুল রে—

কোন জনায় করিবেক পার মোক

এ দরিয়ার পার রে ॥

আমাদের পল্লীসমাজে নিজের মতে নয়, নির্ভর প্রথায় যেখানে মেয়ের বিয়ে— সেখানে স্বামীর চেয়েও আপন হুল দেওর। মনের ছুঁথের কথা কেবল দেওরকেই বলা চলে। বাপ ভাই জ্বরদত্তি করে মাতাল স্বামীর কাছে বিয়ে দিয়েছে— তার সেবাতেই মেয়েকে ব্যস্ত থাকতে হয়। ভাবের দেওবা এই কারাগারে দেবদূত। তার কাছেই নালিশ ও আবদার। গানের শেষ স্তবকে আকুতিভরা যে অল্পম ছবিটি মাত্র দুটি কলিতে ফুটে উঠেছে বিম্ব কাব্যে তার তুলনা নেই। সুরাশ্রিত হয়ে সেইসব কাব্য পল্লীসমাজের ঘরে ঘরে বহু গৃহবধূর গোপন চোখের জলে মিশে যে অনিখিত মহাকাব্যের অধ্যায়গুলি রচনা করেছে, ত্রিশোত্তর বাংলাদেশের শিক্ষিত মহলে একদিন তার আবিষ্কারের আনন্দ-বিস্ময় দেখে-ছিলাম। কিন্তু আজ শিক্ষা ও সঙ্গীত সাহিত্য ও সংস্কৃতির গণমাধ্যমের বহুমুখী প্রচারে—আকাশবাণীর শত শত লোকসঙ্গীত-গায়কের কণ্ঠে সেই আনন্দ-আকুতির রেশটুকুও মেলে না। কারণ আজ তাঁদের অধিকাংশই দরদী আবিষ্কারক আব নন—তাঁরা আশ্রয়প্রচারক, এমন কি প্রতারণক।

তিন তিনটি পঞ্চবার্ষিক পরিকল্পনায় এবং গ্রাম-উন্নয়নের গালভরা পরিচালনায় গ্রাম্যজীবনের উৎপাদন সম্পর্কের কোনো মৌলিক পরিবর্তন আসেনি এবং তার সাথে superstructure বা উপরিসৌথের ধ্যানধারণা ও সামাজিক সম্পর্কের কোনো রূপান্তর ঘটেনি। কাজেই কাব্যিক বা সামাজিক আবেদনের দিক দিয়েই কেবল নয়—সামাজিক দিক দিয়েও এই গানগুলির আবেদন অক্ষুণ্ণ আছে।

আবার কখনো এই বিরহের কারণ, চরম দারিদ্র্য। ধনীর বাথানে দূরে যুবতী স্ত্রীকে বাড়িতে কলে গ্রামের যুবককে মহিষের সঙ্গেই জীবন কাটাতে হয় জীবিকার তাগিদে—

বাথান বাথান করেন মৈষালরে

মৈষাল, বাথান কইরচেন বাড়ি—

যুবা নারী ঘরে থুইয়া,

কায় করেন চাকিরি মৈষাল রে

ছোটকালে হঠাৎে বিয়ারে

ও মৈষাল বয়স ডাটি গেল্

না হইল মুই ছাওয়ার মাও

মনে ছুথ ঘোর রৈল, মৈষালরে

উজান খাইলে মেঘ মেঘালীয়ে  
 দক্ষিণ খাইলে বাণে  
 কেমন ধনীর চাকিরি করেন  
 বিদায় না দেয় কেনে, মৈষাল রে ।  
 অকারি চাউলের ভাতরে, মৈষাল  
 বকনা ভৈষের দুধ  
 তুই মৈষাল বাথানে থাকিস  
 আমার পোড়ে বুক, মৈষালরে ।  
 বাথান ছারেক, বাথান ছারেক রে  
 ও মৈষাল ঘুরিয়া আইসেক বাড়ি,  
 গলার হার বেচেয়া দিম মুঞি  
 ঐ চাকিরির কড়ি মৈষাল রে ।

‘না হইলঃ মূই ছাওয়ার মাও’—একটি যুবানারীর বকনার এই অভিযোগের মধ্যে অর্থ নৈতিক শোষণ ও সামাজিক শাসনের যে অল্পপন গ্রাম্য ছবিটি কাব্যময় মানবিক আবেদনে ফুটে উঠেছে, নাগরিক বিদগ্ধ কাব্যে ও গীতিতে তার তুলনা কোথায়? পরবর্তী সময়ে আমাদের লোকসঙ্গীতে যখন রাধাকৃষ্ণের আগমন ঘটল, তখন থেকে এই ছবিগুলি হারিয়ে যেতে লাগল।

শুধু অল্পযোগ ও আকৃতি নয়—তীব্র ব্যঙ্গ, বিদ্রূপ ও ক্লেবে নারীমনের কষাবাতে পল্লী-গীতি শানানো ছুরির মতোই বলসে উঠতে দেখি। যে-সমাজে সমাজপতির পাঁখা-সিঁহুরের মাহাত্ম্য প্রচার করেন, সেখানেই আবার লোকসঙ্গীতে শুনি—

ও মা মুঞি না যাও, সেদুর দেখিয়া মোকে ভয় নাগে ।

যে-মুসলমান সমাজে শরিয়তী বিধানে পুরুষের বহুবিবাহ আইনত সিদ্ধ এবং পুরুষ তিনবার মুখে তালাক বললেই জ্বীকে তালাক দেওয়া যায়—সেই সমাজের মেয়েদের গানেই আবার শুনি—

হাউলত থাকি বসিছু কাইনত রে,

ও মুঞি ধানের ভাতের আশে রে, মুঞি ধানের ভাতের আশে ;

ঐ ধানো নাই, চাউলো নাই কিলায় মাসে মাসেরে ॥

কিলাইতে কিলাইতে মুনসারে,

মোর পিঠিত করিলে কুঁজরে, মোর পিঠিত করিলে কুঁজ

ঐ গাঁওবুড়া উঠিয়া কয় কাইনের মজা বুজ ।

ধান আর ভাতের আশে সখ করে বিয়ে করেছিলাম ; এখন ধানও নাই, চাউলও নাই—পরিবর্তে খাচ্ছি কেবল কিল। কিল খেয়ে খেয়ে পিঠে পড়েছে কুঁজ, আর গাঁয়ের মোড়ল এসে বলে এবার বিয়ের মজা বুঝ।...

ভাঁওতা দিয়ে বিয়ে করার বিষয়ে উত্তরবঙ্গের এই তীব্র শ্লেষাত্মক বিখ্যাত চট্টকা গানটি অনেকেই জানেন :

নাক ডাকেরার বেটা টা

চোখ ডাকেরীর নাতিটা

মোক ভোলালু সতের খাছু দিয়া।

তকনে না কইচিস্ তুই বে

মোটা চাউল খাইনা

সক চাউলের নেকায় জোকায় নাই।

ওরে বাড়ি আসিয়া ছাখোং মুই

চাতুরালি করিলু তুই

ঘরংহীনা তোর খুদির গুডায় নাই।...

বিয়ের আগে বলিছিলি তুই মোটা চাল খাস্ না, ঘরে তোর সক চালের অন্ত নাই। বিয়ের পর বাড়িতে এসে দেখি তুই আমাকে ধান্না দিয়েছিস—তোর ঘরে ক্ষুদের গুঁড়াও নেই। এ-গানে সামন্তসমাজের ‘পবিত্র বিবাহ-বন্ধনে’র ভঙামিকেই যেন উল্লেখটিত কবে ‘স্বামী-দেবতা’কে সাধুভাষায় যার অল্পবাদ হয় না এমন গালাগালিতে ভূষিত করা হয়েছে। ‘এমনকি ‘চেংরা বন্ধু’র ভাবের টানে বুদ্ধ ‘স্বামীদেবতা’র মৃত্যুকামনা করা হচ্ছে :

দশাপড়া সোয়ামীটা মোর মরিয়াও না যায়

তবে সেনে মনটা মোর চল্চলা হয়,

ছেকায় খইলায় মাথা ঘসিহু হয়

পানিয়া মরা যদি এ্যালায় মরিল হয় ॥

সোনার বন্ধুরে, ভাবের বন্ধুরে, চেংরা বন্ধুরে,

হাট যায় বিলাতি ছাবন আনিয়া দে মোকে।

পূর্ববঙ্গের বিশেষ করে সারিগানের রঙ্গ-রসিকতায় ঠিক এই ভাবটিই ফুটে উঠতে দেখি :

ছোট দেওরা তোর আওড়া কথা

প্রাণে সহেনা

ভাতার গেল ধান দাইতে

বাঘে ধইরা খাউক

সোনার দেউরা বাইচ্যা যাউক ।...

পল্লী-গীতির এইসব রঙ্গ-রসিকতায় মনুসংহিতার কালে অক্ষরগুলি বুঝি লজ্জায় লাল হয়ে ওঠে !

কিন্তু পুরোহিততন্ত্র ও মোল্লাতন্ত্রের পেশ্বর যখন খুব কড়া হয়ে উঠল, তখন ব্যক্তিপ্রেমে উত্তম পুরুষের অভিব্যক্তি কৃষ্ণ-রাধার রূপকে রূপান্তরিত হল। কোম-সমাজের স্বকীয়া প্রেম হল সামন্ত সমাজে পরকীয়া।

‘কাহ্নুবিনা গীত নাই’

রাধাকৃষ্ণের আগমনে লোকসঙ্গীতে এল একটানা একঘেষেমি—ব্যক্তি-মানসের অভিব্যক্তির তীব্র আবেগ ও বৈচিত্র্য স্তিমিত হয়ে এল। কালা, বাঁশি, যমুনা, তমাল প্রতীতি বিমূর্ত ভালবাসার প্রতীক হয়ে দাঁড়ালো। লোকসঙ্গীতের ধলা নদী বা তোফা নদী হয়ে গেল যমুনা এবং চিলমারীর বন্দর হল মথুরার হাট; বৃক্ষ শিমলা হয়ে গেল কদম, বগাবগী কিংবা ডাহক ডাহকী হয়ে গেল শুকসারি; গাড়ীয়াল বা মৈষাল বন্ধু হল বংশীধারী কানা। কাহ্নু আসার সঙ্গে সঙ্গে ঘনিষ্ঠ পল্লীচিত্রের প্যানোরামার ঐশ্বর্য আমরা হারিয়ে ফেললাম। তথাপি পল্লী-গীতির প্রণয়, প্রতিবাদে পরকীয়া হয়েই রইল। প্রেম রূপ পেল বিরহে।

লোকগীতের ‘কাহ্নু’র বিবর্তনের তিনটি অধ্যায় আছে। প্রথম অধ্যায়ে গ্রাম্য রাখালিয়া কানাই, দ্বিতীয় অধ্যায়ে গোপীবল্লভ শ্রীকৃষ্ণ, তৃতীয় অধ্যায়ে প্রভু শ্রীকৃষ্ণ।

প্রথম পর্বের কাহ্নুটির দিকে তাকালেই সে যে অজ্ঞ নামে পল্লীবধূর সেই ‘ভাবের দেওরা’টি সে কথা বুঝতে এতটুকু কষ্ট হয় না। এই কানাইটি কখনো মাছ মারে, আবার কখনো ক্লাস্ত পল্লীবধূর ঘাম মুছিয়ে দেয়।

রাধা গেল জল আনিতে, কানাই লাগিল পাছ

হাতের বাঁশি ভূমে থুইয়া কানাই মারে মাছ।

কিংবা

আজকে যদি থাকতো আমার শ্যাম,

আঁচল দিয়া মুছাইয়া দিত ঘাম।

কিংবা আরও একটু কাব্য করে যখন বলে :

তোর কালার যেমন টেরিয়া সিতা  
মোর নারীর তেমন ঢালুয়া খোপা রে ;  
তুই কালার যেমন দাঙাল হাতি  
মুখিও নারী তেমন ভর যুবতীরে ।

বৈষ্ণব সাহিত্যের পদকর্তারা কালার ‘টেরিয়া সিতা’, বিশেষ করে দাঙাল হাতির সঙ্গে তুলনার কথা ভাবতেও পারতেন কি ? কালার বাঁশি আর ঘরের বধু যখন পল্লীসঙ্গীতের প্রধান উপজীব্য হল, তখনো এই সম্পর্কটি অতি স্পষ্ট। ঘরের বধু চিরবিরহিণী। সমাজ-কারাগারের দ্বাররক্ষিণী শাওড়ি, ননদী। কালার বাঁশির স্বরে চিরধ্বনিত পরাধীন নারীর মুক্তির আকৃতি।

আমি যখন রানতে বসি  
তখন কালার বাজায় বাঁশি  
ভিজাকাঠ চুলায় দিয়া ধোঁয়ার ছলে কান্দি ।

কিংবা

কালারে, শাওড়ী ননদী বৈরী  
আইনের বড় কড়াকড়ি  
ঘাটে না পারি যাইতে,  
আমি নারী হৈয়া বতো পারি সহিতে,  
আর বাঁশি বাজাইও না রাইতে ।

সুধু গৃহবাসী নারীর মুক্তির আকাঙ্ক্ষাই কি এ বাঁশি ? তবে এমন দরদ দিয়ে গ্রামের পুরুষ গায়ককে কেন গাইতে শুনি :

প্রাণনাথ গো, তোমার বদল দিয়া যাও বাঁশি,  
তোমার বাঁশির তানে  
ভাটাল নদী উজান টানে—ও

আমি নারী হৈয়া কোন পরানে রব গৃহবাসী—

সমগ্র সামন্তসমাজের বন্ধন ও শোষণের বিরুদ্ধেই এই মুক্তির আকৃতি সর্বজনীনতা লাভ করেছে। অবশ্য পণ্ডিতরা বলবেন—এ হল পরমাত্মার জন্ত চিরবিরহী মানবাত্মার ক্রন্দন। তারপরে কানাই হলেন শ্রীকৃষ্ণ—প্রেমিক শ্রীকৃষ্ণ, ভক্তের শ্রীকৃষ্ণ নয়। কিন্তু লক্ষণীয় জিনিস, শৃঙ্গার-রসমত্ত কৃষ্ণকে লোকসঙ্গীত কখনো গ্রহণ করেনি। রবীন্দ্রনাথ লোকসাহিত্যে প্রেমিক কৃষ্ণের বে-বিশ্লেষণ



করেছেন তা আংশিক ও অসম্পূর্ণ। তিনি সমাজবাদী-অতিক্রমকারী প্রেমকে দেখেছেন, কিন্তু সেই সমাজের আভ্যন্তরীণ সংঘাতকে এবং তার শ্রেণীসংস্থানকে দেখেননি। তিনি বলেছেন : “বৈষ্ণবদের গান স্বাধীনতার গান। তাহা জাতি মানে না, কুল মানে না। অথচ এই উচ্ছ্বলতা সৌন্দর্যবন্ধনে হৃদয়বন্ধনে নিয়মিত।...বৈষ্ণব গাথার প্রেমপ্রবাহেও তেমনি একমাত্র প্রবল বাধার উল্লেখ আছে, তাহা সমাজ। বৈষ্ণব কবির সে বন্ধননাশী প্রেমের গভীর ছুঁনিবার আবেগকে সৌন্দর্যক্ষেত্রে, অধ্যাত্মতাকে বহমান করিয়া তাহাকে অনেক পরিমাণে সংসারপথ হইতে মানসপথে বিক্ষিপ্ত করিয়া দিয়াছেন। আমাদের সমাজের সেই চিবক্ষুধাতুর প্রেতটাকে পবিত্র গয়ায় পিণ্ডদান করিবার আয়োজন করিয়াছেন। তাঁহারা কামকে প্রেমে পরিণত করিবার জন্ত ছন্দোবদ্ধ কল্পনার বিবিধ পরশপাথর প্রয়োগ করিয়াছেন।”

রবীন্দ্রনাথ বৈষ্ণব কাব্যের প্রেমকে মূলত সমাজের safety-valve বা মুশকিল-আসান হিসাবেই দেখেছেন। কিন্তু ব্রাহ্মণ্যধর্ম-শাসিত সমাজের জাতিকুলধর্মের নির্মম অত্যাচারের বিরুদ্ধেই একদিন বৈষ্ণব জাগরণ এসেছিল এবং জনসাধারণের মধ্যে ব্যাপ্তি লাভ করেছিল। প্রেম যেখানে প্রতিবাদী, সেটুকুই লোকসঙ্গীত গ্রহণ করেছে। প্রেম যেখানে ভক্তিমার্গে অধ্যাত্মবাদী, লোকসংগীতে তার প্রতিফলন-অত্যন্ত ক্ষীণ এবং তা এসেছে অনেক পরে। পরবর্তী সময়ে লোকসঙ্গীতে যে ভক্তের শ্রীকৃষ্ণকে দেখি, তা উপর থেকে চাপিয়ে দেওয়া। আদি-রসাত্মক বৈষ্ণব পদাবলি যেমন আত্মনিবেদনকারী সংকীর্তনের ভক্তিভাবের রূপ নিল, তেমনি সনাতন স্বাপ্ন সমাজের উৎপাদন-ব্যবস্থা ও উৎপাদন-সম্পর্কে যখন কোনো পরিবর্তনই এল না তখন social protest-এর অর্থাৎ সামাজিক প্রতিবাদের সুরকে আচ্ছন্ন করল surrender বা ভাগ্যের কাছে আত্মসমর্পণের সুর। ভক্তিবাদী রচয়িতারা ভণিতায়ুক্ত গান লিখে লোকসঙ্গীতে প্রবেশ করলেন। দীনেশচন্দ্র সেনের ভাষায় তাঁরা ‘কান্তে ভাঙিয়া করতাল গড়িয়া লইলেন’।

শুধু ভাবে নয়, লোকসংগীতের সুরের ক্ষেত্রেও আমরা পরিবর্তন লক্ষ্য করি। যাকে আমরা এক কথায় কীর্তনাজ লোকসংগীত বলতে পারি।

ভক্তিবিদ্যা সে ধন মেলে না

আছে ভক্তিরতন অমূল্য ধন

অযতনে পাবে না।

ছাপর যুগে গোপী কৃষ্ণধনে

তাদের অন্তরে বাহিরে কৃষ্ণ

কৃষ্ণ বই আর জানে না...

এ বিষয়ে পশ্চিম-সীমান্ত বাংলার আদিবাসী গীত ঝুমুরের পরিণতি আর একটি দৃষ্টান্ত। 'ঝুমুর' শব্দটি অত্যন্ত ব্যাপকভাবে আমাদের দেশে বিভিন্ন অঞ্চলে বিভিন্ন ধরনের গান বা নাচের নাম হিসাবে ব্যবহৃত। ঝুমুর শব্দটি মুণ্ডাদের মধ্যে এত বেশি প্রচলিত যে, সেখানে গান অর্থেই অনেক সময় ঝুমুর শব্দটি ব্যবহার করা হয়। কারও কারও মতে মুণ্ডাদের মধ্য থেকেই ঝুমুরের উৎপত্তি। আবার কারও মতে ঝুমুরের উৎপত্তি সাঁওতালদের গান থেকে। সে যা-ই হোক, ছোটনাগপুরের আদিবাসীদের থেকেই যে তার উৎপত্তি সেকথা আদি-ঝুমুরের musical structure বা সাংগীতিক ঠাঁট ও ছন্দ বিশ্লেষণ করলেই বুঝতে পারি। ঝুমুর যে-অঞ্চলের ফসল, তার আদি উৎপাদকরা আছেন আসামের চা-বাগিচায়। সেখানে ছোটবেলা থেকেই শুনে এসেছি চা-কুলির ঝুমুর নাচ-গান। সেখানকার ওরাওঁ, মুণ্ডা, ভূমিজ, সাঁওতালী চা-শ্রমিকরা একই সাথে সাদ্রিভাষায় আজও গান গেয়ে নাচে :

আম ধরে থোকা থোকা তেঁতুল ধরে বেঁকা গো

আসাম দেশে দেইখে এলাম রাঁড়ীর হাতে শাখা গো।

আসামে সেই গানের ধারায় এসে মিশলো বাগিচার কর্মজীবনের ছবি :

কোর মারা যেমন তেমন

পাতি তোলা মনের মতন

কলম করা বড়ই জঞ্জাল—

চাউলভাজা চাহের পানি, বাচাইল পরান।

সেখানেও বংলীধারী প্রবেশ করেছেন, তবে হাড়িয়ার নেশায় মাতাল হয়ে।

কিংবা

চল মিনি আসাম যাব

দেশে বড় দুখ রে

আসাম দেশে রে মিনি

চা বাগান হরিয়ার।

‘হরিয়ার’ মানে সবুজ। জমিদার আর মহাজনের শোষণে নিঃস্ব হয়ে আসামের সবুজ বাগিচার স্বপ্ন দেখছে। বাগিচা-কোম্পানির দালাল যদুরাম তাদের ঐশ্বৰ্যের প্রলোভন দিয়ে নিয়ে গিয়েছিল, গিয়ে দেখল, ওরা দাসশ্রমে বন্দী। তাই গাইছে:

কোর মারা যেমন তেমন

পাতি তোলা টান গো ..

হায় যত্নরাম,

ফাঁকি দিয়ে পাঠাইলি আসাম ।

ছোট ছোট কলিতে যে ইতিহাস লিপিবদ্ধ হয়ে আছে তার ন্যূনতম স্পন্দনও পরবর্তীকালের সহস্র কৃষ্ণলীলা-মার্কা বুম্বুরের মধ্যে মেলে না ।

আশামের একটা সবচেয়ে জনপ্রিয় বুম্বুর গানে ‘শ্যাম’ তো একেবারে বিদেশী সাহেবের আড়কাঠিই বনে গেছেন :

কি নিষ্ঠুর শ্যাম,

ফাঁকি দিয়ে আনিলি আসাম ।

সাহেব বলে কাম, কাম,

বাবু বইলে ধইরে আন

সর্দার বলে লিব পিঠের চাম্ ।

রে নিষ্ঠুর শ্যাম,

ফাঁকি দিয়ে আনিলি আসাম ।

এসব গানের রচনা ও সুরের প্রকৃতিতে আমরা পাই আদি বুম্বুরের রূপটি, তার অল্পপম মানবিক ধারাটি। উচ্চবর্ণের হিন্দুশ্রেণীর প্রভাবে শাসকশ্রেণীর ভাবধারায় পশ্চিম-সীমান্ত বাংলাতেই দেখি সুরে ও রচনায় সেই বুম্বুরের আমূল পরিবর্তন। কর্মজীবনের ছোট ছোট স্বন্দর টুকরো ছবির জায়গায় এসেছে রাধাকৃষ্ণের প্রেমলীলা। তাতে আবার অশিক্ষিত অথচ শিল্পজ্ঞানসমৃদ্ধ, অকৃত্রিম, অজ্ঞাত রচয়িতাদের স্থল এসে দখল করলেন ভণিতাযুক্ত শিক্ষিত পাণ্ডা-পুরোহিত, এমন কি রাজা-জমিদার শ্রেণীর লোক। তারা এখানেও ‘কান্তে ভাঙিয়া কবতাল গড়িয়া লইলেন’। এদের মধ্যে সবচেয়ে বিখ্যাত হলেন দেওঘরের প্রধান পাণ্ডা ভবগীতানন্দ ওয়া। তাঁর রচনাগুলি বৈষ্ণব কবিদের ব্যর্থ অমুকরণ ছাড়া আর কিছু নয়—

স্বমধুর স্বরে

ভ্রমর গুঞ্জে

কুঞ্জে চুমি নব ফুল রে ।

স্বধাকর কর

অনল প্রথর

গরল ভেল তাঙ্গুল রে ॥

অঙ্কের ভূষণ                      বৃষ্টিক যেমন  
 সাপিনী নিল ঢুকল রে ।  
 কণ্টক সমান                      শয্যা অহুমান  
 দহিছে কুঞ্জ মঞ্জুল রে ॥  
 মরি যার তরে                      সে মজিল পরে  
 পরপ্রমে প্রেমাকুল  
 ভবপ্রীতা ভণে                      মানস দর্পণে  
 হেবি সে রূপ অতুল ।

কিংবা

শুন শুন সহচরী, তোদিগে বিনয় করি  
 বাঁচাহ আনিয়া সে নাগরে ।  
 বিনা সেই শ্রামধন না রাখিব এ জীবন  
 ভবপ্রীতা হরিপদ ধরে ।

শুধু ভাব ভাষা রচনাতেই নয়, সুরের দিক দিয়েও এ ধরনের গীত যে কটি শুনেছি, তাতে দেখেছি আদিবাসী ঝুম্ব-গীতের staccato বা কাটা কাটা স্টাইলের চতুষ্স্বরিক বা পঞ্চস্বরিক সুরের স্থলে এসেছে legato বা টানা আশযুক্ত স্টাইলে সম্পূর্ণ জাতির সুর। শুনলেই বোঝা যায় এ স্বহ সংমিশ্রণ নয়, এ উপর থেকে চাপিয়ে দেওয়া। অস্তত একে লোকসংগীত আখ্যা দেওয়া চলে না। লোকে যা গায় তা-ই লোকসংগীত হয় না। ভাবের ও সুরের ক্ষেত্রের সংগ্রামকে ঝারা বোঝেন না তাঁরা ‘একে অনিবার্য বলেই’ মেনে নেন, কারণ তাঁদের মতে ‘বিবর্তনের ধারায় মূল জিনিসের অস্তিত্ব এমনি করেই বিলুপ্ত হয়’। কিন্তু এইসব পবেষকদের শুধু একটি কথাই বলতে পারি, সংস্কৃতির বিবর্তনে গ্রহণ যেমন আছে বর্জনও তেমন আছে। ভদ্রসমাজের পণ্ডিতকুল ইতরজনের যে ভাষা ও সুরকে একদিন স্বীকার করতেও কুণ্ঠিত ছিলেন—তাদের সংগ্রামী জাগরণের সাথে সাথে তাদের এক সময়ের ‘বিলুপ্ত’ ভাষা ও সুরের মর্যাদা ফিরে এসেছে। দু-দিন আগেও যা ছিল লিপিহীন উপভাষা, আজ সেরকম কয়েকটি আঞ্চলিক ভাষা পূর্ণ ভাষার মর্যাদা লাভ করেছে। আর সুরের তো কথাই নেই। সমাজের উপর ওয়ালাদের অবজ্ঞার প্রায় লুপ্ত সুরকে পুনরুদ্ধার করে কিংবা বিকৃত সুরকে সংস্কার করে অনেক জাতি বা উপজাতি নিজের সুরে নিজের সত্তাকে ফিরে

পেয়েছে। লোকসঙ্গীতের স্বরের বিচার ও বিশ্লেষণের সময় এ-বিষয়ে বিশদ আলোচনা করার ইচ্ছা আছে।

পরবর্তী পর্যায়ে এলেন ভাগবতের ‘কৃষ্ণস্ত ভগবান স্বয়ং’। লোকসংগীত এই লর্ড-কৃষ্ণ থেকে নিজেকে দূরে রাখবার চেষ্টা করেছে—কিন্তু সম্পূর্ণ মুক্ত রাখতে সক্ষম হয়নি। ব্রাহ্মণ্যবাদের প্রভাবে অবক্ষয়ী সমাজে ‘পাপী তাপী’ লোক ‘কলিকন্ডবয়ঃ’ কৃষ্ণের শরণাপন্ন হল। কৃষ্ণ, গৌরানন্দ, হরিশ সব একাকার হয়ে গেল। ভাটিয়ালিতেও শুনলাম :

হরিনামের তরী ভবের ঘাটে লেগেছে...

কিংবা বাউল গানে শুনলাম :

কৃষ্ণ কৃষ্ণ বলরে মন রাধে রাধে বল...

আবার কোনো বাউল ‘কলির ম্যালেরিয়া জ্বরের যাতনা’ থেকে উদ্ধার পাবার জন্য ভর্তি হলেন ‘নদীয়াপুরে গৌরচাঁদের হাসপাতালে’, সেখানে ‘নিতাইবাবু সিবিল সার্জন’, ‘শ্রীনিবাস তার কম্পাউণ্ডার’।

আজ Krishna-consciousness বা কৃষ্ণ-চৈতন্য বিশ্বময় ছড়িয়ে পড়েছে। ধনতান্ত্রিক হুনিয়ার প্রাচুর্যের জরে আক্রান্ত হয়ে সবাই লর্ড কৃষ্ণের হাসপাতালে আশ্রয়প্রার্থী হচ্ছেন। কয়েকদিন আগে সাহেব বৈষ্ণবদের সম্পর্কে স্টেটসম্যান খবর দিয়েছেন : ‘Their guru had established 40 Radhakrishna temples in West Virginia and the centre there, 150 miles from Washington, had been named New Vrindaban, where Vedic culture and cow protection had been taken up as two prime themes for propagation.’

লগুনও এখন কৃষ্ণচৈতন্যের প্রধান কেন্দ্র হয়ে উঠেছে।

এ বিষয়ে লোকসংগীতজ্ঞ হিসাবে হয়ত আমাদের কিছু বলবার নেই, কিন্তু মুশকিল হয় যখন সে দেশে সমস্ত ভারতীয় সংগীত হয়ে যায়—divine psychedelic music’ এবং লোকসঙ্গীতের চাষাড়ে কৃষ্ণটি নামাবলি গায়ে হয়ে যান Lord Krishna—খাঁর সাথে transcendental communication বা তুরীয় মার্গে বিচরণের জন্যই সংগাতের মাধ্যমকে গ্রহণ করতে হয়। আমাদের দেশের যেসব লোকসংগীত-শিল্পী সে দেশে যান তাঁরাও সে দেশের একশ্রেণীর শ্রোতাদের মন বুঝে অতি সহজ লৌকিক প্রেমগীতিকেও অলৌকিক আধ্যাত্মিকতার পোশাক পরিয়ে পরিবেশন করেন। শ্রীহট্টের অতিপরিচিত ধামাইল জাতের গীত :

আমি কি হেরিলাম জলের ঘাটে গিয়া, নাগরীগো...

হেরি মুখচান্দে পড়িয়াছি ফানে,

আমার প্রাণপাখি কান্দে রইয়া রইয়া ॥ নাগরীগো...

ঘরে গুরুজন্যর ভয়, কর্মে মন নাহি রয়,

আচরিতে উঠি চমকিয়া,

আমার চলেনা চরণ, হইবে বুঝি মরণ,

মনের দুঃখ কার ঠাইন কইমু গিয়া ॥ নাগরীগো... ইত্যাদি ।

বাংলা লোকসংগীতের এই চিরন্তন কুলবধূর জলের ঘাটের প্রেমকেও সেখানে ঐশ্বরিক প্রেমের ব্যাখ্যা দিয়ে বলা হচ্ছে : 'Lord Krishna is a God' of great beauty and eternal youth. The story of this song reveals this incident. Once, the singer went to the river bank to fetch some water and by chance he saw the beautiful 'moonlike face of the God Krishna !'

তাই হিপিরাও কৃষ্ণচৈতন্যে বিভোর হয়ে—খোলকরতাল নিয়ে 'হরেকৃষ্ণ হরোরাম' গানে মেতে উঠেছে ।

লোকায়ত ঐতিহ্যই লোকসংগীতের মূলধারা

পূর্বোল্লিখিত প্রবন্ধে আলোচনা করেছিলাম, কিভাবে বাউলতন্ত্রের মানবিক ধারাটি আত্মরতিতে বিকৃতি লাভ করেছিল, যেজন্য হিপিরা তার মধ্যে তাদের উদ্ভূত আচরণ-বিধির সাদৃশ্য খুঁজে পেয়েছে । সামন্তসমাজের অচলায়তনের প্রতিবাদী মূলপ্রেমের প্রতীক লোকসংগীতের রাখালিয়া-কৃষ্ণ কি করে প্রভু-শ্রীকৃষ্ণে রূপান্তরিত হল এ প্রবন্ধে তার কিছুটা আলোচনা করা হল । পূর্বতন বাউলরাও গৌড়ীয় বৈষ্ণব ধর্মের অনুগামী হয়ে বৈষ্ণব-বাউলে রূপান্তরিত হল । গৌরাঙ্গ, কৃষ্ণ, হরি সব একাকার হয়ে আত্মসমর্পণের অধ্যাত্মবাদী ধারায় বাংলা লোকসংগীতকেও অনেকটা আচ্ছন্ন করে দিল । বহু দেবদেবী আচার-বিচার ও জাত-পাতির কাঁটাতারের বেড়ায় বর্ণহিন্দু-শাসিত সমাজের বিরুদ্ধ মতবাদ হিসাবে মধ্যযুগের বৈষ্ণব জাগরণের একটা প্রগতিশীল মানবিক দিক ছিল—যে কারণে আমাদের গণমানসে তার প্রভাব ছড়িয়ে পড়েছিল, ঠিক যেমনি সুফী-বাউলদের মানবতাবাদ ব্যাঙলাভ করেছিল । কিন্তু পূর্বেই আলোচনা করেছি উৎপাদন-ব্যবস্থার কোনো বিকাশ লাভ না ঘটায় সেই বিরুদ্ধতা আধ্যাত্মিক আত্মসমর্পণের পথ বেছে নিল ।

আমাদের লোকসংগীতের বলিষ্ঠ লোকায়ত ধারাটিও এই আধ্যাত্মিক আত্ম-সমর্পণের দর্শনে যথেষ্ট প্রভাবান্বিত হল। বাংলাদেশ ও পশ্চিমবঙ্গের গবেষক ও সংগ্রাহকরা হাজার হাজার লোকগীতি সংগ্রহ করেছেন—যা দেহতত্ত্ব ও তার সাধন-প্রক্রিয়ার কিংবা গৌর নিতাই অষ্টমের লীলাখেলার একঘেষে মিতে একই ধরনের উপমার পুনরাবৃত্তিতে অত্যন্ত কৃত্রিম ও ভাবাবেগহীন। ঐ গানগুলি যেন কেবল নিগূঢ় তত্ত্বকথা শোনার জন্মই—প্রায়ই কাব্যগুণ তাতে থাকে না। এবং আর এক শ্রেণীর গান আছে যার অধিকাংশই হল রবীন্দ্রনাথের ভাষায়—‘মৃত্যুভয়ের শাসনে মানুষকে বৈরাগী দলে টানবার প্রচারকগিরি।’ লোকজীবন ও জনপদ, প্রেম ও প্রকৃতিকে ছেড়ে অলৌকিক ও অতিপ্রাকৃতের দিকেই যেন আমাদের লোকসংগীত ধাওয়া করল।

আপাতদৃষ্টিতে তা মনে হলেও মূল লোকায়ত ধারাটি আধ্যাত্মিক কুয়াশার অন্তরালে চিরপ্রবহমান রয়ে গেছে। বোগীন্দ্রনাথ সরকারের ‘খুঁমুগিরি ছড়া’র ভূমিকায় রামেন্দ্রসুন্দর ত্রিবেদী প্রায় ৭০ বছর আগে লিখেছিলেন : ‘বাহাতে কোন আধ্যাত্মিক-তত্ত্বের সমাবেশ নাই, এমন কোন কথা আমাদের পণ্ডিত সম্প্রদায়ের অমুরাগ আকর্ষণে সমর্থ হয় নাই।’ আমাদের লোকসাহিত্যের মূল প্রবাহ লোকায়ত ধারাটি সন্মুখে পণ্ডিত গবেষকরা চিরদিনই নিরুৎসাহ। কিন্তু হঠাৎ যখন ময়মনসিংহ গীতিকার মতো মহান লোককাব্যের আবিষ্কার ঘটে—তখন তাঁরা অত্যন্ত মুশকিলে পড়েন এবং সন্নিহান হয়ে তার মৌলিকতা সন্মুখেই নানা প্রশ্ন তুলতে থাকেন। এই পরিপ্রেক্ষিতেই দীনেশচন্দ্র বলেছিলেন : ‘এই পল্লীগাথার আবিষ্কার আমার চক্ষে খুব বড় রকমের একটা জাতীয় ঘটনা।’ ১৯২৩ সালে ইংরাজিতে ময়মনসিংহ-গীতিকার পালাগানগুলি প্রথম মুদ্রিত হয়। কিন্তু তখনো তা ছিল কাব্যরসের স্বাদ গ্রহণের বস্তু, স্বরের সোনার কাঠির স্পর্শে সেই কাব্য আরও যে কত মধুর, তার স্বাদ পেতে আরও সময় কেটে গেল।

আমি আগেই আলোচনা করেছি মাত্র ত্রিশের দশকে এসে লোকসংগীত তার আঞ্চলিক ভাষা ও স্বরের নিজস্ব সৌন্দর্য ও বৈশিষ্ট্য নিয়ে শিক্ষিত মহলে মর্যাদা লাভ করেছিল। গূঢ় তত্ত্বকথা ও কৃষ্ণলীলা-কীর্তনের মধ্যে হঠাৎ চমকে উঠে আমরা গুনেছিলাম :

যে দিন গাড়িয়াল উজান যায়

নারীর মন মোর বুইরা রয়রে,

ও কি গাড়িয়াল ভাই—

ইাকাও গাড়ি তুই চিলমারীর বন্দরে রে—

আমরা শুনলাম :

কোথায় পাব কলসি কল্যা কোথায় পাব দড়ি

তুমি হও গহীন গাও আমি ডুইব্যা মরি ।

কিংবা

পূবালি বাতাসে বন্ধু নাওএর বাদাম উড়ে

আমার শাড়ির আঁকল ঝলমল ঝলমল করে ।

গ্রামের খেটে-খাওয়া মানুষ ও তাদের জীবনের ছবি ও মাটির গন্ধ নাগরিক-তার গুমট কৃত্রিমতাকে যেন ভাসিয়ে নিয়ে গেল ।

সংগ্রহের ক্ষেত্রে যতই আমরা জনতার ভিতরে বাই ততই এই জীবনধর্মী লোকায়ত ধারাটির সম্মান পাই । ইদানীং ঢাকার বাংলা একাডেমি—বাংলা-দেশের জেলাওয়াড়ি গবেষণায় যে ধারাবাহিক সংগ্রহমালা প্রকাশ করেছেন—ছড়া, গাথা, মেয়েলী গীত, বারমাস্তা প্রভৃতিতেও সেই সত্যই প্রমাণিত হয় ।

পরিশেষে একটা কথা বিশেষভাবে উল্লেখ করতে চাই । আমাদের লোক-সঙ্গীতে তত্ত্বকথা মানেই আধ্যাত্মিকতা নয় । এই তত্ত্বকথার মধ্যে অনেক সময় জনসাধারণের মননশীলতা প্রকাশ পেয়েছে । জগৎসৃষ্টি ও জীবনজিজ্ঞাসা মানুষের চিরন্তন প্রশ্ন । তাই কোনো নিরক্ষর গ্রাম্য ফকির যখন গান করেন :

সমুদ্রের জল উঠে বাতাসের জোরে

আবর হইয়া ঘুরে পবনের ভরে

জমিনে পড়িয়া শেষে সমুদ্রে যায়

জাতেতে মিশিয়া জাতে তরঙ্গ খেলায় ॥

রে বন্ধু নির্ধনিয়ার ধন,

কেমনে পাইমূরে কালা তোর দরিশন ।...

তখন কিন্তু তিনি এর মধ্য দিয়ে জগৎসৃষ্টি সম্বন্ধে তাঁর গভীর মননশীলতাই ব্যক্ত করেন, সুরাঙ্গয়ী মধুর কাব্যরসের মাধ্যমে । পূর্বোক্ত প্রবন্ধে আমি আলোচনা করবার চেষ্টা করেছি যে শূফী বাউলদের এই জীবনের অর্থ বা মনের মানুষের অহুসন্ধানের সাথে তৎকালীন কঠোর সমাজবন্ধন থেকে মুক্তির বাসনা মিশে গিয়েছিল । সেজন্য সেসব বাউলগানে ছিল কাব্যরস, আবেগ ও আকৃতি । কিন্তু পরবর্তীকালে সেই তত্ত্বকথা জীবনসত্যকে অস্বীকার কবে কিভাবে



কেবল গৃহ সাধনমार्গের কুটিল প্রক্রিয়ার নীরস প্রচার হয়ে দাঁড়ালো তা-ও আলোচনা করেছি।

আজ গণজীবনে এসেছে নতুন জীবনজিজ্ঞাসা। লোকসংগীতের ভবিষ্যৎও সেখানেই। অর্ধ-সামন্ততান্ত্রিক ও অর্ধ-ঔপনিবেশিক কৃষিব্যবস্থার বিরুদ্ধে নতুন অধিকারবোধে যে গণজাগরণ এসেছে, সেখানে এখনো নতুন জীবনদর্শন শিকড় গাড়াতে পারেনি। হাজার বছরের ধ্যানধারণা তাকে পিছনে টানছে। বিপ্লবী চেতনা বিপ্লবী জীবনদর্শনে ব্যাপ্তি লাভ করেনি—অর্থনৈতিক দাবিদাওয়ার পরিধির মধ্যে আবদ্ধ হয়ে আছে। শ্রমিকশ্রেণীর আন্তর্জাতিকতার পথে শোষণ-হীন সমাজ গঠনের জীবনদর্শন জনতার সৃষ্টিশীল সত্তার মধ্যে দানা বাঁধেনি আজও। অতীতকে সেই জাগরণকে শোষণশ্রেণীর বর্ণচোরা ভাবাদর্শে জাতীয়তাবাদে কলুষিত করার সংগঠিত প্রচেষ্টা চলছে। উপর থেকে হুকুমমারফিক লোকসংগীত তৈরি হচ্ছে ও গণপ্রচারের মাধ্যমে সম্প্রসারিত করা হচ্ছে। লোকসংগীত যাদের সৃষ্টি—শুধু তারাই তার রূপান্তরের অধিকারী। সমাজ-রূপান্তরের ভাবাদর্শের নতুন ঢেউ যখন জনতার মধ্যে আসে তখনই তার সংস্কৃতির রূপান্তরের তাগিদও আসে। চল্লিশোত্তর গণসংস্কৃতির আন্দোলন আন্তর্জাতিকতার ভাবাদর্শে গণজাগরণের ফল। একদিন গণসংস্কৃতির রূপান্তরের তাগিদেই গণনাট্য আন্দোলনের জন্ম হয়েছিল। ভারতবর্ষে যেখানে সে আন্দোলন শ্রমিকের ও কৃষকের শ্রেণীসংগ্রামের সঙ্গে যুক্ত হতে পেরেছিল সেখানেই দোনা ফলেছিল। বহু অখ্যাত লোককবি ও লোকগীতিকারকে আমরা সেদিন পেয়েছিলাম। সীমাবদ্ধভাবে হলেও তাঁরা নতুন জীবনদর্শনের আলোতে বহু গান ও গাথা সেদিন রচনা করেছিলেন। লোকসংগীতের রূপান্তরের দ্বিগদর্শনও আমরা তাতে পেয়েছিলাম। গণনাট্য আন্দোলন ও লোকসংগীতের বিষয়ে আলোচনা করার সময় এর মূল্যায়ন করার ইচ্ছা রইল।

## লোকসঙ্গীত, উপভাষা, উপমা ও উচ্চারণ

অনেকদিন আগের কথা। কোলকাতার একজন বাগ্মী নেতা আমাদের জেলায় এক কৃষক সমাবেশে সুদীর্ঘ ভাষণ দেবার পর সভায় উপস্থিত একজন বৃদ্ধ কৃষককে জিজ্ঞেস করেছিলাম—কেমন লাগল? উত্তরে তিনি বলেছিলেন “নেতায় তো কইছুইন ভাল, খালি অত কইলকান্তি না কইয়া যদি এটু বঙ্গভাষাত কইতা—।” অর্থাৎ, নেতা তো বললেন খুব ভালো কিন্তু যদি এত কোলকাতার ভাষা না বলে একটু বাংলাভাষায় বলতেন! বাংলার চলতি ভাষাটা আমাদের পূর্ববঙ্গের লোকদের কাছে কইলকান্তি আর তাদের নিজেদের ভাষাটা তাদের কাছে ‘বঙ্গভাষা’। এ দাবীটা কি একেবারে মিথ্যা? ঐতিহাসিক দিক দিয়ে বঙ্গ বলতে চিবাদিন পূর্ববঙ্গকেই বোঝাত। কিন্তু পূর্ববঙ্গ ও উত্তরবঙ্গের উপভাষার মধ্যে যে অপূর্ব সম্পদ ছড়িয়ে আছে—আমাদের সাধু বা চলতি বাংলা ভাষা তা থেকে কতটুকু আহরণ করতে পেরেছে? এটা শুধু নিজেকে ঐশ্বর্যশালী করার প্রত্ন নয়—এটা হল ভাষাকে শ্রমজীবী সাধারণ মানুষের উপলব্ধি ও ভাব প্রকাশের মাধ্যম করে তোলার প্রত্ন।

বাংলা সাহিত্যে যাকে আমরা চলতি ভাষা বলি তা কিন্তু খেটে খাওয়া সাধারণ মানুষের কাছাকাছি নয় মোটেই। তার উচ্চারণ ও শব্দসম্ভার মূলত বিদগ্ধ কলকাতার ইট, কাঠ, সিমেটেই জন্ম, তাতে বাংলার খাঁটি মাটির গন্ধ খুবই কম। আলালের ঘরের দুলাল বা হতোম প্যাচার নকশার যে ভাষা ও ব্যঙ্গকৌতুক তা মূলত কোলকাতার নাগরিক ভ্রূশ্রৈণীর। পরবর্তী সময়ে প্রমথ চৌধুরী ও রবীন্দ্রনাথ প্রমুখ বাচনভঙ্গী ও উচ্চারণে যে জিনিসটি আনন্দ তাও তাঁদের পরিবারগুলিতে আবদ্ধ ডায়ালেক্ট থেকে এসেছে। তার মধ্যে জেলাগুলির কথ্যভাষার স্বাদ গন্ধ ও বাচনভঙ্গী পাই না।

ম্যাক্সমুলার সাহেব বলেছিলেন, ‘The real and natural life of Language is in its dialects.’ আমাদের উপভাষাগুলোর শ্রমজীবনের কর্মপ্রক্রিয়ার স্বেচ্ছিক শব্দগুলো বা বাক্যভঙ্গী-প্রবাদবাক্য ইত্যাদি থেকে বাংলাভাষা নিজেকে বিশেষ সমৃদ্ধ করতে কি পেরেছে? তা পারেনি বলে বাংলাসাহিত্যে বিদগ্ধ ও লৌকিক এই দুই ধারার মধ্যে এক অস্বাভাবিক বিচ্ছেদ বিরাজমান। অথচ প্রতিবেশী অসমীয়া ভাষাতে এই বিচ্ছেদ দেখি না।

একদিন বাংলার অহু করণে একটা অসমীয়া ভাষা গড়ে ওঠার লক্ষণ দেখা গিয়েছিল। কিন্তু সে সময় অজ্ঞানতাবশত কোন কোন মহলে অসমীয়া ভাষা বাংলাভাষারই একটা উপভাষা বা ডায়ালেক্ট বলে একটা ভুল ধারণা ব্রিটিশ শাসকদের প্রাশ্রয়ে দানা বেঁধেছিল এবং আসামের শিক্ষালয়ে বাংলা মাধ্যম প্রচলিত করা হয়েছিল। তারই প্রতিরোধে “অসমীয়া নবজাগরণের আন্দোলনে” অসমীয়া ভাষার স্বকীয়ত্ব প্রমাণ করতে গিয়ে আসামের ভাষাবিদ্রা তাঁদের লৌকিক ভাষার মধ্যেই সেই নিজস্বতা খুঁজে পেলেন। লক্ষ্মীনাথ বেজবড়ুয়ার বাঙ্গাভাষিক রচনা পরিপূর্ণভাবে লৌকিকভাষা থেকেই প্রাণ আহরণ করেছে—যেজন্তু শুধু বিদ্বৎ নয়, আসামের জনসাধারণ তার থেকে রস আহরণ করে। হুতোম প্যাচার নকশার সঙ্গে, লক্ষ্মীনাথের “কুপাবর বরুয়ার” এখানেই তফাত। অসমীয়া গ্রাম্য প্রবাদ-প্রবচন বাক্যভঙ্গী ও বিজ্ঞাসকে আত্মস্থ করেই অসমীয়া সাহিত্য গড়ে উঠেছে। অসমীয়া ভাষায় বাংলা ভাষার মত সাধু ও চলিত নাগরিক, বিদ্বৎ ও গ্রাম্য কথ্যভাষার মধ্যে কোন বিশেষ ব্যবধান গড়ে উঠতে পারেনি। সেখানে অসমীয়া ভাষা সমস্ত অসমীয়া জনসাধারণেরই ভাষা। হুদুর উত্তরলক্ষ্মিমপুরের কোন গওগ্রামের বিহুর দল গোহাটি শহরের বিহুমণ্ডে নৃত্যগীত পরিবেশন করলে শহরের শিক্ষিত শ্রেণীর কাছে সেই গানের একটি কথাও অপরিচিত ঠেকে না। কিন্তু উত্তরবঙ্গের কুচবিহার বা রংপুরের কোনো ডাওয়াইয়া গায়ক কোলকাতায় এলে তাঁর গানের প্রায় প্রত্যেকটি কলি সাধুভাষায় বুঝিয়ে না দিলে কোলকাতার শিক্ষিতরা মর্মোদ্ধার করতে পারেন না। আমরা যারা পূর্ববঙ্গের শিক্ষিতশ্রেণী চলিতভাষায় লিখিত বইপড়া-বিজ্ঞে নিয়ে কলকাতায় আসি তখন বহুবিধ উচ্চারণের বিভ্রাটে পথ হারিয়ে ফেলি। দেখতে পাই চলিতভাষার লিখিত ও কথ্যরূপের মাঝখানে বিস্তর ফারাক। যেমন আমরা ‘বিছা’ বা ‘সত্য’র উচ্চারণে ‘ষ’ ফলার স্পষ্টতা রাখব। কিন্তু এখানে তার উচ্চারণ অনেকটা হয় ‘সত’ বা ‘বিদা’; তাও আবার ‘স’-এর উচ্চারণ হবে ‘সো’-এর মত। গায়ক হিসাবে আমার সামান্য পরিচিতি আছে। কিন্তু জর্জদা (দেবব্রত বিশ্বাস) বললেন, “তোর স্বর ঠিক আছে কিন্তু উচ্চারণের জন্তু রবীন্দ্রসংগীত হবে না।” সেদিন রীতিমতো অপমানিত বোধ করেছি, ‘এলেম নতুন দেশে’ কি করে “এলেম ‘নোতুন’ দেশে” হয় তা বুঝতে পারিনি। যেমন বুঝতে পারি না ‘অভিজিৎ’ কি করে ‘ওভিজিৎ’ হয়,

‘বেলা’ কি করে ‘ব্যালা’ হয়, ‘কল্যাণী’ কি করে ‘কোলাণী’ হয়, আবার ‘কদম্ব’ ‘কদম্ব’ই থাকে। ‘এক’ যখন ‘আক’, ‘একটি’ তখন ‘একটি’ই থাকে। তাইতে লাগে ধন্দ !

শব্দসম্ভার ও প্রকাশভঙ্গী

কলকাতা বিশ্ববিদ্যালয়ের বাংলা স্নাতকোত্তর বিভাগের ছাত্রদের অমুরোধে লোকসাহিত্য বিষয়ে দু’কথা বলতে গিয়ে প্রথমেই জিজ্ঞেস করেছিলাম ‘নিখুয়া পাথার’, ‘লিলুয়া বাতাস’ তারা জানে কিনা। আঞ্চলিক ভাষার যে শব্দ-সম্ভার আছে যা শ্রমপ্রক্রিয়ার সঙ্গে ওতপ্রোতভাবে জড়িত, তার প্রকাশভঙ্গী এবং ব্যঙ্গনায় যৌথজীবনের একটা বৈশিষ্ট্য আছে, যা বিদগ্ধ ভাষায় খুঁজে পাওয়া যায় না। আজকের বাংলাসাহিত্যের প্রকাশভঙ্গীর যে দৈন্ত তা উপমা-অলংকারে বিদেশী সাহিত্যের অনুকরণ, এমনকি অপহরণের দ্বারা পূরণ করতে হচ্ছে। বাংলা সাহিত্যকে তার থেকে মুক্ত করতে হলে আমাদের লৌকিক শব্দসম্ভার থেকে নতুন শব্দ চয়ন করতে হবে। এদেশের ভাষাবিজ্ঞানীদের কাছে হয়ত এই আবেদন আমি রাখতে পারি। তিন খণ্ডে সমাপ্ত ঢাকা বাংলা একাডেমির প্রকাশিত ‘আঞ্চলিকভাষার অভিধানে’র প্রধান সম্পাদক মরহুম মুহম্মদ শহীদুল্লাহর প্রচেষ্টার কথা উল্লেখ করতে পারি। কর্মজীবনজাত শব্দের কথা বলছিলাম—মালদহের গম্ভীরা গানে মহাদেবকে যেখানে তাঁতীরূপে কল্পনা করা হয়েছে সেখানে আছে:

“এ বিশ্ব বিষয়ের তানা,  
গাঁথিয়াছে বিশ্ব সানা,  
হরর-কমের হরেক বীনা,  
নিত্য নতুন আনো।  
সৃষ্টি কইরা মায়ার লরদ  
জড়িয়া দারা পুজ গরদ  
ঝাপ উঠিয়া পরদ পরদ  
আচ্ছা বুনা বুনো।  
একদিক হতে ফেল্যা মাকু,  
আরেকদিকে টানো।”

তানা (সূতা), সানা (ছিদ্র), বীনা (সরু খিল), ইত্যাদি তাঁতশিল্পের

সঙ্গে জড়িত শব্দ উপমা হিসাবে যেভাবে সাহিত্যে এসেছে, শ্রমজীবনবিযুক্ত বিদগ্ধ সাহিত্যে সেভাবে আমরা পাই না। যেমন পূর্ববঙ্গে ডায়ািলীতে নৌকা, বস্তু এবং ভাবের প্রতীক হিসাবে সবসময়ই উপস্থিত :

“নায়ের গালা ছুটিল...

নায়ের জাকন মরিল ...

ভয় পায়্যা মন মাঝি ভাই পালাইয়া গেল—

এই যে তোমার নায়ের ডরা

ডরায় ডরায় জিনিস ডরা

কে করল ওজন গো তাহার কে করল ওজন”

কিংবা

“ভক্তির জাল হাতে লইয়া প্রেমের বাদাম দাও উড়াইয়া”

নাওয়ার বিভিন্ন অংশের নামগুলো এখানে রূপক হিসাবে ব্যবহৃত হয়েছে। এটা শুধু মাঝির নয়, পূর্ববাংলার গ্রাম্যজীবনের প্রকাশভঙ্গী। গোয়ালপাড়ার মাহতের গানে যখন আমরা শুনি—

“ও মোর দাঙাল হাতির মাহতরে

ও মোর সারীণ হাতির মাহতরে

ও মোর মাখনা হাতির মাহতরে

ও মোর চুইহাতির মাহতরে

যেদিন মাহত শিকার যায় নারীর মন মোর

ঝুরিয়া রয়রে।”

যে হাতির দাঁত আছে, যে হাতির দাঁত নেই, যে হাতির সন্তান আছে, যে হাতির সন্তান নেই—এমনিভাবে হাতিকে নামাঙ্কিত করে তারাই, হাতির সঙ্গে যাদের নিত্যদিনের পরিচয়।

শুধু মৎস্যজীবী নয়, গ্রামের সাধারণ মানুষের সঙ্গে মৎস্যজীবনের যোগ অহরহ। কাজেই উপমা-ছলে সাধারণ মানুষ ভাবপ্রকাশের জন্য কোন প্রকৃতিবিশিষ্ট বিশেষ মাছকে টেনে আনে। বহুদিনের খাজনা বাকী পড়ায় জমিদারবাবু প্রজাকে কাছারি বাড়িতে তলব করেছেন। কাছারি বাড়ি যাওয়া ও সেখানে লালিত হবার ঘটনাকে অতিদুঃখের মধ্যে তার নিজস্ব সরলভঙ্গীতে সিলেটের একজন গরীব কৃষক বর্ণনা করছেন, “দূরথনে দেখলাম, চিতলী বুর ভাইয়া রইছে, আমিও বোয়াইল্যা কুখে আগাইয়া গিয়া চ্যাঙোয়া

কালে গিয়া উঠলাম। ছুই পেদাই ধইয়া। আয়ারে রোওয়া ঠুকা ঠুকল। আমিও বাইন-পিচ্কাপিচ্কা কইয়া কুনরকমে ছাড়ান পাইয়া কইএর লাখান কানখাইতে কানখাইতে বাঁড়িত আইলাম।” অর্থাৎ, ‘দূর থেকে দেখলাম কাছারির সাদা ফরাস চিতলমাছের পেটির মত ভাসমান। আমিও বোয়াল মাছের মত এগিয়ে গিয়ে চ্যাংমাছের মত লাফ দিয়ে কাছারি বাঁড়িতে গিয়ে উঠলাম। ছুই পেদা। তখন আমাকে ধরে কইমাছের ঠোক্করের মত প্রচণ্ড মার দিলো। আমিও বাইন মাছের মত পিছলে কোন রকমে ছাড়ান পেয়ে কৈ মাছের মত কানখিয়ে (কানের উপর হাঁটা) অর্থাৎ খুঁড়িয়ে খুঁড়িয়ে বাঁড়ি ফিরলাম। এই প্রাকৃতিক জীবনের সঙ্গে মিশে থাকা মানুষের যে প্রকাশভঙ্গী, আমরা তার থেকে অনেক দূরে। এই আঞ্চলিক ভঙ্গী বা ভাষা ছাড়াও সাধারণভাবে লোকসংগীতে প্রচলিত প্রকাশরীতি :

“আজুল কাটিয়া কলম বানাইয়া নয়নের জলে করলাম কালি।

কলিজা ছিড়িয়া পত্রটি লিখিয়া

পাঠাইব শ্রামবন্ধুর বাড়ি হে নাগর ॥”

লৌকিক প্রকাশের এই যে তীব্রতা ভদ্রবাংলায় তা দুর্বল। “লিলুয়া বাতাসেবে প্রাণ না জুড়ায় না জুড়ায় রে” কিংবা “বাওকুংটা বাতাস যেমন ঘুরিয়া ঘুরিয়া মবে। সেই মত মোর গাড়ির চাকা পশ্ছে পশ্ছে ঘুরে রে।” এই ‘লিলুয়া বাতাস’কে যেমন মৃদুমন্দ হাওয়া বললে চলবে না তেমনি ‘বাওকুংটা বাতাস’কে ‘ঘূর্ণি হাওয়া’র অম্লবাদ অচল।

“ওকি গাড়ীয়াল ভাই

কত কান্দিম মূই নিধুয়া পাথারে।”

‘নিধুয়া পাথারের জায়গায় ‘ধূ ধূ প্রাস্তর’ একেবারে যেমানান।

আঞ্চলিক প্রকাশভঙ্গিকে ভদ্রায়িত করতে গেলে তার অপসৃত্য ঘটে।

যেমন উত্তরবঙ্গের চট্‌কায় স্থতীক বিক্রমে যে সামাজিক ছবিটা ধরা পড়ে :

“নাক ডাঙরার বেটাটা

চোখ ডাঙরীর নাতিটা

মোক তুলানু লতের খাড়ু দিয়া।

তকনে না কছিল তুইরে

হাল চারিখান, গরু পাচ হাল

ছেউটি গরুর নেকায় জোকায় নাই,  
 বরত আসিয়া দেখলু মুই  
 চাতুরালি করলু তুই  
 বরত হীনা তোর জানি দিবার নাই ॥

...ইত্যাদি

তখনকার গ্রামোফোন কোম্পানীর কর্তারা ‘অভয়’ আঞ্চলিক ভাষা বাহু দিয়ে সবাইকার বোধগম্য ভাষায় সেই সুরে গানটি রেকর্ড করতে গিয়ে তুলসী লাহিড়ীকে দিয়ে সাধুভাষায় রূপান্তরিত করান :

\*ঠগ মিনসে মুখপোড়া  
 বেহায়া নাই তোর জোড়া  
 ভাঁওতা দিয়ে করলি আমায় বিয়ে ॥  
 আমারে না বলেছিলি তুই  
 ও তোর হাল সাতখান গাড়ী চারখান  
 ছুধের গাইয়ের লেখায় জোকায় নাই—  
 ঘরে বসে দেখু ছু তাই  
 চাতুরালির অস্ত নাই  
 হাল দিতে যাস পরের বলদ দিয়ে ॥

.. ইত্যাদি

এ রচনায় চট্‌কা সুর লাগালেও সেটা চট্‌কার চরিত্র হারিয়ে ফেলল। ‘নাক ডাঙরার বেটাটা’ এবং ‘চোখ ডাঙরীর নাতিটার’ গ্রাম্য গালাগালিতে জ্বালার প্রকাশ ‘ঠগ্‌ মিনসে মুখপোড়া’তে জলীয় হয়ে গেল।

লোকসংগীতের আবার কতগুলো নিজস্ব কাব্যিক ভাষা আছে, যা সাধারণ কথায় ব্যবহৃত হয় না। সে ভাষায় পথ হয়ে যায় ‘পন্থ’—‘পন্থপানে চাইয়া’। কাঁচা হয়ে যায় ‘কাঞ্চা’—‘কাঞ্চা বাঁশে আগুন দিয়া বাড়ালি ধোঁয়ালি’। আবার কখনও ছুঁখ হয়ে যায় ‘ছুক’—‘কি কব ছুকের জালা’; কিংবা ‘কাঁথের কলসী’।

একবার এক চলচ্চিত্রের লোকসংগীতে ‘স্বস্তিকা’ শব্দটি কেটে ‘স্বতিকা’ করার কথা পরিচালক বললে শচীন দেববর্মণ তাতে আপত্তি করেন। অবশেষে অজয় ভট্টাচার্য ও শচীন দেবকে সমর্থন করতে পরিচালক ভা মেনে নেন।

পল্লীবাংলায় একটি শব্দ আছে “নাইওর”। এর কোন ঐতিহাসিক ভিত্তি-বাংলায় নেই।

‘ওরে ও ভাট্টাল গাঙের নাইয়া

সোনাইবাইরে কইও গিয়া নাইওর নিত আইয়া’

শুভ্রবাড়ি থেকে বাণের বাড়ি আসাকে বলে নাইওর যাওয়া। গ্রাম্যসমাজ-মানসের পরতে পরতে ছড়িয়ে আছে ভাট্টালীর এই আদিতম আকৃতি। রবীন্দ্রনাথ লৌকিক ছড়া সংগ্রহ করতে গিয়ে একটি ছড়া সম্পর্কে যে স্বগভীর সম্ভব্য করেছেন, এই প্রসঙ্গে তা স্মরণীয় :

“ওপারেতে কালো রঙ, বুট পড়ে বাম্বাম্

এ পারেতে লক্ষা গাছটি রাঙা টুকটুক করে

গুণবতী ভাই আমার মন কেমন করে।”...

‘মেঘদূতের’ সঙ্গে তুলনা করে রবীন্দ্রনাথ বলেছেন, “কালিদাস যে কথাটি দ্বিষৎ দীর্ঘশ্বাস ফেলিয়া উল্লেখ করিয়াছেন মাত্র এই ছড়ায় সেই কথাটা বুক ফাটিয়া কাঁদিয়া উঠিয়াছে—।” সুরাশ্রয়ী ‘নাইওর’ শব্দটির মধ্যে এই সমস্ত কথাটাব অন্তর্ভবের ব্যঙ্গনা অভিযুক্ত।

লোককাব্যে প্রকাশভঙ্গীতে তীব্রতা আনা হয় অনেক সময় অর্থহীন তুলনামূলক পদ্ধতিতে—

“আম ধরে থোকা থোকা

তৈঁতুল ধরে বেঁকা,

দেশের মানুষ বৈদেশ গেলে আর নাহয় দেখা”

কিংবা

“আগের ডালে বসে কোকিল পিছের ডালে বাসা

ভাঙ্গিলে পিরীতির ভাল জীবনে নাই আশা।”...

প্রথম কলির সঙ্গে দ্বিতীয় কলির কোনো সামঞ্জস্য নেই অথচ অসংলগ্ন নয়। শুধু বাংলা নয়, অন্যান্য লোকসংগীতেও তা দেখতে পাই। আসামের চা-শ্রমিকের ঝুমুরে আছে—

“—এক পয়সার পুঁটি মাছ কি দিয়া রান্ধিব গো

বান্দাল বধু চইলা গেলে কি বইলা কান্ধিব গো”

অসমীয়া চার কলিতে সমাপ্ত অন্তর্হীন বিহর ধারায়ও এই বাগ্‌ভঙ্গি বর্তমান।

“ছাগর ছাল চেলাবর দবুয়া কটারী

পহর চাল চেলাবর মিট্



গাঁওর বুড়া মেধা দায় ন ধরিবা

গাই যাও বিছরে গীত ।”

“ছাগলের ছাল ছাড়াবার দৃষ্টি ছুরি, হরিণের ছাল ছাড়াবার মিট-না-  
গ্রামের বুড়ো মোড়ল দোষ ধরবেন না যেন, আমরা আজ গাইব বিছর গীত ।”  
আবার উপমার ক্ষেত্রে নাটকীয়ভাবে সর্বোৎকৃষ্ট ভাব তুলে ধরারও একটি বিশিষ্ট  
ভঙ্গী আছে । যেমন—

“হিম জল, হিম স্থল, হিম শীতল পাটি,

তাহার অধিক হিম কণ্ঠে তোমার বৃকের ছাতি ॥”

কিংবা, উত্তরবঙ্গের অধিবাসীদের সেই স্মরণীয় লোকগীতি :

“দিনের শোভা সূর্য্য রে রাইতের শোভা চান,

হালুয়ার শোভা হাল কৃষি, জমিনের শোভা ধান ।

ঘাসের শোভা সবুজ রঙেরে, মাটির শোভা ঘাস,

কাশিয়ার শোভা ধগ্গা ফুল, আসিলে ভাদর মাস ।

ফনীর শোভা মণি হায়রে গজের গজমোতি,

মোর আঙিনার শোভা হইছেন নারী রূপবতী ॥”

ঘরের নারীর রূপবর্ণনায় তার শ্রেষ্ঠ প্রমাণের জন্ম এই ধরনের নাটকীয়  
ক্লাইম্যাক্স সৃষ্টি করা হয়েছে । অসমীয়া সঙ্গীতে :

“আংগারী সুননি কাকিনী তমোল এ

পাছবারী সুননি পান

বরষর সুননি গাভরু ছোয়ালী এ

উলিষাই দিবলৈ টান ।

‘আংগারী’র শোভা ‘কাকিনী’ স্পারী গাছ ; পিছবাংগিচার শোভা  
লতানো পান, বরষর শোভা যুবতী মেয়ে আমার পরের হাতে দিতে চায় না  
প্রাণ ।’ অতিসহজ এই প্রকাশভঙ্গীতে যে অনবদ্য কাব্যের আবেদন, তা  
বিদগ্ধ সাহিত্যে দুস্ত্রাপ্য ।

“সড়কের শোভা বটবৃক্ষ, বৃক্ষের শোভা ছায়া

বনের শোভা রসের ফুলফল, মনের শোভা মায়া ।”

কিংবা

“নানান বরণ গাভীরে তার একই বরণ দুধ,

জগৎ ভরমিয়া দেখলাম একই মায়ের পুত”

এমন গভীর কথা এমন সহজভাবে বলতে পারা কেবল লোকসাহিত্যেই সম্ভব।

‘শেষের কবিতা’র রবীন্দ্রনাথ শিলং পাহাড়ের যে বর্ণনা দিয়েছেন তাতে মেঘালয়ের কোন ছবি ধরা পড়েনি। কিন্তু মেঘালয়ের মুহূর্তে-মুহূর্তে চলমান মেঘের রং-বদলের ছবি সিলেটের একজন গ্রাম্যকবির দুটি লাইনে কি অনবদ্য হয়ে ফুটে উঠেছে!

“পুঞ্জ মেঘে আঞ্জাআঞ্জি চেরাপুঞ্জির পা’ড়ো

খলা মেড়া ফাল দি উঠেন কালা মেড়ার বা’ড়ো”

অর্থাৎ চেরাপুঞ্জির পাহাড়ে পুঞ্জমেঘের কোলাহুলি, আর সাদা মেঘ কালো মেঘের উপর লাক দিয়ে উঠছে, যেমন চলমান ভেড়ার দলে সাদা ভেড়া কালো ভেড়ার ঘাড়ে লাক দিয়ে ওঠে।...

বিশেষ বিশেষ লোকসংগীতে বিশেষ ভাষাভাষী জাতির সামগ্রিক পরিচিতি সুরে এবং কথায় বা কাব্যে বিধৃত হয়ে থাকে। শুধু দুইটি কলিতে আসামের সমস্ত লোকের প্রাণকে বন্দি ধরতে হয়, সেটি হল :—

“অতিকৈ চেনেহর মুগারে মহুরা, অতিকৈ চেনেহর মাহু,

তাতোকৈ চেনেহর বহাগর বিহুটি, না পাতি কেনেকৈ থাকো।”

‘আমার অতিপ্রিয় মুগার নাটাই, তার চেয়ে প্রিয় মাহু, তার চেয়েও প্রিয় বৈশাখ বিহু—তাকে আবাহন না করে কি করে থাকি।’ কোলকাতার এসে বিদেশের কোন শিল্পী (রাশিয়া বা চীন কিংবা অন্যান্য দেশের) যখন বলেন ‘একটি ঝাঁটি বাঙালী গান শিখতে চাই’, তখন রবীন্দ্রসংগীত নয়, তাদের গাইতে বলি,

“আমার বাড়ি বাইয়ো রে মাঝি বইতে দিমু শিড়া,

বাইতে দিমু তোমায় আমি শালিধানের চিড়া,

শালিধানের চিড়া নয়রে বিন্নিধানের খই,

গাছে আছে শবরীকলা গামছাবান্ধা দই।...

গুরে গুরে রঙিলা নায়ের মাঝি

কোনদিন ছাড়িবারারে নাও—আমি যেন জানি মাঝি রে।”

এটা একটা বিচ্ছিন্ন লোকসংগীত নয়—এটা বাঙালী জাতির একটি নির্ভেজাল নিটোল ছবি—সুরে ও কথায়।

## উচ্চারণ রীতি

পল্লীগীতি গাইতে গিয়ে উচ্চারণের ব্যাপারে কঠিন বিতর্কের সম্মুখীন হতে হল। অবশেষে ভাষাচার্য সুনীতিকুমার চট্টোপাধ্যায়ের বাড়ি গিয়ে হাজির হলাম। তাঁর সাথে পূর্বপরিচয় ছিল। তাই ভগিতা না করেই আঞ্চলিক গীতের উচ্চারণসমস্যাটা তুলে ধরলাম। তিনি জানতে চাইলেন, আমার মতটা কি? ভাষাবিদ আমি নই, সঙ্গীতশিল্পী হিসাবে সংক্ষেপে নিজের মতামত ব্যক্ত করলাম। আঞ্চলিক উচ্চারণভঙ্গি লোক-সংগীতের অভিব্যক্তির সঙ্গে ওতপ্রোতভাবে জড়িত বলে আমি ভাবি এবং ভাবের integration-এর জন্য এটা অপরিহার্য মনে করি। সেজন্য আঞ্চলিক উচ্চারণবিধি নির্ধারণের সঙ্গে রক্ষা করার আমি পক্ষপাতী। তাকে ভ্রান্ত্যিত করতে গেলে অভিব্যক্তির authenticity নষ্ট হয়ে যায়।

আমার মতকে তিনি সোৎসাহে সমর্থন করলেন। আমি তখন উৎসাহিত হয়ে আরেকটু বিশদভাবে বিষয়টি নোট করার জন্য phonetics-এর ভাষায় যেমন denti-lobial, guttural ইত্যাদিতে আমাদের ‘প’ ‘চ’ ইত্যাদির উচ্চারণধ্বনিগুলোর ব্যাকরণগত বয়ান জানতে চাইলে, প্রয়াস ভাষাচার্য আমাকে রীতিমত ধমক দিয়ে বলেন, ‘যা জানো না তা নিয়ে পণ্ডিত করতে যেয়ো না। পূর্ববঙ্গের ‘চ’, ‘চ’ এবং ‘ছ’-এর মাঝামাঝি এবং ‘প’-এর উচ্চারণ ‘প’ এবং ‘ফ’-এর মাঝামাঝি—এইভাবে তুমি তোমার বক্তব্য উপস্থিত করবে।’ সুনীতিকুমারের এই উপদেশ পালন করে ধ্বনি-বিজ্ঞানের জটিলতার মধ্যে আর প্রবেশ করার সাহস করলাম না। ঢাকা বিশ্ববিদ্যালয়ের বাংলাবিভাগের সূতপূর্ব অধ্যক্ষ মহম্মদ আবদুল হাইয়ের “ধ্বনিবিজ্ঞান ও বাংলাধ্বনিতত্ত্ব”র গভীরে প্রবেশের ভরসা পেলাম না। কিন্তু ঢাকার বাংলা একাডেমি থেকে প্রকাশিত অধ্যাপক শিবপ্রসন্ন লাহিড়ীর “সিলেট ভাষাতত্ত্বের ভূমিকা” পুস্তকখানা আমাকে যথেষ্ট সাহস দিল। সিলেট জেলার উপভাষাই বর্তমান লেখকের আদি মাতৃভাষা। সিলেট জেলার অধিবাসী না হয়েও অধ্যাপক লাহিড়ী এই উপভাষার উপর যে বিশদ মনোজ্ঞ আলোচনা করেছেন তাতে উপভাষার উচ্চারণের গুরুত্ব আমি আরো বেশী করে অহুভব করেছি। ইতিপূর্বে ‘শ্রীহট্টের লোকসঙ্গীত’ প্রণেতা ডঃ নির্মলেন্দু ভৌমিকের আলোচনাও আমাকে উৎসাহিত করেছিল।

উপভাষার অনাবিকৃত সম্পদের আলোচনা না করে শুধু সঙ্গীতের ক্ষেত্রে

উচ্চারণের গুরুত্ব নিয়ে সামান্য আলোচনা এখানে করছি। সাধারণভাবে সমগ্র পূর্ববঙ্গেই কতগুলো বিশেষ উচ্চারণ আছে; যেমন চ আর ছ-এর মাঝখানে দন্তমূলীয় ‘চ’ কিংবা প আর ফ-এর মধ্যবর্তী দন্তোষ্ঠ ‘প’ ধ্বনি ইত্যাদি। আবার কিছু গান আছে যার ভাষা উচ্চারণগত ভাবে আঞ্চলিক।

হাছন রজার বিখ্যাত গান—“লোকে বলে বলেরে ঘরবাড়ি ভালো নয় আমার”—কলকাতায় এভাবে গাওয়া হয়, কিন্তু সত্যিকারের গাইতে গেলে হওয়া উচিত : “লুকে বলে বলেরে গরবারি বালা না আমার”—কিংবা “খান্দিয়া আকুল হইলাম ভবনদীর পারে” গাইতে হবে অনেকটা “খান্দিয়া আকুল হইলাম বব নদীর কা’রে।”

চট্টগ্রামের “দেওয়াল্যা বানাইল মোরে সাম্পানের মাঝি”—এর সঠিক গীতরীতি হবে—“দেওয়াল্যা বানাইল মোরে ছান্মানের মাঝি।”

এখানে আবার কিছু কিছু জটিলতাও আছে। পূর্ববঙ্গে কোন সময় হ্রস্বস্বর দীর্ঘ ও দীর্ঘস্বর হ্রস্ব হয়, আবার কোন সময় অত্যন্ত সাধু উচ্চারণও হয়। এর মধ্যে একটা স্বতঃস্ফূর্ততা আছে যা কলকাতার গায়কদের পক্ষে আয়ত্ত করা কঠিন—যার ফলে উদ্ভূত হয় একটা অদ্ভুত ম্যানারিজম। উত্তরবঙ্গে যেমন ‘ল’ হয় ‘ন’ আবার ‘ন’ হয় ‘ল’, আবার ‘র’ হয় ‘অ’। ভাওয়াইয়া গানে—

“ও তোর দাদা গেইছে অংপুর শহরে  
ও মোর ছাওরা, মোক গেইছে কয়া।”

কিংবা

“সগাইগুলান নাইঅর যায়  
নাল শাড়ী পিন্দিয়া”

এখানে সমস্ত ভাবাহুস্বই নষ্ট হয়ে যাবে যদি ‘নাল’কে ‘লাল’ বানাই বা ‘অংপুর’কে ‘রংপুর’ বলি।

উপভাষা বলার বেলায় তার একটা আঞ্চলিক অন্তর্লীন সুরের টান (intonation) থাকে, এমনকি কলকাতার চলতিভাষা বলার সময় বিতুদ্ধ উচ্চারণ হলেও এই intonation-এ ধরা পড়ে যায় তিনি কোন্ অঞ্চলের লোক। কিন্তু গানের বেলায় এই intonation কোনো ব্যতিক্রম সৃষ্টি করে না, কেবল উচ্চারণভঙ্গিটাই সেখানে প্রধান পরিচিতি। সে হিসাবে আঞ্চলিক উচ্চারণের গুরুত্ব আমাদের লোকসঙ্গীত গায়কদের উপলব্ধি করা উচিত।

উপভাষা নিয়ে হাসাহাসি করা বা রসিকতা করে পরস্পরকে হেসে প্রতিশপ্ন করার চেষ্টা অতি নিম্নরুচির পরিচায়ক। আভিজাত্যবোধজাত বিচ্ছিন্নতার শিকার এই তথাকথিত শিক্ষিতশ্রেণী। বাংলাভাষা একটা জীবন্ত প্রবাহ। যেদিন আমাদের কোটি কোটি জনতা তাঁদের স্বাধিকারে প্রতিষ্ঠিত হবেন—সেদিন আজকের বাংলাভাষা সমস্ত উপভাষার ঐক্যবর্ধক হয়ে তার সহস্রদল বিকশিত যে রূপ ধারণ করবে আজ তা আমরা ধারণাও করতে পারছি না। তাই বাংলা লোকসাহিত্যের ভগীরথ ত্রীদীপেশচন্দ্র সেনের ভাষায় বলি : “ভাষা জিনিসটা পণ্ডিত বা মোল্লার হাতের মোরকা নহে। দেশের জলবায়ু ও আলোকে ইহা পুষ্ট হইয়া থাকে। ইহা স্বীয় জীবন্তগতির পথে, ইচ্ছাক্রমে বর্জন ও গ্রহণ করিয়া চলিয়া যায়, স্বীয় ললাট লিপিতে কোন শিক্ষকের ছাপ মারিয়া চিহ্নিত হইতে চায় না।”

## লোকসঙ্গীতের রাগরূপ ও গীতরীতি

‘আমাদের প্রাচীন সংগীতশাস্ত্রে এবং পুরাণাদিতে এরূপ বর্ণিত আছে যে, ঋষিকর্তা ব্রহ্মা মহাদেবের নিকট প্রথম সংগীত শিক্ষা করিয়া, তাহা তিনি ভরত, নারদ, রত্না, ছহ ও তদ্বর এই পাঁচ শিষ্যকে শিক্ষা দেন। তন্মধ্যে ভরতমুনিদ্বারা পৃথিবীতে সংগীত প্রচারিত হয়। ইহাতে আমাদের সংগীতবিদ্যার অতি প্রাচীনত্বই প্রমাণিত হইতেছে; অর্থাৎ সংগীত এত পুরাতন বিদ্যা যে, প্রাচীন শাস্ত্রকারেরা তাহার আদি না পাওয়াতেই, তাহা দেবাদিদেব মহাদেব হইতে উদ্ভূত হইয়াছে, ইহাই বলিতে নাথ্য হইয়াছিলেন। এমনকি ঐ সকল পৌরাণিক বিবরণ পরিত্যাগ করিয়া জ্ঞান ও যুক্তিপথ অবলম্বনপূর্বক দেখা যাউক সংগীতের উৎপত্তি কিরূপ।’

প্রাচ্য ও পাশ্চাত্য সংগীতে সুপণ্ডিত চিরস্মরণীয় কৃষ্ণধন বন্দ্যোপাধ্যায় তাঁর সংস্কারমুক্ত বৈজ্ঞানিক বিশ্লেষণজাত অমূল্য গ্রন্থ ১৮৮৫ সালে প্রথম প্রকাশিত ‘গীতসুত্রসারের’ উপক্রমণিকায় উপরোক্ত মন্তব্য করেন। ভারতীয় সংগীত-বেত্তা কাণ্ডেন এ উইলার্ড সাহেবের ১৮২৮ সালে প্রকাশিত হিন্দু-সংগীতের উপর লিখিত পুস্তকে ( *A Treatise on the Music of Hindusthan*, Capt Willard ) উপস্থাপিত ইয়োরোপীয় সংগীতবিদ ও সমাজবিজ্ঞানীদের যুক্তি হাজির করে কৃষ্ণধন বন্দ্যোপাধ্যায় তাঁর বক্তব্যের সমর্থনে ডঃ বার্নার ‘সঙ্গীতের ইতিহাস’ থেকে উদ্ধৃতি দেন : ‘পৃথিবীতে মহুশ্চোদ্ভবের সঙ্গে সঙ্গেই কণ্ঠসংগীত সমুদ্ভূত হইয়াছে। ভাষাসৃষ্টি হওয়ার পূর্বে সুখ, দুঃখ, আনন্দ, অহুরাগ প্রভৃতি মনের স্বাভাবিক ভাব প্রকাশার্থে এক এক প্রকার দীর্ঘস্বর স্বাভাবিক রূপে ব্যবহৃত হইত...’ ইত্যাদি।

সংগীত যে মহুশসমাজের আদিতম অবস্থা থেকে ক্রমবিবর্তনের সাথে, তার স্রষ্টাশক্তির সাথে ঘনিষ্ঠভাবে যুক্ত এই বৈজ্ঞানিক দৃষ্টি নিয়ে শিকারী, গোপালক, জুম-খেতি লাঙল-খেতি করা আদিম নৃগোষ্ঠীর যুগবদ্ধ কর্মজীবন থেকে যে স্বর-স্বর-ছন্দ-লয়-এর উৎপত্তি – আমাদের দেশে সংগীতবিদদের সেই ঐতিহাসিক সমাজবিজ্ঞানের দৃষ্টিতে সংগীতের বিশ্লেষণ করতে বড় দেখা যায় না। এঁরা ব্রহ্মার পঞ্চশিল্পের কথা মুখে হরত বলেন না, কিন্তু তাঁদের রাগরাগিণীর আলোচনার দৃষ্টিকোণটা ‘নাদব্রহ্মের’ দিকেই রয়ে গেছে। এবং প্রচ্ছন্নভাবে তা ক্রিয়া করে।

বর্তমান কালে স্বামী প্রজ্ঞানানন্দ, সংগীতাচার্য সুরেশ চক্রবর্তী, অমিয়নাথ সান্যাল, ডাঃ বিমল রায় প্রমুখ সংগীতবিদ পণ্ডিতরা নিষ্ঠার সঙ্গে সংগীতের আলোচনা করেছেন, যা থেকে আমাদের মতো সাধারণ সংগীতানুগারীরা খুবই উপকৃত। কারণ সংস্কৃতি কিংবা হিন্দীতে লিখিত সংগীতশাস্ত্রকারদের মূলগ্রন্থে প্রবেশ করার সুযোগ ও যোগ্যতা আমাদের নেই। কিন্তু সংগীতের উৎপত্তি ও বিকাশে লোকসংগীতের স্থান এবং লোকসংগীত যে প্রমজীবী জনসাধারণের সঙ্গে যুক্ত হয়ে এক স্বাধীন স্বকীয়তা ও স্বাভাব্য নিয়ে মার্গসংগীত থেকে এক ভিন্ন স্রোতে প্রবাহিত—তার যে এক অলিখিত সংগীতবিজ্ঞান আছে—সে বিষয়ে আমরা তাঁদের কাছ থেকে পরিকার কোনো ধারণা পাই না। তাঁরা যে এ বিষয়ে অচেতন একথা বলছি না—তাঁরা পাশ্চাত্য সংগীতবিদ ডাঃ পারি (C. Hubert H. Parry)-র বক্তব্য ('Folk-music supplies an epitome of the principles upon which musical art is founded.') মানেন। কিন্তু লোকসংগীত কি মার্গসংগীতের ঘরামির মতো কেবল ঘরটা সাজিয়ে দিয়েছে, যেখানে ওস্তাদরা তাঁদের ঘরানা গড়ে তুলেছেন, এবং নিজে ঘরছাড়া নিকরদেশ নামগোত্রহীন ঘুরে বেড়াচ্ছে? না, লোকসংগীতও নিজের জন্ত অল্প একটি কুঁড়ে ঘর বেঁধে নিয়েছে—যেখানে তার নিজস্ব একটা 'ঘরানা' গড়ে তুলেছে? যদি গড়ে থাকে তবে এই গৃহহীনদের ঘরানার গতি ও প্রকৃতিটা কি—এ বিষয়ে তাঁদের কোনো বিশ্লেষণ থাকলে আমরা উপকৃত হতাম, আজকের ঢালাও বিকৃতির বিরুদ্ধে লড়াইর হাতিয়ার পেতাম।

এই পরিপ্রেক্ষিতে স্বামী প্রজ্ঞানানন্দ-প্রণীত 'রাগ ও রূপ' গ্রন্থে লিখিত শ্রীঅর্ধেন্দ্রকুমার গঙ্গোপাধ্যায় মহাশয়ের ভূমিকাটি আমাদের প্রথম স্পষ্ট পথ দেখাল। প্রত্যেক সংগীতবিদ, বিশেষত লোকসংগীতজ্ঞের কাছে এই ভূমিকাটির মূল্য অসাধারণ। তাঁর সংক্ষিপ্ত আলোচনার বক্তব্য হল আর্ধ-সংগীতে অনার্ধ-সংগীতের দান। আমরা এখানে মোটামুটিভাবে আর্ধ-সংগীত বলতে মার্গ বা উচ্চাঙ্গ সংগীতকে ধরে নিতে পারি, তেমনি অনার্ধ-সংগীতকে লোকসংগীত হিসাবে ধরে নিতে পারি। শ্রীঅর্ধেন্দ্রকুমার গঙ্গোপাধ্যায় আলোচনা করেছেন কিভাবে 'নানা অনার্ধ প্রাক-আর্ধ প্রভৃতি ভারতের বিভিন্ন আদিম নিবাসী জাতির সংগীত হইতে উপাদান সংগ্রহ করিয়া ভারতীয় বা আর্ধসংগীতের কলেবর পরিপুষ্ট হইয়াছে। অসংখ্য অনার্ধ জাতির রাগ ও রাগিণী আর্ধসংগীত আত্মসাৎ করিয়া তাহার রাগ-সাধনার উপাদানের কলেবর বৃদ্ধি করিয়াছে—।'

আর্থ ও অনার্থ-সংগীতের বৈশিষ্ট্য সম্পর্কে বলতে গিয়ে ত্রীগঙ্গোপাধ্যায় মহাশয় লিখছেন : ‘সাধারণতঃ দেখা যায় যে অপরিণত আদিম জাতি বা শিশুজাতিদের সংগীতে মাত্র তিন কিংবা চার স্বরে গঠিত রাগমূর্তির পরিচয় পাওয়া যায়। এই জন্ত পরিপুষ্ট আর্থসংগীত ও আদিম জাতির সংগীতের প্রধান পার্থক্য হইল এই চার স্বরের অধিক স্বরে গঠিত রাগের প্রকাশে ও পরিচয়ে। ভারতের আর্থসংগীত বা মার্গ-সংগীতের বিশেষত্ব এই যে ইহার রাগদেহ চারটি স্বরের অধিক সংখ্যক স্বর অবলম্বনে গঠিত হয়, যথা ঔড়ব, বাড়ব, সম্পূর্ণ; অর্থাৎ পাঁচ, ছয় এবং সাতটি স্বরের সাহায্যে গ্রথিত রূপই আর্থসংগীত বা মার্গসংগীতের বিশেষত্ব। সুতরাং যে রাগ বা রাগিণী চার স্বরের রাগিণী তাহা আর্থসংগীতের পরিধির বাহিরে পড়ে এবং তাহার জন্ম আদিম নিবাসীদের সংগীতের রাজ্যে, অর্থাৎ চার স্বরের রাগ অনার্থ সংগীতের পর্যায়ে পড়ে। ইহার প্রমাণ হইল : প্রাচীন সংগীতশাস্ত্রের প্রামাণিক গ্রন্থ ‘বৃহৎ-দেশী’র বচন—‘চতুঃস্বরায় প্রভৃতির্নমার্গঃ—শবর পুলিন্দ কাষোজ-বঙ্গ-কিরাত-বাহ্লীক-অঙ্ক-দ্রবিড়-বনাদিশু প্রযুক্ত্যতে’ (বৃ-দে, পৃ ৫০)। অর্থাৎ চতুঃস্বরের রাগিণী মার্গসংগীত নহে, এই জাতির রাগ-রাগিণী শবর, পুলিন্দ, কাষোজ, বঙ্গ, কিরাত, বাহ্লীক, অঙ্ক, দ্রবিড় প্রভৃতি বহু এবং আদিম-নিবাসী জাতিগণের মধ্যে প্রচলিত। দেখা যাইবে প্রত্যেক অনার্থ জাতি অন্ততঃ একটি করিয়া অনার্থ রাগ বা রাগিণী দান করিয়া আর্থসংগীতের কলেবর বৃদ্ধি করিয়াছে।’

এই প্রবন্ধে আলোচনা প্রসঙ্গে ত্রীগঙ্গোপাধ্যায় একটি তাৎপর্যপূর্ণ মন্তব্য কবেছেন : ‘অনেক সময় দেখা যায়—অনর্থ রাগরাগিণীকে গোত্রান্তরের সময় তাহার চতুঃস্বরের রূপকে পরিভুক্ত করিয়া আর একটি স্বর জুড়িয়া দিয়া তাহাদের আর্থসংগীতের আসনে বসিবার অধিকারী করিয়া লওয়া হয়। আবার কোনও কোনও সময়ে এই পরিভুক্তির অভাবও লক্ষিত হয়। তাহার শ্রেষ্ঠ দৃষ্টান্ত হইল : ‘কালিঙ্গ’ বা ‘কালিঙ্গী’ রাগিণী। ইহা কলিঙ্গদেশের কোনও অনর্থ আদিম-নিবাসী জাতির সংগীত সম্পদ হইতে সংগৃহীত হইয়াছে। অপরিভুক্ত অবস্থায় ইহা চতুঃস্বরের রাগিণী। মতঙ্গের মতে চতুঃস্বরের রাগিণী মার্গসংগীতের পর্যায়ভুক্ত হইতে পারে না। তথাপি মতঙ্গদেব এই রাগিণীকে তাহার মৌলিক চতুঃস্বরের রূপেই আর্থসংগীতে স্থান দিয়াছেন, তবে আর্থসংগীতের মানরক্ষার জন্ত এই চতুঃস্বর রাগিণীতে খুব দুর্বল ‘নিবাদ’ জুড়িয়া দিয়া ইহার শুদ্ধিক্রিয়া সম্পন্ন করিয়াছেন।’



একটি স্বতন্ত্র স্বাধীন প্রবন্ধমান ধারা

কিন্তু রাগসংগীতের দরবারী রঙীন প্রাসাদের ভিত্তি রচনা করে কিংবা উপকরণের যোগান দিয়েই কি লোকসংগীতের কাজ শেষ হয়ে গেল? আহিরী রাগের জন্ম দিয়ে আভীর জাতির সুর, মালব-কৌশিক বা মালকোষের জন্ম দিয়েই কি অনার্য মালব জাতির সুরের কাজ শেষ হয়ে গেল? উপজাতীয় অর্থনীতি থেকে সংহত কৃষি-অর্থনীতিতে তাদের সমাজের বিকাশের সঙ্গে ওদের সুরেরও এক বিকাশ ঘটেছে—কিন্তু তা স্বতন্ত্র পথে। অনার্য চারস্বর পরবর্তী লোকসংগীতে পঞ্চস্বর বা ষষ্ঠস্বরে এমন কি সপ্তস্বরেও বিস্তার লাভ করেছে। কিন্তু তার musical structure বা সাংগীতিক কাঠামো ও গীতরীতি, দরবারী সংগীত থেকে সম্পূর্ণ ভিন্ন পথে বিকাশ লাভ করেছে। আজও Nationality বা ভাষাভিত্তিক অধিজাতিগুলির মধ্যে, তাদের লোকসংগীতের mode বা 'ঠাটে'র মধ্যে বিভিন্ন নুকুল, উপজাতি বা অর্ধ-উপজাতীয় সুরের এক বিচিত্র pattern বা রূপকল্পের সমাবেশের ছম্পট পরিচয় মেলে। আমাদের দেশে সামন্তীয় ও ঔপনিবেশিক সমাজব্যবস্থা আজও প্রায় অক্ষুণ্ণ। পাশ্চাত্যদেশে শিল্পায়ন বা নগরায়ন লোকসংগীতের উপর যে প্রভাব বিস্তার করতে পেরেছিল, আমাদের দেশে সেভাবে পারেনি। কিন্তু পাশ্চাত্যদেশে যেমন, আমাদের দেশেও লোকসংগীত সংগীতের একটি স্বতন্ত্র শাখা হিসেবে স্বীকৃতি পেয়েছে সুদীর্ঘ সংগ্রামের মধ্য দিয়ে। নিম্ন-শ্রেণীর সংগীত হিসেবে উচ্চাঙ্গ সংগীতের 'আর্থ'রা চিরদিনই তাকে অবজ্ঞা করেছেন। এ অনাদর, এ অবজ্ঞা শ্রেণীসংগ্রামেরই একটি সাংগীতিক প্রতিফলন।

সমাজতন্ত্রী আদর্শে উদ্বুদ্ধ হয়ে গত শতাব্দীর শেষদিকে ইংলণ্ডের বিশিষ্ট সংগীতবিদ সেন্সিল শার্প, ইংলণ্ডের পল্লী অঞ্চলে, বিশেষ করে সোমারসেটে, গ্রামে গ্রামে ঘুরে, অসীম ধৈর্যসহকারে প্রায় পাঁচ হাজার অপ্রকাশিত সংগৃহীত গানের নিজহাতে স্বরলিপি করেন। তাতেও সন্তুষ্ট না হয়ে তিনি ইংলণ্ডের সেই অঞ্চলের আদিবংশের লোকদের অতুলন্যে উত্তর আমেরিকার আপালাচিয়ান পর্বতমালায় গিয়ে বসবাস করেন।

সেই গবেষণার উপর ভিত্তি করে তিনি এই শতাব্দীর প্রথম দশকে ইংলণ্ডের লোকসংগীতের উপর যে কয়টি অমূল্য গ্রন্থ রচনা করেন তাতেই প্রথম লোকসংগীতের স্বকীয় সত্তা প্রতিষ্ঠা লাভ করে। তার আগে পৃথক ইংলণ্ডের সমাজের 'আর্থ'রা ভাষতেন যে তাদের 'আর্ট-মিউজিকে'র ছিটকোটাতেই ফোকমিউজিক গড়ে উঠেছে।

অস্ট্রো-জার্মান সাম্রাজ্যবাদের বিরুদ্ধে হাঙ্গেরীয় জাতীয়তার যে সংগ্রাম তা থেকেই হাঙ্গেরীয় জাতীয় সংগীতের (National Music) পুনরুজ্জীবন। ইয়ো-রোপীয় সংগীতে দুটি স্বরণীয় নাম—হাঙ্গেরীয় বেলা বারটক (Bela Bartok) ও জোল্টান কোদালী (Zoltan Kodaly)। অস্ট্রো-জার্মান সাংস্কৃতিক আধিপত্যের বিরুদ্ধে হাঙ্গেরীয় জাতীয় সংস্কৃতির স্বাভাব্য ও স্বকীয়তাকে প্রতিষ্ঠা করতে গিয়ে তাঁরা বিশ্বতপ্রায় হাঙ্গেরীয় লোকসংগীতকে দূরদূরান্তর গ্রামে গ্রামে খুঁজে খুঁজে উদ্ধার করলেন। তাঁরা বললেন, তাঁদের National Music জাতীয় সংগীতের গোড়াকার কথা হল লোকসংগীত। অস্ট্রো-জার্মান ‘আর্থদের’ Kultur Kampf বা সাংস্কৃতিক আধিপত্যের বিরুদ্ধে হাঙ্গেরীয় ‘অনার্থ’দের প্রধান হাতিয়ার হল হাঙ্গেরীয় লোকসংগীত। সে সংগ্রাম ছিল তখন রীতিমতো প্রাণান্তকর।

গত শতাব্দীর শেষভাগে ইয়োরোপের অন্যতম শ্রেষ্ঠ সংগীতবিদ্ চেকোস্লোভাকিয়ার আন্টনিন্ ভরাক (Antonin Dvorak) আমেরিকা ভ্রমণে এসে মন্তব্য করেছিলেন : ‘এখানে যত সংগীত শুনলাম তার মধ্যে আমাকে সবচেয়ে মুগ্ধ করেছে নিগ্রোসংগীত।’ এ মন্তব্য আমেরিকার খেতাব ‘আর্থদের’ মৌচাকে এক প্রচণ্ড ঢিল ছুঁড়ে মাবলো। কালোদাস ‘অনার্থ’ নিগ্রোদের সংগীত, আমেরিকার শ্রেষ্ঠ সংগীত ? এ হতে পারে না। আমাদের মনে আছে, পল রবলন একবার নিজের সংগীত-জীবন সম্বন্ধে বলতে গিয়ে বলেছিলেন যে নিগ্রোসংগীতকে প্রতিষ্ঠা করা বড় জন্ত তিনি এক সময় নিগ্রো লোকসংগীত ছাড়া অন্য কোনো সংগীত করতেন না। এও ছিল এক প্রচণ্ড সংগ্রাম। আজ সেখানকার খেতাব সংগীতবিদ্রা সকলেই বলছেন—আমেরিকার সংগীতের বৈশিষ্ট্য দিয়েছে নিগ্রোসংগীত।

আমাদের দেশেও এই সংঘাতের কোনো ব্যতিক্রম ঘটেনি। গীতপুস্তকসারে সংগীতাচার্য কৃষ্ণধন বন্দ্যোপাধ্যায় লিখেছেন :...‘পূর্বোক্ত প্রকার গান ব্যতীত কড়কা, সোহেলা, কাজরী, লাউনী, চৈতী, জিগর, নক্সা, ডোমনা প্রভৃতি বহুতর গ্রাম্যগীত হিন্দুস্থানে প্রচলিত আছে ; তাহা সভ্য সমাজে ব্যবহার হয় না। এ হলে কেহ জিজ্ঞাসা করিতে পারেন যে, বঙ্গদেশে এবং ভারতের অন্যান্য স্থানে অনেক প্রকার গ্রাম্যগীত আছে, তাহার উল্লেখ হইল না কেন ? তাহার কারণ এই যে সভ্য সমাজে অব্যবহার্য গানের বিষয় উল্লেখ করা নিষ্প্রয়োজন। তবে উক্ত কয় প্রকার গানের নাম করার তাৎপর্য এই যে, কাণ্ডেন উইলার্ড সাহেবের

দেখাদেখি, অধুনা সংগীতগ্রন্থে ঐ সকল গ্রাম্যগীতের নাম উল্লেখ করা, একটা ফ্যাশন (প্রথা) হইয়া দাঁড়াইয়াছে ; তাহার দৃষ্টান্ত বাঙ্গালা ‘সংগীতসার’ ও ‘সংগীত রত্নাকর’। কলকথা এই যে, আমাদের সংগীতগুরু ও স্তান্দগণ হিন্দুস্থানের লোক ; অতএব হিন্দুস্থানের সংগীত বিষয়ক তাবৎ সামগ্রী আমাদের শিরোধার্য করিতে হয় ; বঙ্গ কি অল্প দেশীয় গান আমরা ঘৃণা করিতে উপদিষ্ট হইয়াছি। হিন্দুস্থানের ঐ সকল গ্রাম্যগীতের কথা না লিখিলে, হয়ত কোন সংগীত কুতূহলী পাঠক বলিবেন, এই গ্রন্থকার ঐ সকল গান জানেন না, অতএব সংগীতে তাঁহার ব্যাপ্তি অল্প, সুতরাং তাঁহার পুস্তকও অকর্মণ্য, এই ভয়ে ঐ সকল গীতের নাম উল্লেখ করিতে বাধ্য হইলাম।’

যিনি সংস্কারযুক্ত মন নিয়ে বৈজ্ঞানিক দৃষ্টিকোণ থেকে সংগীতের গবেষণা করে গেছেন, যিনি বঙ্গদেশের নিজস্ব ধারার, তার National Music-এর সন্ধান করে লিখেছিলেন : রাগ-রাগিণীযুক্ত ধ্রুপদ, খেয়াল ও টপ্পা বাঙ্গালীর জাতীয় গান নহে ; উহা হিন্দুস্থানের আমদানী, সুতরাং উহা বাঙ্গালীর পক্ষে নূতন। .. বঙ্গদেশের জাতীয় গান—কীর্তন ও কবি, পাচালী কবিরই প্রকারভেদ। বহুকাল হইতে অস্বদেশে কীর্তন ও কবির চর্চা হইতেছে। পূর্বে বাঙ্গালীর যে সকল জাতীয়, গ্রাম্যস্বর ছিল, তাহা লইয়াই প্রথম কীর্তন ও কবির সৃষ্টি হয়। .. এই কীর্তন ও কবির স্বর লইয়াই প্রথম যাত্রার সৃষ্টি হয়।’ .. ইত্যাদি। সেই সংগীত-মনীষী ভাওয়ালিয়ার প্রাণকেন্দ্র কোচবিহারে বসে সেই স্বরের কোনো সন্ধানই পাননি—এ কথা আজ ভাবতেও আশ্চর্য লাগে। অপূর্ব লোককাব্যের দিক ছেড়ে দিলেও, শুধু মেলোডির আকৃতি ও তীক্ষ্ণতার দিক দিয়ে বাংলা কেন ভারতের লোকসংগীতের বিরল সম্পদ এই ভাওয়ালিয়া। তবু সেই দেশে বসে এই সংগীত-সাধক তার সন্ধান পেলেন না কেন ? এর কারণ কি এই নয় যে গত শতাব্দীতে ‘আর্থ’-প্রাপ্ত কোচবংশী রাজাদের দরবারেও ‘অনার্থ’ কোচ রাজবংশী প্রজাদের এই অল্পমাত্র স্রব্যষ্টির প্রবেশ ছিল নিষিদ্ধ ?

এই শতাব্দীর প্রথমপাদে বিশেষত রবীন্দ্রনাথের দেশাত্মবোধক গানের মাধ্যমেই নাগরিক ভ্রমশ্রেণী বিশুদ্ধভাষার আবরণে বাঙালীর নিজস্ব লৌকিক স্বর গ্রহণ করেছিলেন। সাম্রাজ্যবাদবিরোধী গণজাগরণ সেই পরিবেশ সৃষ্টি করেছিল। লোকসাহিত্য সম্বন্ধে রবীন্দ্রনাথের ঐতিহাসিক প্রবন্ধগুলি আমাদের ইংরেজি-শিক্ষিত ‘আর্থ’দের আকর্ষণ করলেও ‘অনার্থ’দের নীচহুলোদ্ভূত এই গীত ভ্রম সংগীতের আসরে কবে পায়নি। কবি জসিমুদ্দীনের কাছে শুনেছিলাম,

তৃতীয় দশকেও কলকাতার ভাঙ্গা সমাজের কাছে লোকসংগীত প্রচার করতে তাঁদের কৃতরকম বিয়ের সম্মুখীন হতে হয়েছিল। এমনকি সে সময় গুরুসদস্য সত্ত্ব মহাশয় কাগজে নোটস দিয়ে জানিয়েছিলেন—যিনি লোকসংগীতের ক্লাসে আসবেন তাঁকে বিশেষ মাসিক বৃত্তি দেওয়া হবে।

বাংলার অমর লোকশিল্পী আব্বাসউদ্দীনের আত্মজীবনী থেকে আমরা সংগীতের ক্ষেত্রে এই ‘আর্থ’ ও ‘অনার্থ’দের সংগ্রামেব বহু তথ্য পাই।

কেবল বাংলাদেশে নয়, ভারতের প্রতি প্রদেশের লোকসংগীতেব উদ্ধারের ও প্রতিষ্ঠার ইতিহাস প্রায় অভিন্ন। আধুনিক অসমীয়া সংগীতের জনক জ্যোতি-প্রসাদ যখন ত্রিশ দশকে তাঁর প্রথম নাটক ‘শোণিত কুঁয়রী’তে অসমীয়া মেয়েলী গানের সুব সংযোজনা ক’রে এযুগে অসমীয়া National Music বা নিজস্ব ‘জাতীয় গীতে’র ভিত্তি স্থাপন কবেন তখন তাঁকে তাঁর ঘনিষ্ঠ সহকর্মী ও শিল্পীদের কাছে প্রচণ্ড প্রতিকূলতাব সম্মুখীন হতে হয়েছিল। এই লেখকের কাছে জ্যোতিপ্রসাদ নিজে সবিস্তারে সে কাহিনী বলেছেন—সংক্ষিপ্তভাবে তিনি তা লিপিবদ্ধও করে গেছেন।

কাজেই আমরা দেখছি আমাদের ‘আর্থায়িত’ সংস্কৃতিতে ‘অস্ত্যাজ’ লোক-সংস্কৃতির কি স্থান ছিল। শ্রীঅর্ধেক্তকুমার গঙ্গোপাধ্যায়েব মূল্যবান লেখাটিতে অনার্থ-সংগীতেব অবদানের কথা বলেও যখন তিনি লেখেন, ‘সুদূর প্রাচীন ও প্রাক-ঐতিহাসিক কাল হইতে মার্গসংগীত আর্থ-সংগীতের পরিধির বহির্দেশ হইতে যুগে যুগে নূতন নূতন আগন্তুকদের আহ্বান করিয়া ভারতীয় সংগীতের বিবাট কলেবরে স্থান দিয়াছে। এই নূতনকে, অপরিচিতকে, বিদেশীকে ও নবাগতকে স্বাগত, আপনাত করিয়া লওয়াএবং অনাস্বীয়কে আস্বীয় করিয়া লওয়া ভারতের সংস্কৃতির একটি বিশিষ্ট চরিত্র ও গুণ’—ইত্যাদি, তখন শ্রীগঙ্গোপাধ্যায় মহাশয় শুধু সমস্যাটাই দেখেছেন, কিন্তু সংঘাতটা দেখতে পাননি। অনার্থ সংগীতকে ‘আত্মসাৎ করে কখনো চতুঃস্থরিক অনার্থ সংগীতে দুর্বল নিখাদ লাগিয়ে জাতিতে তুলে নিয়ে’ পরে ‘অনার্থ’ সংগীতকে অপাণ্ডভ্বেষ কবে রাখা বা অস্পৃশ্য করে রাখা ছিল ‘আর্থদের’ই কাজ।

কিন্তু সংঘাত এবং সমস্যার সমস্যাটা কিন্তু তথাকথিত আর্থ বা অনার্থ সংগীতের মধ্যে নয়। সমস্যাটা এক অর্ধে দরবারী সংগীত ও লোকসংগীতের মধ্যে। ‘সুদূর প্রাচীন’ কালের চেয়েও সুদূরে আর্থরা পশুপালক জামায়াণ নৃগোষ্ঠীর অন্তর্গত যখন ছিলেন তখন মার্গসংগীত বা art music বা শিল্পসংগীতের প্রায়ই

ছিল না। আদিম পশুপালক সমাজে যেমন তাম্রশিল্প গড়ে ওঠা ছিল অসম্ভব কথা, তেমনি পশুপালক সমাজের স্তরে তিনটি বা চারটির বেশি স্বর নিয়ে সুরের সৃষ্টিও ছিল তেমনি অসম্ভব কথা। উশান্ত, অহুদান্ত এবং স্বরিত কিংবা আচিক, গাথিক ও সামিক বলতে কোন কোন স্বরকে বুঝাত না জানলেও আদিম সুরের ত্রিস্বরভিত্তিক স্কেলটা তা থেকে জানতে পারি। এটা আর্ধ-অনার্ধ অর্থাৎ Racial বা কোনো বিশেষ নৃগোষ্ঠীগত ব্যাপার নয় মোটেই। এটা নরসমাজের বিবর্তনের ইতিহাসের ব্যাপার। আর্ঘরাও অসভ্য আদিম স্তরে ছিল। ভ্রাম্যমাণ পশুপালক সমাজের স্তর থেকে সুসংহত স্থায়ী কৃষিসমাজ গঠনের আগে কোনো নৃগোষ্ঠীই সপ্তস্বরের সম্পূর্ণজাতির সুর সৃষ্টি করতে পারেনি। এটা হল Anthropology of Music বা সংগীতের ক্ষেত্রে নৃতত্ত্বের বিষয়। কাজেই যদি কেউ বলেন আর্ঘরা প্রথম থেকেই সম্পূর্ণজাতি স্বরগ্রামের অধিকারী ছিলেন, তবে তা হবে অনৈতিহাসিক ও অবৈজ্ঞানিক। লোকসংগীত এবং শিল্পসংগীত বলে দুটো স্বতন্ত্র ধারার উৎপত্তি শুধু তখনই সম্ভব যখন কৃষিসমাজে নগর ও গ্রামের বিভেদ এল—কৃষি-অর্থনীতির কাঠামোর মধ্যে এল সামন্তীয় শ্রেণী-বিভাগ : শ্রমজীবী ‘নিম্ন শ্রেণী’ এবং পরশ্রমজীবী অবসরভোগী ‘উচ্চ শ্রেণী’। সেই জন্ম আদিবাসী স্তরের সমাজে যেখানে সামন্তীয় শ্রেণী-পার্থক্য আসেনি, যেখানে তার গান মানেই community song বা গোষ্ঠীসংগীত, সেখানে লোকসংগীত কথাটা বর্তমান অর্থে ব্যবহার করতে পারি না।

#### লোকসংগীতের সাংগীতিকী

আজও ত্রিস্বর বা চতুস্বর-আশ্রয়ী লোকসংগীত বহু আছে। ডঃ পূর্ণিমা সিংহ বরাহভূমের উপজাতিদের লোকসংগীতের রাগ বিশ্লেষণ করে মূল্যবান আলোচনা করেছেন। এবিষয়ে তিনি একজন পথিকৃত। তবে তিনি সেখানে ত্রিস্বর-আশ্রয়ী ‘সারহুল’ গান থেকে সূত্র ধরে একই অঞ্চলে সম্পূর্ণজাতি সংগীতের বিবর্তনের ধারা বিশ্লেষণ করে যে আলোচনা করেছেন তা কতখানি গ্রাহ্য, সংগীতবিদ্রাহী সে বিষয়ে বলবার অধিকারী। তবে একটা কথা মনে রাখতে হবে সম্পূর্ণজাতির সুর হলেই লোকসংগীত মার্গসংগীত হয়ে যায় না। বহু লোকসংগীত ভারতে সম্পূর্ণ স্বরগ্রামের ঘরে প্রবেশ করেছে, তা বলে তা মার্গসংগীত হয়ে যায়নি। মার্গসংগীত ও লোকসংগীতের প্রকৃতির পার্থক্যটা স্বরের সংখ্যাতে নিবদ্ধ নয়, মোটেই—সেটা আরো গভীরে। সে আলোচনায় পরে আসছি।

ত্রিষ্মরিক ও চতুষ্মরিক scale বা ঠাট্ পার হয়ে লোকসংগীত শুধু ভারতে নয়, পৃথিবীর প্রায় সর্বত্র প্রধানত পঞ্চষ্মরিক বা ঔড়বজাতীয় রাগরূপ গ্রহণ করেছে। তবু চতুষ্মর-আশ্রয়ী লোকসুর ভারতবর্ষে সর্বত্র ছড়িয়ে আছে—শুধু উপজাতি নয়, উন্নত কৃষিসমাজেও। প্রধানত খরজ, রেখাব, গাঙ্কার ও নিচের ধৈবতে ওঠা নামা ক'রে এর কিছু কিছু স্বর (কথা নিরপেক্ষ) এমন এক অল্পময় mood বা ভাবানুভব সৃষ্টি করে যা আরো অধিক স্বর সংযোজন করেও সৃষ্টি করা সম্ভব নয়। এখানে লক্ষণীয় যে আমাদের মেয়েলী গানেই এ রূপটা দেখতে পাওয়া যায় বেশি। মেয়েদের একান্ত নিজস্ব গৃহকর্ম আচার অনুষ্ঠানে—যেমন ঘুমপাড়ানিয়া বা বিয়ের গানে রাজস্থান থেকে শুরু করে আসাম পর্যন্ত মেয়েরা স্বরের ক্ষেত্রে এক 'ঘরানা'র সৃষ্টি করেছে, অনেকসময় যার scale বা ঠাট্ সাধারণভাবে সেই অঞ্চলে প্রচলিত লোকসংগীতের থেকে পৃথক। ভাটিয়ালীর দেশ পূর্ববাংলা (বর্তমানে বাংলাদেশ), যার প্রভাব সে অঞ্চলের লোকসংগীতে সর্বব্যাপী, সেখানেও কোনো কোনো মেয়েলী গানে, যেমন সিলেটের বিয়ের গানে, ভাটিয়ালীর পরিচিত 'খাখাজ ঠাট্'কে ফেলে কোমল গাঙ্কার ও কোমল ধৈবতে 'পিলু'র আমেজ সৃষ্টি করেছে। আসামের সর্বব্যাপক বিহু-র minor scale সঙ্গমপ; কিন্তু মেয়েদের ঘুমপাড়ানিয়া বা বিয়ের গানে major scale অর্থাৎ শুদ্ধ স্বরে স র গ, র গ র স ধ্—মূলত এই চারটি স্বরই ব্যবহৃত হয়। এজন্য একই অঞ্চলের স্বর বিচারে প্রান্তর ও প্রাঙ্গণ এই দুটো অস্থবিভাগও করা চলে। উপজাতি স্তর থেকে অধিজাতি স্তরে বিকাশ লাভ করলেও মেয়েদের 'রক্ষণশীলতা' অতীতের উপজাতি স্তরের ঐতিহ্যের অনেক কিছু রক্ষা করেছে। বাহোক, যে চারস্বরআশ্রয়ী স্বরের কথা বলছিলাম তার দু-একটা দৃষ্টান্ত দেওয়া প্রয়োজন—যদিও এখানে বিস্তারিত স্বরলিপির স্থানসংকুলান সম্ভব নয়। আবার স্বরলিপিতে স্বরের অন্তর্লীন ভাবপ্রকাশক গায়কী দেওয়া অসম্ভব। একটি বিহারী ঘুমপাড়ানিয়া :

নিদিয়া আতী হায় ধীরে ধীরে

পূরৈবরা ঝকোড়ে ধীরে ধীরে—

ধা ধ্ সা সা, সা রা সা-৭ সা, রা সা সা রা গা

গা গা রা সা, সা রা গা রা সা-৭

বিহারের অল্প আর একটি অঞ্চলে এই চারটি স্বরকে আশ্রয় করেই বগ্ধী বা ঝগ্ধী মেয়েলী গীতে মেয়েরা বৃষ্টি কামনা করে গাইছে : 'কপ্লস্ কদন্ কুজী-

ছৈয়া হো ভৈয়া ছোলম্ মোয়ার'—কিন্তু চলনভঙ্গি ও গীতরীতিতে ভিন্ন 'মুড়' বা মেজাজের সৃষ্টি করেছে। যেমন রাগসংগীতে একই পর্দায় থাকলেও ভূপালী ও দেশকারের মেজাজ সম্পূর্ণ আলাদা, এখানে যেন ঠিক তেমনি।

আসামে এই শুদ্ধ চতুশ্রের রকমফেরে এক অপূর্ব মেয়েদের নিচুনি গীত বা ঘুমপাড়ানিয়ার হুর পাই :

আমারে মইনা শুব-এ  
 বারীতে বগরি কুব-এ  
 বারীতে বগরি পকি সরি পলে  
 মইনাই বটলি খাব-এ

সা রা গা-১, রা গা গা-১, রা গা ১ গা,

রা গা-১ গা, রা গা-১ গ রা গা-১ গ,

গা-১ রা গ গা গা রা রা গা-১ রা সা বা সা ধ্রু,

ধ্রু সা রা সা গা-১-রা সা সা-১ সা—।

আবার ওড়িয়া ঘুমপাড়ানিতে দেখছি এই চতুশ্রের গাঙ্কার কোমল হয়ে এক নতুন আমেজ সৃষ্টি করেছে। একটি জনপ্রিয় ওড়িয়া ঘুমপাড়ানিয়া হল :

ধো রে বাইয়া ধো

যো কেয়ারীরে গহরমণ্ডিয়া, সো কেয়ারীরে শো।

ধ্রু সা-১ সা সা সা সা জা ১ জা

জা জা জা জা জা জা রা জা রা সা সা সা ;

ধ্রু সা সা রা জা জা।

এ গানগুলি কোনো ভাঙা হুর নয় কিংবা কোনো উচ্চাঙ্গ গীতের raw material বা কাঁচা উপকরণ মাত্র নয়। এ হুরগুলি স্বয়ংসম্পূর্ণ এবং এগুলির মধ্যে social association সামাজিক ভাবানুভূতির এবং human relations মানবিক সম্পর্কের এমন ছোতনা, যা অল্প পরিবেশে reproduce করা প্রায় অসম্ভব।

চারশ্রের গীত অপূর্ব 'মুড়' সৃষ্টি করে অনেক সময়। শহরের কেয়ারি-করা শত-পাপড়ি বসরাই গোলাপের বাগিচার অপূর্ব মোড়া ও সৌরভে মগ্ন হয়ে

যখন কোনো গায়ের পথে যেতে যেতে কোথাও ভেসে আসা বৃহৎ মিটি এক বলক গন্ধ পেয়ে ফিরে তাকিয়ে দেখি কাঁটাবনের আড়ালে ফুটে আছে চার পাপড়ির এক অজ্ঞাত বনফুল, তখন মনে ভাগে এক ‘নস্টালজিয়া’—অব্যক্ত হারানো মমতার স্মৃতি। সম্পূর্ণ আর এক ‘মুড়’। গোলাপের সঙ্গে তার তুলনা করে কাকে বড় বলবো, কাকে ছোট !

আগেই বলেছি বহু উপজাতি, নৃগোষ্ঠী, খণ্ডজাতি মিলে আজকের যে একটা ভাষাভিত্তিক অধিজাতি বা গোশনালিটি গড়ে উঠেছে তাতে বিভিন্ন জাতির সুরাংশ মিশে সাধারণত একটি পঞ্চস্বরিক বা ঔড়ব কিংবা ষষ্ঠস্বরিক বা ষাডব জাতিব একটা স্বকীয় আঞ্চলিক রাগরূপ গড়ে উঠেছে যা হল সেই অধিজাতির, বলা যায়, রাগ-দর্পণ। আবার প্রত্যেক অধিজাতির এক-একটি ‘পকড়’ (সুরের অভিজ্ঞান) আছে। যখন কোনো চানচুরওয়াল চানচুর ফেরি করে গাইছে—

চানচুর গরম,—

চানচুর গরমকে বাবু, মৈনে লিয়া মজাদার

চানচুর গরম—

বা গা সরা-১ সা সা-১-১

চা না চু র্ গ র ম্

সা সা সা-১ সা রা গা সা রা

চা না চু র্ গ র ম্ কে বা বু

সা রা মা মা মা মগা রা সা

মৈ নে লি রা ম জা দা র্

চানচুর গরম ..

তখন পূর্বস্তু এটাকে গান বলে কেউ স্বীকার করছেন না। কিন্তু ধারা বিহারের দেহাতি গান শুনে অভ্যস্ত তাঁরা জানেন এটাই সেই অকলের ‘পকড়’। যেমনি সুরটি অল্প কথায় ভর করে এল—‘ক্যায়লে বীতেদে ইয়ে ছরদিন জানে না হো শোন সাথীরে’ ইত্যাদি—তখন আমরা তাকে গান বলে স্বীকার করে নিই। সেই গান অন্তরায় প, ধ যুক্ত হয়ে শুধু বিস্তার লাভ করছে।

তেমনি আসাম উপত্যকার প্রাণভোমরাটি লুকিয়ে আছে স জ ম প-রচিত মধুচক্রটির মধ্যে। এটিকে অলমীয়া জাতির ‘পকড়’ বলা চলে। তার সাথে কোমল নিখাদ যুক্ত হয়ে আসাম উপত্যকার চিরসবুজ Pentatonic minor



scaleটি তৈরী হয়েছে, যাকে বলা যায় বিহ রাগ—বার মধ্যে আসাম উপত্যকা বিষৃত।

নেপালীরা এক ভাষাকে কেন্দ্র করে একটি অধিজাতিতে রূপান্তরিত হলেও তাদের শিল্পায়ন একেবারে না হওয়াতে এবং পরিবহনেরও বিশেষ বিকাশ না ঘটতে তাঁদের বিভিন্ন নৃকুলজাত স্বরের আদিম বৈচিত্র্যটির সন্ধান মেলে। তবু সবকিছুর মধ্যে যেখানে নেপালী স্বরের প্রাণ সেখানে স র ম প, ধ প ম র স, ধ স—এই কয়টি দুর্গা রাগের পর্দাতে বাঁধা হয়ে একটি ঔড়বজাতীয় রাগচরিত্র সৃষ্টি করেছে।

বাংলা বিশেষত পূর্ববাংলার লোকসংগীতের কিছু বিশ্লেষণ করেছেন পরলোক-গত সংগীতাচার্য সুরেশচন্দ্র চক্রবর্তী। বাংলাদেশে তিনিই প্রথম বিশিষ্ট সংগীত-বিদ যিনি শেষবয়সে লোকসংগীতের সুর সন্ধানে এবং সুর বিচারে অত্যন্ত ঐকান্তিকতার সঙ্গে ত্রুতী হয়েছিলেন। তাঁর সঙ্গে এবিষয়ে যে সামান্য আলাপ হয়েছে তাতেই অমূভব করেছি শিল্পসংগীতে লোকসংগীতের উপাদান অমূসন্ধানে তাঁর আগ্রহ ছিল কী অসীম! তিনি পূর্ববাংলার সম্পূর্ণজাতি ভাটিয়ালীর রাগিণীর বিশ্লেষণ করে বলেছেন যে তা খান্ধাজ ঠাটের ঝিঁঝিঁট রাগিণীর অঙ্গীভূত। আরোহণে স র ম প ধ স এবং অবরোহণে ণ ধ প ম গ র স ঙ্ ধ পর্বন্ত নেমে পূর্বাঙ্গে ধৈবতে বিরাম নেওয়ার জ্ঞাত্ত তিনি ভাটিয়ালীকে কসোলি ঝিঁঝিঁট বলে আখ্যা দিয়েছেন। কিন্তু প্রশ্ন হল এমনভাবে কোনো লোকসংগীতকে, মার্গসংগীতের কোনো রাগের সঙ্গে সাদৃশ্য পেলেই কি সেই নামে ভূষিত করা উচিত? তাহলে নেপালের অধিকাংশ স্বরকে দুর্গা বা ভূপালী রাগে ফেলতে হয়, আসামের বিহকে ধানি রাগ বলতে হয়। সংগীতবিদ্রা নিশ্চয়ই এবিষয়ে ভাববেন। রাগের এভাবে স্বরবিন্যাসে তাই বলেছিলাম পল্লীস্বরের শ্রেণীবিভাগ হতে পারে না। তার মূল জিনিস আঞ্চলিক গায়কী, স্বরের রূপভেদ বা timber, আঞ্চলিক চলনভঙ্গি, ছন্দ এবং উপভাষাগত কোনোটিক্স বা ধ্বনি-বিজ্ঞান ও intonation বা বাগ্ভঙ্গি ইত্যাদি।

তাছাড়া ভাটিয়ালীকে সম্পূর্ণজাতি বলার আগে ভাবতে হবে তার বিবর্তনের কথা। একদিনের বঙ্গ (পূর্ববঙ্গ), বারেন্দ্রী-পুণ্ড্র (উত্তরবঙ্গ), রাঢ়-সুন্দর (পশ্চিমবঙ্গ), চট্টল (দক্ষিণ পূর্ববঙ্গ) প্রভৃতি মিলে যে বঙ্গদেশ গড়ে উঠেছিল তাতে যে বহু উপজাতি, খণ্ডজাতির সম্মিলন ঘটেছিল তার ক্রমবিকাশের গতিধারা যথাসম্ভব অনুধাবন করা হল লোকসংগীতের রাগবিচারে আমাদের প্রথম কর্তব্য।

বিষয়ভেদে সারি প্রথম, পরে ভাটিয়ালী। সারি কর্মের, ভাটিয়ালী কর্মবিরতির। সারি দলবদ্ধ, ভাটিয়ালী একক। সারি তালবদ্ধ, ভাটিয়ালী তালমুক্ত। শ্রম, সংঘবদ্ধতা ও ছন্দ, পরস্পর যুক্ত—সমাজের গোষ্ঠীভেদে এটাই নিয়ম। কিন্তু আরো উন্নত কৃষিসমাজে শ্রমের ক্ষেত্রে যেমন স্বরের ক্ষেত্রেও তেমন একক বিহারের স্বযোগ এল, কাটাকাটা শ্রম-ছন্দের জায়গায় একক আশঙ্কিত বিস্তারের স্বযোগ এল। চতুষ্রিক গোষ্ঠীবদ্ধতায় এল ঔড়ব, বাড়ব, এমন কি সম্পূর্ণজাতির স্বরবিকাশের পরিবেশ।

বহু প্রাচীনকাল থেকে প্রচলিত কিছু সারি গান আছে যা চতুষ্রিক। সারি গানে পূর্বে কোনো 'তুক' থাকতো না; ছ'লাইনেই তা ছিল সম্পূর্ণ। আদি লোকসংগীতে 'তুক' থাকে না। একটি সারি গান :

সোনা বউএর মনের কথা বুঝান না যায়,—

সোনা বউ, সোনা বউ মুখ থান্ কেনে ভারি

গল্প খনে আইনা দিমু ময়নামতীর শাড়ি ॥

পা পা-১ | মা মা-১ | গা গা-১ | গা সা-১ |

সো না . বউ এর ম নের ক থা .

সা সা ১ | গা পা মা | গা-১-১ |

বুঝা . ন না . যা . . য়

সা সা- | গা-১ ১ | মা পা মা | গা-১-১, | মা-১ পা | পা মা পা | মা গা-১

সো না . ব . উ সো না . ব . উ মুখ থান্ কেনে . ভারি

সা-১ সা | গা গা-১ | মা-১ পা | মা গা-১ | মা ১ পা | পা মা পা | মা গা-১ | -১-১-১

গন্ জ খ নে . আই না দিমু . ময় না ম তীর শা ডি...

এই সারিটি চতুষ্রিক। কিন্তু তার মধ্যে লুকায়িত ভাটিয়ালীর ভ্রগণক পাই। এখনো বহু বাড়ব জাতীয় সারি পাওয়া যায়। কিন্তু ততদিনে ভাটিয়ালীর বিকাশ ঘটেছে। তবু প্রাচীন ভাটিয়ালী কিছু আজও প্রচলিত আছে, যাতে সঙ্গীতাচার্য-বণিত পূর্বদিকে ধৈবতে বিরাম নেওয়ার প্রকৃতিগত বৈশিষ্ট্যটি পাই না।

তাছাড়া পূর্ববঙ্গের জেলা বা অঞ্চলভেদে ভাটিয়ালীর ঠাঁটের মধ্যে থেকে স্বরের যে অপরূপ বৈচিত্র্য, তাও সঙ্গীতবিদ্যের গবেষণার একটি গুরুত্বপূর্ণ বিষয়। স্বরেশবাবু বড়জ থেকে ভাটিয়ালী আরম্ভ হওয়ার কথা বলেছেন, কিন্তু

কোনো কোনো অঞ্চলে মুদারার পঞ্চম থেকে শোজা চড়ার সা-তে উঠে ভাটিয়ালীকে নেমে আসতে দেখা যায়। তিনি বলেছেন ভাটিয়ালী উদারার ধৈবতের নিচে নামে না। কিন্তু ভাটিয়ালীতে শুধু আস্থায়ী অন্তরা থাকলেও কোনো কোনো অঞ্চলে সঞ্চারীও পাওয়া যায় এবং সেই সঞ্চারী উদারার পঞ্চমেও নেমে যেতে দেখা যায়। আবার যেমন সিলেট ত্রিপুরা সীমান্ত অঞ্চলে কোনো কোনো সময় ভাটিয়ালী অবরোহণে কোমল গান্ধারের স্পর্শে অপক্লপ মাধুর্যময় হয়ে উঠেছে। তথাপি সুরেশ চক্রবর্তী-বর্ণিত ভাটিয়ালীর রূপটিই তার পূর্ণাঙ্গ রূপ, যেখানে অবরোহণে প ম গ র স গ্ ধ্ ১-য় এসে বিরতি নেওয়াতেই তার প্রাণাবেগের স্ফূর্তি।

ঠিক তেমনি উত্তরবঙ্গের ভাওয়াইয়াও সুরেশবাবু বর্ণিত খাষাজ ঠাটের মধ্যেই পড়ছে। কিন্তু তার ধরনটা স্বতন্ত্র। ভাটিয়ালী চড়ার সা থেকে কোমল নিখাদ স্পর্শ করে নেমে আসে, কিন্তু ভাওয়াইয়া আরোহণে চড়ার সা-তে আর যেতে চায় না—কোমল নিখাদে দীর্ঘ বিরাম নিয়ে ফিরে আসে। কিন্তু ভাটিয়ালীর মতো উদারার ধৈবতে নেমে আসে না, মুদারার ষড়জে এসেই বিরাম নেয়।

বাউলও সেই ঠাটেই পড়ে। বাউল কথাটা অত্যন্ত ব্যাপক অর্থে সমগ্র বাংলায় ব্যবহৃত হয়। তত্ত্ব এবং জীবনদর্শন হিসেবে আমি পূর্বে বাউল সম্পর্কে বিস্তারিত আলোচনা করেছি। কিন্তু সুর হিসেবে যখন আলোচনা করব তখন মধ্যবঙ্গের লালনশাহী বাউলের রাগরূপকেই বাউল সুর বলে ধরব। পূর্ববঙ্গে তা হয়েছে বাউল এবং তা ভাটিয়ালীতে মিশে গেছে। রাঢ়বঙ্গের বীরভূমের যে বাউল তা ভাবের দিক থেকে যেমন খাটি বাউল নয় (বৈষ্ণব বাউল বলাই ঠিক), তেমনি সুরেও ঐ ভৈরবী বাউলের স্বরূপ নির্ধারণ, তার উৎপত্তি ও বিকাশ, একটা বিতর্কমূলক বিষয়। সঙ্গীতশাস্ত্রীদের তা আলোচ্য। যাহোক, মধ্যবঙ্গের বাউল সুরকেই রবীন্দ্রনাথ প্রাণভরে গ্রহণ করে সম্পূর্ণ আত্মস্থ করেছিলেন। আমরাও বাউলসুর বলতে তাকেই গ্রহণ করব এবং তাতে সুরেশবাবু বর্ণিত এক ‘খাষাজ’ ঠাটের স্বরবিন্যাসের সূত্রে বাঁধা পূর্ববঙ্গ-মধ্যবঙ্গ ও উত্তরবঙ্গের মূল চরিত্রটা ধরতে পারব। মধ্যবঙ্গের বাউলে ভাটিয়ালী বা ভাওয়াইয়ার মতো বিলম্বিত বিস্তার নেই, তা ছন্দপ্রধান। ভাবমুখী গায়কীও সহজ। ভাওয়াইয়া বা ভাটিয়ালীর মতো উত্তরাঙ্গে high pitch-এর পুকার তাতে নেই।

সীমান্ত রাঢ় বাংলার সঙ্গীতের প্রকৃতি মনে হয় উপজাতীয় স্তর থেকে

জাতীয় স্তরে এখনো ওঠেনি। সেই উপজাতীয় স্তরের কেন্দ্রস্থলি ছোটনাগপুর। প্রায় দেড়শ বছর আগে ছোটনাগপুরের কিছু আদিবাসী চা-শ্রমিক হয়ে আসামে গিয়েছিল। সেখানে যে স্তরে ওরা ঝুমুর, করম ইত্যাদি গায়, সীমান্ত রাঢ় বাংলার সাথে তার কোনো পার্থক্য পাই না। কাজেই একে বাংলার লোকগীতি কতটুকু বলা যায় সঙ্গীতশাস্ত্রীরা তা ধার্য করবেন।

বাংলাদেশের লোকসঙ্গীত বিচারে আর একটি বিষয় বিবেচ্য—লোকসঙ্গীতে রাগসঙ্গীতের প্রভাব। লোকসঙ্গীত থেকে রাগসঙ্গীতের উৎপত্তি হলেও, এবং দুটি ধারা নিজ নিজ স্বাভাব্য রেখে প্রবাহিত হলেও কোনোটাই one-way traffic নয়। রাগসঙ্গীত লোকসঙ্গীতকেও প্রভাবান্বিত করেছে। আমাদের গ্রাম্য অঞ্চলে যারা বাগ্গকর সমাজ তাদের সানাই বিয়ে বা উৎসবের সময় বিশেষ রাগ অবলম্বনেই আলাপ করেছে। যাত্রা গানের বিবেকের গান চিরদিনই রাগ আশ্রয় করেছে। আমাদের কোনো কোনো অঞ্চলের লোকসঙ্গীতে ভীমপলশী, পিলু, দেশ ইত্যাদির সুস্পষ্ট রেশ পাওয়া যায়। সুরেশবাবু যে বিভাস-এর উল্লেখ করেছেন তা শাস্ত্রীয় বিভাস থেকে ভিন্ন। একে সঙ্গীতবিদরা বলেন বাংলা বিভাস। কিন্তু এটা আমাদের ভাটিয়ালীর সঙ্গেও এমন মিশে গেছে যে লোকসঙ্গীত থেকে পৃথক করে ভাবতে পারি না। অবশ্য যা গ্রাম্যগীতি তাই লোকসঙ্গীত নয়। আলাউদ্দীন খাঁ সাহেবের দাদা আবতাবুদ্দিন খাঁর সুর সংযোজিত ত্রিপুরার মনমোহন দত্তের গান গ্রামে প্রচলিত আছে—যাকে রাগপ্রধান গান বলা চলে, লোকসঙ্গীত নয়।

সঙ্গীতগুরু আলাউদ্দীন খাঁর মৃত্যুর পর তাঁর জীবনের অনেক কথাই লেখা হচ্ছে, কিন্তু একটা মূল অধ্যায়কেই ডিঙিয়ে যাওয়া হচ্ছে। যেন দৈবাৎ কৃষকের ঘরে জন্ম নিয়েই অসীম সঙ্গীত-পিপাসায় তিনি ঘরছাড়া হলেন। বাংলাদেশে (পূর্ববঙ্গেই) যে সমাজে তাঁর জন্ম সেই সমাজ বাংলাদেশের পল্লীসংস্কৃতির ক্ষেত্রে এক অসাধারণ ঐতিহ্যের সৃষ্টি করেছে—যার মূল্যায়ন আজও হয়নি। সেই সমাজ হিন্দুদের কাছে ছিল মুসলিম, মুসলিমদের কাছে ছিল হিন্দু। সেই উদারতার পরিবেশে তাঁরা রাখালিয়া ঐতিহ্য থেকে আরম্ভ করে মার্গসঙ্গীতকে সমানভাবে আত্মস্থ করতে পেরেছিলেন। পরে আবার সেই সমাজকেই কেন্দ্র করে বাংলাদেশের গ্রামে গ্রামে ‘ব্যাণ্ড পার্টি’র দল গড়ে উঠেছিল—যেখানে Trumpet, Trombone প্রভৃতি পশ্চিমী বাস্তবস্ত্রের আমদানি হয়েছিল। সেই অর্থে গ্রামে পশ্চিমী orchestration-এর প্রথম প্রচলন তাঁরাই করেন। আলাউদ্দিন

খাঁর মধ্যে এই ঐতিহ্যেরই পরিপূর্ণ বিকাশ ঘটেছে। লোকসঙ্গীত আলোচনার সময় গ্রাম্য সংস্কৃতির এই বিশিষ্ট সঙ্গীত ধারাটির কথা ভুললে চলবে না।

আঞ্চলিক গীতরীতি ও চলনভঙ্গিই মূল কথা

আমরা দেখেছি শুধু স্বরের গঠনরীতি ও বিস্তার দিয়ে লোকসঙ্গীতের কোনো শ্রেণীবিভাগ করা-বায় না। কারণ পৃথিবীর বহু অঞ্চলের লোকসঙ্গীতে স্বরবিস্তার প্রায় এক। আমেরিকার Society for Ethnomusicology-র মুখপত্র *Ethnomusicology*-তে M Kolinski এক জায়গায় লিখছেন : 'Since the human voice is able to produce with equal facility a virtually unlimited number of pitch shades within the natural limits of its range, we are faced with the crucial problem of : 1) what causes the singer to select certain tones out of the pitch continuum and to organise them into coherent structures and 2 ) why similar patterns of tonal construction can be found in widely separated areas and in strongly contrasting cultures, such as the so-called half toneless pentatonic scale (for example, CDEGA) which Europe shares with a large part of the world, particularly with Northern Asia, with American Indians, and with Negro Africa.'

উপরে যে scale-এর কথা বলা হয়েছে তা হল স, র, গ, প, ধ—অর্থাৎ ঔড়বজাতীয় সূপালীর পর্দা। আমাদের দেশেও লোকসঙ্গীতে এর ছড়াছড়ি। আবার চীন দেশেও দেখেছি—তার লোকসঙ্গীতে এই সূপালীর শুদ্ধ পর্দা কয়টির কি অসাধারণ প্রভাব! কাজেই সঙ্গীতশাস্ত্রীদের সামনে, দেশে দেশে এত দূরত্ব ও পার্থক্য থাকা সত্ত্বেও তার সাধারণ মাল্লবের স্বর নির্বাচনের এই সাদৃশ্য একটা চিরন্তন প্রসঙ্গ। তেমনি স র ম প ধ—এই দুর্গা রাগের পর্দায় আমাদের দেশে, চীন দেশে ও অন্যান্য অনেক দেশে বহু লোকসঙ্গীতের গাঁথুনি তৈরি হয়েছে। আবার মধ্যপ্রাচ্য, আরব, মধ্য এশিয়া, উজবেকিস্তান, আফগানিস্তান প্রভৃতি হয়ে ভারতের, বিশেষ করে পাকিস্তান প্রদেশে, এবং চীনের সংখ্যালঘু মুসলিম ধর্মাবলম্বী সিনচিয়াং প্রদেশের লোকসঙ্গীত ভৈরবীর কোমল পর্দাগুলি দিয়ে গঠনান্বিত করেছে। কিন্তু স্বরবিস্তারের এই সাদৃশ্য থাকা সত্ত্বেও

এদের জাতীয় ও আঞ্চলিক বৈসাদৃশ্য ও বৈশিষ্ট্য আসে কোথা থেকে? সেই উপকরণগুলি কি?

কণ্ঠস্বরের রূপভেদ

পূর্বে এক প্রবন্ধে আলোচনা করেছি শ্রমের প্রক্রিয়ায় মানুষের larynx স্বরবহনের বিকাশ কিভাবে ঘটেছে। এবং কি করে খনিযুক্ত ভাষার উৎপত্তি হল, বা হল সঙ্গীতেরও আদিকথা।

লোকসঙ্গীতে আমাদের আলোচনার বিষয় 'গ্রাম্যস্বর' ও পবিত্রীকৃত স্বরের ব্যবধানটার রূপ কি? কারণই বা কি?

আমাদের মধ্যে একটা কথা চালু আছে, 'মেঠো গলা' আব 'শহরে গলা'। তার সংজ্ঞা কি? কিছুদিন একটা সমীক্ষা করেছিলাম। আকাশবাণীর বিভিন্ন মিটার-ব্যাণ্ডে ভোর থেকে রাত্রি অবধি লোকসঙ্গীতের অনুষ্ঠান হয়। অধিকাংশ নামই অজ্ঞাত। এই অজ্ঞাতদের একটা লিষ্ট করে 'গেয়ো' ও 'শহরে' ব ল এদের কণ্ঠের বিভাগ করে পরে অনুসন্ধান করে শিল্পীদের বাড়িঘর, অতীত জীবন, সঙ্গীতশিক্ষার পরিবেশ ইত্যাদির সমীক্ষা করে দেখা গেল যে স্ববেব এই 'গেয়ো' ও 'শহরে' বিভাগটার এক বাস্তব ভিত্তি আছে।

তাহলে এই Folk-timber বা স্বরস্বরের গ্রাম্যতা জিনিসটা কোথা থেকে আসে? কতটা তার শ্রমপ্রক্রিয়াগত, কতটা সামাজিক ও প্রাকৃতিক পরিবেশ জল-মাটি-হাওয়াভ্রাত, কতটা বিশেষ জাতি বা গোষ্ঠীগত শারীরিক anatomy-গত, কতটা বাগ্‌ভঙ্গিভ্রাত? *Ethnomusicology* সাময়িকপত্রে Frances Deussmore সঙ্গীতে racial peculiarities সম্বন্ধে লিখতে গিয়ে বলেন: "The only respect in which Negroes show a racial advantage in music over whites is in vocal ability. This is due to anatomical differences in the vocal organs of the two races..."

আবার রেড ইণ্ডিয়ানদের সম্বন্ধে বলতে গিয়ে লিখছেন: "We only know that the Indian has a singing technic which we do not possess, many tribes of Indians singing with teeth and lips slightly parted and separating the tone by a contraction of the glottis..."

অর্থাৎ তিনি কিছু নুকুলগত বৈশিষ্ট্যের কথা বলছেন। কিন্তু জাতিভেদ-ভ্রাতিতে কণ্ঠগত বৈশিষ্ট্য বতই থাক, সাধারণভাবে পৃথিবী জুড়েই, বিশেষত আমাদের

মতো কৃষিপ্রধান দেশে, শহুরে ও গ্রাম্য বিভাগটি স্বরের ক্ষেত্রে সুস্পষ্ট। কেউ কেউ বলতে পারেন ‘শহুরে’ বলে যাকে বলা হয় তা হল ‘রেওয়াজী পরিশীলিত,’ আর গ্রাম্য স্বর হয় ‘অ-রেওয়াজী আনকোরা’। কিন্তু মোটেই তা সত্য নয়। গ্রামের দক্ষ শিল্পীকেও প্রচুর রেওয়াজ করতে হয়—কিন্তু তার রেওয়াজের পদ্ধতি স্বতন্ত্র।

সেই স্বর আবার তার pitch বা উচ্চতা-নিচতা, intensity বা তীব্রতা, তার কম্পন, প্রাক্বেপডক্সি, মীড়, বোঁকপ্রাধান্য, আরোহণ অবরোহণের বিশেষ ধরন মিলেই একটা বিশেষ চরিত্র লাভ করে।

আঞ্চলিকতা

স্বরের ‘গ্রাম্যতা’র পরেই লোকসঙ্গীতের চরিত্র বুঝতে যা সবচেয়ে গুরুত্বপূর্ণ তা হল তার ‘আঞ্চলিকতা’র বিশেষ চরিত্রটি। সেই চরিত্রের প্রধান উপকরণ হল ‘গায়কী’। এক অঞ্চলের বিশিষ্ট লোকশিল্পী অথ অঞ্চলের গান গাইতে গেলেই ধরা পড়ে যান। এই আঞ্চলিক সহজাত গায়কীর সাথে যেন সেই অঞ্চলের একটা প্রাকৃতিক সম্পর্ক রয়েছে—যা শিশুর মাতৃভাষা শেখার মতোই ‘ব্যাকরণহীন’। চারিদিকের কর্ম-জীবন, মাটি, জল, রোদ, বৃষ্টি, পাহাড়পর্বত সামগ্রিকভাবে হল লোকসঙ্গীতজ্ঞের শিক্ষকহীন শিক্ষালয়। মুক্ত আকাশের নিচে সমপ্রাস্তরে গলা টানলে তার যে রূপ, পাহাড় বেয়ে যেতে যেতে গলা টানলে সেটা হবে অন্তরূপ। মুক্তপ্রাস্তরে গলার যে pitch, উচ্চতা, প্রাক্বেপে বসে গাইলে সে pitch থাকবে না। এটা পৃথিবীর সর্বত্র প্রযোজ্য। তাছাড়াও বিশেষ বিশেষ অঞ্চলের স্বরপ্রক্ষেপে এমন এক প্রকারের ‘গলা ভাঙা’, yodelling, গলার খেঁচ, বা ‘লৌকিক অলংকার’ যুক্ত হয় যা কোনো শহুরে ওস্তাদ হাজার রেওয়াজ করেও আয়ত্ত করতে পারে না। এমনকি এক অঞ্চলের লোকসঙ্গীতশিল্পী অথ অঞ্চলের বিশেষ লৌকিক অলংকারটি আয়ত্ত করতে পারেন না। রাগসঙ্গীতে বিভিন্ন কুটতানে রপ্ত ব্যক্তিকে লোকসঙ্গীত শেখাতে গিয়ে দেখেছি, আমাদের কাছে ভাটিয়ালীর যে ভক্তিটি মনে হয় অত্যন্ত সহজ—তা তিনি কিছুতেই তুলতে পারছেন না। অনেক শহুরে-সুকণ্ঠ লোকসঙ্গীতের melodic structure-টা স্বরের কাঠামোটা ঠিকই আয়ত্ত করতে পারেন—কিন্তু তবু আঞ্চলিকতার সেই কণ্ঠস্বীটি আয়ত্ত করতে না পারাতে তাঁদের গানে কাদামাটিহীন পরিচ্ছন্নতায় মাটির গন্ধটি—অর্থাৎ জনজীবন-

ঘনিষ্ঠতাটি হারিয়ে যায়। লতা মুজেশকরের গাওয়া ‘বন্দে পড়িয়া বগা’ গানের রেকর্ডটি এবং আব্বাসউদ্দীনের সেই গানের রেকর্ডটি পর পর বাজিয়ে দেখলেই কথাটা উপলব্ধি করা যাবে।

লোকসঙ্গীত শুকমুখী নয়—গণমুখী। লোকসঙ্গীতের কোনো ‘ঘরানা’ নেই, আছে ‘বাহিরানা’। এই আঞ্চলিকতাকেই আমি ‘বাহিরানা’ বলছি। কোনো অঞ্চলের গান গাইতে গেলে সেই অঞ্চলের জীবনের ঘনিষ্ঠ সান্নিধ্য প্রয়োজন। প্রত্যেক সার্থক লোকসঙ্গীত শিল্পীর গান গাওয়ার সঙ্গে সঙ্গে তার মনে ভেসে ওঠে একটা visual image বা চাক্ষুষ চিত্র। কোনো মার্গসঙ্গীত শিল্পী যখন টোড়ী রাগে আলাপ করেন তখন তাঁর চোখের সামনে ‘উদার বক্ষুস্ত সর্পাকৃতি দুইটি অলকের অধিকারিণী সুরারুচ বনের হরিণবেষ্টিতা বীণাবাদনরতা এক সুন্দরী বিরহিণী ভামিনী’র ছবি ভেসে ওঠে কিনা জানি না, উঠলেও এই বিমূর্ত ছবিটি কেবল গায়কবিশেষের চোখেই থাকে। কিন্তু ভাটিয়ালী বা ভাওয়াইয়া সুরের সত্যিকারের শিল্পী যখন সুরে টান দেন তখন তাঁর মানসক্ষেপে যে জনপদের, যে প্রকৃতি ও প্রাস্তরের ছবি ভেসে ওঠে তা স্পষ্ট এবং তার communication বা ভাবানুবন্ধটিও সর্বজনীন। সেখানে ‘রঙিলা নায়ের মাঝি’, ‘মৈষাল বন্ধু’ বা ‘গাড়িয়াল ভাই’ কথাগুলো না থাকলেও চলে, শুধু সুরের মধ্যে যে association বা অনুবন্ধ তাব অনুভূতি সর্বজনীন। সেখানে যে আতি, তাতে পাই শ্রমজীবী মানুষের একটানা বন্ধনার অভিব্যক্তি। সেখানে মিশে থাকে ঘাম এবং কান্না, আবার জীবনের অসীম আকৃতি ও আশাবাদ।

এসব কিছু সাথে বিশেষ বিশেষ আঞ্চলিক বাগ্‌ভঙ্গি, উচ্চারণভঙ্গি ইত্যাদি মিলেই আঞ্চলিকতা গড়ে উঠেছে—যে বিষয়ে গবেষণাব বিরাট ক্ষেত্র এখনো অর্কাষিত রয়ে গেছে। এখনো দেখা গেছে এক আঞ্চলিকতায় সম্পূর্ণ রপ্ত কোনো কঠিন অথবা আঞ্চলিক গান গাইতে গিয়ে সেই অঞ্চলের বিশেষ খোঁচগুলিই যে দিতে পারছেন না শুধু তা নয়—তিনি তাঁর মৌলিক tonal textureটাই হারিয়ে ফেলেছেন। আমাদের পথিকৃৎ আব্বাসউদ্দীন উত্তরবঙ্গের গান না গেয়ে যখন পূর্ববঙ্গের ভাটিয়ালী গাইতে গেছেন তখন দেখেছি তিনি যে ভাটিয়ালীর বিশেষ ভঙ্গিটাই আনতে পারছেন না শুধু তা নয়, তাঁর tonal qualityও বেমানাম বদলে গেছে। কিন্তু শচীন দেববর্ষণ অনেক সাবধানী শিল্পী, তিনি কোনোদিন ভাওয়াইয়া গাইতে যাননি। তাছাড়া আঞ্চলিকতায় pitch এর প্রয়োগ আছে। আমাদের অধিকাংশ লোকগীতির প্রাণস্ফূর্তি high pitch



বা উচ্চগ্রামে। নিচু গ্রামে তা প্রাণহীন হয়ে পড়ে। শহরে সাধা গলায় সেই সব লোকগীতি গাওয়ার range প্রায়ই থাকে না। অবশ্য সব সময়ই উচ্চগ্রাম লাগবে এমন কোনো কথা নেই, কোনো কোনো সময় মন-আকৃতি ও আঞ্চলিক গায়কীতে নিচু গ্রামেও গান প্রাণবন্ত হয়ে ওঠে।

চলনভঙ্গি। শাস্ত্রকারেরা সঙ্গীতের সংজ্ঞায় অন্তর্ভুক্ত করেছিলেন গীতবাহ্য ও নৃত্য। আজ অগ্ণাত গীতের থেকে নৃত্য একেবারে বিচ্ছিন্ন। কিন্তু লোকসঙ্গীতে গীতবাহ্য ও নৃত্য আজও অটুট ও অভিন্ন। এখানে নৃত্য বলতে আমি ব্যাপক অর্থে ছন্দোবদ্ধ শরীর সঞ্চালন বুঝাচ্ছি। খাঁটি লোকসঙ্গীত গায়ক আড়ষ্ট হয়ে বসে কখনো গান করতে পারেন না। লোকগীতির সঙ্গে movement জড়িয়ে আছে। সমবেত গোষ্ঠীজীবনের প্রেমের ছন্দের সঙ্গে যখন গীতের উৎপত্তি, সেই সময়কার ঐতিহ্য বহন করে আসছে এই movement। আদিবাসীদের মধ্যে গান ও নাচ এখনো অঙ্গান্বিতাবে মিশে আছে। কিন্তু পরবর্তী সমাজে একক গায়কও দেহভঙ্গি না করে গান গাইতে পারেন না। যদি কখনো বসে গান করেন তখন তাঁর দেহ ও মনে কিন্তু নাচেরই ছন্দ। শহরে গায়করা মাইকের সামনে যেভাবে নিশ্চল-নিষ্পন্দ হয়ে গান করেন, তাতে লোকসঙ্গীতের একটা বড় অঙ্গহানি ঘটে, যা তাঁরা বুঝতে পারেন না।

যে আদি প্রমজীবন থেকে ছন্দ ও তালের উৎপত্তি সেই ছন্দ ও তাল বিভিন্ন দেশে বিভিন্ন নৃগোষ্ঠীর মধ্যে এক এক বৈশিষ্ট্য অর্জন করে পরে বহুধা বৈচিত্র্য লাভ করেছে উন্নত সমাজে। আমরা জানি দুই ও তিন মাত্রার টানা পোডেনে কি বিচিত্র তাল ও ছন্দের সম্ভার গড়ে উঠেছে। এবং রাগসঙ্গীতে লয়কারী আজ অনেক সময় সুরের চেয়েও প্রাধান্য লাভ করেছে।

অনেকের ধারণা লোকসঙ্গীত দাদরা, কাহারবা-র কাববার—সেখানে ‘লয়কারিত্ব’ কিছুই নেই। কিন্তু এর মতো ভুল আর নেই। আমরা জানি, পাশ্চাত্যে ২-এর ছন্দে ‘ফল্স-টুই’, ‘পোলকা’, ‘কম্বা’, ‘টেম্পো’ প্রভৃতি এবং ৩-এর ছন্দে ‘ওয়াল্জ’, ‘মাজুকা’ ইত্যাদি কি বিচিত্র ছন্দের লীলা! ঠিক তেমনি আমাদের ঈশাত্মিক ও ত্রিমাত্রিক ছন্দের বিচিত্র খেলা আমাদের লোকসঙ্গীতে দেখতে পাই। ঢাকের ছন্দ বা ঢোলের ছন্দ বোলার তাৎপর্য আছে—যা তবলার বোলবাণীতে ধরা যায় না। দাদরা ও খেমটার তফাত আমরা জানি। তেমনি তিনমাত্রার প্রথম মাত্রাতেই প্রবল ঝোঁক বিশিষ্ট ওয়াল্জের মতো আমাদের লোকসঙ্গীতেরও চলন আছে। প্রায় সাত মাত্রার তেওড়াও আছে, কিন্তু

শাস্ত্রীয় তেওড়ার চলন থেকে একটু ভিন্ন। পৃথিবীর সর্বত্রই প্রায় একটি বৈশিষ্ট্য লোকসঙ্গীতে লক্ষ্য করা যায়—সেটি হলো তার আড়া চলন। ঠিক যেমন কণ্ঠে এক ‘অহ’ সর্বত্র শোনা যায়। কিন্তু এই আড়া চলন—ঠিক কণ্ঠে ‘অহ’র মতো স্বতঃস্ফূর্ত—গায়ক সচেতনভাবে তা করেন না। আমাদের লোকসঙ্গীতেও আড়া চলনটার একটা বিশেষ ভঙ্গিমা আছে। কিন্তু শহরের লোকসঙ্গীত গায়করা সেটা সচেতনভাবে অহুকরণ করতে গিয়ে ব্যর্থ হন। তখন বৈশিষ্ট্যটা হয়ে ওঠে mannerism বা মূঢ়াদোষ। স্বরের ক্ষেত্রে হারমনিয়মটা যেমন লোকসঙ্গীতের বিরোধী, তালের ক্ষেত্রেও তবলাটা লৌকিক ছন্দের বিরোধী বস্তু। একটা ডপ্‌কী বা খঞ্জনিতে যে অপরূপ ছন্দ তোলা যায়, তবলায় তা পাই না। দোতারাটা শুধু যে লোকসঙ্গীতের sentiment সৃষ্টি করে তা নয়, সঙ্গে সঙ্গে সে তাল-ছন্দও রক্ষা করে।

এসব নিয়েই লোকসঙ্গীত ও তার গায়কী গড়ে উঠেছে, কেবল স্বরবিজ্ঞাস করে এর বিচার সম্ভব নয়। এ বিষয়ে আলাউদ্দীন খাঁ-র এক বৈঠকী আলোচনা-আসরে লোকসঙ্গীত শিল্পী হিসেবে জীবনের এক শ্রেষ্ঠ শিক্ষা গ্রহণ করেছিলাম। কথা প্রসঙ্গে তিনি গেয়ে উঠলেন তাঁর ছোটবেলাকার গ্রামে শেখা এক লোকগীতি :

নিরলে কইও দুঃখ বন্ধুয়ার লাগ পাইলে,

আমার বন্ধু রঙ্গী চকী

হাওরে বানাইছে টকী—

তবু পরান না জুড়ায় বাতাসে ॥ গো নিরলে...

পরিণত বয়সে তাঁর কণ্ঠে খাঁটি স্বরে গ্রাম্য গায়কী শুনে সেদিন স্তম্ভিত হয়েছিলাম। সর্বভারতীয় সঙ্গীতগুরু ভাটিয়ালীর আদি কাদাঙ্গুলীর রূপটি কি হৃদয়ের ধরে রেখেছেন কণ্ঠে। তিনি বলেছিলেন : ‘গায়কীটাই আসল কথা।’ বলেই সেই গানটির প্রথম লাইনটা সেই একই পদ্যের রাগসঙ্গীতের গায়কীতে একবার গেয়ে বললেন : ‘এখন আর ইটা লোকসঙ্গীত রইলো না।’

লোকসঙ্গীতের আরো কিছু সমস্যা আছে। পাস্তাত্ত্য সঙ্গীতের একটি Encyclopaedia The World Of Music-এ লোকসঙ্গীত সম্বন্ধে লিখতে গিয়ে লেখা হয়েছে : ‘Folk songs are always in the major and never in minor mode and are usually constructed on the diatonic scale’। কিন্তু আমাদের দেশের লোকসঙ্গীতের অভিজ্ঞতা স্বতন্ত্র।

উপরের সামান্য দু-একটি দৃষ্টান্তের মধ্যেই আমরা দেখেছি minor modeও আমাদের লোকসঙ্গীতে আছে।

আর একটা কথা, আমাদের দেশের লোকসঙ্গীতের melodic character বা একস্বরবাহী স্বরের চরিত্রটিতে অনেকে choir system-এ গাইতে শুরু করেছেন। সমষ্টি লোকগীতও আছে, কিন্তু সেটা এক সাথে এক পর্দায় থাকে বলে unison তাতে গাওয়া হয়। কোনো chord-এর আভাসও তাতে নেই। আমাদের লোকসঙ্গীতের মূল আবেদন একস্বরবিজ্ঞাসে। ভাওয়াইয়া ও ভাটিয়ালী যদি unison-এ কোরাসও গাওয়া হয় তবে তার প্রাণভোমরাটি মরে যায়। যে কারণে হারমনিয়মটা লোকসঙ্গীতের বিরুদ্ধবাদী যন্ত্র। কারণ হারমনিয়মের স্বাভাবিক প্রকৃতিই হল chord-এর দিকে এবং শ্রুতির কাজকে চেপে দেবার দিকে। যন্ত্রটির নামেই ‘হারমনি’।

এ যুগের সঙ্গীতশাস্ত্রী ও লোকসঙ্গীত

এই সংক্ষিপ্ত ও অসম্পূর্ণ আলোচনার উপসংহারে আজকের সঙ্গীতশাস্ত্রীদের কাছে এক বিনীত আবেদন রাখতে চাই। আজ অপসংস্কৃতির সর্বাঙ্গীণ আক্রমণে, সরকার ও একচেটিয়া-করতলগত গণমাধ্যমের দৌলতে বাংলা লোকসঙ্গীতের বিকৃতি এক ভয়ঙ্কর রূপ ধারণ করেছে। সরকারী পৃষ্ঠপোষকতায় ও ব্যবসায়ী আর্থিক আশুক্যে এমন এক commercial brand-যুক্ত manufactured folk-music-এর ‘কক্টেল’ এই মহানগরী কলকাতার রাসের ভি়ানে নিত্য উৎপাদন হচ্ছে যাতে এতটুকু বাংলার মাটির স্বাদ নেই। আগেই বলেছি একদিন তিস্তা নদী বা তিতাস নদীর জলকে কলকাতায় বয়ে আনতে কী সংগ্রাম করতে হয়েছিল! কিন্তু আজ বিচ্ছিন্ন বিকৃত ভদ্রশ্রেণী সেই জলের স্বর থেকে সুরা তৈরি করে সমস্ত বাংলা ভাসিয়ে দিচ্ছেন। অথচ আমাদের সঙ্গীত-শাস্ত্রীদের কাছ থেকে কোনো বিশেষ প্রতিবাদ শুনতে পাচ্ছি না। বিকৃতি সর্বত্র। কিন্তু দরবারী সঙ্গীতের প্রহরীরা জাগ্রত। সেখানে বিকৃতি ঘটানো সহজ কাজ নয়; বিদেশে গিয়ে রায়মর অর্জন করলেও তা সম্ভব নয়। রবীন্দ্র-সঙ্গীতের প্রহরীরাও চিরজাগ্রত—পান থেকে চুন খসলেই তাঁরা শোরগোল করে ওঠেন। কিন্তু পিতৃমাতৃহীন অনাথ লোকসঙ্গীতের জন্ত কঁাদবার কেউ নেই। বতই আত্মীয় পরিপোষণ হোক না কেন আকাশবাণীতে প্রতিদিন রাগসঙ্গীত বা রবীন্দ্রসঙ্গীতের যে প্রোগ্রাম হয় তাতে তার ঐতিহ্য মোটামুটি

অল্প থাকে, কিন্তু লোকসঙ্গীত নামে যা হয় তার এবং ধারা গেয়ে থাকেন তাঁদের শতকরা ৯০ জনকে লোকশিল্পী আখ্যাই দেওয়া চলে না। অথচ ধারা এ বিষয়ে সবচেয়ে বলবার অধিকারী সেই সঙ্গীতবিদ্যা নীরব। এখনো তাঁরা জনতা থেকে দূরে দরবারী পরিবেশেই থাকতে চান। কিছুদিন আগে শ্রীরাজ্যেশ্বর মিত্র ‘বৈতারিক লোকগীতি’ বলে এই বিকৃতির প্রতিবাদ করে সত্যিকার লোকগীতির অমুরাগীদের ধন্যবাদভাজন হয়েছেন। কিন্তু সেখানে তিনি বৈতারিকর্তাদের বেকসুর খালাস দিয়েছেন এবং বিকৃতির মূল কারণটি অমূল্য নষ্ট না করে কেবল ব্যক্তিগত শিল্পীদের দোষ দিয়েছেন। অথচ আকাশবাণী হয়ে উঠেছে ভেজাল লোকসঙ্গীতের নিয়মিত পরিবেশক।

ধারা রাগসঙ্গীতের বিশেষজ্ঞ তাঁদের প্রতি শ্রদ্ধা বেখেই একটা কথা নিবেদন করতে চাই। লোকসঙ্গীত সম্বন্ধে তাঁদের অবজ্ঞা না হলেও অজ্ঞতা। এই বিকৃতিতে অনেকখানি সাহায্য করেছে। অনেক সময় দেখেছি রাগ-সঙ্গীতের ওস্তাদ, ধারা রাগরাগিণী অটব্য-বনানীর মধ্যে শুধু পাতা দেখেই নিভুলভাবে গাছের নামটি বলে দিচ্ছেন, তাঁরাই বাংলার প্রান্তরেব দুটি ভাল মেলা চিরসবুজ গাছ ভাওয়াইয়া ও ভাটিয়ালীর পার্থক্যটা বুঝতে পারছেন না। তার মানে দেশকে বুঝতে না পাবা। রবীন্দ্রসঙ্গীতজ্ঞদের কথা বলবো না, তাঁদের অধিকাংশের অজ্ঞতার সঙ্গে মিশেছে উন্নাসিকতা। কারণ এঁদের কাছে রবীন্দ্রসঙ্গীত হলো বিদগ্ধ সমাজের status symbol! একজন বিশিষ্ট রবীন্দ্রসঙ্গীত-শিল্পীকে বলেছিলাম—জানেন তো গুরুদেবের গুরু ছিলেন, তাঁর নাম লালন ফকির। রবীন্দ্রনাথের বাউল গান তো আপনারা করেন, একটি লালনের গান শোনান না! কিন্তু লালনের একটি গানও না জানাতে তিনি লজ্জা বোধও করলেন না একটু। অবশ্য সবচেয়ে অপরাধী লোক-সঙ্গীত গাইয়েরা নিজে। একদল, শহরে যাদের জন্মকর্গ, এঁরা জানেনই না কি তাঁরা গাইছেন। অল্পদল জানপাপী।

বাহোক, সঙ্গীতশাস্ত্রীদের কাছেই আমাদের মূল আবেদন। শ্রীআন্তোব ভট্টাচার্য-প্রণীত ‘বাংলার লোকসাহিত্য’ প্রথম খণ্ডের পরিশিষ্টে সঙ্গীতাচার্য স্বরেশ চক্রবর্তী লিখেছেন : ‘কঠিন রাগসঙ্গীতকে হজম করে স্বীয় বৈশিষ্ট্যকে জাগিয়ে রাখতে বাঙালার শিল্পীমনের এই সবল পরিচয় পাওয়া যাচ্ছে, এবং যখন দেখি কীর্তনের পেছনেই শক্তিরূপে রয়েছে লোকসঙ্গীতের ধারা, তখন সাধারণ শিক্ষিত লোক হিসেবে এর বিচার না করে ও উচ্চাঙ্গ সঙ্গীতের কলাবদ্ধ

হিসেবে একে অবহেলার চোখে দেখে আমরা জাতিগত অপরাধ করেছি। সেই অপরাধ কালনের কিছুটা চেষ্টা মাত্র এখানে করা হচ্ছে। বলা বাহুল্য, এ কাল একদিনের নয় বা একজনের নয় ...।’

গত শতাব্দীতে সঙ্গীতাচার্য কৃষ্ণধন বন্দ্যোপাধ্যায় কর্তব্যটি উচ্চাঙ্গ সঙ্গীত-সেবীদের সামনে তুলে ধরেছিলেন। এই শতকের অর্ধাংশ পার হয়ে যাবার পর আর একজন সঙ্গীতাচার্য সে কর্তব্য পালন না করাতে অপরাধ স্বীকার করে গেলেন। আমি তাঁদের কথা অনুসরণ করেই আবেদন জানাচ্ছি। আজও মার্গ-সঙ্গীত শিক্ষার ক্ষেত্রে লোকসঙ্গীতের অবহেলা সর্বত্র। কলকাতা ভাতখণ্ড কলেজের পাঠ্যসূচির পুস্তক ‘সঙ্গীতদর্শিকা’য় মাত্র কয়েকটি পৃষ্ঠায় ‘বাংলাদেশের লোকসঙ্গীত’ সম্বন্ধে যা লেখা হয়েছে তা পড়লেই বুঝতে পারা যাবে এই অবহেলার পরিমাণ। সঙ্গীত-বিশারদ উপাধিপ্রার্থী ছাত্রদের পরীক্ষা পাশের তাগিদে ‘অন্ত্যজ্ঞ’ লোকসঙ্গীতের যে make-easy notes তাতে সন্নিবেশ করা হয়েছে তাতে সঙ্গীত আলোচনা কিছুই নেই। যৎসামান্য সামাজিক-ঐতিহাসিক আলোচনা যা আছে তা রীতিমতো হাস্তকর। পড়লে মনে হয় একদা পঞ্চদশ শতাব্দীর কোনো এক সুপ্রভাতে ‘বাংলা, আসামে ও মিথিলায়’ একদল মাঝির কণ্ঠে হঠাৎ ভাটিয়ালী সুরের উৎপত্তি ঘটেছিল। সমগ্র সঙ্গীতিক structure বা কাঠামোতে লোকসঙ্গীতের কি দান, সে বিষয়ে কোনো বক্তব্য নেই। এই ব্যুৎপত্তি নিয়ে ধারা সঙ্গীতবিশারদ হবেন তাঁদের কাছে আর কি আশা করা যায়! এই পুস্তকের ভূমিকা লিখেছেন পণ্ডিত রতনজংকর। ‘অথচ লৌকিক ও রাগ-সঙ্গীতের উৎসের সন্ধান করে পণ্ডিত রতনজংকর বলেছেন : ‘লোকসঙ্গীতের সূত্র অনুসন্ধান ব্যতীত কোন দেশেরই সঙ্গীতশিক্ষা সম্পূর্ণ হয় না।’ (‘লৌকিক ও লোকসঙ্গীতের উৎস সন্ধান’—ডঃ শ্রীকৃষ্ণ নারায়ণ রতনজংকর। অনুবাদ : কৃষ্ণা বসু)।

সঙ্গীত সমালোচক ও গবেষক ও সঙ্গীতশাস্ত্রীদের কাছে আবেদন, তাঁরা ‘ছোটলোক’দের মধ্যে নেমে এসে তাঁদের ভাঙাঘরের দাঁওদাওয়া বসে, তাঁদের শিল্পীদের জীবন ও সুরসৃষ্টির প্রকৃতি ও পদ্ধতিটা জানবার চেষ্টা করুন। অস্ত্রের সংগৃহীত উপাদান শহরের সঙ্গীতিক ল্যাবরেটরিতে বিশ্লেষণ করে লোক-সঙ্গীতের কোনো ইন্ডিস পাওয়া যায় না। আজকাল টেপ্‌রেকর্ডার তাঁদের কাজকে অনেকটা সহজ করে দিয়েছে। আন্তর্জাতিক ক্ষেত্রে এবিষয়ে যে বৈজ্ঞানিক বিশ্লেষণ হচ্ছে তার সঙ্গে বোঁগাধোঁগ রাখলেও তাঁরা উপকৃত হবেন।

আমাদের national music বা জাতীয় সঙ্গীতের গোড়াকার কথা folk music বা লোকসঙ্গীত। সেই লোকসঙ্গীতের চরিত্র-নিধন মানে জাতীয় সঙ্গীতের চরিত্রের নিধন। আর তা চলছে অত্যন্ত সংগঠিতভাবে। এটা সামগ্রিকভাবে সঙ্গীতেরই সংকট। আমার এই অসম্পূর্ণ আলোচনায় এই সংকটের স্বরূপ তুলে ধরা সম্ভব হয়নি। আমি শুধু বলতে চেয়েছি, এই সংকটে সঙ্গীত-শাস্ত্রীদের একটা ঐতিহাসিক দায়িত্ব আছে। তাঁদের কাছ থেকে খিওরেটিক্যাল বা তত্ত্বগত হাতিয়ার গেলে এই বিকৃতির বিরুদ্ধে আমরা সংগ্রামে আরো দ্রুত এগিয়ে যেতে পারব। আজ বাংলাদেশের বহু সঙ্গীতপিপাসু সমজদার সামগ্রিক সঙ্গীতের বিকৃতির বিরুদ্ধে সচেতন হয়ে উঠেছেন। কিন্তু সেই পরিমাণে তাঁরা সোচ্চার হতে পারছেন না। বলতে সাহস হয় না, তবু বলতে হয় সঙ্গীত-শাস্ত্রীদের যেতে হবে জনতার দরবারে। রাগসঙ্গীতেরও বিকাশ ও ব্যাপ্তির স্বল আজ সেটাই। তাই তাঁদের স্মরণ করিয়ে দিতে চাই, সঙ্গীতের মহাসিদ্ধিতে পাল খাটালেও কবির ভাষায় ঘর থেকে ছু' পা ফেলে বাইরে এসে তাঁদের আজও দেখা হয়নি—‘একটি ধানের শীষের উপরে একটি শিশির বিন্দু’।

## গণনাট্য আন্দোলন ও লোকসংগীত

আমেরিকার বিশিষ্ট সংগীত সমালোচক ব্রুনো নেটেল (Bruno Nettle) তাঁর 'ফোক অ্যান্ড ইন্ডাস্ট্রিয়াল মিউজিক অব দি ওয়েস্টার্ন কন্টিনেন্টস' বইতে লোকসংগীতের অশব্যবহারের দৃষ্টান্ত দিতে গিয়ে হিটলার-জার্মানি এবং স্টালিন-রাশিয়াকে একই নিঃশ্বাসে উচ্চারণ করেছেন। তিনি অবশ্য কোনো গানের উদ্ধৃতি দেননি। তবু তিনি যে লোকসংগীতের প্রবাহের দুটি ধারাকে গুলিয়ে ফেলেছেন, সেটা তাঁর লেখা থেকেই স্পষ্ট। একটি ধারা গণস্বার্থবিরোধী শাসকশক্তির ভাবধারায় প্রবাহিত, অন্যটি গণচেতনায় অর্থাৎ শ্রেণীচেতনায় উদ্ভূত গণমানসের সহজাত ধারা।

শোষকশ্রেণীর উগ্রজাত্যভিমান জাতিবিদ্বেষ এবং ধর্মীয় সাম্প্রদায়িকতা সাধারণ মানুষের জীবনকে, তাদের চিন্তাধারাকে বারে বারে দূষিত করেছে। তাদের লোকগীতিতেও তার বহু চিহ্ন পাওয়া যায়। অর্থাৎ লোকসংগীতের জীবনবিমুখী লোকায়ত ধারার পাশাপাশি একটি প্রচ্ছন্ন, কোনো কোনো সময় স্পষ্ট দূষিত জীবনবিমুখী ধারাও আছে। তাই লোকসংস্কৃতির অগ্রগতির ধারাটা শুধু গ্রহণের নয়, বর্জনেরও। এবিষয়ে লেনিনের বিখ্যাত উক্তি (‘There are two nations in every modern nation... There are two national cultures in every national culture’) দৃষ্টিকোণ থেকেই বিচার করতে হবে।

অক্টোবর বিপ্লবের আরোরার গোলাবর্ষণে রাশিয়ায় বিশেষত সোভিয়েত মধ্য এলিয়ায় অন্ধকার দেশগুলিতে প্রাচীন সামন্তীয় যোদ্ধাতন্ত্রের অচলায়তনের প্রাচীরগুলি ঝন ঝনে পড়ল—অজস্র লোকসংগীতে তা ধ্বনিত হয়ে উঠল, যার মধ্যে বিপ্লব ও লেনিন এক হয়ে গেল। পরলোকগত স্মরণীয় সাংবাদিক সত্যেন মজুমদার সম্পাদিত সাপ্তাহিক ‘অরবি’তে (১৯৪২, সোভিয়েট সংখ্যা) ‘লোকসংগীতে লেনিন’ নামে একটি প্রবন্ধে সোভিয়েট প্রাচ্যের কিছু দেশের লোকসংগীতের অমুবাদ প্রকাশ করা হয়েছিল। তাজিকিস্তানের তাজিকরা গান রচনা করেছেন—

শুধু ফুল আর হারেমের স্ননয়না

চাইনাকো চাই না।

তার চেয়ে মুক্তির গান কেন গাই না,  
সবচেয়ে স্বমধুর লেনিনের গান।

উজ্জবেকদের গান আছে—

লেনিনের গান ভাই লেনিনের গান  
সে গান তো গান নয়, আমাদেরি প্রাণ।  
আমরা স্বাধীন ভাই, আমরা নবীন  
ছুনিয়াতে এলো বুঝি মুক্তির দিন।  
মুক্তির গান আর মৈত্রীর গান  
সবচেয়ে স্বমধুর লেনিনের গান।

কিংবা—

যেঘে ঢাকা আকাশ থেকে লেনিন নেমে আসেনি  
পাতালপুরীর আড়াল থেকে লেনিন ভেসে ওঠেনি  
এই দেশেতেই জন্ম যার  
শক্তি যার দুর্নিবার  
শত্রু বাকে দেখলে জড়সড়, সেই তো লেনিন  
সবার প্রিয় সবার চেয়ে বড়।

একটি আর্মেনিয়ান লোকসংগীতে আছে—

ধনিক যারা ছিনিয়ে নিয়ে তাদের রত্নতুমি  
নিঃস্বদেরই শূন্তপাত্র ভরে দিলে তুমি।  
বসন যাদের ছিল নাকো ছিল পশুর মতো  
বেশ দিয়েছ তাদের তুমি চাষীমজুর বত।  
মান দিয়েছ তাদের তুমি, অজ্ঞানেরে জ্ঞান,  
তোমার মস্ত্রে তাদের দীক্ষা জীবনেরে সম্মান।

এমনিভাবে লেনিন হলেন নতুন যুগের লৌকিক ব্যালাডের মহানায়ক।  
লেনিনের পথে অবিচলিত থেকে যিনি প্রথম সমাজতন্ত্র গড়ে তুলেছিলেন—  
পৃথিবী আগ্রাসী দুর্ধ্ব ক্যাপিষ্ট বাহিনীকে পরাজিত করে পৃথিবীর মুক্তিকামী  
মাহুষকে রক্ষা করেছিল যে লালকোজ তার সর্বাধিনায়ক স্টালিন যে রাশিয়ার  
তথা পৃথিবীর শ্রমজীবী গণমনে ব্যালাড, গীতি-গাথা বা কাহিনীকাব্যের  
নায়কের মতো তাদের গানে চিত্রিত হবেন সেটাই স্বাভাবিক। অক্টোবর  
বিপ্লবের অনেকে মনে করতেন এই বৈপ্লবিক বাস্তবতার যুগে রূপকথা বা



উপকথা ইত্যাদির আর বিকাশ ঘটতে পারে না, তাদের বিরুদ্ধ মত পোষণ করতেন নতুন বিষয়বস্তুতে উপকথা-রচয়িতা বিখ্যাত কবি ডেমিয়ান বেড্‌নি (Demyan Bedny)। তিনি সেদিন কবিতায় তাঁর মত প্রকাশ করেছিলেন :

Now, how can fables ever die ?

To folklore they are nearest kinsmen

And that's exactly what I thought

in nineteen twelve, for then I sought

the shortest road to reach the masses.

In fables then I taught them

how to hate the hostile classes.

ঘটনা যখন যুগান্তরী, লোককবির হাতে ঘটনা ও রটনা মিলে তা হয় কাহিনী, বাস্তব সত্যের সঙ্গে কল্পনা মিশে হয় কিংবদন্তী। স্টালিনও তেমনি হন লোককাব্যের মহানায়ক।

বিয়েলোরাশিয়ার একটি লোকসংগীত :

সারা দুনিয়ার 'পরে

কোন্ সে স্বর্ষ অলে

দিনরাত অফুরান তেজে ?

স্বপ্ন দেয়, আলো দেয়,

ভালোবাসা জেলে দেয় ?

মোদের স্তালিন প্রিয় সে যে । ..

উজ্জবেকস্তানের আমুদরিয়া অঞ্চলের একটি ঘুঘুপাড়ানি গান :

শান্তি বিছায় ছায়ার ঝালর, রাস্তির নিঃস্বয়,

খোকার চোখে স্বপ্ন নামে, মায়ের চোখে ঘুম।

স্তালিন দৃষ্টি মেলে আছে সবখানে সব ঠাই

তোমার আমার সবার 'পরে। ছুঁই খোকা তাই

সারাদিনের খেলার শেষে স্বপ্নে নিজা যায়।

( ভূপেন পালিত সম্পাদিত 'কালের রাখাল' কাব্যসংকলন থেকে )

ভারতের গণনাট্য আন্দোলনের অগ্রতম শ্রেষ্ঠ গীতিকার বোম্বের হরিজন শ্রমিক আন্নাদাও শার্ঠের গীতি-গাথা 'স্টালিনগ্রাদ পোন্নাদা' একটি এপিক-ধর্মী

ব্যালাভ। সেখানে তিনি স্টালিনগ্রাদের যুদ্ধের বর্ণনায় স্টালিনকে হুক্কেত্র যুদ্ধের বীর পার্শ্বসারথির মতো বর্ণনা করেছেন। এটাই লোককবির ধর্ম, বিচ্ছিন্ন বুদ্ধিজীবীরা যা ই ভাবুন না কেন।

তেমনি চীনের লোকসংগীতের প্রাচীন ভাণ্ডারে দেখি নতুন সংযোজন। ছয় হাজার মাইল লংমার্চের রক্তাক্ত পদক্ষেপে শত শতাব্দীর দাসত্বমুক্ত সেন্সি প্রদেশের নিরঙ্কর ভূমিদাসের কণ্ঠ থেকে সেই অঞ্চলের লৌকিক সুর ও ভাষায় প্রথম বের হয়ে এসেছিল :

তুংফাং হোং, থাইয়াং শ্বেং

পূর্বদিক লাল, সূর্যের আভাষ ..

সেই সূর্যের নাম মাও সৈ তুং ..

নবজাগ্রত চীনের কোটি কোটি মুক্ত মানুষের কাছে মাও সৈ তুং তাদের লোককাব্যে ও গীতিকায় এমনি এক প্রাচীন মহাকাব্যের নায়কের মতো। শুধু চীনের কেন, আমাদের গণনাট্য আন্দোলনের অন্ততম শ্রেষ্ঠ লোক কবি ও গীতিকার মহারাষ্ট্রের আন্নাতাও শার্ঠের দীর্ঘ ‘নানকিং পোয়াডা’য় পাই তার প্রতিধ্বনি। ১২৪৭ সন। নানকিং-এর ঘারে মুক্তিসেনা এসে পৌছেছে। সেই সংবাদে বোধের শ্রমিক কবি আন্নাতাও-এর কণ্ঠ মুখর হয়ে উঠল—

চীনী জনাংচী মুক্তি সেনা মুক্তিসংগর আজ লড়ে

নানকিং নগরাপুরে, নানকিং নগরাপুরে ॥

জ্যানিং খেত্লে অনেক জন্মা ক্রুৎ ভুকেচ্যা অয়ীত .

ক্ষণা সারথি যুগে যোজিলী নির্বল বৈবুনি বংখাত ।...

দুভঙ্গলী তী নদী ইয়াংসী মার্গ যোক্রা করাওইয়া ।

পর্বত বুকবী মান আপুলী বরুণ ভবারী তী জায়া ।...

যুগযুগাচে জুনাঠ যৌডে আজ লাগলে হুদ্বায়া ।

হিমানয়ানে দৃষ্টি রাখিলী মাও চ্যা বিজয়া কড়ে ॥

নানকিং নগরাপুরে ॥

‘চীনের মুক্তিসেনা নানকিং নগরঘারে হানা দিয়েছে। যাবা জন্মেছে ক্ষুধায়, মবেছে ক্ষুধায়; যারা শীতের বড় হৃভিক্ষ প্রাপন যুগে যুগে ভাগ্যের লিখন বলেই চোখ বন্ধ করে মেনে দিয়েছে,—যাদের কাছে প্রতি মুহূর্ত ছিল শতাব্দীর মতো, আজ তারা হানা দিয়েছে নানকিং নগরের ঘারে ॥ ..

‘মুক্তিবাহিনীর পথ করে দিতে ইয়াংসী নিজেকে ভাগে ভাগে বিভক্ত করে

দিয়েছে—উজ্জ্বল পর্বত মাথা নত করে দিয়েছে ; হিমালয় তাকিয়ে আছে মাও বাহিনীর বিজয় অভিযানের দিকে। নতুন এশিয়ার মুক্তির দ্বার উন্মুক্ত করেছে মুক্তিবাহিনী...’

রচনার গাঙ্গীর্ষে, ভাবসম্পদে, কাব্যগুণে ও পোয়াডা হ্রের উদাত্ত পুকারে পরলোকগত আরাভাও শার্ঠের এই গীতি-গাথাটি গণনাট্য সংগীতভাণ্ডারে অমর হয়ে আছে। মহারাষ্ট্রের লোকসংগীতের ধারাটিতে ‘স্টালিনগ্রাদ পোয়াডা’ ও ‘নানকিং পোয়াডা’ যে যুগান্তকারী সংযোজন, লোকসংগীতের কিছু পণ্ডিত গবেষক তা না মানলেও জনতা তা মেনে নিয়েছে।

কিছুদিন আগে ভিয়েতনামের কিছু লোকসংগীতের ইংরাজি অনুবাদ দেখে-ছিলাম। সেখানেও হো চি মিন হয়েছেন লোককাব্যের মহানায়ক। ক্রনো নেটল হয়তো এখানেও দেখবেন লোকসংগীতের অপব্যবহার।

কিন্তু আমাদের দেশেও তাঁর অনুগামী অনেক আছেন। আকাশবাণী কর্তৃপক্ষের নির্দেশে কিংবা কায়েমীস্বার্থকে খুশি করার জন্ত যখন ১৫ আগস্টে কেউ ‘তেরঙা নিশানে পাল উড়াইয়া দে—কিষণ ভাই রে’ বলে ‘প্রাচীন গল্পীগীতি’ উপস্থিত করেন, তখন তাতে ধারা কোনো আপত্তি তোলেন না—তাঁরাই নাক কুঁচকাবেন যখন দার্জিলিং জেলার সংগ্রামী ওরাও কৃষকের মুখ থেকে স্বতঃস্ফূর্ত বেরিয়ে আসে :

সব্ সব্ সব্ সব্ হাউয়া আয়ী  
লাল বাণ্ডা উড়ী ফরফরকী  
লড়াই কি ময়দান...

আজ চলো কিষণ চলো মজুর  
নিকানিলা যব কিরে লড়াইকি ময়দান ॥

কিংবা বিহারের দেহাতী ভাষা ও হ্রের যখন কলকাতার ট্রাম-মজুর গেঙ্গে ওঠেন :

লাল বাণ্ডা তুবাসে কহতা হ্যায় পুকার ভৈয়া মজুরো...

গণ আন্দোলন ও লোকসংগীত

এটা কেবল আজকেরই কথা নয়। অতীতেও গণমানসে যখন কোনো আন্দোলন ঢেউ তুলেছে সে-আন্দোলন সামাজিক বা ধর্মীয় বাই হোক, তখন তা অসংখ্য লোকসংগীতে রূপ পেয়েছে। যেমন বিভাগাগরের বিধবা বিবাহ

আন্দোলনে। সেসময়ে তাঁর পক্ষে ও বিপক্ষে অনেক গান রচিত হয়েছিল। কিংবা বাউল আন্দোলনে যেমন গানের প্রবাহ সৃষ্টি হয়েছিল। কিন্তু সেই গানের প্রবাহের পলিমাটিটুকুই সমষ্টি-স্বীকৃতির ইঁকনিতে দেশের মাটির সঙ্গে মিশে যায়, অল্পসব অতিরিক্ত অব্যাহিত বস্তু ভেসে চলে যায়। সমাজপ্রগতির বিরোধী কোনো ধারা বেশিদিন স্থায়ী হয় না। তাছাড়া রচনাগুণে ও সুরে অসার্থক হলে সমষ্টি-স্বীকৃতিতে তা স্থায়ী হয় না। এক আন্দোলনে যে গান জনগণ সৃষ্ট করে, আর এক আন্দোলনে সেই গাম্ভীর্য প্রত্যাখ্যাত হতে পারে। এই প্রক্রিয়াটির সঙ্গে জটিল ভাবে জড়িয়ে আছে সমাজের শ্রেণী সংঘাতের প্রক্রিয়াটি। পূর্ববর্তী এক প্রবন্ধে বৌদ্ধসহজিয়াদের লোকায়ত জীবনদর্শনের সঙ্গে উচ্চবর্ণের হিন্দুদর্শনের অধ্যাত্মবাদের সংঘাতের রূপ দেখাতে চেষ্টা করেছি। পরবর্তী সময়ে বিজয়ী হিন্দুদর্শনের প্রভাবে সহজিয়ারা কিভাবে বৈষ্ণব বাউলে পরিণত হল তা-ও আলোচনা করেছি। রাজনৈতিক আন্দোলনের প্রভাবও সেভাবে জনসাধারণের মধ্যে সংঘাতময় সৃষ্টিপ্রেরণা দিয়েছে। গান্ধী-আন্দোলনে প্রভাবিত হয়ে লেখা হয়েছে—

চরকা আমার সোয়ামী পুত  
চরকা আমার নাতি  
চরকার দৌলতে আমার  
হুয়ারে বান্ধা হাতি।

কিংবা :

অন্নগান্ধী বল ভাই  
আর কোনো ছুংখ নাই  
দেশের ছুংখ হবে অবসান,  
হয়ে সবে একমন  
কর ননকোপারেশন  
দেশের বত হিন্দুমুসলমান ॥

কিন্তু তারই পাশাপাশি দেখছি অনেক বেশি দূরত্ব দিয়ে রচিত, অনেক বেশি স্থায়ী হয়ে লোকমানসে প্রতিষ্ঠিত সত্যিকারের লৌকিক গীতিকাযোয় নায়ক, স্তুতিদায়ক। গান্ধী যার বিরুদ্ধতা করেছিলেন, গান্ধীপন্থার যে মূর্ত্যপ্রতিবাদ, সেই বীর তপস্বী পাণ্ডাবের অসংখ্য লোকসংগীতে অবর হয়ে আছেন আজও।

আবার দেখি চম্পারান সভ্যাগ্রহে যে গান্ধী-দর্শন বিহারী কৃষকদের মধ্যে তাদের বহু গানে ব্যক্ত হয়েছিল সেই বিহারে লাল ঝাণ্ডার নেতৃত্বে সংঘবদ্ধ কৃষক আন্দোলন যখন ‘লাঙল ঝার মাটি তার’ এই দাবিতে গান্ধীর শ্রেণী সমন্বয়কে প্রত্যাখ্যান করল, তখন তাদের প্রিয়তম গান হয়ে উঠল খাঁটি দেহাতী স্বর ও রচনার কিন্তু নতুন জীবনদর্শনে উদ্দীপ্ত :

কেকরা, কেকরা নাম বাতাউ, ইন্ জগ্‌মে বড়া লুটেরোয়াহো

সাম্যবাদ বিন্ কাম ন চলিহে শুনো কিষণ মজ্জরোয়া হো ।

মালিক ঔর মহাজন লুটে ঔর লুটে ঘুম খোরোয়া হো ;

মিলওয়ারা লুটে জমিদার লুটে মর গয়া কিষণ মজ্জরোয়া হো ।

পাণ্ডা লুটে ঔর পুরোহিত লুটে, সাধু লুটে ঔর চোরোয়া হো ।...ইত্যাদি ।

অনেক লোকসংগীত-বিশেষজ্ঞ লোকজীবনের এই সংঘাতটা দেখতে চান না। তাঁরা ‘ছায়াছনিবিড়, শাস্তির নীড় ছোট ছোট গ্রামগুলি’ ভাবতেই অভ্যস্ত। সেখানে শাসন, শোষণ, অত্যাচার, বিক্ষোভ, প্রতিরোধ এসব ভাবতে তাঁরা অভ্যস্ত নন—কিংবা এই সত্যকে চোখ বুজে অস্বীকার করতেই তাঁরা অভ্যস্ত এবং অন্ধকেও অভ্যস্ত করাতে সচেষ্ট। তাঁদের মত হল : ‘আমি যে জনতার কথা বলিয়াছি, তাহা বিদ্রুক কিংবা বিশৃঙ্খল জনতা নহে ; বিদ্রুক কিংবা বিশৃঙ্খল জনতা প্রত্যক্ষভাবে কিছু সৃষ্টি করিতে পারে না, বরং ভবিষ্যতে নৃতন করিয়া সৃষ্টি করিবার আশায় প্রত্যক্ষ বস্তুকে বিনাশ বা ধ্বংস করে। স্বতরাং ইহার নিকট প্রত্যক্ষভাবে কোন কিছু সৃষ্টি করার প্রত্যাশাও করা যায় না। যে জনতার মধ্য হইতে লোকসাহিত্য সৃষ্টি এবং বিকাশ লাভ করে, তাহাকে শাস্ত জনতা বলা যায়, ইংরেজিতে ইহাকে Common interest crowd বলা হইয়াছে, তবে জনতা মাত্রেরই একটি অভিন্ন লক্ষ্য থাকে, তথাপি এই লক্ষ্যের দুইটি দিক—একটি স্বজনশীল আর একটি ধ্বংসশীল। জনতার স্বজনশীল লক্ষ্য হইতেই সাহিত্য সৃষ্টি সম্ভব, ধ্বংসশীল লক্ষ্য হইতে নহে। ষড়ক্ষণ পর্যন্ত জনতা তদগতচিত্ত হইয়া লোকসাহিত্যের এই বিষয়বস্তু অহুসরণ করে, ততক্ষণ পর্যন্ত তাহার শাস্ত এবং স্থির প্রকৃতি অব্যাহত থাকে।...’ (আশুতোষ ভট্টাচার্য—‘মানবমন’, অক্টোবর ১৯৩৬)।

আশুতোষ ভট্টাচার্য মশাই জনতা ‘বিদ্রুক’ হওয়া ও ‘বিশৃঙ্খল’ হওয়া একই ব্যাপার বলে ভাবেন। অন্ত্যায় অবিচারের বিরুদ্ধে বিদ্রুক জনতাই সৃষ্টিশীল। বিদ্রুক না হলে কোনো কবির দুঃখবোধ জাগতে পারে না এবং সমষ্টি-চেতনায়

তার স্পন্দন তুলতে পারে না—নতুন সমাজ গড়ার প্রেরণা আসতে পারে না। সামন্ত সমাজের অত্যাচার, অবিচারের বিরুদ্ধে বিক্ষোভে যে প্রতিবাদ পরোক্ষভাবে রূপকে, প্রতীকে, কিংবা প্রত্যক্ষভাবে ধ্বনিত হয়েছে সেটাই আমাদের লোক-কাব্যের শ্রেষ্ঠ ধারা। গণনাট্য আন্দোলনের গান বিক্ষোভেরই গান। বিক্ষুব্ধ জনতার সামূহিক সৃষ্টি তা; কোনো ব্যক্তিবিশেষের খেয়াল নয়।

জনতার মধ্যে বিশৃঙ্খলা আনে শাসক ও শোষক শ্রেণী, যখন সাম্প্রদায়িক দ্বন্দ্ব বা ভাষা দ্বন্দ্ব বাধে। সেই অনৈক্য সৃষ্টিশীল হতে পারে না। কিন্তু শুধু তা নয়, আজকের গণআন্দোলনের প্রতি বিমুগ্ধ হয়ে জনতার কবির পক্ষে নতুন সৃষ্টি সম্ভব নয়। অধ্যাত্মবাদীরা যেভাবে ‘তদগতচিত্ত’ কথাটা ব্যবহার করে থাকেন, নৃত্য গীত বা বাস্তবমুখিত সমষ্টি বা একক লোকসংগীত (যেখানে সমষ্টি নীরব অংশীদার) কখনো ‘তদগতভাবে ভাবিত’ নয়। আদিম ফসলকামনা, সৃষ্টিকামনা থেকে এককগীতে বঞ্চনা বা বেদনা বা আনন্দবোধ—এসব সমাজ-চেতনা-বিচ্ছিন্ন নয়। যখন তা ‘তদগতভাবে ভাবিত’ তখন সে সমষ্টি থেকে বিচ্ছিন্ন এবং লোকসংগীত হিসাবে স্বধর্মভ্রষ্ট। সমাজচেতনা যেখানে শ্রেণী-চেতনায় উন্নীত সেখানেই লোকসংগীতের নতুন ধারা প্রবাহিত। সেই ধারাতেই গণনাট্য আন্দোলনের জন্ম। ‘অশাস্ত’ জনতাই সৃষ্টিশীল।

গণনাট্য আন্দোলনের ধারায় লোকসংগীত

গণনাট্য সংঘ ও গণনাট্য আন্দোলন এক কথা নয়। ১৯৩৫-৩৬ সনে আন্তর্জাতিকভাবে ধনতান্ত্রিক সংকটে সাম্রাজ্যবাদ ফ্যাসিবাদের উৎকট স্বরূপে আবিস্কৃত—স্পেনের ময়দানে প্রগতিশীল বিশ্ব-গণশক্তির সাথে তার প্রথম মোকাবিলা। স্বদেশে আন্তর্জাতিকতার আদর্শে সংঘবদ্ধ শ্রমিক ও কৃষকশ্রেণীর সংগ্রাম, জাতীয় মুক্তি আন্দোলনের আপসপন্থী ধারাকে বাতিল করে জাতিবিশ্ববিশ্বমুক্তির স্বপ্নকে শোষণমুক্তির চিন্তায় উন্নীত ও উদ্দীপিত করল। এই নতুন শ্রেণীচেতনায় ভারতের শোষিত জনসাধারণের লোককাব্য ও লোকসংগীত এক নতুন জীবনদর্শনে উজ্জীবিত হল। ভাবতবর্ষের সর্বত্র নতুন জীবনবোধের তরঙ্গ লোককাব্য, লোকনাট্য ও লোকগীতির যে ফসল সম্ভার নিয়ে এল—তাকে সংগঠিত করার জন্যই প্রগতি লেখকশিল্পী সংঘ ও পরবর্তী সময়ে ভারতীয় গণনাট্য সংঘের জন্ম হয়। কিন্তু নাগরিক শিক্ষিত মধ্যবিত্তের নেতৃত্বে গঠিত এই সংগঠন এই নতুন সংস্কৃতির আন্দোলনকে শহরের মধ্যবিত্ত শ্রেণীর মধ্যে ছড়িয়ে দিতে পাবলেও

শ্রমিক ও কৃষকের শিল্প ও সংগীতপ্রচেষ্টা মূলত নিজ নিজ ট্রেডইউনিয়ন ও কৃষকসভার পরিধি ও পরিচালনার মধ্যে থেকেই বিস্তার লাভ করেছে। অবশ্য প্রগতিসংস্কৃতির এ দুখারার মধ্যে যোগাযোগ আদানপ্রদান সব সময়ই হয়েছে। এই সমস্ত সাংস্কৃতিক প্রতিষ্ঠান গণনাট্য আন্দোলন নামে জনসাধারণের কাছে পরিচয় লাভ করেছে। গণনাট্য সংঘের চেয়েও তা অনেক ব্যাপক। শিল্পী সাহিত্যিক ও বুদ্ধিজীবীরা যখন প্রগতি লেখক সংঘ বা গণনাট্য সংঘের ইতিহাস লিখতে বসেন—তখন তাঁরা এদেশের শ্রেণীসংগ্রাম ও গণসংস্কৃতি আন্দোলনের গোড়াকার কথা ভুলে যান। যেজন্ম তাঁদের লেখা পড়ে মনে হয় তাঁদের মস্তিষ্ক থেকেই এই সব আন্দোলনের উৎপত্তি। লোকসংগীতের আলোচনার পরিপ্রেক্ষিতেও এই কথাটি মনে রাখতে হবে। সমষ্টি-চেতনা, সমষ্টি-স্বীকৃতি, সুরের আঞ্চলিকতা, ভাষা ও অভিব্যক্তির বৈশিষ্ট্যকে বাদ দিয়ে ব্যক্তিগত কোনো রচনা লোকসংগীত হয়ে ওঠে না।

আর একটি বিষয় এই প্রসঙ্গে মনে রাখতে হবে। আমাদের কৃষিপ্রধান অর্ধউপনিবেশিক দেশে কলে-কারখানায় ধারা কাজ করেন সেই শ্রমিকদের সঙ্গে গ্রামের সম্পর্ক এখনো খুব ঘনিষ্ঠ। কাজেই শ্রমিকদের সৃষ্টিশীল আত্মপ্রকাশের প্রধান মাধ্যম হল তার ঐতিহ্যবাহী লৌকিক আঙ্গিক। মারাঠার শ্রমিক কবির ও গীতিকারের ও নাট্যকারের আন্তর্জাতিক চেতনা প্রকাশ পেয়েছে ‘লাউনি’, ‘পোরাভা’ কিংবা ‘তামাশা’ প্রভৃতি লৌকিক মাধ্যমে, ঠিক তেমনি বিহার ও উত্তরপ্রদেশ থেকে আসা কলকাতার শ্রমিকশ্রেণীতে আন্তর্জাতিক চেতনা আত্মপ্রকাশ করেছে ভোজপুরী, মগ্ধী বা মৈথিলীর আঞ্চলিক আঙ্গিকে, কাজরী, চৈতী, রদিয়া ইত্যাদির মাধ্যমে। কাজেই লোকসংগীত কেবল গ্রাম্য কৃষকের সৃষ্টি নয়—গনিতে, চা-বাগিচায়, কিংবা কলে-কারখানায় কাজকরা শ্রমিকেরও সৃষ্টি।

কৃষক কবিরাও রমেশ শীল ও শ্রমিক কবিরাও গুরুদাস পাল

গোজলা গুঁই, রঘু কর্মকার বা কেঠামুচি থেকে আরম্ভ করে ডোলা ময়রা বা অ্যাটোনি ফিরিঙ্গির ঐতিহ্যকে রবীন্দ্রনাথ নিকরুণভাবে কষাঘাত করেছেন। ‘নষ্ট পরমায়ু কবির হল’ বলে এঁদের বিক্রম করেছেন। বাংলাসাহিত্যের কোনো কোনো ইতিহাসকার কবিগানকে অশ্লীলতার দ্বারে অভিযুক্ত করেছেন। কলকাতার বৃংহুদি ও নব্য বাবুলপ্রহায একসময় ছিল কবিদের মূল আশ্রয়স্থান।

বিকৃতকৃষ্টি ঋগ্বেদ ও নব্য বাবুসম্প্রদায়ের তরল পরিবেশের উত্তেজনা যোগাবার জন্মই কবিরাজদের কর্মমায়েশী খাটতে হতো। রবীন্দ্রনাথের ভাষাতেই : ‘ইংরাজের নতুন সৃষ্ট রাজধানীতে পুরাতন রাজসভা ছিল না, পুরাতন আদর্শ ছিল না। তখন কবির আশ্রয়দাতা রাজা হইল সর্বসাধারণ নামক এক অপরিণত স্কুলায়তন ব্যক্তি এবং সেই হঠাৎ-রাজার সভার উপযুক্ত গান হইল কবির দলের গান। তখন যথার্থ সাহিত্যরস-আলোচনার অবসর যোগ্যতা এবং ইচ্ছা কয়জনের ছিল ? তখন নতুন রাজধানীর নতুন সমৃদ্ধিশালী কর্মশাস্ত্র বণিক-সম্প্রদায় সন্ধ্যাবেলার বৈঠকে বসিয়া দুই দণ্ড আমোদের উত্তেজনা চাহিত, তাহারা সাহিত্যরস চাহিত না।’

কিন্তু রবীন্দ্রনাথ রাজধানীর নতুন ধনিকশ্রেণীর সঙ্গে কবিগোলাদের এক করে ফেলেছেন। তিনি দেখলেন না সমাজের তথাকথিত নিয়ন্ত্রণের নিরঙ্কর ও অধর্শিকিত অতিদরিদ্র স্তর থেকেই এই সব সহজ-কবির বেগ হয়ে এসেছিল। তাঁদের রচনার যে ‘জলীয়তা’ ‘অস্থিরতার ছটা’ ‘ইতরভাষা’ ও ‘শিথিলছন্দ’ রবীন্দ্রনাথ দেখেছিলেন তা লোককবিদের অপরিমার্জিত স্বভাবজাত নয়, তা ছিল নব্য ধনিক বণিক বাবুদের বিকৃতকৃষ্টির খোরাক, যার যোগান দিয়ে কবিগোলাদের জীবিকা নির্বাহ হতো। পূর্ববঙ্গ সাহিত্য সম্মেলনের লোক-সাহিত্য-শাখার সভাপতির ভাষণে প্রায় ২০২১ বৎসর আগে গণনাট্য আন্দোলনের অগ্রণী লোককবি পরলোকগত রমেশ শীল বলেছিলেন : ‘গ্রামের চাষী গরীব হইল, ফুলিয়া ফাঁপিয়া উঠিল জমিদার মহাজনের দল, চাষীরা আর গ্রাম্য কবি ও লোকশিল্পীদের অন্নসংস্থান করিতে পারে না। গ্রাম্য কবিগণ পেটের দায়ে এবং মোটা অর্থের প্রলোভনে জমিদার মহাজনদের উৎসব মণ্ডপে আসিয়া ভিড় জমাইল। বাউণ্ডলে ইয়ারদোস্ত পরিবৃত ধনী জমিদার বাবুদের মনোরঞ্জন করিতে গিয়া গ্রাম্যকবিগণ অল্পলীল ভঙ্গীতে নাচিল, গান গাহিল। নারীজাতির কুংসা রটনা করিয়া তথাকথিত পুরুষপুঙ্খকে পরিতৃপ্ত করিল। আমার ব্যক্তিগত কবিজীবনে অসংখ্যবার এইভাবে নাচিয়াছি। অল্পলীল গান গাহিয়াছি।...’

রমেশ শীলের দৃষ্টিই লোককবিদের মূল্যায়নের ঐতিহাসিক দৃষ্টি। রমেশ শীলের জীবন গণনাট্য আন্দোলনে লোককবিদের রূপান্তরের শ্রেষ্ঠ সাক্ষ্য। প্রথম যুদ্ধোত্তর কাল থেকে গণজাগরণের সঙ্গে সঙ্গে বাংলার কবিগানে, স্বল্প দেশাত্মবোধের চেতনা দেখা যায়। পূর্ববঙ্গে হরি আচার্যের মতো কবিগোলা



কিংবা মনোমোহিনী, শেখ সরলার মতো গায়িকারা, সুবল (মুসলমান জেলে), গোবিন্দ শাহ প্রমুখ গায়করা তাঁদের রাধাকৃষ্ণ বিষয়ক ইত্যাদি গানের পাশাপাশি স্বদেশাত্মক গান গেয়ে আমাদের শৈশবে স্বদেশচেতনায় উদ্দীপিত করেছেন। এঁদের শ্রোতা রবীন্দ্রনাথ বণিত ‘সর্বসাধারণ নামক এক অপরিণত স্থলায়তন ব্যক্তি’ ছিল না। গ্রামের ধনিকশ্রেণীর পৃষ্ঠপোষকতা তাঁরা পেলেও তাঁদের প্রধান শ্রোতা ছিল গ্রামের গরিব জনসাধারণ। জনসাধারণের আন্দোলনের আবেগ তাই তাঁদের গানে স্পন্দিত হতো। বাগ্ম্যুচ্চ থাকলেও জনসাধারণের চিন্তা ও বুদ্ধিবৃত্তিকে তা উদ্দীপিত করত। রবীন্দ্রনাথ যেখানে দেখেছিলেন ঢোল কাঁসির কোলাহল, আমরা সেখানে দেখছি কবির আসরে বাংলা ঢোলের ক্লাসিক্যাল উৎকর্ষ। রচনায় সব সময় নৈপুণ্য না থাকলেও তাতে ‘জলীয়তা’ বা কেবল ‘অল্পপ্রাসের ছটা’ ছিল না। কাব্য এবং ভাবের গাষ্ঠীর্ষও তাতে পেয়েছি। পূর্ববঙ্গে সর্বোপরি আমরা পেয়েছি কবিগানের সুরের সমৃদ্ধি বা পূর্ববঙ্গের লোকসংগীতকে ঐশ্বর্যশালী করেছে। কিন্তু গ্রাম্য অর্থনীতির সংকটের আঘাতে কবিগানের এই ধারাটিও শীর্ণ হয়ে এল। গণনাট্য আন্দোলন ‘নষ্ট পরমায়ু কবিদলের গানে’ আনল এক নতুন জীবন। চট্টগ্রামের পরলোকগত কবিয়াল রমেশ শীল ছিলেন তাঁদের অগ্রগী। এই কবিয়ালরা স্বাদেশিককতার সঙ্গে এনে মেলালেন শ্রমিকশ্রেণীর আন্তর্জাতিকতা।

এখানে আমি শুধু দুজনের বিষয়ে সামান্য আলোচনা করব। এই দুই কবিয়ালের সষঙ্কে আগেও কিছু আলোচনা হয়েছে। কিন্তু আলোচনার আগে একটা কথা মনে রাখতে হবে। বিশেষ অহুষ্ঠানের আবেগ ও উত্তেজনার মুহূর্তে কবিয়ালরা জনসমাবেশে দাঁড়িয়ে যে স্বতঃস্ফূর্ত কবিতা মুখে মুখে রচনা করেন, পরে স্বাভাবিক অবস্থায় তা সব সময় মনে করতে পারেন না। আগের দিন কবির আসরের কোনো কবিয়ালের কোনো উত্তেজিত মুহূর্তের মৌখিক রচনার ছ-তিন লাইন মনে নিয়ে পরের দিন তাঁর কাছ থেকে বাকিটা লিখে নিতে গিয়ে আমার এ অভিজ্ঞতা হয়েছে। বিশেষ করে গুরুদাস পালের কোনো অহুষ্ঠানের কাব্য-ব্যঙ্গনায় মুগ্ধ হয়ে ও পরে তাঁর কাছ থেকে লিখে নিতে গিয়ে অনেক জিনিসই পাইনি। লৌকিক কাব্যের আদিকথা সষঙ্কে জর্জ টমসন বেকথা বলেছিলেন ‘They are improvised... in the inspiration of the moment.’—এই প্রায়-নিরক্ষর গ্রাম্য কবিয়ালদের সষঙ্কেও তা অংশত প্রযোজ্য। তাই শাস্ত্র-ভাবে যেসব কবিতা বা গান তাঁরা লিখে গেছেন, বা তাঁদের গান বলে যা

সংগৃহীত হয়েছে, সেটা তাঁদের কাব্যশক্তির সম্পূর্ণ পরিচয় বলে মেনে নিলে তুল হবে।

মাইজভাণ্ডারের স্বকীয়বাদী কবি যিনি একদিন 'লাহুতে'র ঘাটে বাবার জন্ত গান রচনা করতেন :

ত্রিবেণীর ঘাটেতে মাঝি জোয়ার ধরি বাইও

ভাণ্ডারীর বর্জকে তরী ধীরে ধীরে বাইও ॥

সেই কবি রমেশ শীল কৃষক-আন্দোলনের নতুন শ্রেণীচেতনায় রচনা করলেন :

আমার খুনে মোটর গাড়ি

তেতাল। চোতাল। বাড়ি—

আমার খুনে রেডিও আর বিজ্জি বাতি জলে।

আমি কৃষক, তুমি মজুর দিনে রাতে খাটি

দুই শক্তি এক হইলে তারা পিছু বাবে হটি।

এক সঙ্গে নিঃশ্বাস ছাড়ি

পর্বত উড়াতে পারি

দুশমন চক্রে চাও না ফিরি কী আছে তার মূলে ?

সংগ্রামী কৃষকের কবি কৃষকে শোনালেন নতুন যুগের বাণী :

বাংলার কৃষক ভাইগণ হওয়ে চেতন।...

শোষণকারী জমিদার, জমিদার নয় ষম-দুয়ার

লাউল বার জমি তার, কৃষকের এই পথ ॥

স্বকীর্দর্শনে প্রথমজীবনে অল্পপ্রাণিত কবি রমেশ শীল মাইজভাণ্ডারের কল্পলোকের সুরে ছুনিয়া ফুলবাগের আশিক হয়ে স্ববালের সন্ধানী হয়ে গেয়েছিলেন :

দেখে বারে মাইজভাণ্ডারের আজব রঙের ফুল

ঝাঁকে ঝাঁকে উড়ে পড়ে আশেক অলিকুল ॥

ফুলের রং দেখেছে বারা, হয়ে গেছে মাতোয়ারা

ছুনিয়ার স্থ চায় না তারা চায় না জাতিকুল ॥

সে ফুলের স্ববাতালে, দিল খোলে আর আঁধার নাশে

নিভ রলে চিত্ত ভালে প্রেমবাগে বুলবুল ॥

সেই কবি সর্বহারার আন্তর্জাতিকতার আলোতে দেখলেন এক লাল ছুনিয়া—বার জন্ত তিনি মুর্শিদের মোকাম ছেড়ে নেমে এলেন লড়াইএর

ময়দানে। তাই এই লোককবি বৃদ্ধবয়সে নিগৃহীত, কারারুদ্ধ হলেও, তাঁর গানের ধারাকে কেউ রুদ্ধ করতে পারেনি। শেষবয়সেও তাঁর গানে সেই কামনাই অনিবার্য :

অত্যাচাবের প্রতিশোধ আমার নেওয়া নাইবা হবে  
আমার পরে আসবে যারা বোধ করি তারাই নেবে।  
সারাজীবন ধরে আমি তারই চেষ্টা করে যাব।  
মনের কোণে স্মর উঠবে, কলম দিয়ে তাল বাজাব।  
লাল মেখেতে করবে খেলা আকাশভবা জোছনা রাতে  
দোল খেয়ে জলবে বাতি প্রতিঘরে লাল শিখাতে।  
তার আলোতে স্বপ্ন সফল কববে মুক্তি পূজাবীবা  
সেদিন হবে জানাজানি দোস্ত কারা, দ্রুশমন কারা।...  
হিংস্র জন্তুর ডাক থামিবে, পথের বাধা হবে শেষ।  
বুক ফুলিয়ে বলে উঠব, এই ত আমার দেশ ॥

মেটিয়াবুরুজের শ্রমিক-কবি গুরুদাস পালের রূপান্তর আমাদের গণসংস্কৃতি আন্দোলনের আর একটি বিশেষ ঘটনা। পিতা মনোহর পাল ছিলেন মুংশিল্লী। কুমোরের কুটারশিল্পে দিন গুজরান অসম্ভব হয়ে উঠলে, মেটিয়াবুরুজের চটকলে মজুর হন। পিতা জীবিত থাকতে মধ্য ইংরাজি স্কুলে তাঁর সামান্য শিক্ষালাভ ঘটে। ট্রেড ইউনিয়ন আন্দোলন তাঁর চিন্তায় প্রথম দোলা দেয়। সেই সময়ই তিনি গান লিখতে শুরু করেন। তিনি রামপ্রসাদী ও মুকুন্দদাসী সুরেই লিখতেন ও শ্রমিকদের গেয়ে শোনাতেন। সে সময়ও তিনি প্রাচীন অধ্যাত্মবাদী ধারা থেকে মুক্ত হননি। শ্রেণীচেতনা ও অধ্যাত্মভাবনাব মিশ্রণ ঘটত তাঁর গানে। মুকুন্দদাসী সুরে তিনি গাইতেন :

মুক্তি যদি হয় প্রয়োজন  
শক্তিপূজার কর আয়োজন  
প্রাণের শক্তি আত্মশক্তি  
তারেই সবাই সজাগ কর।  
মহাশক্তি জাগুক প্রাণে  
জলুক অনল জিভুবনে  
জাগুক মজুর জাগুক চাষী  
কাপুক বিশ্বচরাচর ॥

১৯৩২-৪০এ শ্রমিক আন্দোলনে একজন অগ্রণী কর্মী হিসাবে তিনি নেমে পড়েন। সে সময়ে তাঁর জেগীচেতনা সর্বহারার বিশ্বচেতনার উদ্দীপিত হয়, সে সময়কার গানে তার পরিচয় পাই—

জাগো নিপীড়িত, জাগো সর্বহারা

সময় থাকিতে সবে হও ভাই হুঁসিয়ার...

রক্ত পতাকা লয়ে যতেক মজুর দল

বিশ্ব ভুবনব্যাপী জেলেছে প্রলয়ানল

ধনিক বণিকদল যাক চলে রসাতল

আজি এই ধরাতল হয়ে বাবে একাকার ॥

১৯৪৫ সনে কলকাতায় প্রগতি লেখক ও শিল্পীসংঘের আয়োজিত সংস্কৃতি সম্মেলনে কবিরাজ রমেশ শীল ও শেখ গুমানির কবির পালা শোনার পর গুরুদাস পাল পশ্চিমবঙ্গের তরজার লৌকিক পদ্ধতিকেই তাঁর ভাবপ্রকাশের যোগ্য মাধ্যম বলে বেছে নিলেন। সেজন্তু রমেশ শীল তাঁর গুরু বলে তিনি সব সময় বলতেন। শ্রমিকশ্রেণীর তরজার আসরে বিরোধী পক্ষকে ধায়ের করতে যখন গাইলেন :

হায়রে হায় মান বাঁচানোর কি করি উপায়।

ঘুরে ফিরে পড়েছি এক জোঁচোরের পাল্লায় ॥

পুষলে পরে কাকের ছানা

কা' ছাড়া কেটে বলে না

যতই বুলি শিখাও না ভাই তায়

ছুঁচোর গায়ের গন্ধ কি আর গোলাপ জলে যায় ॥

এবং তার চেয়েও কড়া ভাষায় যখন মালিকের পক্ষ-নেয়াদেবের তিনি কষাঘাত করেন :

যেমন জলের স্বভাব নিম্নগতি

আগুনের স্বভাব পোড়া

বিড়ালের স্বভাব হাঁড়ি খাওয়া

পাখির স্বভাব ওড়া,

বেশার স্বভাব যেমন ধারা

চার আনাতে স্বামী

এদের স্বভাব তেমনিধারা ধনিকের গোলামী ॥

তখনই বুঝতে পারি তরজার আঙ্গিককে তিনি কেমন রপ্ত করেছেন। তুলনা-মূলক আলোচনা না করে বলতে পারি, তরজার তীক্ষ্ণ ব্যঙ্গবিদ্রোপে গ্লেবে, উপমা ও উৎপ্রেক্ষায় শোষক, শাসক ও তাদের অহুচরদের ঘায়েল করতে গুরুদাস পাল ছিলেন অদ্বিতীয় গণশিল্পী। এ ব্যাপারে তাঁর গুরু রমেশ শীলকে তিনি পিছনে ফেলেছেন। শ্রমিকশ্রেণীর অগ্রসর চেতনা ও মালিকের সাথে জব্বী সংঘাতেই তাঁর রচনা ও রসনাকে এমন ধারালো করেছিল। নাগরিক মধ্যবিত্ত কবিগীতিকাবদের রচনাপারিপাট্য ও সুরের কারিগরী যতই থাক, জনসমাবেশে দাঁড়ালে গুরুদাস পালকে মনে হতো সত্যিকারের গণমনের কারিগর। শাসকের স্বরূপ উদ্ঘাটনের কাজে তাঁর জুড়ি কেউ ছিল না—

আমি কত্তা-ভজার দলে

বাইরেতে বোষ্টুমী আমি, ভেতবে ছুর্নীতি চলে ।...

বাস্তহারার ক্যাম্পে গিয়ে ভাসি চোখের জলে

যদি কচে-বারো করতে পারি ইলেকশনটায় তলে তলে ।

আমি হিংসার ওপর বড্ড চটা মাঝে মাঝে ক'রে ঘটা

বাক্যচ্ছটায় পটিয়ে লোককে ভেডাই নিজের দলে ;

গরিব-গুব্রোর ওপর ঐ যে লাঠিগুলি চলে,

সেটা তোমরা বুঝলে কিনা, সেরেফ তাদের কর্মফলে ॥

আমি দিব্যি করে বলতে পারি, ঐ যে পুলিশ-মিলিটারী

ওরা শাস্তিরক্ষের ধ্বজাধারী, ত্রাণ্য পথে চলে ।

মাঝে মাঝে ছুইলোকের কেলেকারীর ফলে

যত হাড়হাবাতের হুড় থামাতে, থামখা গোছার গুলি চলে ॥

লোকের মশাই এঁড়ে বায়না, তারা নাকি খেতে পায় না,

না খেলে কি বাঁচা যায় না ? বলুক তো লকলে :

চোদ্দ বছর শুকিয়ে লক্ষণের কি করে চলে ?

এ তো আমার কথা নয়রে বাপু, রামায়ণের নেকায় বলে ॥...

আমি নাম ভাঙানোর গুরুমশাই, চতুর্ভুজ জ্ঞানের গোসাই,

বুদ্ধশিল্পের অস্থি ভাসাই বারাগঙ্গীর জলে,

ইতরজনের সাইকোলজি বুঝতে পাবার ফলে

আমার হোক না গাড়ির চাকা ভাঙা, হট্টরে হট্টরে তবু চলে ॥

যখন ফুটপাতে লোক টেঁসে থাকে খিদের খকলে  
পথের ধুলো উড়িয়ে আমার ষ্টুডিবেকার গাড়ি চলে  
আমি একজন স্বদেশভক্ত, আমার দুটি হাতে নারী রক্ত  
একটু শক্ত না হলে কি তখুঁত রাখা চলে ।

রবীন্দ্রনাথ ‘কলকাতায়’ সেই আসরে উপস্থিত থাকলে দেখতেন তাঁর বণিত  
‘নষ্টপরমায়ু কবির দল’ গণসংস্কৃতির সংস্পর্শে ‘চিরায়ু’ হয়ে উঠেছে এবং তাদের  
‘অল্পপ্রাসের ছটা’য় জল বারে না, বারে আগুন ।

গুরুদাস পাল কারাগারে নিকিষ্ট হলেন । পরে অস্থিতার জন্ত মুক্তি পান ।  
প্রেসিডেন্সি জেলগেট হামলায় জড়িত বলে আবার ধৃত হন । আলিপুর জেলে  
অনশন ধর্মঘট করেন । জামিনে তিনি ছাড়া পেয়ে আত্মগোপন করেন । তাঁর  
নামে পরোয়ানা বের হলে নাম বদলিয়ে হন সনাতন মণ্ডল । কিন্তু সে সময়  
তিনি জনতা থেকে আত্মগোপন করেননি—প্রায়ই তাদের আসরে হাজির  
হতেন । তাঁর মতো কর্মীদের সেই সময়কার অবস্থার সঙ্গে বিরাট-রাজত্ববনে  
পাণ্ডবদের আত্মগোপন করে থাকার সময় কোরব গুপ্তচরদের গোপন হানার  
তুলনা করে গাইতেন :

এমনি মোদের পরে মামিল দমন  
পিছু পিছু গোয়েন্দারা করে বিচরণ—  
(মোরী) বিরাট জনতা কোলে করিহু ভ্রমণ ।

শুধু উদ্ঘাটনে নয়, এজিটেশনেও তিনি ছিলেন সমান দক্ষ । সে সময় (১৯৪৮-  
৪৯) তাঁর অগ্রিকরা ‘কোলকাতার খবর’ কবিগানটি বিশেষ খ্যাতি লাভ  
করেছিল :

শুনেছ কি কোলকাতার খবর  
বুদ্ধদেবের শিশু বারা  
অহিংসাতে মাতোয়ারা  
ধরলো পেশা মাছুষমারা  
বন্ধ করে ঘরের দোর ॥...  
নিবিচারে নরনারী ছাড়াছাত্রী হত্যা,  
এ যদি হয় শিশুরাষ্ট্রের আইন নিরাপত্তা  
তাহলে আজ সভার মাঝে উচ্চকণ্ঠে কহি  
পাঁচশো হাজার অসংখ্যবার আমি রাজক্রোধী ॥

গুরুদাস পালের পথ ধরে জগন্নের শ্রমিকদের মধ্যে কবি ছালাচন্দ্র রায় তরঙ্গা গেয়ে শ্রমিকদের উদ্বোধিত করেছিলেন। সে সময় পূর্ববঙ্গ ও পশ্চিমবঙ্গে লোকসঙ্গীতের ধারাটিতে নতুন তরঙ্গ সৃষ্টি করেছিলেন ছোট বড় অনেক গল্পীকবি। যেমন মালদহে গঙ্গীরায় বিত্ত পণ্ডিত ও আবদুল মজিদ, ময়মনসিংহে নিবারণ পণ্ডিত প্রমুখ। তরঙ্গা, গঙ্গীরা প্রভৃতির প্রাণ হল বিষয়বস্তুর সমসাময়িকতা। স্বভাবতই সে সময় সেগুলির বিকাশলাভ ঘটেছিল বেশি। কিন্তু অত্যাধি ধারাও সঙ্গে সঙ্গে নতুন ভাবে ও বিষয়বস্তুতে উজ্জীবিত হয়েছে। ময়মনসিংহের লোককবি নিবারণ পণ্ডিত এবিষয়ে একটি স্মরণীয় নাম। তিনি ময়মনসিংহের পুথিপড়া, ঘোষাপটের গান প্রভৃতি লৌকিক ধারাকে সজীব করে তোলেন। তাঁর আর একটি অবদান—জারীগানে নতুন বিষয়বস্তু। তাঁর জারীগানের দলটি বিশেষ খ্যাতিলাভ কবেছিল। তাঁরা যখন নেচে নেচে গাইতেন জারীগান :

কপালের দুঃখ ঘুচবে কত দিনে রে

হায় দুঃখ সয় না প্রাণে রে ॥

মুখ চিনিয়া বিলি হইল কনটোলার কুইনাইন

ট্যাক্স নাই যার কার্ড পাইতা না শাহীদারের আইন ,

রিলিফের কাপড়ে হইল বালিশের উসার

( হায়রে বালিশের উসার )

কেউ পায় ছিঁড়া তেনা, কেউ করে বাহার—রে ॥

তখন বেন কারবালার অত্যায়ে বর্ণনার সঙ্গে দুর্ভিক্ষপীড়িত বাংলার চাষীর অবস্থার বর্ণনা মিশে যেত। গত যুদ্ধে যখন কট্টোল বা কালোবাঁজার শব্দটা গায়ে প্রথম এল এবং যখন চাষীর অতি প্রয়োজনীয় জিনিস—এমনকি লবণও পাওয়া যাচ্ছিল না, তখনকার নিখুঁত বর্ণনা নিবারণবাবুর বহু গানে আছে। তীক্ষ্ণ শ্রবে তিনি ঘোষার স্বরে লেখেন :

আমার মজুর মায়ে ত কনটোল বুঝে না।

রান্তে গেলে কান্তে বলে লবণ ছাড়া রান্ধে না ॥

(আহা রে) কার্ড লইয়া কত ঘুরলাম

কত বাবুর পায়ে ধরলাম

ঠেলা খাচ্চা কত খাইলাম রে—

ও আহা রে—আমার ভাঙা ঘরে নেড়ার ছানি  
 মেঘ না হইতে পড়ে পানি  
 টেপ্‌টেপানি গেল না রে  
 আমার টেপ্‌টেপানি গেল না ॥...

ময়নসিংহের টঙ্ক প্রথার বিরুদ্ধে হাজং বিদ্রোহের উপর নিবারণ পণ্ডিত একটি দীর্ঘ গাথা রচনা করেছিলেন। হাজং আন্দোলনের এই গানটি সে সময় ময়নসিংহের চাষীদের সংগ্রামী চেতনায় উদ্দীপিত করেছিল।

কৃষক কবি নিবারণ পণ্ডিত কারারুদ্ধ হয়ে দিনের পর দিন নির্মম অত্যাচারে মরণাপন্ন হয়েছিলেন। জামিনে মুক্ত হয়ে সম্পূর্ণ নিঃস্ব অবস্থায় আত্মগোপন করে ভারতে চলে আসেন।—এপারে এসে যে স্বাধীনতার স্বাদ পেলেন তাতে তাঁর সমস্ত আশা চূর্ণ হয়ে গেল— গান লিখলেন :

ছিল বুকভরা আশা  
 ‘স্বাধীনতা’র দম্কা হাওয়ায় ভাঙলো স্থখের বাসা রে  
 ভাঙলো স্থখের বাসা ।...

কইলে বহু কথা, মনের ব্যথা কইবার জায়গা নাই  
 হইল বাস্তবহারার ধনে রাজা বাস্তবঘূর ভাই ।  
 কথা সত্য কিনা আজও পাই না মাথা গুঁজবার ঠাই  
 আবার সরকারী সাহায্য পাইল পাইকারের জামাই ॥...

কিন্তু এত অভাব দারিদ্র্যেও নিবারণ পণ্ডিত বাংলার দুঃখবাদী লোককবিদের পথ অনুসরণ করেননি। কারণ তাঁর শ্রেণীচেতনা ও সংগ্রামী চেতনা ছিল অগ্নান। তাই সে সময়ও তিনি গাইলেন :

জোরজুলুমে ভাণ্ডার ভরা ছিল বাদ্যের নীতিধারা  
 সে নীতি আজ ঝোড় ঘুরেছে শোষিত দিয়েছে সাড়া ;  
 জীবনমরণ প্রশ্ন এবার হিসাবনিকাশ জগৎজোড়া ॥

কোচবিহারে ভূখমিছিলে পুলিশের গুলিতে শিশু বকুল-বন্দনা সহ সাতজনের মৃত্যুতে বিমুগ্ধ লোককবির কণ্ঠে জন্ম নিল ‘খাচ্ছে বদলে গুলি’ নামক গীতিগাথাটি। সে সময় তা উত্তরবঙ্গের গাঁয়ে গাঁয়ে ছড়িয়ে পড়েছিল। তিনি নিজে চারণ কবি হয়ে হাটে গঞ্জে গেয়ে গেয়ে শুরছিলেন :



৭ই শনিবারে—

৭ই শনিবারে, ষিগ্রহরে ভূখা ভারতে রে  
খাত্তের বদল গুলি দিল সাগরদীঘির পারে ॥

শিশু সাত বৎসরের—

শিশু সাত বৎসরের বকুলের হইল মরণ—

ভ্রাতার সাথী হইল ভগ্নী বন্দনা তখন ॥

ইহা পঞ্চাশ সন নয়—

ইহা পঞ্চাশ সন নয়, তার পরিচয় দিয়াছেন জনতা

ভুলেন নাই পঞ্চাশহীদ ভাই ভগিনীর কথা ।

সভা মিছিল করে—

সভা মিছিল করে, স্পষ্ট করে করেছেন ঘোষণা

ভূখা কণ্ঠে বুলেট দিয়া দমানো যাবে না ॥...ইত্যাদি

এই লোককবিদের পাশাপাশি, গণআন্দোলনের তাগিদে অনেক শিক্ষিত মধ্যবিত্ত গীতিকার লোকগীতির সুরে ও ঢঙে বহু গান তখন রচনা করেন যা আন্দোলনের ঢেউএ লোকসংগীতের ধারার সাথে মিশে গিয়েছিল। যেখানে সারিগানে শুনা যেত :

সাবধানে গুরুজীর নাম লইও রে সাধুভাই

সাবধানে গুরুজীর নাম লইও ।

সেখানে শোনা গেল :

কান্তেটারে দিও জোরে শান কিষান ভাই রে

কান্তেটারে দিও জোরে শান ॥

ফসল কাটার সময় এলে কাটবে সোনার ধান

দহ্য যদি লুটতে আসে কাটবে তাহার জান রে ।...

কিংবা ভাটিয়ালীতে শোনা গেল :

ফিরাইয়া দে, দে, দে মোদের কাষুর বন্ধুদেরে—.

মালাবারের কৃষকসন্তান

তার। কৃষকসভার ছিল প্রাণ

অমর হইয়া রহিবে দেশের দেশের অন্তরে ॥

কৃষকসভার রাখতে ইচ্ছতমান

তার। কীসীকাঠে দিল প্রাণ

ফিরিয়া পাবনা রে মোদের কাষুর বন্ধুদেরে ॥...

আঞ্চলিক বিভিন্ন ঢঙ ও স্বরে সেসময় সারা বাংলায় বহু গান কৃষকদের ঘরে ঘরে ছড়িয়ে পড়েছিল। এসব রচয়িতা অধিকাংশই শহরবাসী হলেও কৃষক-জীবনের ঘনিষ্ঠ পরিচিতি তাঁদের ছিল এবং আন্দোলনের মাধ্যমে সংগ্রামী কৃষকদের সঙ্গে তাঁদের অন্তরের আত্মীয়তা গড়ে উঠেছিল। তাঁদের কোনো অর্থকরী বা আত্মপ্রচারের তাগিদ তাতে ছিল না। গণমনের রূপান্তরের আবেগই ছিল তাঁদের গান, নৃত্য বা কবিতা সৃষ্টির তাগিদ। আজকের অধিকাংশ শহবে লোকসংগীত রচয়িতাদের সঙ্গে তাঁদের এখানেই মৌলিক পার্থক্য। সে সময়কার বহু রচনা থেকে মাত্র দুটি অত্যন্ত জনপ্রিয় রচনার অংশমাত্র দৃষ্টান্তস্বরূপ দিলাম। তা না হলে সে সময়কার খ্যাত অধ্যাত, এবং অজ্ঞাত রচয়িতাদের রচনার সামান্য পরিচয় দিতে গেলেও একটি প্রবন্ধের পৰিধিতে তা সম্ভব নয়। প্রবন্ধ শেষ কবাব আগে একটা বিষয়ে সামান্য আলোচনার দরকার আছে।

#### গণসংগীত ও লোকসংগীত

অনেকেই ‘গণসংগীত’ ও ‘লোকসংগীত’ এই দুটি কথা জুলিয়ে ফেলেন। গণসংগ্রামেব চেতনায় উৎসৃষ্ট লোকসংগীতের ধারাটি গণসংগীতেরই অন্তর্গত, কিন্তু গণসংগীত মাত্রই লোকসংগীত নয়। গণসংগীত কথাটা অনেক বেশি ব্যাপক। স্বদেশী সংগীত বা দেশাত্মবোধক গীত বলতে আমরা যা বুঝি, তার সাথে ভাবে ও ভঙ্গিতে একটা পার্থক্য বুঝাবার জন্যই গণগীতি বা গণসংগীত শব্দটার উৎপত্তি। বিদেশী শাসনের বিরুদ্ধে প্রথম স্বদেশ-চেতনা এবং পরাধীনতার বেদনাবোধে যে গীতের জন্ম, তাকে আমরা স্বদেশী সংগীত কিংবা দেশাত্মবোধক সংগীত বলে থাকি। সেই স্বদেশী সংগীতের একটা বড় অংশ ধর্মীয় পুনরুজ্জীবন-বাদের প্রভাবে আচ্ছন্ন ছিল, অনেক সময় আবার জাতীয় চেতনা সংকীর্ণ জাতীয়তাবাদের আদর্শে প্রভাবান্বিত ছিল। সেসব গানে দেশাত্মবোধের আবেগ ও বেদনা থাকলেও সাম্রাজ্যবাদের বিরুদ্ধে গণবিশ্রোহের চেতনা ছিল না। দেশের মুক্তির সঙ্গে শোষণমুক্তির চিন্তার মিলন ঘটেনি। শ্রমজীবী জনতাই দেশ, তাদের মুক্তি ছাড়া দেশের মুক্তি অর্থহীন, একথা সেদিনের গানে ব্যক্ত হয়নি। স্বদেশচেতনা যেখানে গণচেতনায় মিলিত হয়ে শ্রমিকশ্রেণীর আন্তর্জাতিকতার ভাবাদর্শের সাগরে মিশলো সেই মোহনাতেই গণসংগীতের জন্ম।

ভাবে বা বক্তব্যে এক হলেও, ভঙ্গিতে বা আঙ্গিকে গণসংগীতেও বিভিন্ন

ধারা আছে। শ্রমজীবী জনতার ভাবপ্রকাশের প্রধান মাধ্যমটি লোকসংস্কৃতি। স্বভাবতই লোকসংগীতের প্রবহমান ধারা নতুন গণচেতনায় নতুন জীবনবোধে উজ্জীৱিত হলো। এই বিষয়ে প্রথমে আলোচনা করেছি। গণসংগীত অস্বাভাবিককে অবলম্বন করেও নতুন ঐতিহ্য সৃষ্টি করেছে। রবীন্দ্রনাথ, দ্বিজেন্দ্রলাল বায়, অতুলপ্রসাদ, কাজী নজরুল প্রমুখ গীতিকারদের দেশাত্মবোধক ভক্তি অনুসরণ করে বহু সার্থক গণসংগীত রচিত হয়েছে। তাছাড়া পাশ্চাত্য বৃন্দগীতের বা স্বর-সঙ্গতির আদিকেও গণনাট্য আন্দোলন পরীক্ষা-নিরীক্ষায় গণসংগীতকে সমৃদ্ধ করেছে। শ্রমিকদের হরতাল বা কৃষকের তেভাগা আন্দোলনেও বিষয়বস্তু নিয়ে—

ঢেউ উঠছে, কারা টুটছে, আলো ফুটছে, প্রাণ জাগছে—

লাখে লাখ করতালে হরতাল হৈকেছে—

হরতাল—হরতাল—হরতাল—

আজ হরতাল, আজ চাকাবন্দ

গুরু গুরু গুরু গুরু ডব্বরু পিনাকীর বেজেছে বেজেছে বেজেছে

মরাবন্দরে আজ জোয়ার জাগানো ঢেউ

তরগী ভাসানো ঢেউ উঠছে... ॥

গানের মতো অনেক সার্থক বিপ্লবী গণগীত রচিত হয়েছে। এগুলির সুরেব বিকাশ আধুনিক সৃষ্টিশীল (modern creative) পরীক্ষামূলক। এসব গণসংগীত কোনো অবস্থাতেই লোকসংগীতেব শ্রেণীতে পড়ে না (একজন বিশিষ্ট সংগীত সমালোচক এই গণসংগীতকে লোকসংগীত বলে মারাত্মক ভুল করেছেন)।

লোকসংগীত সুরে ভঙ্গিতে ও বাক্যবিভাবে আঞ্চলিকতার বৈশিষ্ট্য সীমাবদ্ধ। শ্রমজীবী জনতার মধ্যে কোনো গান জনপ্রিয় হলেই তা লোকসংগীত হয়ে ওঠে না।

উপসংহার

উভয় বঙ্গে গণনাট্য আন্দোলনে তথা নবসংস্কৃতির আন্দোলনে লোকসংগীতের রূপান্তরের ধারার অতি সামান্য পরিচয়মাত্র এখানে দিলাম। বঙ্গদেশের তুলনায় মহারাষ্ট্র, তামিলনাড়ু, অন্ধ্র, কেরালা বা পাঞ্জাবে লোকসংগীতের ক্ষেত্রে এই রূপান্তরের ধারাটি ছিল আরো অনেক বেগবান ও সৃষ্টিশীল। তার বড় কারণ, বঙ্গদেশের নাগরিক সংস্কৃতি ও লোকসংস্কৃতির মধ্যকার বিরাট বিচ্ছেদ ও

ব্যবধান। এখানে গণনাট্য আন্দোলনের নেতৃত্ব করেছেন কলকাতাবাসী মধ্যবিত্ত শিল্পী ও বুদ্ধিজীবীরা, যাদের আসরে লোকসংস্কৃতি এবং লোককবিতা কোনোদিনই বিশেষ মর্যাদা পাননি।

যাহোক, লোকসংগীতের রূপান্তরের রূপরেখাটিই মাত্র তুলে ধরতে চেয়েছি এই আলোচনায়। ইদানীং কিছু শিল্পী ও পণ্ডিতব্যক্তি লোকসংগীতকে ‘যুগোপযোগী’ করার জন্য উদ্বিগ্ন হয়ে উঠেছেন। যুগ জনসাধারণেই পান্টায়, গবেষকরা নয়। গ্রামে বিজলী তার গেলেই কৃষক যুগোপযোগী হয় না—হাতে সংগ্রামের হাতিয়ার দিলেই কৃষক যুগোপযোগী হয়। লোকসংস্কৃতির যুগোপযোগী পরিবর্তনের প্রক্রিয়াটাও তার অঙ্গগামী।

উপরে, লোকসংগীতের মূল্যায়নে গ্রহণ বর্জনের যে জটিল প্রক্রিয়ার কথা বলেছি—গণনাট্য-আন্দোলনজাত লোকসংগীতের বেলায়ও তা সমভাবে প্রযোজ্য। রমেশ শীল গুরুদাস পাল বা নিবারণ পণ্ডিতেরা এমন অনেক গান লিখেছেন যা সংগ্রামী জনসাধারণ এগিয়ে যাবার পথে বর্জন করে যাবে।

কৃষিবিপ্লবের প্রথম পদক্ষেপেই সামন্তীয় ধ্যানধারণায় আবদ্ধ এইসব লোককবিতা নতুন যুগে বাণী নিয়ে বের হয়ে এসেছিলেন মাঠে-ময়দানে। কিন্তু কৃষকসভা বা মজুর সংগঠন অর্থনীতিবাদ ও রাজনৈতিক সংস্কারবাদে আক্রান্ত হয়ে আন্দোলনের বৈপ্লবিক প্রবাহকে চোরাবালিতে বন্দী করল। তার সুস্পষ্ট প্রভাব দেখি এই প্রক্ষেয় লোককবিদের বহু গানে। শেষজীবনে কেবল ভোট বৈতবগী পারাপারের খেয়ামাকির গান লিখতেই তাঁদের উৎসাহিত করেছেন গণসংস্কৃতির আন্দোলনের নেতৃবৃন্দ। তাই দেখি যে অশাস্ত কবিরাল গুরুদাস পাল বোগক্লিষ্ট শরীরে আসরে দাঁড়িয়ে বন্দনা করছেন :

পথে পথে শতে শতে গেয়ে চলি গান  
যতদিন বা লার এ মহাশত্মান  
না জাগিবে, না ফুটিবে নব কিশলয়।  
অত্যাচারীর মানিমাথা পরাজয়  
না উড়াবে জনতার বিজয় নিশান  
ততদিন শাস্ত মোর হবে না তো গান...

সেই কবিরালকেই দেখি ‘ভোটের বাঞ্ছা সমাধান’-এর আহ্বান জানাচ্ছেন।

দ্বিতীয়বার যখন কলকাতায় রমেশ শীল এসেছিলেন তখন সেই প্রক্ষেয় কবিরালের সঙ্গে গণনাট্য-আন্দোলন সম্পর্কে দীর্ঘ আলোচনা করেছিলাম। তাঁকে

একটা অহুযোগ করেছিলাম এবং তিনি তা সহজমনে স্বীকার করেছিলেন। আমি বলেছিলাম আপনার ‘মাইজভাণ্ডারী’ মরমীয়া গানগুলিতে যে কাব্যের মাধুর্য পাই আপনার গণসংগীতগুলিতে তা এত কম পাই কেন? তিনি উত্তরে যা বলেছিলেন তার মর্মার্থ হল—একটা আসছে ‘অন্তরের তাগিদে’ আর একটা ‘বাহিরের আন্দোলনের তাগিদে’। অর্থাৎ যে মরমীয়া ভাবে রমেশ শীল আউলিয়া হয়ে গেয়েছিলেন :

আমার ভাবের ঘরে আগুন দিল করে

সদাই প্রাণ খুঁজে বেড়ায় তারে।...

শ্রমিকশ্রেণীর বিশ্ব-দর্শন, শোষিতের মুক্তি, তথা বিশ্বমানবের মুক্তির দর্শন সেভাবে ভাবের ঘরে আগুন জ্বালাতে পারেনি। উপলব্ধির গভীরতা থেকেই আসে কাব্যের মাধুর্য। ‘বাহিরের তাগিদ’ যখন ভিতরেরও তাগিদ হবে, শুধু তখনই লোককাব্য লোকসংগীতের সার্থক রূপান্তর ঘটবে। এটা ছুই জীবনদর্শনের দ্বন্দ্ব। প্রত্যেক গণকবি ও গণশিল্পীর এ দ্বন্দ্ব চিরদিন চলবে। বৈপ্লবিক গণআন্দোলনের শরিকদার হয়ে শ্রমিকশ্রেণীর বিশ্বদর্শনের আলোকিত পথে চলেই তার সমাধান সম্ভব। সমস্ত সৃষ্টির আজ সেটাই উৎস। অন্য সব বক্ষ্য।

## লোকসঙ্গীতের রাগরূপ ও নাগরিক বিকৃতি

লোকসঙ্গীতের একটি অলিখিত বিজ্ঞান আছে। অধিকাংশ সঙ্গীতবিজ্ঞানীই এ সম্পর্কে ওয়াকিবহাল নন। তাঁদের এই অজ্ঞতা পশ্চিমবঙ্গের লোকসঙ্গীতের বিচারের ক্ষেত্রে এক নৈরাজ্যের সৃষ্টি করেছে এবং এই অরাজকতার সুযোগে নাগরিক অর্থকরী লোকসঙ্গীত চর্চা আজ এক অসহ্য আবহাওয়ার সৃষ্টি করেছে। বাংলা লোকসঙ্গীতের বিকৃতি আজ সর্বব্যাপী। কিন্তু এই বিকৃতির স্বরূপটা আমাদের সঙ্গীতবিদদের কাছে মোটেই স্পষ্ট নয়। কাজেই বিকৃতির বিরুদ্ধে সংগ্রাম চালানো কঠিন হয়ে পড়েছে।

শব্দ বা ধ্বনির সুসম সময়গে গড়ে ওঠে সঙ্গীত। এ হল পদার্থ-বিজ্ঞানের বিষয়। স্বর, সুর, উপস্বর, স্বরের তীব্রতা বা প্রাবল্য (intensity or loudness), তীক্ষ্ণতা (pitch), গুণ (timbre or quality)—এ সবই শব্দবিজ্ঞানীরা বিশ্লেষণ করেছেন। কম্পাঙ্কের ডেউ-এর দোলার (frequency) রকমকমে যে তীব্রতা, তীক্ষ্ণতা, বা গুণ নিরূপিত হয়—তা ধ্বনিবিজ্ঞানের অন্তর্গত। ধ্বনিবিজ্ঞান সেখানেই সঙ্গীত-বিজ্ঞানের আওতায় এসে পড়ে—যেখানে প্রতিমধুর ধ্বনিকে কণ্ঠের বা যন্ত্রের সচেটে কলাকৌশলে মানবিক রসসৃষ্টির কাজে উন্নীত করা হয়। লোকসঙ্গীত একটা বিশেষ মানবিক রস ও অমুভূতি সৃষ্টি করে—যা অগ্ন্যাগ্ন সঙ্গীত থেকে ভিন্ন।

সেটা হল একটা বিশেষ musical association বা কথা-নিরপেক্ষ সুরের ভাবামুখ। একটা বিশেষ অঞ্চলের মানবগোষ্ঠী ও ভূপ্রকৃতিজাত ভাবামুখ। তার প্রধান বৈশিষ্ট্য হল, যাকে বলা যায়—গলার গ্রাম্যতা বা folk timbre।

গত দশ বছর যাবৎ আকাশবাণীর বাংলা লোকসঙ্গীতের প্রোগ্রাম survey করে, কণ্ঠ বিশ্লেষণ করে যা পেয়েছি তা থেকে শুধু স্বরের দিক দিয়ে গলাগুলিকে তিনটি ভাগে ভাগ করেছি :

(ক) খাঁটি গ্রাম্য গলা—আঞ্চলিক ভঙ্গি ও আকৃতিযুক্ত।

(খ) গ্রাম্য কণ্ঠ—কিন্তু নাগরিক পরিমার্জনার প্রলেপ এবং দুর্বল ভঙ্গি ও বিরল আকৃতিযুক্ত।

(গ) শহরে পরিণীলিত কণ্ঠ—ভঙ্গিহীন, আকৃতিহীন।

‘ক’ শ্রেণীর গায়কদের জন্মস্থান, বাড়িঘর, অতীত ও বর্তমান জীবনধারা

প্রভৃতির যতদূর সম্ভব অহুমত্বান করে দেখেছি—কানে শুনে শিল্পীদের যে স্বরের timbre বিচার করেছিলাম, তার একটা আঞ্চলিক বাস্তব সামাজিক, ভৌগোলিক ও নৃকুলগত ভিত্তি আছে,—যা একটা বিশেষ জীবনধারার অমুখ্য বহন করে।

আমার জরিপের অন্তর্ভুক্ত অধিকাংশ গায়ক-গায়িকাই ‘গ’ শ্রেণীভুক্ত—যাদের কণ্ঠে নাগরিক জীবনধারার প্রভাব স্পষ্ট। তাঁদের জন্ম-কর্ম শহরে—এবং শহরে বসে কোনো স্থলে কোনো শিক্ষকের কাছে গান শিখেছেন। হোক না সুরেলা গলা, কিন্তু সেই গলায় না আছে সেই গ্রাম্যতা, সেই ভঙ্গি—যা সেই ভাবামুখ্য সৃষ্টি করে। তাই এঁদের আমি লোকসঙ্গীত-শিল্পীর মধ্যে স্থান দিতে রাজি নই। অথচ দুর্ভাগ্যবশত আকাশবাণীর লোকসঙ্গীত-শিল্পীদের শতকরা পঁচাত্তর ভাগই এই ‘গ’ শ্রেণীতে পড়েন।

পূর্বেই বলেছি, সাদৃশ্যিক ভাবামুখ্য লোকসঙ্গীতের মৌলিক কথা এবং ভাবামুখ্যের মৌলিক উপাদান হল, গলার গ্রাম্যতা ও ভঙ্গি, folk timbre ও style। বিভিন্ন বাগ্যযন্ত্র থেকে একই তীব্রতা ও তীক্ষ্ণতাসম্পন্ন স্বরের পার্থক্য দিয়ে কানে শুনেই আমরা বিভিন্ন স্বরের প্রকার নিরূপণ করতে পারি। এই প্রকার-ভেদ, অর্থাৎ timbre, মাহুষের কণ্ঠেরও পার্থক্য আনে। কিন্তু ‘শহরে গলা’ ও ‘গ্রাম্য গলা’—এই প্রকার-ভেদের মূল কারণগুলি কী?

কেউ যদি বলেন, একটা ‘রেওয়াজী’, আর একটা ‘রেওয়াজী নয়’—তাহলে তিনি ভুল করবেন। কারণ বহু রেওয়াজের মধ্য দিয়ে একজন গ্রাম্য শিল্পী খাঁটি শিল্পী হয়ে ওঠেন। কিন্তু দরবারী রেওয়াজ ও শহরে ঘরোয়া রেওয়াজের থেকে গ্রাম্য শিল্পীর রেওয়াজের পদ্ধতির সম্পূর্ণ তফাত। শিশু যেভাবে মায়ের কাছে মাতৃভাষা শেখে—লোকসঙ্গীত-শিল্পী তেমনি উৎপাদনশীল শ্রমের ছন্দে আবদ্ধ সমষ্টি-জীবনধারার মধ্যে শ্রম-প্রক্রিয়ার পরিবেশে গায়ক হয়ে ওঠেন। তিনি collective life-এর অঙ্গীদার। শেখার সময় তাঁকে দেখতে হয়, মিশতে হয়, শুনতে হয়। সেই collective life কতকগুলি টুকরো টুকরো স্বরের স্তোত্র বাঁধা। চোখে দেখে, কানে শুনে। তারপর গলায় কখন স্বর আসে শিল্পী তা জানেন না। যিনি শিল্পী তৈরি হচ্ছেন তিনি সে বিষয়ে সচেতন নন। প্রকৃতির, জনপদের ও কর্মজীবনের visual image তাঁর গলা সাধারণ সঙ্গ চলমান। পরে যদি তিনি শহরে এসে গান গান—তখন সেই image বা ছবি কিন্তু গায়কের মনস্কন্ডুর পর্দায় চলমান।

এখানে কথা ওঠে, তবে স্বরের গ্রাম্যতা ও বিশেষ ভঙ্গিটি কোথা থেকে

আসে—যে ভক্তি, যে গ্রাম্যতা। শহরে বসে দরবারী কায়দায় আয়ত্ত করা যায় না। লোকসঙ্গীতের সুর, স্বর ও ভক্তি—এ তিনটিই বিভিন্ন উৎপাদনশীল শ্রম-প্রক্রিয়ায় আবদ্ধ সমষ্টিজীবনের অভিব্যক্তি। কিন্তু তথাপি তার আঞ্চলিক বৈশিষ্ট্যটি কোথা থেকে আসে? সেখানে শ্রম-প্রক্রিয়ার সঙ্গে আসে নৃহুল, ভৌগোলিক ও প্রাকৃতিক পরিবেশ ইত্যাদির প্রভ। বিশেষ নৃগোষ্ঠির বিকাশের সঙ্গে বিশেষ musical scale-এর বিকাশের একটা নিবিড় সম্পর্ক আছে।

গ্রাম্যতা, ভক্তি এবং গায়কী আবার বিশেষ আঞ্চলিকতায় আবদ্ধ। লোকসঙ্গীতের প্রাণভোমরা হল তার সেই আঞ্চলিকতা। সেই আঞ্চলিকতাব গায়কী অথ অঞ্চলের কেউ রেওয়াজ করে রপ্ত করতে পারেন না। যেমন পূর্ববঙ্গের গায়ক উত্তরবঙ্গের গায়কী আয়ত্ত করতে পারেন না, তেমনি উত্তরবঙ্গে ব গায়কও পূর্ববঙ্গের গায়কী আয়ত্ত করতে পারেন না। এক অঞ্চলের ভাল শিল্পীও অথ অঞ্চলের গান গাইতে গেলে তাঁর গায়কী হয়ে ওঠে কষ্টার্জিত mannerism।

এই আঞ্চলিকতার আবার অসুবিধাগ আছে। যেমন ধরা যাক, ভাটিয়ালীর পর্দাতেই এমন আঞ্চলিক রঙ ও ঢঙ আছে যা না জানলে ভাটিয়ালীর রসোপলব্ধি পুরো হতে পারে না। সিলেট-ত্রিপুরা-ময়মনসিংহ-ফরিদপুর-ঢাকা প্রভৃতি অঞ্চলের ভাটিয়ালীর আরোহণ ও অবরোহণের এবং তার বিস্তারের বৈচিত্র্য ভাটিয়ালীকে এক একটা অঞ্চলের বিশেষ স্বাদ ও গন্ধ দিয়েছে। যেমন ধান, শাইল, আমন, আউস, বুরো। কিন্তু তাতেই কেবল ধানের পরিচয় নয়। কার্তিক শাইল, ময়না শাইল, রূপ শাইল, কাটারী ভোগ, কৃষ্ণ জিরা, কালি জিবা, বাসমতী, কনক চূড়া—কত রকমের গন্ধ, কত রকমের স্বাদ। যেমন শ্রীহট্ট ও ত্রিপুরার সীমান্তে কোনো কোনো সময় ভাটিয়ালী অবরোহণে কোমল গান্ধাব স্পর্শ করে এক অপরূপ মাধুর্য সৃষ্টি করে। ভাটিয়ালী সাধারণত নিচের ধৈবতে বিরাম নেয়। সাধারণত তা পঞ্চমে নামতে দেখা যায় না। কিন্তু কোনো কোনো অঞ্চলে তা সঙ্কারীতে পঞ্চমে নেমে এক বিশেষ স্বাদের সৃষ্টি করে। ঠিক তেমনি ভাওয়াইয়া। রংপুর, কোচবিহার ও জলপাইগুড়ির ভাওয়াইয়ার স্বাদ ভিন্ন; আবার আসামের সীমান্তে প্রবেশ করে গোয়ালপাড়া, গৌরীপুরে সেই ভাওয়াইয়ার আর এক আমেজ পাই। সর্বত্রই এই রকম। বিহারী দেহাতী বললে কিছু বোঝায় না—বলতে হয়, ভোজপুরী, মৈথিলী, মগধী ইত্যাদি।

সেজগুই বলি, লোকসঙ্গীতে কোনো ঘরানা নেই, আছে, যাকে আমি নাম দিয়েছি ‘বাহিরানা’। লোকসঙ্গীত গুরুমুখী নয়—গণমুখী। আঞ্চলিক ভক্তি ও



গায়কী তাই শহরের স্থলে বসে আয়ত্ত করা যায় না। আবার ভঙ্গি ও গায়কীর সাথে অত্যন্ত ঘনিষ্ঠভাবে জড়িত আছে আঞ্চলিক উপভাষার phonetics। ‘সুহাগ চান্দবদনী ধনি নাচতো দেখি’ গানটির উচ্চারণ পাল্টেয়ে পূর্ববঙ্গের উচ্চারণে না বলে বিশ্বক উচ্চারণে ‘সুহাগ’কে ‘সোহাগ’, কিংবা ‘চান্দ’কে শুদ্ধ উচ্চারণে ‘চাঁদ’ বলে গাইলে সেই আঞ্চলিকতার প্রাণ নিঃশেষ হয়ে যায়। কারণ dialect বা উপভাষার উচ্চারণ-ধ্বনি আঞ্চলিক ভঙ্গির একটা অবিচ্ছেদ্য উপকরণ। কাজেই ভঙ্গি আয়ত্ত করার সমস্তার সঙ্গে উপভাষা ও তার বিশেষ উচ্চারণ-ভঙ্গিটি আয়ত্ত করার সমস্তাও ওতপ্রোতভাবে জড়িত। সুন্দর মিষ্টি গলা হতে পারে, কিন্তু গ্রাম্যতা, ভঙ্গি ও গায়কী না থাকলে—musical association—বা জন-জীবনের ভাবানুষ্ঙ্গ নষ্ট হয়ে যায়, মাটি-ঝরা জল-ঝরা সেই alienated ছিন্নমূল সুর নিজ ক্ষেত্র থেকে বিচ্ছিন্ন হয়ে ‘লোক’ পদবাচ্য আর থাকে না। গাঙের ঘোলা জল পরিশোধিত হতে হতে বোতলের distilled water হয়ে যায়। সেখানে তরঙ্গ নেই, প্রবাহ নেই।

আমাদের দরবারী ওস্তাদদের এবং সঙ্গীতবিদ পণ্ডিতদের বিভিন্ন অঞ্চলের এই গায়কী ও ভঙ্গির আঞ্চলিকতা সম্বন্ধে কোনো সঠিক জ্ঞান না থাকতে লোকসঙ্গীতের সমাজ-দায়িত্ব প্রায়ই তাঁদের থাকে না। এই ধরনের সঙ্গীত-নিশারদরা মিষ্টি গলা, সুরেলা কণ্ঠ, কিংবা গলার range শুনেই গায়ক-গায়িকাকে বাহবা দিয়ে থাকেন। অনেক সময় কম সুরেলা, কম মিষ্টি ও অপরিণীলিত গ্রাম্য গলা যে যৌথ সমাজের প্রাণবন্ত ভাবানুষ্ঙ্গ সৃষ্টি করে—emotional integration বা হৃদয় সাযুজ্য সৃষ্টি করে—বা মার্জিত, পরিণীলিত শহুরে গলায় পাওয়া যায় না—একথা তাঁরা বোঝেন না। তাই কোনো বিশিষ্ট সঙ্গীত-সমালোচক লেখেন : ‘লোকসঙ্গীত—যা আমরা শুনি, তা কিভাবে পরিবেশিত হবে? একেবারে উৎপত্তিস্থলে যেভাবে গাওয়া হয় ঠিক সেইভাবে, না একটু পরিমার্জিত আকারে? এক্ষেত্রে হয়ত নিতান্ত রক্ষণশীল ব্যক্তিদের সঙ্গে লেখকের মতের মিল হবে না। অলঙ্কার শাস্ত্রে বলে গ্রাম্যতা একটা দোষ। অনেক সময় লোকসঙ্গীতে এই গ্রাম্যতার আতিশয্য থাকে। খাঁটি গ্রামীণ পরিবেশে যারা গান শুনেছেন তাঁরা জানেন অনেকের মধ্যেই নানান রকম ‘ম্যানারিজম’ আছে—সে উচ্চারণেও হতে পারে, অথবা গাইবার ভঙ্গিতেও হতে পারে—এটাকে দোষই বলতে হবে। এবং গ্রামীণ গীতিতেও গ্রাম্যতার দোষ বহুল পরিমাণে থাকে। এটাকে যদি কেউ লোকসঙ্গীতের যথার্থ রূপ বলে ধরে নেন,

তা হলে অহুমান ভুল হবে। এইটুকুকে একটু শুধরে নিতেই হবে রসিক সমাজে পরিবেশনের খাতিরে।’

গ্রামে শিল্পী বলে যিনি স্বীকৃত তাঁকে গ্রামীণ পরিবেশেই অনেক গ্রহণ ও বর্জনের মধ্য দিয়ে যেতে হয়, তাঁকেও শুধরে দেবার লোক গাঁয়ে আছে। আন্তর্জাতিক Folk Music Council যে definition বা সংজ্ঞা দেন তার মধ্যে যে প্রক্রিয়া continuity—variation—selection তা সঙ্গীত ও সঙ্গীত-শিল্পীর গ্রামীণ পরিবেশেই সামূহিক উৎপাদক জীবনের সাযুজ্যেই ঘটে থাকে। কলকাতা মহানগরীতে উৎপাদনশীল জীবন থেকে বিচ্ছিন্ন কোনো ‘রসিক জন’ তা করতে পারেন না। আজকের দিনে এই বিচ্ছিন্নতাক্রিষ্ট ‘রসিক জন’রা কেবল বিকৃত ও কলুষিত করতেই সাহায্য করেন। নাগরিক রসিক জনদের কাছে শুধু থাকে তার entertaining value—শুধু তাদের ব্যক্তিগত মনোরঞ্জনের ব্যাপার—তখন folk music-এর social functional roleটা হারিয়ে যায়। লোকসঙ্গীতের এই urbanisation বা নগরায়ণের সঙ্গে ওতপ্রোতভাবে মিশে থাকে cominercialisation—ধনতাত্ত্বিক সমাজব্যবস্থার ব্যবসায়িক ব্যবহার—যা থেকে আসে যথেষ্ট বিকৃতি; আঞ্চলিকতার ছাপটা মুছে ফেলে তথাকথিত ‘রসিক জন’র বাজারের সর্বজনীনতা। এই সর্বজনীনতা মানে cosmopolitanism, যার অর্থ, জাতীয় প্রকৃতি হারিয়ে বিজাতীয় বারোয়ারী বারো-বাজারের লেবেল সাঁটা।

স্বরের এই ‘আঞ্চলিকতা’ সন্ধান করে আমাদের সঙ্গীতশাস্ত্রীরা ঘনিষ্ঠভাবে নাগরিক জীবন ছেড়ে উৎপাদনশীল শ্রম-জীবনের ছন্দে আবদ্ধ বিভিন্ন অঞ্চলে দীর্ঘকাল সরেজমিনে গবেষণা করলে দেখতে পাবেন :

(ক) তাঁরা যে ‘ক্লাসিকাল’ রাগ-রাগিণীর চর্চা করে থাকেন তারই মৌলিক উপাদানগুলি কিভাবে লোকসঙ্গীতে ছড়িয়ে আছে। তখনই উপলব্ধি করতে পারবেন কিভাবে art music-এর ইমারত folk music-এর বুনியাদের উপর দাঁড়িয়ে আছে। শুধু তাই নয়, folk music একটা নিজস্ব স্বতন্ত্র ধারায় প্রবাহিত। এখানেও আর্থ-অনার্থের সংঘাত ও সমন্বয় আছে। রাগসঙ্গীত, অর্থাৎ আর্থ সঙ্গীতের কাছে লোকসঙ্গীত, বা অনার্থ সঙ্গীত ছিল চির-অবজ্ঞাত। তাই তাকে অন্ত্যজ, অনার্থ, শ্লেচ্ছদের সঙ্গীতই ভেবেছেন তাঁরা এবং মাঝে মাঝে বাঁ-হাতে সঙ্গীতের স্বীকৃতি দিয়েছেন।

(খ) কিন্তু তার দ্বিধারিক এবং প্রধানত পঞ্চস্বরিক scale-এ যে স্বরের কাঠামো তৈরি করেছে, তার সেই melodic structure-এ প্রত্যেকটা জাতি,

উপজাতি ও গোষ্ঠীর এক একটা বিশেষ পরিচিতি বহন করছে—যাকে আমরা সেই অঞ্চলের যৌথ ভাবাবেগের ‘পকড়’ বলতে পারি।

(গ) ত্রিষরিক, চতুঃষরিক থেকে লোকগীতিতে জাতির লোকসঙ্গীতের বিকাশ ঘটেছে। কিন্তু তা ঘটেছে নিজস্ব স্বতন্ত্র নিয়মে ; tribal, semi-tribal থেকে বিভিন্ন নৃগোষ্ঠীর মিলনে যখন nationality বা sub-nation গড়ে ওঠে অর্থাৎ উপজাতি থেকে অধিজাতির রূপ নেয়, তখনি তাতে লোকসঙ্গীতের পূর্ণ বিকাশ দেখি।

এখানে ক্লাসিকাল সঙ্গীতশাস্ত্রীরা এক মুশকিল করেন। ভূপালি, দুর্গা, ঝিঁঝিঁট, ভীমপলশ্রী ইত্যাদি রাগের স্বরের স্বরীয় উপাদানে কোনো লোকসঙ্গীত পেলেই তাকে অমুক রাগ আখ্যা দিয়ে এমন আলোচনা করেন যাতে মনে হয়, অমুক রাগের প্রভাবেই অমুক লোকসঙ্গীতের সৃষ্টি। যেমন ভাটিয়ালীকে ঝিঁঝিঁট বা কসোলী ঝিঁঝিঁট বলেছেন স্বর্গীয় সঙ্গীতশাস্ত্রী সুরেশ চক্রবর্তী। ঝিঁঝিঁটের স্বরীয় উপাদান দেখেই সুরেশবাবু তা বলেছেন। কিন্তু গ্রামের সন্তান সঙ্গীত-নায়ক আলাউদ্দীন খাঁ এক ঘরোয়া আলোচনায় একই ভাটিয়ালী ‘নিরলে কইও গিয়া বন্ধুয়ার লাগ পাইলে’, লৌকিক এবং ক্লাসিকাল চণ্ডে শুনিয়ে আমাদের সামনে পার্থক্যটা তুলে ধরেছিলেন। কিন্তু কেবল স্বরের বিচারে নয়, আঞ্চলিক ভঙ্গি ও গায়কীতে তার পরিচয় এবং তাতেই তার প্রাণ-প্রতিমা প্রতিষ্ঠিত। ওস্তাদরা মুখে যদিও বলেন যে, লোকসঙ্গীত থেকেই রাগসঙ্গীতের উৎপত্তি, তথাপি তাঁদের দৃষ্টিভঙ্গিটি সম্পূর্ণ বিপরীত।

(ঘ) কিন্তু আবার রাগসঙ্গীত ও লোকসঙ্গীতের সম্পর্কটা যোগাযোগ-রহিত watertight নয়। লোকসঙ্গীত রাগসঙ্গীতকে জন্ম দিলেও আবার রাগসঙ্গীত লোকসঙ্গীতকেও কোনো কোনো সময় প্রভাবান্বিত করেছে। গ্রামের জীবনের বহুক্ষেত্রে, যাত্রাগানের বিবেকের গানে বা শানাইওয়ালার সুরে রাগসঙ্গীতের সুরতরঙ্গ গ্রামের বাতাসে প্রবাহিত হয়। সেজন্য বলি, যা পল্লীসঙ্গীত তা-ই লোকসঙ্গীত নয়। পল্লীতে সংকীর্তন বা শ্রামাসঙ্গীত ইত্যাদি নিত্যনৈমিত্তিক ব্যাপার। কিন্তু সংকীর্তন বা শ্রামাসঙ্গীত তো লোকসঙ্গীত নয়। তাছাড়া পল্লী অঞ্চলেও কিছু সংগীত-রচয়িতা থাকেন যারা রাগরাগিণী সম্বন্ধে ওয়াকিবহাল। তাঁদের রচনাও পল্লী অঞ্চলে ছড়িয়ে পড়ে। যেমন ত্রিপুরার সাধক মনোমোহন দত্ত গান রচনা করতেন, তাতে

আলাউদ্দীন খাঁ সাহেবের জ্যেষ্ঠ ভ্রাতা আফ্ তাবুদ্দীন খাঁ সুর সংযোজনা করতেন, তার বহু গান ছড়িয়ে আছে। ‘সাধুসঙ্গে প্রেমতরঙ্গে প্রেমতীর্থে মড়াইয়া মাথা, গুরু কল্লতরু জড়িয়ে ধরো—ওগো আমার ভক্তিলতা ..’, কিংবা ‘তিন তারের এক বীণা বাজে...’ এসব গান পূর্ববঙ্গে খুবই জনপ্রিয়। কিন্তু এগুলি সম্পূর্ণ বাগান্ধিত গান। ঢাকার দ্বিভাষাসেরও ‘আমার সংসার সঙ্গীতে পড়ে কুসঙ্গীতে হলো না সংগত সমাধান...’ প্রভৃতি গানও তেমনি জনপ্রিয় ছিল। কাজেই পল্লীতে যা পাই তাই লোকসঙ্গীত নয়। লোকসঙ্গীত পদবাচ্য হতে হলে তার কতকগুলো বিশেষ লক্ষণ থাকা প্রয়োজন।

আবার কোনো কোনো সময় বাংলা লোকসঙ্গীতে কোনো রাগের ধারা এসে মিশে গিয়ে লোকসঙ্গীতেরই অন্তর্গত হয়ে গেছে। যেমন ওস্তাদরা ‘বাংলা-বিভাষ’ বলে নাম দিয়েছেন। মূল বিভাষের সঙ্গে তার কোনো মিল নেই। লোকসঙ্গীতের তা অন্তর্ভুক্ত হয়ে আছে।

খাঁটি লোকসঙ্গীত গায়ক বলে ধারা আজ খ্যাত হয়েছেন—যেমন আব্বাস-উদ্দীন, শচীন দেববর্মণ—তাদের প্রথম প্রচেষ্টায়, অর্থাৎ গ্রামোফোন রেকর্ডে যা গান করেন তা রচনাভঙ্গি, গায়কীতে মোটেই লোকসঙ্গীত-পদবাচ্য ছিল না। শচীন দেববর্মণের প্রথম রেকর্ড—‘ডাকলে কোকিল রোজ বিহানে মাঠের বাটে যাই...’ গানটি, কিংবা আব্বাসউদ্দীনের—‘নদীর নাম সেই অঞ্জনা, নাচে তীরে খঞ্জনা...’ শুনলেই বুঝতে পারবেন। শচীন দেববর্মণের গানটির রচয়িতা ছিলেন হেমেন্দ্রকুমার রায় এবং আব্বাসউদ্দীনের সেই গানের রচয়িতা ছিলেন কাজী নজরুল। সেগুলি যদি লোকসঙ্গীতি হয় তবে রবীন্দ্রনাথের ‘গ্রামছাড়া এই রাঙা মাটির পথ...’ কিংবা ‘প্রাণের মাহুষ আছে প্রাণে...’ প্রভৃতি অনেক উচ্চদরের লোকসঙ্গীতি।

(৬) লোকসঙ্গীত সুগম সঙ্গীত নয়—দুর্গম সঙ্গীত। লোকসঙ্গীতে এমন অলংকরণ আছে যে, একজন দরবারী ওস্তাদ সারা জীবন রেওয়াজ করেও তা গলায় তুলতে পারবেন না। অথচ সেই অঞ্চলের লোক-গায়কের কাছে সেই অলংকরণটি তাঁরই অজ্ঞাতে অবলীলাক্রমে আসে। এই secret বা গোপন রহস্যটি জানা লোকসঙ্গীতের সমজ্ঞদারিত্বের জন্য অপরিহার্য। গলার এই earthy texture বা মাটির টানই মনকে টানে মাটির দিকে। যাকে বলে nostalgia বা ঘর-মুখিতা। কেবল সুরের তান বিস্তারের চমৎকারিত্বে এই ‘মুড়’ সৃষ্টি করা সম্ভব নয়। তাই লোকসঙ্গীতকে সুগম সঙ্গীত কিংবা লঘু

সঙ্গীত বলতে আমি নারাজ। রাগসঙ্গীতকে যারা চিরায়ত বলেন তাদের বলব, লোকসঙ্গীত তার চেয়েও বেশি চিরায়ত।

(৫) এখানে শুধু melodic structure বা সুরের গঠন নিয়ে আলোচনা করছি। কারণ কথা-নিরপেক্ষ সুরের যে ভাবরূপ ও চিত্ররূপ সেটাই এখানে আমাদের বিচার্য। লোকসঙ্গীত বিচারেরও সেটা একটা প্রধান কথা। ক্লাসিকাল রাগের যে ভাবরূপ বা চিত্ররূপ তা abstract বা বিমূর্ত, কিন্তু লোকসঙ্গীতের ভাবরূপ ও চিত্ররূপ বাস্তব শ্রমজীবন-বনিষ্ঠ। তাই যখন ভারতবর্ষের, তথা বিশ্বের বিভিন্ন অঞ্চলের খাঁটি লোকসঙ্গীত খাঁটি লোকশিল্পীর কণ্ঠে শুনি—তার কথা না বুঝলেও আমাদের মনকে এমন নাড়া দেয়। একজন সংগীতবিদ তার গ্রন্থে লিখেছেন : ‘ভৌগোলিক রূপটি লোকসঙ্গীতে ফুটে ওঠে প্রধানত কথার ব্যবহারে এবং লোকসঙ্গীত বিশিষ্ট পল্লীর ভাষা ও ভাব কেন্দ্র করেই পরিচিত হয়।’ কিন্তু কথাটা ঠিক নয়। Melodic pattern-টাই আসল কথা।

এজ্জাই লোকসঙ্গীতের সুর-রূপ বা melodic pattern জানাটা বিশেষ প্রয়োজন। এটা সমষ্টির oral creation। সেই সমষ্টির একটি প্রবহমানতা আছে—সেই প্রবহমানতার মধ্যেই তার কণ্ঠ-পরিচর্যা। সেই সমষ্টির মধ্যে ব্যক্তিপ্রতিভায় আনে সুরে variation বা বৈচিত্র্য, আবার তাতে সমষ্টির selection বা assimilation-এর স্বীকরণের মধ্যেই বৈচিত্র্য গৃহীত। শহরে বসে যারা যুগোপযোগী পরিবর্তনের কথা বলেন তাঁরা এই সৃষ্টি-প্রক্রিয়াটার সম্ভান রাখেন না।

বিশেষ শ্রম-প্রক্রিয়ায় নিযুক্ত বিশেষ প্রাকৃতিক পরিবেশে বিশেষ নৃগোষ্ঠীর উৎপাদন-প্রেরণাজাত সুরের বিশেষ চরিত্র-লক্ষণ, সেগুলি অধ্যয়ন না করেই সেই জীবন থেকে বিচ্ছিন্ন শহরের সঙ্গীতশাস্ত্রীরা লোকসঙ্গীত সম্পর্কে এমন মন্তব্য করেন যা মারাত্মক ভ্রান্ত। ক্লাসিকাল কণ্ঠ-পরিচর্যায় অনেক সময় সুন্দর লৌকিক কণ্ঠকে চরিত্রহীণ হতে দেখেছি। তার কারণটা তাঁরা বিশ্লেষণ করতে পারেন কি?

(৬) লৌকিক ভাবাভুত্বের urbanisation বা নাগরিক পরিশীলনের একটা প্রধান উপকরণ হল বাস্তব—লয় ও ছন্দ। দোতারা, একতারা, লাউয়া, মাদল, ঢোল, খুঞ্জুরী, খমক, মন্দিরা, কঁাসি প্রভৃতি তার, শুধীর বা ঘন যন্ত্রের লৌকিক সঙ্গীতের একটা বিশেষ বিবর্তন ও association বা অমুখ্য আছে। তার ষথাযোগ্য ব্যবহার না করলে সেই ভাবাভুত্বটি হারিয়ে যায়। শুধু একটি লাউয়ায় কোনো কোনো গানে যে মুড় ও ছন্দ সৃষ্টি করে তাকে আরো

embellish বা সুসজ্জিত করতে গিয়ে যদি বাঁশী এবং তবলার আমদানি করি তাতে অন্তর্লীন রসটা নষ্ট হয়। তাছাড়া তবলা বা হারমোনিয়ম লৌকিক ভাবাভূষণকে নষ্ট করে। ডপ্‌কী বা ঢোলকের বোলবাগী ও ছন্দ তবলার মজলিশী বোলবাগীতে ধরা দেয় না। আবার পূর্ববঙ্গের ঠিলের তারের দোতার। আর উত্তর বঙ্গের মুগার সুরতোর দোতারার sentiment এবং বাজানোর ছন্দও আলাদা। এসবের বিচার লোকসঙ্গীতের প্রকৃতি বিচারের সঙ্গে আজ জড়িত হয়ে পড়েছে। ছন্দ ও লয়ও এর সঙ্গে জড়িত। পৃথিবীর সব তালই দুই মাত্রা ও তিন মাত্রার টানাপোড়েনে গ্রথিত। শুধু ঝোঁকে ও চলনে এনেছে অসংখ্য ছন্দের বৈচিত্র্য। লোকসঙ্গীতের ছন্দ ও চলন ভিন্ন। লোকগীতিব সাধারণ চলনই আড়া চলন।

বিলম্বিত লয়ে যে সুরের প্রাণ প্রতিষ্ঠা তাকে যদি দ্রুত লয়ের দাপাদাপির মধ্যে ফেলা যায় তখন দেহ ছেড়ে প্রাণ উধাও হয়। কিংবা চার মাত্রার চলনকে তিন মাত্রার চলনে নিয়ে যাওয়া যায়, তখনো তা বিকলাঙ্গ হয়ে যায়। বেদনার্ত হৃদয়ে লোকসঙ্গীতের এই মৃত্যু ও বিকলাঙ্গ হওয়া রোজ কত দেখছি তার ইয়ত্তা নেই।

আবার তেমনি বিলম্বিত মেলডি বা সুরের আবেদনকে বৃন্দগীতে ফেলে পিষে মারা হচ্ছে। ভাটিয়ালী বৃন্দগীতে পড়লেই সারীতে রূপান্তরিত হয়, যেমনি ভাওয়াইয়া বৃন্দগীতে পড়লেই হয়ে যায় চট্‌কা। তাছাড়া মেলডির improvisation বা তাৎক্ষণিক সুরসৃষ্টি লোকগীতের একটা প্রধান কথা। বৃন্দগীতে এই improvisation-এর বা তাৎক্ষণিক সৃষ্টির কোনো স্থযোগ নেই।

বর্তমান আলোচনায় আরো কিছু প্রশ্ন রয়ে গেল। যেমন, নাগরিক ব্যবসায়িক বিকৃতির কথা। লোকসঙ্গীতের সমষ্টি-চিন্তা-বিনোদনের সঙ্গে সঙ্গে একটা সামাজিক ভূমিকা আছে, কিন্তু নগরের চিন্তাবিনোদনে সেই সামাজিক ভূমিকা ক্রমশ হারিয়ে ফেলে। তার পরবর্তী অধ্যায়ই হল commercialisation—অর্থাৎ পুরোপুরি অর্থকরী উদ্দেশ্য। আজকের স্নায়ু-উত্তেজক পরিবেশে লোকসঙ্গীতকেও চিংকার-হুন্স-হুল্লোড়ে স্নায়ু-উত্তেজক করে অনেকে পরিবেশন করছেন। সেখানে হৃদয়বৃত্তির বালাই নেই। লোকসঙ্গীত সেখানে পপ্‌ সঙ্গীত পর্যায়ভুক্ত। এ হল manufactured বা motivated folk music বা অর্ডারমাসিক তৈরি লোকগীত।

এই আলোচনার এখানেই উপসংহার টানছি। লোকসঙ্গীত বিচারের

একটা বিশেষ সমস্যা এখানে সংক্ষিপ্তভাবে তুলে ধরার চেষ্টা করেছি। আমার ব্যক্তিগত অভিজ্ঞতা-প্রসূত জ্ঞান থেকে ছ-চার কথা বলতে চেষ্টা করেছি— অবশ্য আমার জ্ঞানের অসম্পূর্ণতা সন্দেহে আমি সম্পূর্ণ সচেতন। সঙ্গীতবিদ গবেষকদের কাছে লোকসঙ্গীতির চর্চাকারীদের পক্ষ থেকেই আমি এই কথাগুলো নিবেদন করলাম।

আমার নিবেদনের মুখ্য কথা লোকসঙ্গীত আয়ত্ত করতে হলে একাত্ম হতে হবে। সেটা জীবনে জীবন যোগ করার সমস্যা। উৎপাদক মেহনতী মানুষই লোকসঙ্গীতের স্রষ্টা। যে অন্নদাতা সে-ই সুরদাতা। যে হাত লাঙলের খুঁটি ধরে, যে হাত নোকার বৈঠা ধরে, গুণ টানে, যে হাত জাল বোনে, সেই হাতই দোতারা বানায়, সেই হাতেই ঢোলের বোল ওঠে। সেই অবিচ্ছিন্ন জীবন থেকে সুরকে বিচ্ছিন্নভাবে বিচার করলে ভুল হতে বাধ্য।

এটা জনতার যুগ। কোনো গবেষক, কোনো বিশেষজ্ঞ বা শিল্পী তাদের থেকে দূরে বসে সিদ্ধিলাভ করতে পারেন না। শোষণের বিরুদ্ধে উৎপাদক মেহনতী মানুষের আজ যে সংগ্রাম তার সাথে আত্মিক যোগাযোগ অর্থাৎ পক্ষভুক্তি না থাকলে একাত্ম হওয়া যায় না।

অর্ধাহার অনাহারের মধ্যেও জনতার মাঝখান থেকে অসংখ্য শিল্পী তৈরী হচ্ছেন, শহরের সঙ্গীতবিদদের কাছে তাঁরা অজ্ঞাত। যাঁরা কলকাতায় এসে প্রচাৰ-বস্ত্রের মাধ্যমে খ্যাতি অর্জন করেন সঙ্গীতবিদরাও তাঁদেরই নাম উল্লেখ করে আলোচনা করে থাকেন। ক্লাসিকাল বা রবীন্দ্রসঙ্গীত নগরকেন্দ্রিক, কাজেই প্রথম শ্রেণীর শিল্পীদের জানা সহজ। কিন্তু লোকসঙ্গীত গ্রামকেন্দ্রিক—গ্রামের অখ্যাত অজ্ঞাত শিল্পীদের মধ্যেই আজও প্রথম শ্রেণীর শিল্পীরা রয়ে গেছেন। একটি প্রবাদ আছে : যার হাতে খাইনি তিনি বড় রাঁধুনী— যাকে দেখিনি তিনি বড় স্তম্ভরী। যার গান শুনিনি সেই বড় গায়ক, এই দৃষ্টি নিয়েই লোকশিল্পীর আবিষ্কারের সন্ধানে থাকতে হবে বিশেষজ্ঞদের। আব্বাস-উদ্দীনকে তাঁরা জানেন—জানেন না টেপু মিঞা বা বয়ান শেখদের। শচীন দেববর্মণকে জানেন, কিন্তু নিরঞ্জন সূর্যধর বা কুনিয়া শীল বা মহানন্দ দাসদের কেউ জানেন না—যাঁরা শচীন দেববর্মণের চেয়ে অনেক উঁচুদের লোকশিল্পী। তাই গণপ্রতিভা আবিষ্কারের সাধনা নিয়েই গবেষককে ডুব দিতে হবে জনসমুদ্রে।

লোকসঙ্গীত শুধু অতীত-সম্প্রদায় নয়, লোকসঙ্গীত বর্তমান ও ভবিষ্যতের প্রতিধ্বনি।

## লোকসঙ্গীতে যুদ্ধ ও শান্তি

ষাষাবর যুগবন্ধ শিকারীর ঐন্দ্রজালিক যুগে প্রকৃতিজয়ের কৌম প্রচেষ্টায় ও চেতনায় যে অস্ফুট ধ্বনি-অনুকৃতি তা থেকেই প্রথম সঙ্গীতের সৃষ্টি। পরবর্তী কৃষিজীবনের স্থিতিশীলতায় তার বিকাশ। আদি কৃষিযুগের কথা ও সুরের কোন নমুনা আমাদের হাতে নেই। অগ্রসর শ্রেণীবিভক্ত কৃষিসমাজে ব্যক্তিস্বাতন্ত্র্যের বিকাশের সঙ্গে impersonal কৌম-নৈব্যক্তিকতা থেকে personal ব্যক্তিচেতনার সুরবৈচিত্র্য এলো। এলো সঙ্গীতে শ্রেণীবিভাগ—বিদগ্ধ ও লোকায়ত।

লোকায়ত ধারাটির একটি অবিচ্ছেদ্য প্রবাহ আছে। কিন্তু আমরা যে সব লোকসঙ্গীত নিয়ে আলোচনা করে থাকি তার কালক্রম বেশীদিনের নয়। হাজার হাজার বছরের মানবসমাজ-বিকাশের পথে এগুলি বড়জোর দুই কি তিন শতাব্দীর ঐতিহ্য বহন করে চলেছে। অধিকাংশই গত শতাব্দীর মাঝামাঝি থেকে বর্তমান কালের রেখায় এসে মিশেছে। আদি কৃষিযুগের স্বতোৎসারিত impromptu গানের যুগ থেকে আজকের কোনো জনকবি-রচিত গানের যুগের মধ্যকার ব্যবধান অনেকখানি। তবু জনজীবনের বিবর্তনের বিচিত্র ধারাটি থেকে সে কখনো বিচ্ছিন্ন হয়নি। কাজেই পুরাতত্ত্ববিদের কৌতূহল নিয়ে লোকসঙ্গীতের আহরণ ও আলোচনা যেমন ভ্রান্ত তেমনি আধুনিক গণজীবনের আলোড়ন থেকে বিচ্ছিন্ন কোনো বিশেষ শহরে রচয়িতার বিফল অনুকরণকে লোকসঙ্গীত বলে স্বীকার করাও অত্যাশ।

লোকসঙ্গীতের ক্ষেত্রে কোনো কোনো পুরাতত্ত্ববিদ আধুনিক জীবনসমস্তার গন্ধ পেলেই লোকসঙ্গীতকে স্বীকার করে নিতে কুণ্ঠা বোধ করেন। এটা তাঁদের অনৈতিহাসিক গোঁড়ামি। অতীতকে দেখি লোকসঙ্গীতের বিশেষ রচনাশৈলী, প্রকাশভঙ্গী, সুরের স্বকীয় আঞ্চলিকতা ও গায়কী, এবং সর্বোপরি জনজীবন থেকে উদ্ভূত প্রেরণার কঠিন কষ্টপাথরে যাচাই না করে নির্বিচারে লোকসঙ্গীত আহরণের নিন্দনীয় অতিআধুনিকতা।

এই দুই ভ্রান্ত দৃষ্টিকে পরিত্যাগ করে বৈজ্ঞানিক বাস্তব দৃষ্টি দিয়ে লোকসঙ্গীতকে বিচার করলে আমরা তা থেকে সমাজ-রূপান্তরের সক্রিয় উপাদান খুঁজে পাব। জনসাধারণকে গভীরভাবে ভালবাসতে, তার সঙ্গে সমানীয়তা



স্থাপন করতে, এবং বর্তমান গণবিচ্ছিন্ন উন্নাসিক অবস্থার পরিবেশ থেকে নিজেকে মুক্ত করতে লোকসঙ্গীতকে পাব একটি হৃদয় সেতু হিসাবে।

বহুবিস্তৃত গণমানসের একটি বিশেষ ধারা আমার আজকের আলোচ্য বিষয়। বিষয়টি যুদ্ধ ও শান্তি। বর্তমানের সবচেয়ে জীবন্ত বিশ্বসমস্যা। সচেতন শান্তি-আন্দোলনের বাইরে সাম্রাজ্যবাদী যুদ্ধের বিরুদ্ধে সাধারণ মানুষের মনের প্রতিক্রিয়া প্রত্যক্ষ বা পরোক্ষভাবে যে গানগুলিতে প্রতিফলিত হয়েছে এখানে তার কয়েকটি দৃষ্টান্ত তুলে দেওয়ার প্রয়াস পাব। অবশ্য গান গেয়ে স্বরের মাধ্যমে যে উপলব্ধি, শুধু রচনার আলোচনায় সেখানে পৌঁছানো সম্ভব নয়।

প্রথমেই একটি ভিনিস লক্ষণীয়। আমাদের সাধারণ মানুষ বর্তমান এক-শ্রেণীর শান্তি-আন্দোলনকারীর মত যুদ্ধ মাত্রকেই পরিত্যাজ্য মনে করে না। যুদ্ধকে তারা দুইশ্রেণীতে বিভাগ করে দেখেছে। ঞায়যুদ্ধ ও অন্য়যুদ্ধ। রামায়ণ, মহাভারতের ঐতিহ্যবাহনকারী আমাদের জনতা। হিংসা বা অহিংসার অলীক ও অবাস্তব ethics দিয়ে তারা বিচার করে না। সিপাহী-বিদ্রোহ, নীলবিদ্রোহ থেকে শুরু করে ক্ষুদ্রিকাম, ভগত সিংয়ের অমর বীরগাথা আমাদের লোকসঙ্গীতের এক বলিষ্ঠ ঐতিহ্য। পূর্ববঙ্গের মুসলমান চাষীদের জারিগানে কারবালা প্রাস্তরের এজিদের বিরুদ্ধে ঞায়যুদ্ধের যে অপরূপ বর্ণনা পাই—বেদনা ও বীরত্ব তা মহান। সন্তানহারা ফতেমার দুঃখের মহিমা, স্বামীহারা বিবি সাকিনার ত্যাগের গৌরব, আজো অগণিত জনতার প্রেরণার উৎস হয়ে আছে ‘হুলহুলের’ পিঠে চড়ে হোসেন যুদ্ধে গেছে—মহরমের ঢোলের বাজনার কঁাকে কঁাকে কানে বাজে ফতেমার আকুতি

ও ঘোড়ারে হুলহুল ফিরিয়া আয় ঘরে

আজির রণ জিত্যা আইলে

সোনা দিমু তোরে।

ভনি বিরহী সাকিনার কান্না—

কান্দে বিবি সাকিনা

জিন্দগী ভরিয়া পতি আর তো দেখা হইল না।

জারিগনের চতুর্মাত্রিক পায়ের তালের সমসমে ওঠে লড়াইয়ের ব্যঞ্জন—

সাজো সাজো বলিয়া রে শহরে পইল সাদা

সাত হাজার বাজে ঢোল চোদ্দ হাজার কঁাড়া

... ..

তারপর সাজিল মর্দ ভুরুক আমানী  
সমুদ্রে নামলে তার হইত আটুপানী ।

ইত্যাদি ।

বীরের রক্তশোতে বানডাকা শুকনো ফোঁরাত নদীর ঢেউ আজো আমাদের  
জনসাধারণের মনে আলোড়ন তোলে ।

আসামে ষোড়শ ও সপ্তদশ শতাব্দীতে মোগল আক্রমণ হয়েছিল ।  
লাচিত বরফুকনের নেতৃত্বে এই আক্রমণের বিরুদ্ধে গণপ্রতিরোধ অসমীয়া  
গণমানসে যে আলোড়ন তুলেছিল তার লোকসঙ্গীত আজো তার সাক্ষ্য বহন  
করে ।

চিরাখুলি দিয়া খাঁউ প্রাণেশ্বরী  
সান্দহ্ খুলি দিয়া খাঁও ।  
রাতির ভিতরত কাপর বইদিয়া  
শতরু মারিব লৈ ঘাঁও ।

আসামের পৌষপার্বণ মাঘবিহু । প্রেমিকের জন্ম প্রেমিকা চিড়। কুটছে  
পিঠা তৈরীর জন্ম । কিন্তু প্রেমিক বলছে রাতারাতি প্রেয়সী তাঁতশালে  
কাপড বুনৈ দাঁও । পরে শত্রুর বিরুদ্ধে যুদ্ধে যেতে হবে ।

ব্রিটিশের বিরুদ্ধে মুক্তিযুদ্ধে ভারতের বিভিন্ন অঞ্চলে গণবিদ্রোহ,—  
আসামের উত্তর কামরূপ, বাংলার নীলবিদ্রোহ থেকে শুরু করে মালা-  
বারের মোগলাবিদ্রোহের মত অসংখ্য সশস্ত্র বিদ্রোহ আমাদের লোকসঙ্গীতে  
অমর সম্পদ রেখে গেছে । একদিকে শাসকশ্রেণীর অন্যদিকে রক্ষণশীল  
লোকসঙ্গীত সংগ্রহকারীর অবজ্ঞায় আজ সে গানগুলি লুপ্তপ্রায় ।

অন্যদিকে রাজায় রাজায় যুদ্ধ এবং প্রজার অহেতুক মরণে সাধারণ  
মাহুষ চিরদিন প্রতিবাদ করে এসেছে । ব্রিটিশ শাসনাধীনে ভারতকে  
হুটি সাম্রাজ্যবাদী যুদ্ধের জালে জড়িয়ে ফেলা হয়েছিল । এই যুদ্ধে ধনে-  
জনে ভারত সর্বস্বান্ত হয়েছে, কত ঘরে কান্না উঠেছে বিরহী বধূ ও সন্তানহারা  
মায়ের—তার সাক্ষ্য আছে আমাদের লোকসঙ্গীতে । কখনো প্রত্যক্ষ কখনো  
বা পরোক্ষভাবে এইসব লোকসঙ্গীতে যুদ্ধবিরোধী প্রতিবাদ ধ্বনিত হয়েছে ।  
প্রথম মহাযুদ্ধে বসরায় বহু ভারতীয় সৈন্যকে পাঠানো হয় । সিলেটে বসরাকে  
বিদ্রূপ করে একটি গান সে সময় খুব চালু হয়েছিল ।

মিঞা গেছলায় যে বসরায়

দেখছনি দলান

ছুটু ছুটু সিপাইগুলি লালকুঁড়া গায়

আটুপানিত লাইয়া তারা পিস্তল মারত যায়।

সিলেট, নোয়াখালি ও চট্টগ্রামের মুসলমান চাবীরা সমুদ্রগামী জাহাজে লঙ্কর হয়ে বিদেশে যায়। লড়াইয়ের সময় তারাই সবচেয়ে বেশী মরেছে। এই জাহাজীদের জীবনকাহিনী নীলসমুদ্রের নীচেই অবলুপ্ত। কোনো কোনো গানে হয়তো এসব হারামণির সন্ধান পাই। চট্টগ্রামের একটি গ্রাম্য গানে যুদ্ধের যে বেদনা ফুটে উঠেছে বাংলাদেশের লোকসঙ্গীতে তা ছলভ।

বসরার পোস্টঅফিস আইল ছারা।

খসম আমার গেলগৈ ছারি লরাইয়ের ডাক পাই স্ববা।

দিন গেল, মাসরে গেল, গেলরে বছর

আইল নারে খসমের মোর চিড়ির উত্তর।

অকালে পরিল ঠাডার কান্দের ভাইবোন দেশপারা।

হায় হায়রে—মাতা কান্দের পিতারে কান্দের,

কান্দের সোদর ভাই

বসরার কোনরে সন্ধান নাই।

মাইজ্যা ভাইয়ের বৌএ কান্দে

খুইল্যা ভাইয়ের বৌএ কান্দে

সোয়ামী আমার গেল মারা

পোয়া কান্দের মাইয়া কান্দের

বাপজান তারার গেল মারা।

খসম মানে স্বামী। ঠাডার মানে বজ্র। বসরার পোস্টঅফিস থেকে স্বামীর কোনো চিঠি নেই। অপেক্ষায় অপেক্ষায় দিন গেল, মাস গেল। বছর ঘুরে এল। স্বামীর কোন উত্তর নেই। অবশেষে একদিন শেষ উত্তর এলো। কিভাবে এলো জানি না। আশার নীলাকাশ থেকে বজ্রপাতের মত। ছেলেমেয়ে লুটিয়ে পড়ল—“বাপজান তারার গেল মারা।”

তেমনি একটি নোয়াখালির লোকসঙ্গীতে পাই :

মোর খসম গেছে যুদ্ধে চলিয়া

ওগো ননদী, আমারে একলা ঘরে খুইয়া।

ও ননদী গো উড়ুয়া জা'লে যুদ্ধ করে  
 জাপানে আসিয়া ।  
 উপরতনে পড়ল বোমা ছুঁকুমদারাম করিয়া  
 আমারে একলা ঘরে থুইয়া ।  
 ননদী গো ঘরের পিছে সিঁরাং বাইগুন  
 জইলা উঠে চিত্তের আগুন  
 বুঝাইলে মন বুঝ মানে না  
 ও মনে বুঝাই আমি কি দিয়া ।  
 আমারে একলা ঘরে থুইয়া ।

পল্লীসঙ্গীতের 'সাধার ঠিকই' আছে কিন্তু আশ্চর্য গেল বদলে। সামসুধর্মী সমাজের চিরন্তন পল্লীপ্রেমের গানে বিরহিনীর স্রোত-হলেন ননদী। ঘরের পেছনে বুলন্ত 'সিঁরাং বাইগুন' দেখে প্রবাসী প্রেমিকের জন্ত চিত্তে আগুন জলে ওঠা, সবই ঠিক আছে। কিন্তু ঘটনার মূল পটভূমি গেছে বদলে। সাম্রাজ্যবাদী যুদ্ধ এনেছে এ বিচ্ছেদ। এ ট্রাজেডি আরও তীব্র। প্রতিবাদ আরও শানিত। গানটি শুনেই বোকা বাবে এটি গত মহাযুদ্ধের সময়কার। বাংলাদেশে চট্টগ্রাম ও নোয়াখালি সে সময়ে বোমার প্রত্যক্ষ অভিজ্ঞতা লাভ করেছিল। যুদ্ধের কালোবাজারী অর্থনীতির মূদ্রাস্ফীতিতে সমাজজীবনের পরিবারবন্ধন ছিন্নভিন্ন করে দেয়। তার পরিচয় আমরা সে সময়কার বহু গানে পাই। সিলেটে তখন একটি গান প্রায়ই হাটেমাঠে শোনা যেত :

ননদ গো তোর ভাই গেল বৈদেশে  
 আর এলো না দেশে ।  
 চাটিগাঁয়ের রাজাগে মাটি  
 তোর ভাইয়ের কাছে লেখছি চিঠি  
 গুণের ননদ গো ।  
 মেলেরারীতে খেজর চাকরী গো করে,  
 সেজন কেনে বিয়া করে  
 গুণের ননদ গো ।

ইত্যাদি।

চট্টগ্রামের রাজামাটিতে তখন মিলিটারী বাঁটি তৈরী হচ্ছিল। যুদ্ধের

‘কটেকদারী’র আলাদীনের গল্প গ্রামে গ্রামে ছড়িয়ে পড়েছিল। সুরমাথা কাণ্ডজে নোটের ফাহুসে পল্লীবধুর সরল প্রেম উড়ে গেল। তাই তার অকপট জিজ্ঞাসা :

মেনেটারীতে যেজন চাকরী গো করে

সেজন কেনে বিয়া করে

গুণের ননদ গো।

মহাযুদ্ধের সঙ্গে সঙ্গে আমাদের লোকসঙ্গীতেও হাওয়াই-জাহাজের প্রতীক-চিত্র স্থান নিল। নিম্ন আসামের একটি গানে আছে :

উপরান দি যায় উড়ানজাহাজ তাহার দুইখন পাখা।

আমা লাগি আনি দিয়া হাতীর দাঁতের শাখা।

গতযুদ্ধে ভারতের মাটিতে যুদ্ধের আগুন আসাম সীমান্তে এসে পৌঁছেছিল। আসাম রক্ষার ভার তখন বৃটিশ সৈন্যের হাত থেকে মার্কিন সৈন্যের হাতে যায়। মার্কিন সিপাহীদের ছাউনী পড়ে আসামের সর্বত্র। এদের উপহাসে গ্রামের মেয়েরা জলের ঘাটে আসতে পারত না। মেয়েদের ইজ্জত-সম্মানের প্রতি এদের ছিল না বিন্দুমাত্র মর্যাদা। পল্লীসঙ্গীতে প্রেমিকার অভিসারে চিরদিনকার বাধা শাওড়ী, ননদ, পাড়াপড়নী। এবার হল তার চেয়ে হাজার গুণ বড় বাধা—সিপাহীর ভয়। এ ভয়কেও লঙ্ঘন করে যে প্রেম—তা সত্যিই দুর্বার। বীর যুবক তার প্রেমিকাকে ইঙ্গিত করছে :

সোনাকর ডালতে কপেমৌ কুঙ্কলিয়াই

সিমলুত শ্রেন পড়ি রয়।

রিঙি শুনি শুনি আহিবা লাহরি

নকরিবা চিপাহীর ভয়।

সোনাকর গাছে পায়রা ডাকছে, শিমুলগাছে আছে শ্রেন। ডাক শুনে শুনে প্রিয়ে তুমি এসো। সিপাহীর ভয় কোর না।

বীরবাহাদুর নেপালীজাতি। গুর্খালীর সঙ্গে ভোজালীর হরিহর আশ্রা। কিন্তু দারিদ্র্যের নিষ্পেষণে এদের দেশ ছাড়তে হয়। বৃটিশ সাম্রাজ্যবাদীদের তাই সবচেয়ে বড় রেজুটের স্থান ছিল নেপাল। প্রথম এবং দ্বিতীয় মহাযুদ্ধে বিভিন্ন রণাঙ্গনে হাতাহাতি ট্রেকযুদ্ধে অপরিসীম কৃতিত্ব ও শৌর্ষের ইতিহাস এরা রচনা করেছে। কিন্তু কার জন্য ? নেপালী লোকসঙ্গীতে এই পররাজ্যলোভী যুদ্ধের কোন মহিমাকীর্তন নেই। এই নির্ভীক প্রাণদানের অন্তর্লীন সুরটি

বেদনার। এবং সেই সুরটি প্রত্যেক নেপালী সিপাহীর কাছে এমনই প্রিয় যে নেপালী পণ্টনে মার্চ করার ব্যাণ্ডে হাই-জ্যাগার্স ব্যাগপাইপে সাইড ড্রামের ছন্দে গুণ্ডা গান গায় :

নারো নারো কাঞ্চীনানী হামি বাহুমধাওয়া ।

মরে পঁচি মরি যাওলা বাঁচে পঁচি আওলা ।

কিংবা

জার্মানকো ধাওয়া ও কাঞ্চী

জানো পড়িয়ো মায়ালাই ছোড়েড়ো ।

এমন কোন নেপালী নেই যিনি এ দুটি গান জানেন না, ধাওয়া মানে যুদ্ধ । “কৈদো না মেয়ে, আমি যুদ্ধে যাচ্ছি। যদি মরে যাই তো গেলাম । বাঁচলে তোমার কাছে ফিরে আসবো ।” “জার্মান যুদ্ধে যাচ্ছি প্রিয়ে, আমার মায়া তুমি ছাড়” ইত্যাদি । কত সহজ কথা কত সাধারণভাবে ব্যক্ত । অথচ কত গভীর তার বেদনাবোধ ।

নেপালী মেয়েদের সর্বশ্রেষ্ঠ উৎসব হল তিজ্ । একান্তভাবে এটি মেয়েদের উৎসব । গীতরচনাও মেয়েদের । আমাদের ভাইফোঁটার মত উৎসবের মূল লক্ষ্য ভাইয়ের শুভকামনা । এই গানগুলিতে ভোমরার মত আছে একটি একটানা সুর । কিন্তু কোথাও একঘেঁয়েমি নেই । সারারাত মেয়েরা হাততালি দিয়ে দিয়ে গান করে একই সুরে অথচ এমনি এক আবেশ এমনি এক আকৃতি এই গানে মনের তারে যেন সর্বক্ষণ গুঞ্জন করতে থাকে । এই রকম একটি গান শুনেছিলাম আসামপ্রবাসী নেপালী মেয়েদের কাছে ।

তীজকো রহর গর নানী নৈ ।

সুন মেরী দিদি সুন মেরী ভৈনী

পন্টনমা গয়েকা দাজু মেরা প্যারা

বীতে গোলা খায়ের ভনে খবর পায়ের

মন মোর ধরর রুজু বরর ।

তীজ উৎসবে আনন্দের দিনে বোনরা শোন আমার দুঃখের কাহিনী । আমার আদরের ভাই ছিল পণ্টনে । গুলিতে সে প্রাণ হারিয়েছে । আনন্দের দিনে পেলাম এই বুকফাটা খবর ।

নেপাল থেকে রেজুট হবার পর ভারতে এসে সবাই গোরখপুর ছাউনীতে

জড় হত। নেপালী মেয়ের সন্তবিরহের প্রতীকচিহ্ন হয়ে আছে গোরক্ষপুর।

দিনোদিন হাওয়াই জাহাজ আইরনি।

ঘরো বসি মশোখাই কয়েরনি।

আহু হজুর গোরক্ষপুর ছাউনিয়া।

মতো হজুর নেপাল আগনয়া।

আকাণে হাওয়াই জাহাজের গুঞ্জন। ঘরে মশোধার জনন। হুদুর গোরক্ষপুর ছাউনীর অজানা জীবন—সব মিলে দু'কথায় গানটি যুদ্ধের প্রতিবাদে কি অপূর্ব!

রাজস্থানের প্রাসাদের প্রতিটি প্রস্তরে, ধূসর প্রাস্তরের প্রতিটি মূলিকণা অতীত শৌর্ষের সাক্ষ্য বহন করে। আমাদের বর্তমানকালের অনেক দেশাত্মবোধক গান ও নাটকের উপকরণ অতীত রাজস্থানের এই বীরগাথা। কিন্তু আজকের রাজস্থানের মেয়ে রাজার ফোজে যোগ দিয়ে মরণের কোন সার্থকতা খুঁজে পায় না। সে গান গায় :

উচা রাণাজীরা গোথেড়ারে

নীচে পিছলে রে ঝিল পটেলা, মালবীয়ে

মারো জাইলোরে।

রাজারি বৈঠক ছোড় দেয়ে

কোতর ধকো ধাব পেটেলা—মালবীয়ে

মারো জাইলোরে ॥

(উদয়পুরের) রাজমহলের উচু চূড়া। সরোবরের পাড় নীচু। ও পেটেল (স্বামী) তুমি মরতে যেও না। রাজার ফোজ ছাড়। ক্ষেতির ধান্দার লাগ। ও পেটেল মরতে যেও না।

কিন্তু এ বিষয়ে সবকিছুকে যেন পিছনে ফেলে এগিয়ে যায় পাঞ্জাবের হৃদয়-নিওড়ানো গীতগুলি। ভারতের ষাররক্ষী পাঞ্জাব। যুগ যুগ ধরে পঞ্চনদীর দেশের নির্ভীক সন্তান বিদেশী আক্রমণকে প্রথম মোকাবিলা করেছে। পাঞ্জাবের বীরজনারা তাদের কপালে জয়ন্তিলক পরিয়ে রণাঙ্গনে নিজ হাতে বিদায় সন্ধ্যাণ জানিয়েছে। পাঞ্জাবের মেয়েরা গিদ্ধার নাচের হাততালিতে রণাঙ্গনের প্রবাসী স্বামীকে স্মরণ করে গেয়েছে :

পাওয়ে পাওয়ে পাওয়ে  
গিদা পাও হুনিও  
জং জিংকে সিপাহী কাড আওয়ে।

নাচ-নাচ-হুন্দরী—নাচ

আমার সিপাহী যেন জয়লাভ করে ঘরে ফিরে আসে।

কিন্তু এযুগে বলিষ্ঠ পাঞ্জাবী কৃষককে দীর্ঘদিন বুটিশের শোষণে নিঃশ্র হসে সৈন্তবাহিনীতে বেতনভুক্ সিপাহী হয়ে যুদ্ধে যেতে হল, তখন পাঞ্জাব বমণী গিদা নাচে স্বামীর জয় কামনা কবে না। অভিশাপ দেয় সে শাসককে, অভিশাপ দেয় যুদ্ধকে।

সঙ্ঘাত উত্থন জালিয়েছে মেয়ে। স্বামী তাব বিদেশে। উত্থন দাউ-দাউ জলছে। তন্দুর রুটি তৈরী হবে—তারি আয়োজন। কিন্তু হঠাৎ জলন্ত উত্থন, মাথা আটাব পিও সবই যেন তাব জলন্ত বিরহী মনের প্রতীক হয়ে দেখা দিল।

ইন্স্ তন্দুর হডডাকা বালন  
দোজক নাল তপাম।  
কারকে কলিজা কারলা পেরে  
হুসন প্লেখন লামা  
সিপাইয়া মোর পাওয়ে  
মৈ আউসিয়া পাওয়া

\* \* \*

সিপাইয়া তু গেন্দু লামো  
লাকে মেহু চোরা  
বিরহ হডডাহু এদা থা যাউ  
ঘিউ ছোলেয়াহু গোডা  
যাক বিছনা যাইকৈ

এ বাগ্ গাঁ দিয়া মোরা।

বিরহের উত্থনে আমার বুকের পাঁজরা হল ইন্ধন। মাথা আটাব পিও যেন আমাবই হুদপিও। প্রেমের আগুনে রূপের শিখায় সে হুদপিও জলে পুড়ে ছাই হচ্ছে। সিপাই তুমি আসবে কবে—। আমি যে ঘরে বসে দিন গুনছি। ছোলায় খোস। যেমন তেমনি থাকে। কিন্তু হুট পোকায় খেয়ে অন্তঃসারশূন্য করে দেয়। তুমি যুদ্ধে চলে যাওয়ার পর আমিও তেমনি অসার দেহ নিয়ে বেঁচে আছি।



যুদ্ধের বিরুদ্ধে এই অসহায় নীরব বিলাপই লোকসঙ্গীতের একমাত্র অন্তর্লীন ভাব নয়। কোণে, কোণে সে সুর কখনো অগ্নিবর্ষা হয়ে ওঠে।

গাড়ীয়ে নে তেরা পাইয়ে টুট ঝাঁর

চারেঁ টুট ঝাড় বাইয়াঁ।

গবকু তেঁ টোলেই

নারা দেড দোহাইয়াঁ।

ওরে গাড়ি—তুই যে আমার যৌবন ছিনিয়ে নিয়ে চলে যাচ্ছিস। আমি অভিষাপ দেই, তোর চাকাগুলি যেন খসে খসে পড়ে। যে রেলগাড়ি করে সিপাই চলে গেল—তার বিরহিনী বধু সেই গাড়ির দিকে তাকিয়ে এই অভিষাপ জানাচ্ছে। লৌহদানব বাষ্পশকটকে এরকম অভিষাপ পৃথিবীতে কেউ কোনদিন দিয়েছে কিনা জানি না। একটি নারীর ক্রন্দনের শব্দ দানবীয় ঘডঘড়ানির তলায় ডুবে যাবে না? কিন্তু এ তো পাঞ্জাবের এক সুদূর পল্লীর কোন এক কৃষক রমণীব একার অভিষাপ নয়। এ হল বিশ্বনারীজাতির অভিষাপ। এই অভিষাপে সাম্রাজ্যবাদের বাষ্পীয়শকটের চাকাগুলি একটি একটি করে খসে পড়ছে। তারপর একদিন—খুব দূরে নয়—তাব চলার শেষ চাকাটিও আর থাকবে না।

## বাংলার লোকসঙ্গীতে হিন্দু-মুসলিম ঐক্যের সাধনা

গ্রাম্য গীতিকার পালাগানের শুরুতেই থাকে বন্দনা। বন্দনায় ধেমন থাকে দিক্ বন্দনা :

পূবেতে বন্দনা করলাম পূবের ভাষুখর  
একদিকে উদয়রে ভাষু চৌদিকে পশর।...

ঠিক তেমনি থাকে সভার বন্দনা—পল্লী বাংলার সভা হিন্দু মুসলিমের মিলিত সভা।

সভা কইর্যা বইছ ভাইরে হিন্দু মুসলমান  
সভার চরণে আমি জানাইলাম সেলাম।

সেই সুরেরই রেশ টেনে প্রধান গায়ক বা বয়্যাতী গাইতে থাকেন—

হেতু আর মোছলমান একই পিণ্ডর দড়ি  
কেহ বলে আল্লা রহুল কেহ বলে হরি।

বিছমিল্লা আর গিরিবিষ্টু একুই গেয়ান  
দোফাক করি দিয়ে পরভু রাম রহমান

পাণ্ডা পুরোহিত, মোল্লা মৌলানা শাসিত সামন্ত সমাজের আনুষ্ঠানিক ধর্মের আচার বিচার যখন আমাদের কৃষিজীবী খেটে খাওয়া মানুষের মধ্যে বিভেদের ও বিচ্ছেদের বীজ বপন করেছে, জনসাধারণের কবি তখন বিপরীত জীবনদর্শন প্রচার করে ঐক্য ও সমন্বয়ের বাণী প্রচার করেছেন।

অজানা মুসলমান গ্রাম্যকবি গাজীর গীতে গেয়েছেন—

নানা বরণ গাভীরে তার একই বরণ ছুধ  
জগত ভরমিয়া দেখলাম একই মায়ের পুত।

গ্রামবাংলায় কৃষিজীবী নিরক্ষর মানুষের কাছে গ্রামের কবি এমনি এক মহান বিশ্বমানবতার বাণীকে এমন সহজ অথচ স্বেচ্ছাভীর আবেগে প্রচার করেছেন।

মোল্লা মওলানার শরীয়ত শাসন কিংবা সনাতন ব্রাহ্মণ্যধর্মের মন্থর বিধানকে অবজ্ঞা করে, সমাজপাতিদের লাল্লাকে অগ্রাহ্য করে, বৈষম্য, স্বর্গী ও সহজিয়া বাড়লের ভাবধারার সংমিশ্রণে এক অপূর্ব মানবতাবোধ গড়ে উঠেছিল। জাতপাত আচারবিচারের শুকনো বালুচরে তাদের এই নবভাবে বসায় যে মানবধর্মের দীনিমাটি পড়েছিল তাতে আমাদের পল্লীপ্রান্তর সবুজ প্রাণের ফসলে ভরে উঠে-

ছিল। সাধারণ খেটে থাওয়া মানুষের এই নিরক্ষর দার্শনিকদের কথা ভাবলেই প্রথমে মনে পড়ে মুসলমান কবিদের কথা—শানাল ফকির, সেখ মদন, শরীয়তী শাহ প্রভৃতি নাম শিক্ষিত শহরে সমাজেও আজ পরিচিত। কিন্তু কত ছোট বড় জ্ঞাত অজ্ঞাত লোককবি দেহের খাঁচার মধ্যে হীরামন পাখীর সন্ধান দিয়ে মানবদেহকে পবিত্রতম ঘোষণা করে স্বর্গ ও বেহেশতের উপরে স্থান দিয়ে গেছেন তার ইয়ত্তা নেই। সৃষ্টিতত্ত্বের শরীয়তী ধারণাকে গুলটপালট করে যখন মুসলমান পল্লী কবি হাছানরজা বলেন,

আমার আংখি হইতে পয়দা হইল আসমান জমিন  
কিংবা হিন্দু কবি মনোমোহন বলেন :

মনোমোহন কয় পেরেশন

পুজে হিন্দু মুসলমান

তড়িকৎ মঞ্জিল কইরে আপনে হজরত।

অর্থাৎ প্রেমের পথে নিজের দেহের মঞ্জিলেই হজরতের সন্ধান মেলে, সাম্প্রদায়িক শাসনক্লিষ্ট সমাজে এর ঐক্যসাধনকারী তাৎপর্য ছিল অপরিসীম। শুধু দেহতত্ত্ব নয়, হিন্দু মুসলমান নির্বিশেষে কৃষিজীবী গ্রাম্য বাংলার ভিজে মাটি ও সজল হাওয়ার আবেগের একটি সর্বজনীন পরিমণ্ডল সৃষ্টি হয়েছিল। আরবের কারবালার ফাতেমার চোখের পানি আর বাংলার নিমাই সন্ন্যাসের শচীমাতার বেদনাশ্র এক মোহানায় মিশে গেছে। হোসেনের ঘোড়াকে সন্মোদন করে ফাতেমার বুকফাটা বিলাপ :

ও ঘোড়া তুলতুলরে তুলতুল

ফিরিয়া আয় ঘরে

আইজের রণ জিতত্যা আইলে

সোনা দিমু তোরে।

কিবা শচীমাতার আকুতি :

ওরে ও নগরবাসী তোমরানি কেহ দেইখাছ নিমাইরে

তোমরানি দেইখাছ নিমাইরে

আমার প্রাণের বাছারে।

সন্ন্যাসী না হইওরে নিমাই

বৈরাগী না হইও।

ঘরে এসে অভাগীরে মা বলে ডাকিও নিমাইরে।...

মুশিদ মোজাহেদ চান্দে যখন গান—

তোর গৈরবে আমরা গৈরবিনী গো ফাতিমা মা

আবার শেখ মুসী সেই সুরে যখন গলা মিলান আমার শটীর দুলাল গৌরবে  
—তখন বিরহ বিধুর। বাংলার ব্যথিত প্রাণের তন্ত্রীতে একই আবেগের কম্পন  
তোলে আজ।

হাসানের বেটা কাসেমের বিবির যে বিলাপ—

যাইও না যাইও না নাথ আমারে ছাড়িয়া

যুদ্ধে যাইতে ছিল সাধ কেনে করলা বিয়া

তার সাথে ঘরের বধু বিষ্ণুপ্রিয়ার যে আর্তনাদ—শচীমাতা গো আমি  
চার জন্মে হই জন্ম দুঃখিনী—এই দুয়ে মিলে গ্রাম্য বাংলার হাওরে বিলে বারে  
বারে যে ভাবের ঢেউ উঠেছে, কাটা গাঙের মোলাজল তাকে কি ডুবিয়ে  
দিতে পারে ?

এই ভাবের প্রবাহে বাউল কবিদের দান অসামান্য।

বাউল বলতে এক কথায় আমরা যা বুঝি তা বাংলায় সূফী ও বাউল।  
সাধনার ধারার সমন্বয়ে সৃষ্ট জীবনদর্শন। এই বাউল ও সূফীরা যে মানুষের  
সম্বন্ধানী হয়েছিলেন তা আপাতদৃষ্টিতে গৃঢ় তত্ত্বের ব্যাপার হলেও  
সামাজিক দৃষ্টিতে তা ছিল জাত পাত ধর্মের উপরে মানবতার প্রতিষ্ঠা। সেই  
নবমানবতা বাংলার পল্লীসংস্কৃতিতে সেদিন এক নতুন প্রাণে সঞ্জীবিত করেছিল।  
আজ বাউলসঙ্গীতের সাধক এবং গবেষকরা তার তত্ত্ব নিয়ে মত্ত। কিন্তু তত্ত্বের  
ব্যাপার হলে তা লোকসঙ্গীতের অন্তর্ভুক্ত হতে পারতো না। তার সমাজসত্য,  
সহজ করে দেখা ও গভীর অনুভূতিই লোকমানসে ভাবের ঢেউ তুলেছিল।  
রবীন্দ্রনাথ তাই মহম্মদ মনসুরউদ্দীনের ‘হারামণি’র ভূমিকায় লিখেছেন :  
“আমাদের দেশে যাঁরা নিজেদের শিক্ষিত বলেন তাঁরা প্রয়োজনের তাড়নায় হিন্দু  
মুসলমানের মিলনের নানা কৌশল খুঁজে বেড়াচ্ছেন। অগ্র দেশের ঐতিহাসিক  
স্কুলে তাঁদের শিক্ষা। কিন্তু আমাদের দেশের ইতিহাস আজ পর্যন্ত প্রয়োজনের  
মধ্যে নয়, পরস্পর মানুষ ও অন্তরতর গভীর সত্যের মধ্যে মিলনের সাধনাকে  
বহন করে এসেছে। বাউল সাহিত্যে বাউল সম্প্রদায়ের সেই সাধনা দেখি, এ  
জিনিস হিন্দু মুসলমান উভয়েরই। তারা একত্র হয়েছে অথচ কেউ কাউকে আঘাত  
করেনি। এই মিলনে সভা সমিতির প্রতিষ্ঠা হয়নি, এই মিলনে গান জেগেছে।  
এই গানের ভাষা ও সুর অশিক্ষিত মানুষের সরস। বাউল দেশের গ্রামের গভীর

চিত্তে উচ্চ সভ্যতার প্রেরণা, স্থূল কলেজের অগোচরে আপনা আপনি কি রকম কাজ করে এসেছে, হিন্দু মুসলমানের জন্ত এক আসন রচনার চেষ্টা করেছে, এই বাউল গানে তারই পরিচয় পাওয়া যায়।”

যশোহরের পাঞ্জ শাহ ছিলেন তেমনি এক হুফী বাউল। গোঁড়া সমাজ-পতিদের দ্বারা নিগৃহীত হয়ে গেয়েছিলেন :

জেতের বড়াই কি,

ইহকালে পরকালে জেতে করে কি।

আমার মন বলে অগ্নি জ্বলে দিই জেতের মুখি,

এক জেতের বোঝা লয়ে

চিরকাল কাটালাম মানী মাছুষ হয়ে,

মানের গৌরব, কুলের গৌরব

ধন্ববাজি সব দেখি।

লোকে পেটের জ্বালায় দেশান্তরী হয়,

হিন্দু মুসলমানের বোঝা মাথায় করে রয়,

কার বা জাতে কেবা দেখে ঘরে এলে চিহ্ন কি।

‘আমার মন বলে অগ্নি জ্বলে দিই জেতের মুখি’—বাউল তন্ময়ের অন্তরাল থেকে ক্রোধে অভিমানে বেরিয়ে আসা এই গান মনে করিয়ে দেয় বিদ্রোহী কবি নজরুলের—জাতের নামে বজ্রাতি সব জাত জালিয়াত খেলছে জুয়া। কিন্তু এ বিষয়ে লালন শাহের তুলনা নেই। আমাদের অতি পরিচিত মরমীয়া লালন ফকির সমাজের অতি নীচুতলা থেকে উপর তলার বিভেদকারী ধর্মবুদ্ধিকে তীব্র চাবুক হেনেছেন। হিন্দু মুসলমানের উদ্দেশ্যে এক মানবধর্ম প্রতিষ্ঠা ছিল তাঁর সাধনা।

ফকিরি করবি ক্ষেপা কোন রাগে,

আছে হিন্দু-মুসলমান দুই ভাগে।

থাকে ভেস্টের আশায় মমিনগণ,

হিন্দুরা দেয় স্বর্গেতে মন,

ভেস্তু স্বর্গ কাটক সমান

—কার বা তা ভালো লাগে।

তারপরেই তাঁর জীবনদর্শন যে মানবতত্ত্ব তা অতি পরিকার ভাবে প্রচার করেছেন :

মানবতত্ত্ব বার সত্য হয় মনে

সে কি অণু তত্ত্ব মানে ।

মাটির ডিপি কাঠের ছবি

ভূতভাবে সব দেবাদেবী,

ভোলেনা সে এসব রূপি

ও যে মানুষ রতন চেনে ।

জিন ফেরেশতার খেলা

পেঁচাপেঁচি আলা ভোলা

তার নয়ন হয়না ভোলা

(ও সে) মানুষ ভঞ্জে দিব্যজ্ঞানে । ইত্যাদি

পারস্যের যে কবি শরীয়তের শাসনকে অবজ্ঞা করে একদিন বলেছিলেন ‘আনাল হক’ ‘আমিই সত্য’ এবং তদানীন্তন ধর্মজীবীদের দ্বারা আশুনে নিক্ষিপ্ত হয়েছিলেন, গল্পে আছে, তাঁর ছাইয়ের সঙ্গে আনাল হক ধ্বনি বাতাসে চারদিকে ছড়িয়ে পড়ে। বাংলার মাটিতে সে ছাই এসে লালনের মত বহু কবির জন্ম দিয়েছে। সামন্ত সমাজের অচলায়তনের মধ্যে এই ফকিরেরা গণচেতনার নিভুল করমান। তাই সাধারণ মানুষের মধ্যে এই জীবনদর্শন এমনি ছড়িয়ে পড়েছিল।

আমাদের দেশের সর্বধর্মসমন্বয়বাদীদের চেয়ে এই বাউলরা ছিলেন অনেক অগ্রসর। সমন্বয়বাদীদের মন্দিরে গীর্জায় মসজিদে সর্বত্রই সত্য আছে, এরা দেবাদেবী, জিন ফেরেশতা সবই সত্য বলে জোড়াতালি তব্ব দিয়ে সমন্বয় সাধনের ব্যর্থ চেষ্টা করেছেন।

কিন্তু সহজিয়া সুফি বাউলরা সে তুলনায় ছিলেন বিপ্লবী। তাঁরা মন্দির মসজিদ মার্কা ধর্মে অনাস্থা প্রকাশ করেছেন।

মদন বাউল অত্যন্ত জোরালো ভাষায় গেয়েছেন :

তোমার পথ ঢেক্যাছে মন্দিরে মসজিদে

ও তার ডাক শুনে সাই চলতে না পাই

আমায় রুখে দাঁড়ায় শুরুতে, মুরশেদে ॥

কিংবা

মোর যাইতে তো চায় না মন মক্কা-মদিনা

বন্ধু আমার কাছে আমি রইব তারি কাছে,

পাগল হইতাম ঘরে রইতাম  
 তারে চিনতামরে যদি না।  
 (আমার) নাই মন্দির কি মসজিদ  
 নাই পূজা কি বকরিদ  
 তিলে তিলে মোর মক্কা কাশী  
 পলে পলে স্ফুটনা।

ধারা বাউলতত্ত্ব আলোচনা করেন, ঈড়া, পিঙ্গলা, স্ফুটনার ত্রিবেণী সঙ্গমের  
 কিংবা স্ফুটীদের আবহায়াতের নির্যাসিগীর গুহ্য ধারার সন্ধান বিশ্লেষণ করেন,  
 তাঁরা এই তত্ত্বের সামাজিক ও মানবিক তাৎপর্ষ্যের এ দিকটাকে অবহেলা করে  
 যান। বরঞ্চ ‘হিন্দুধারা’ ও ‘মুসলিম ধারা’র অসুসন্ধান করে লোকসঙ্গীতের এই  
 সবল ঐতিহ্যকে অবজ্ঞা করে পরোক্ষভাবে সাম্প্রদায়িকতাকে প্রশ্রয় দেন।

কিন্তু মাটির টিপি আর কাঠের ছবি বা জিন ফেরেশতার শাসন সমাজে  
 আজও অব্যাহত হয়ে রইল। কারণ সামন্ত সমাজেরই ক্ষুধিত পাষাণের উপর  
 গজিয়ে উঠল বিদেশী মূলধনের মুৎসুদ্দীদের মোতিমহল। এখানে এ আলোচনায়  
 ঢুকতে চাই না।

বাউলদের মানবতাবাদ হয়তো আজকের সমস্তা সমাধানের পথে  
 সাম্প্রদায়িকতার দুষ্ট ব্রণের উপর অস্ত্রোপচারে অসমর্থ। সেজন্য চাই জনতার  
 শ্রেণীসংগ্রামের নতুন জীবনদর্শন। কিন্তু আমাদের পল্লীকবিদের বলিষ্ঠ  
 ঐতিহ্যের উপরেই গড়ে উঠবে এই নতুন জীবনবেদ।

## শ্রীহট্টের লোকসঙ্গীতের সুরবিচার

॥ এক ॥

“শ্রীহট্টের লোকসঙ্গীতের নিজস্ব বৈশিষ্ট্য কি? বাংলা দেশের অন্যান্য স্থানের লোকসঙ্গীতের সঙ্গে এর কোনো সুরগত পার্থক্য আছে কি না,—সে সম্পর্কে ব্যাকরণ-সম্বত আলোচনা করুন”—প্রশ্নটি এই পুস্তক প্রণেতা অধ্যাপক ডাঃ নির্মলেন্দু ভৌমিক মহাশয়ের। শ্রীহট্টবাসী না হয়েও শ্রীহট্টের ইতিহাস ও লৌকিক ঐতিহ্যের গবেষণায় যে নিষ্ঠা ও অহুরাগ তিনি দেখিয়েছেন, তা সত্যি প্রশংসনীয়। শ্রীহট্টের গীত রচনার ধারার বিশদ আলোচনা তিনি করেছেন। আমার উপর ভার পড়েছে—তার সাক্ষীত্বকী নিয়ে আলোচনা করবার; যদিও জানি, ভাবকে বাদ দিয়ে ভঙ্গীর আলোচনায় একপেশে হবার ভয় থাকে।

শ্রীহট্টের সুর বলে কি কোনো সুর আছে? বাংলা দেশকে যদি তিনটি অঞ্চলে ভাগ করি সুরের দিক থেকে,—তাহলে বলতে পারি, পূর্ববঙ্গ ভাটিয়ালী-প্রধান, উত্তরবঙ্গ ভাওয়াইয়া-প্রধান এবং মধ্য ও পশ্চিমবঙ্গ বাউল-প্রধান। কিন্তু ভাটিয়ালী-প্রধান পূর্ববঙ্গকে আবার স্তম্ভ সুর-বিচারে মোটামুটি জেলাগত অল্প-বিভাগে ভাগ করতে পারি। আমরা যারা পূর্ববঙ্গের সুরের সঙ্গে ঘনিষ্ঠভাবে পরিচিত, সেই অঞ্চলের গান শুনলেই অমুক ঢঙটা ময়মনসিংহের, অমুক ঢঙটা ত্রিপুরার, অমুক ঢঙটা শ্রীহট্টের—ইত্যাদি বলতে অভ্যস্ত। কী পদ্ধতিতে এই ভাগটা করে থাকি? কোনো বৈজ্ঞানিক রাগবিভ্রমণে মোটেই নয়,—কেবলমাত্র “তৈরী কান” দিয়ে। কোনো বিশেষ ঢঙ, বিশেষ ছন্দ ও বিশেষ গায়কীতে এমনি একটা আঞ্চলিকতা মিশে থাকে এবং তা শুনতে-শুনতে এমনি অভ্যস্ত হয়ে বাই যে এই সুর-বিচারে কোনো দিন বুদ্ধিগত বিভ্রমণের চেষ্টা করিনি। কাজেই, এই স্বভাব-স্বীকৃতিগুলোকে ব্যাকরণ-সম্বত আলোচনায় দাঁড় করানো সত্যি অতি দুর্লভ ব্যাপার। তা ছাড়া, গান গেয়ে দেখানো যেমন সহজ, লিখে—এমনকি, স্বরলিপি করেও তা প্রমাণ করা তেমন সহজ নয়। স্বরলিপিতে পল্লীসঙ্গীতের ঢঙ ও স্রুতির মাদুর্ঘ্য কোনোদিনই ধরা পড়ে না।



সকলেই জানেন, সাতটি পূর্ণস্বর এবং পাঁচটি অর্ধস্বরের যোগ-বিয়োগের টানা-পোড়েনে সমগ্র বিশ্বসঙ্গীতের ধ্বনিতরঙ্গের চিত্র-বিচিত্র নক্সা ধরা পড়েছে। মানব-সভ্যতার বহু শতাব্দীর বিবর্তনের পর মানুষের কর্ণ এই বারোটি স্বরকে আয়ত্তে আনতে পেরেছে। আজো অধিকাংশ লোকসঙ্গীত ঔড়ব-জাতীয়,—অর্থাৎ পঞ্চস্বরী, পঞ্চস্বরিক। বাংলার লোকসঙ্গীতের বৈচিত্র্য ও ঐশ্বর্যের একটি বড় কারণ এই যে, কড়ি-মধ্যম ছাড়া সমস্ত স্বরেরই প্রয়োগ এতে পাওয়া যায়। ভাটিয়ালী ঠাটেও কড়ি-মধ্যম ছাড়া সব কটি শুদ্ধ ও কোমল স্বরের ব্যবহার আমরা পাই। ভাটিয়ালীর সর্বজনীন রূপটি হল,

সা রা মা মা -। পা পা ধা গধা -পা।  
 আ মি ব কু ব্ প্রে মা গু নে •  
গধা পমা পা মা -গা -রা সা -পা -ধা।  
 পো ডা স ই • • গো • •  
 ধা সা সা -। রা গা রা -। গা রা সা  
 আ মি ম ব্ লে পো ডা স্ নি তো রা

ভাটিয়ালীর অবরোহণে পা মা গা রা সা গা ধা। মৃদারার পঞ্চম থেকে উদারার কোমল নিখাদে নেমে ধৈবতে যে বিরাম,—ভাটিয়ালীর ‘পকড়’ বা প্রাণ সেখানেই। সমস্ত পূর্ববঙ্গের প্রাণ-ভোমরার এটাই হলো ফটিক মিনার। এই ভাটিয়ালীরই deflectional changes আরোহণ-অবরোহণের বহু রকমফেরেরই এক একটি বিশেষ ভঙ্গী আঞ্চলিকতার সৃষ্টি করেছে। তার উপর, গায়কীর আঞ্চলিকতা তো আছেই,—যদিও জেলায়-জেলায় ভৌগোলিক সীমান্তের মতো স্বরের ধারার সীমান্ত-রেখা টেনে দেওয়া সম্ভব নয়। ভাষার উচ্চারণে এবং intonation-এ আঞ্চলিকতা তো আছেই। যেমন, উপরের গানটি গাইবার সময় শ্রীহট্টের গ্রাম্য গায়ক গাইবেন,

আমি বন্ধের প্রেমাগুনে পুরা,—

সইগ’, আমি মইলে পুরাস নি তরা ॥

শ্রীহট্টের ভাটিয়ালীর একটি সাদৃশ্যবোধক বিশেষত্ব আছে। ভাটিয়ালীতে রাধা-কৃষ্ণের প্রেম-প্রসঙ্গ এসেছে অনেক পরে। তার আদিম রূপটি ছিল—বাস্তবজীবনের কথা ও ব্যথা, নদী ও নৌকা। প্রকৃতি ও প্রেম। পরে এলো দার্শনিকতা : নদী হলো জীবন-নদী, নৌকা হলো দেহ-তরী। তেমনি স্বরের ক্ষেত্রেও ক্রমবিবর্তন আছে। প্রথমে সারি, পরে ভাটিয়ালী। যুগবন্ধ সমাজের

যুথবদ্ধ সঙ্গীত । একক গানের পূর্ণ পরিণতি লাভ ঘটেছে অনেক পরে । একক ভাটিয়ালীর তান-কর্তব সারিতে থাকতে পারে না । এখনো চতুষ্সরিক সারিগান শুনি—উড়ে উড়ে বওয়ায় উড়ে গাঙ্গে । শ্রীহট্টের একটি অতি-প্রচলিত ভাটিয়ালী গান—

কালো মেঘে সাজ কইর্যাছে,

পরান তো মানে না ;

সাবধানে চালাইও তরী—

নাও যেন ডুবে না ।

বা' নাইয়া, নদীর কুল পাইলাম না ॥

সা	সা	রা	জা	-মা	-জা	-রা	-সা
কা	লো	মে	ধে	°	°	°	°
সা	-রা	গা	-মা	গা	রা	-সা	-া
সা	জ্	ক	ই	রা	ছে	°	°
সা	গা	-া	গা	মা	পা	মা	-গা
প	রা	ন্	তো	মা	নে	না	°
গা	মা	ধা	গা	-র্সা	-গা	-ধা	-পা
সাব্	ধা	নে	চা	°	°	°	°
পা	-গা	ধা	গা	-ধা	-পা	গা	মা
লাই	ও	ত	রী	°	°	নাও	যে
							ন
পা	মা		গা	সা	সা	-া	-গা
ডু	বে		না	বা	না	ই	য়া
পা	মা	-া	মা	-গা	গা	-রা	সা
ন	দী	র্	কু	ন্	পা	ই	লা
							ম্
গা	-রা	-সা					
না	°	°					

এখানে মেঘ-এর 'ঘ'-এর উপর আন্দোলায়িত কোমল গান্ধার এবং চালাইও-র 'চা'-তে দীর্ঘায়িত কোমল নিধাদের আবেশে এমনি এক উদার মাধুর্য সৃষ্টি করে—যা একেবারে শ্রীহট্টের নিজস্ব বলে দাবী করতে পারি । ভাটিয়ালীর মুক্তগতি তাল সহ করতে পারে না ; এ গানটিও তালহীন । সে দিক থেকেও এখানে ভাটিয়ালীর পরিপূর্ণ রূপটি ধরা পড়েছে ।

তালে ফেলে গাইলেও রাখারমণের—

রাই-বিচ্ছেদে প্রাণ বাঁচে না,—

মইলো, গো রাই কাঁচা সোনা...

এখানে 'মইলো' শব্দটি

ধা	-পা	-মা	-গা	-পা	ধা	-পা	-মা	-গা	রা	সা	-না
ম	•	•	•	ই	লো	•	•	•	গো	রা	ই
না		সা		সা	গা		-সা		-রা		-সা
কা		চা		সো	না		•		•		•

ধৈবত থেকে নেমে আবার ধৈবতে উঠে, ঝটকা মেরে নীচে নেমে আসার ঢঙটি ত্রিহট্টের একটি বৈশিষ্ট্য।

ত্রিহট্টের হবিগঞ্জ মহকুমায় এবং ত্রিপুরার সীমান্ত অঞ্চলে ভাটিয়ালীর স্বরের একটি বিশেষ ঢঙ পাওয়া যায়,—যাতে আছে উত্তরাঙ্গে টপ্পার কম্পনে এক অদ্ভুত প্রাণবন্ত প্রকাশভঙ্গী। যেমন,

বড়ো দুঃখের দুঃখী আমি ও গুরু,

ভবে কেউ নাই আপনার—

ত্রিচরণে এই নালিশ আমার ॥

পা	পা	পা	পা	ধা	-সা	-জঁ	—	-রা	-সা	-
আ	মি	ব	ডো	দুঃ	খে	•	•	•	•	•
-গা	-	-ধা	-	-পা	-	পা	পা	ধা	গা	
•	•	•	•	•	বু	দুঃ	খী	আ	মি	
গা	—	-ধা	—	-পা	—	-মা	—	-ধা	—	-পা
মা		পা		ধা	-	মা	পা	ধা	-	
গু	•	•	•	•	•	•	•	গু	রু	•
পা	পা	—	-মা	মা	-ধা	পা	-মা	সা	রা	
ভ	বে	•	কে	উ	না	ই		আ	প	
সা	-পা	-ধা								
•	•	ব								

॥ দুই ॥

শ্রীহট্টের লৌকিক ঐতিহ্যে ধর্মের দিক থেকে দুটি প্রধান ভাবধারা প্রবহমান। একটি বৈষ্ণব, অপরটি সূফী। অধ্যাপক নির্মলেন্দু ভৌমিক এ বিষয়ে বিশেষ আলোচনা করেছেন। সুরের ছন্দ ও ভঙ্গীতে বৈষ্ণব ধারাটি হল মূলতঃ বিলম্বিত মীড়-আশ্রয়ী এবং তা লীলায়িত ; অহুগামী বাগ্গযন্ত্র—একতারযুক্ত ‘লাউয়া’ বা ‘লাউ’। সূফী ধারাটির সুর প্রধানতঃ গতি-প্রধান, কাটা-কাটা ঝটকা দেওয়া, ত্রিমাত্রিক ছন্দ ; অহুগামী যন্ত্র—দোতারী ও খমক। বৈষ্ণব-ধারার লীলায়িত চলনের মধ্যে সূফী-ধারাটি নিম্নে এল এক গতির আবেগ। এই দুটি ধারাকে অনেকে হিন্দু-ধারা ও মুসলমান-ধারা বলে আখ্যা দেন। কিন্তু আমার মনে হয় তা ভুল। কারণ, এই দুটি ধারারই প্রগতিশীল সামাজিক মুখ্য ভূমিকা ছিল—হিন্দু-মুসলমানের এক মিলিত ভাবধারা, এক মিলিত সংস্কৃতি গড়ে তোলার। হিন্দুর গুরু, মুসলমানের মুরশিদ , হিন্দুর রাধাকৃষ্ণ, মুসলমানের আশিক মাস্তক মিশে গেছে।

ভাবাদর্শে যেমন, ঠিক তেমনি সুরের ক্ষেত্রে হিন্দু সুর ও মুসলমান সুর বলে ভাগ করাটা হবে ঐতিহাসিক ও অবৈজ্ঞানিক। পশ্চিমবঙ্গের বাউলের ছন্দের সঙ্গে পূর্ববঙ্গের সূফীগানের খুব মিল। বাউলগান নৃত্যসম্বলিত ; বাগ্গযন্ত্র—ডুগি ও খমক। কাজেই, বাউলের গানেও আছে কাটা-কাটা ত্রিমাত্রিক ছন্দ। সে বাউল গান শ্রীহট্টে কিংবা ত্রিপুরা-ময়মনসিংহে যখন ভাটিয়ালী সুরের প্রভাবে দেহতত্ত্ব-‘বাউল’ গানে রূপান্তরিত হলো, তখন দেখি—ভাব এক হয়েছে ও ভাটিয়ালীর ঢিমে টানা-টানা লয়ে তার প্রকাশভঙ্গী গেছে সম্পূর্ণ পালটে। ঢাকার বিখ্যাত নরসিন্দী বাউলেরা ব্যবহার করেন ‘সারিন্দা’। এই ছড়-টানা তারের যন্ত্রের টানে-টানে পশ্চিমবঙ্গের বাউল-সম্প্রদায়ের নাচের ছন্দ একেবারেই হারিয়ে গেল।

শ্রীহট্টের সূফীদের ‘মারিফতী’ গানে প্রায় পশ্চিমবঙ্গের বাউলের ছন্দ। শ্রীহট্ট মারিফতীদের পীঠস্থান। শ্রীহট্ট শ্রীগোরাঙ্গের দেশ। কিন্তু, শ্রীহট্টের বিশেষত্বকে বোঝাতে গিয়ে আমরা প্রায়ই বলি ‘শাহজালালের মাটি’। ‘তিন শো’ বাট আউলিয়ার দেশ’ বলে শ্রীহট্টের খ্যাতি। শ্রীহট্ট জেলায় বৈষ্ণবের আখড়ার চেয়ে পীরের ‘মোকাম’ বা ‘দরগা’ অনেক বেশী। পূর্ববঙ্গে বহু ফকির-কবির জন্ম হয়েছে। তাঁদের উপর শাহজালালের প্রভাব অসামান্য। আজো শাহজালালের জন্ম-বার্ষিকীতে—‘উরসে শাহজালাল’ দিবসে পূর্ববঙ্গের বিভিন্ন

জেলা থেকে শ্রীহট্টের শাহ্‌জালালের দরগায় অসংখ্য পীর-আউলিয়ার সমাগম হয়ে থাকে,—পশ্চিমবঙ্গে ঠিক যেমন জয়দেবের জন্মস্থান কেন্দুলীতে প্রতিবৎসর বাউল-সম্প্রদায়ের সমাবেশ হয়। পীর শাহ্‌জালালের ঐতিহ্য বহন করে এযুগে শ্রীহট্টে আকবর আলী, আরকুম শাহ্‌, ইরপান, উম্মর পাগল, মজাইদ চান্দ, শেখ বাহু (ভাহু), হাছন রজা প্রভৃতি শ্রীহট্টের লোকসঙ্গীতে এক অবিস্মরণীয় ঐশ্বর্যশালী গীতি-ধারার সৃষ্টি করেছেন। শেখ বাহু (ভাহু)-র “নিশীথে যাইয়ো ফুলবনে রে ভরসা” কথাস্তরিত হয়ে অল্প নামে রেকর্ড করা হয়েছে।

রবীন্দ্রনাথ যখন শ্রীহট্টে গিয়েছিলেন, তখন মরমী কবি হাছন রজার রচনায় মুগ্ধ হয়ে “হাছন উদাস”-এর পাণ্ডুলিপি সংগ্রহ করে অতি যত্নে সঞ্চে করে নিয়ে আসেন। তিনি তাঁর হিবার্ট বক্তৃতায় (Religion of Man) পূর্ববঙ্গের কোনো গ্রাম্য কবির দার্শনিকতার দৃষ্টান্ত দিতে গিয়ে হাছন রজার “আমার আশ্বি হৈতে পয়দা হৈল আশমান-জমিন্” এই গানটির উল্লেখ করেন।

আমরা এই গানগুলোকে এক কথায় ‘মুরশিদী’ এবং কোনো কোনো সময় ‘মারিকতী’ গান বলে থাকি। পূর্ববঙ্গের অগাণ্ড অঞ্চল সহ শ্রীহট্টের এই ‘মুরশিদী’ গানের সুরের একটি বিশেষ চও আছে। উত্তরবঙ্গের ‘চটকা’-র সঞ্চে সুর ও ছন্দে এর খুব সাদৃশ্য রয়েছে। হাছন রজার একটি বিখ্যাত গানকে নমুনা হিসেবে নেওয়া যাক : “লোকে বলে, বলে রে, ঘর-বাড়ী ভাল না আমার”—

( দ্রুতলয়ে গেয় )				+	
।	সা	না		সা	রা -।
০	লো	কে		ব	লে ০
				+	
-।	-।	-।		পা	পা -।
০	০	০		ব	লে ০
				+	
মা	-গা	-।		রা	-। রা
রে	০	০		ঘ	ব্ বা
				+	
মা	মা	-গা		রা	-গা -।
ড়া	ভা	০		লা	০ ০

				+	
রা	সা	-১	সা	-১	-১
না	আ	০	মা	০	বৃ

এই সঙ্গে 'চটকা'-র একটি উদাহরণ নেওয়া যাক : “ওকি মাই গে মাই,  
মোর মতন আর সতী নারী নাই,”—

				+	
১	পা	পা	মা	-পা	-১
০	ও	কি	মা	ই	০
				+	
মা	-জা	-১	রা	-১	০
গে	০	০	মা	ই	০
				+	
-১	-১	-১	রা	-১	যা
০	০	০	মো	বৃ	ম
				+	
মা	মা	-গা	রা	গা	-১
তন্	আ	বৃ	স	তী	০
				+	
রা	সা	-১	সা	-১	-১
না	রী	০	না	ই	০

মুরশিদী গানের সমে-সমে খুঁকি দিয়ে গাইবার চঙটি ঠিক 'চটকা'র চঙের  
সঙ্গে মিলে যায়। আর একটি বৈশিষ্ট্য লক্ষণীয়। সেটি হল একই স্বরে  
দাঁড়িয়ে একসঙ্গে দ্রুতগতিতে গানের প্রথম সারির কিছু কথা এমনভাবে  
বলে যাওয়া,—যা হঠাৎ গানের তাল ও স্বরের বাইরে সংলাপের মত মনে  
হয়। যেমন,

চাইর চীজে পিঞ্জিরা বানাই'

মোরে কইলায় বন্ধ ;

বন্ধু, নির্ধনীর ধন,

কেমনে পাইমু রে কালা,

তোর দরিশন ॥

আরকুম শাহের এই বিখ্যাত গানটি গাইবার সময় “চাইর চীজে গিজিরা বানাই”—এই কথাগুলো একই সঙ্গে একসঙ্গে আবৃত্তি করে ‘মোরে’-র উপর ঝুঁকি দিয়ে গান আরম্ভ করতে হয়।

লৌকিক ঐতিহ্যের সমষ্টি-রচনা থেকে যখন ব্যষ্টি-রচনার যুগ এল, তখন ব্যক্তি-বিশেষকে অবলম্বন করে অনেক সময় গায়কীর স্টাইলও প্রচলিত হতে লাগল। যেমন, এ যুগে ময়মনসিংহে জালালুদ্দীন ও দীন শরতের একটি বিশেষ স্টাইল চালু আছে; তেমনি, শ্রীহট্টেও রাধারমণ, হাছন রজা প্রভৃতির নাম বিশেষ গায়কী আখ্যা পেয়ে আসছে।

॥ তিন ॥

শ্রীহট্টের লোক-সংস্কৃতিতে মেয়েরা এক গৌরবময় অধ্যায় রচনা করেছেন। ভারতের প্রতি প্রদেশের প্রতিটি জাতির লোক-নৃত্য ও সঙ্গীতে একান্তভাবে মেয়েদের একটি বিশেষ অবদান লক্ষণীয়। পাঞ্জাবের গিদা, গুজরাটের গর্বা থেকে শুরু করে আসামের আইনাম, বিয়ানাম প্রভৃতি মেয়েলী ব্রত, বিবাহগীতি, ঘুম পাড়ানিয়া গান ইত্যাদি বিভিন্ন সামাজিক অস্থানে ও প্রয়োজনে ভারতীয় লৌকিক ঐতিহ্যে মেয়েরা যে উজ্জল স্বাক্ষর রেখেছেন, তার সঠিক মূল্যায়ন আজো হয়নি। মেয়েলী গান বা মেয়েলী আচার বলে তাকে সঙ্গীর্ণ গণ্ডিতে আবদ্ধ রেখে এর যে বিরাট সামাজিক মূল্য—তার যথার্থ স্বীকৃতি আমরা দিইনি। আমাদের দেশের মেয়েরা তাঁদের আচার-বিচার, পোশাক-পরিচ্ছদ প্রভৃতির মধ্যে আমাদের প্রাচীন ঐতিহ্যকে যেমন ধরে রেখেছেন, তেমনি লোকসঙ্গীতেও দেখি—আমাদের মেয়েরা প্রাচীন ঐতিহ্য বহন করে চলেছেন। গোষ্ঠী-রচনার স্বতঃস্ফূর্ততা, সহজ কথা ও সুরের আবেদন, ঐহিক জীবনের প্রতি আকর্ষণ ও সমাজমুখিনতার যে বৈশিষ্ট্যে মেয়েলী ধারাটি উজ্জল,—লোকসঙ্গীতের অগ্ন্যাগ্ন ধারায় তা বিরল।

বাংলার প্রতি জেলায় মেয়েরা সেখানকার আঞ্চলিক ছড়া, ব্রত ইত্যাদিতে একটি জেলাগত স্বকীয়তার সৃষ্টি করেছেন। এ বিষয়ে শ্রীহট্টের স্থান বিশেষ উল্লেখ্য। লৌকিক নৃত্যে বাংলা দেশ অত্যন্ত দীন। যাও বা ছিল, তাও লুপ্তপ্রায় বা বিকৃত। কিন্তু শ্রীহট্টের মেয়েরা এক প্রাণবন্ত নৃত্য-ধারাকে প্রবাহিত রেখেছেন তাঁদের ‘ধামাইল’ নৃত্যে।

সেই ধামাইল নৃত্যের সঙ্গে ওতপ্রোতরূপে জড়িত আছে ধামাইল গান :

শ্রীহট্ট জেলার এ একান্তই নিজস্ব জিনিস। বাংলার লোকসঙ্গীতে বৈরাগ্য ও বিচ্ছেদের অন্তর্লীন ভাবটি প্রাধান্য পেয়েছে। কিন্তু, ধামাইল গান ভাবের দিক থেকে মূলতঃ রাধা-কৃষ্ণ প্রেমকে অবলম্বন করে রচিত হলেও, সুরে ও ছন্দে তা বিরহ-বিচ্ছেদ বা বৈরাগ্যকে অতিক্রম করে পার্থিব উল্লাসে ভরপুর। জন্ম, বিবাহ বা কোনো উৎসব প্রভৃতির আনন্দলগ্নে ধামাইল নাচ ও গানে গ্রামের মেয়েরা সমবেত হন। নাচের সঙ্গে সঙ্গে তাঁদের সমবেত করতালি গভীর রাত্রির নীরবতাকে ছন্দিত করে তোলে বিভিন্ন লয়ে। আর একটি বড় জিনিস—সমকালীন ঘটনা, প্রাকৃতিক দুর্যোগ, স্বদেশী আন্দোলন ইত্যাদি অবলম্বন করেও মেয়েরা impromptu গান মুখে-মুখে রচনা করে ফেলেন।

ধামাইল গান নৃত্যাবলম্বী। কাজেই, গানের Scansion বা ছন্দ-বিভাগে স্বরাগ্রে ঝাঁক-প্রাধান্যই তার বৈশিষ্ট্য। যেমন,

(আমি) কী হেরিলাম | জলের ঘাটে | গিয়া না | গরী গো |

হেরি মুখ | চান্দে | পড়িয়াছি | কান্দে |

প্রাণপাখী | কান্দে রইয়া | রইয়া না | গরী গো | ...

ধামাইলের বহু রূপ আছে। কিন্তু, সুরের দিক থেকে তা মূলতঃ ভাটিয়ালীর ঠাটের ভিতরেই। তবে, ভাটিয়ালীর টান বা মীড়ের আন্দোলন না থাকতে প্রকাশভঙ্গী গেছে সম্পূর্ণ পালটে।

শ্রীহট্টের মেয়েদের আর একটি উল্লেখযোগ্য দান হল—বিয়ের গান। বাংলার প্রায় প্রত্যেক জেলাতেই বিবাহ উপলক্ষে গান আছে। কিন্তু, শ্রীহট্টে কন্যা-দেখা, মঙ্গলাচরণ, পানখিলি, জলভরা, অধিবাস, সোহাগমাগা, দমিমঙ্গল, বিবাহ, কন্যাত্রা—প্রত্যেক পর্বে-পর্বে এমন গানের লহরী বাংলাদেশের অন্ত কোথাও আছে বলে জানি না।

পার্শ্ববর্তী প্রদেশ আসামের ‘বিয়ানাম’-এ শুধু এমনিতরো ঐশ্বর্যশালী বৈচিত্র্যের সন্ধান পাই। শ্রীহট্ট জেলায় বিয়েতে ধামাইল অপরিহার্য হলেও শুধু বিবাহ-অনুষ্ঠান অনুসারে যে বিশেষ গানের ধারা তাতে সুরের দিক থেকে কোনো-কোনো গানে এক সম্পূর্ণ নতুন ধারার সন্ধান পাওয়া যায় : সেটি হল, অসমীয়া ‘বিয়ানাম’-এর স্থলপট ছাপ।



ঐতিহাসিক বিচারে শ্রীহট্টের তদানীন্তন (লাউড়, গোড় ও জয়ন্তীয়া রাজ্যের) একটি বড় অংশ আসামের প্রাগ্‌জ্যোতিষপুরের কোচরাজাদের অধীনে ছিল। তা ছাড়া, আধুনিক যুগেও বৃটিশ শাসনাধীনে থাকা কালে শ্রীহট্ট ভাষা ও সংস্কৃতিতে বাঙালী হয়েও চিরদিন আসামের ভৌগোলিক অংশ হয়ে ছিল। রবীন্দ্রনাথের সেই আক্ষেপ,

মমতা বিহীন কালশ্রোতে

বাঙলার রাষ্ট্রসীমা হতে

নির্বাসিতা তুমি

সুন্দরী শ্রীভূমি ॥

শ্রীহট্টের কথা ভাষা এবং গানের সুরেও তাই অসমীয়া প্রভাবে আশ্চর্য হবার কিছু নেই। কিন্তু, লক্ষণীয় যে, শ্রীহট্টের মেয়েলী গানেই শুধু এই অসমীয়া প্রভাব পরিষ্কৃত। একটি 'কথ্য-বিদ্যায়'-এর গানকে দৃষ্টান্ত হিসেবে নেওয়া যাক,

আম-ঘট সারি সারি,

শুভ-যাত্রা করইন গৌরী,

যাইবাইন গৌরী কৈলাসে—

মা, দেশে যাইতে ॥

সা	জা	-রা	-সা	সা	-রা	সা	-গা	সা	গা	-মা	-পা
আ	ম	০	০	ঘ	০	ট	০	সা	রি	০	০
মা	গা	-ৱা	গা	মা	-পা	দা	-ৱা	পা	-মা		
সা	রি	০	শু	ভ	০	যা	০	জা	০		
মা	পা	-ৱা	মা	গা	গা	মা	পা				
ক	র	ইন্	গো	রী	যাই	বা	ইন্				
দা	পা	মা	জা	-ৱা	রা	-ৱা	সা	-না			
গো	রী	কৈ	লা	০	সে	০	মা	০			
সা	গা	-মা	পা	-মা	গা						
দে	শে	০	যা	ই	তে						

এবার একটি অসমীয়া বিয়ের গান নেওয়া যাক—

অরণ্যর মাজতে কি পছ কানিলে—

কি চরাই জুড়িলে রাও হে ॥

পা	পা	মা	জা	জা	-মা	পা	মা
অ	র	ণ্য	র	মা	•	জ	তে
মা	মা	-গা	মা	মা	-জা	সা	সা
কি	প	•	হ	কা	ন্	দি	লে
পা	পা	দা	পা	পা	মা	জা	-মা -পা মা
কি	চ	রাই	জু	ড়ি	লে	রা	• ও হে

ছুটি গানই কন্ঠা-বিদায়ের। দুটি সুরেই এক সেক্টিমেন্ট এবং সুরের ঘনিষ্ঠ সাদৃশ্য ও লয়ের বেদনাময় গতি। এই ঘনিষ্ঠ সাদৃশ্য শ্রীহট্টের লোকসঙ্গীতের স্বর-বিচারে এক নতুন দিখলয়ের সন্ধান দেয়।

### ॥ চার ॥

শ্রীহট্টের লোকসঙ্গীতে রাগের প্রভাব আর একটি আলোচ্য বিষয়। “লোকসঙ্গীতে রাগের প্রভাব”—এ কথাটিকে ঘুরিয়ে “রাগসঙ্গীতে লোকসঙ্গীতের প্রভাব” বললেই ঠিক হয়। সঙ্গীত যেদিন একটি আদিম মানব-গোষ্ঠীকে আশ্রয় করে প্রথম বিকশিত হয়েছিল—সেদিন সঙ্গীতের ছিল একটি সামগ্রিক গোষ্ঠীগত রূপ। তাকে “লোকসঙ্গীত” বা “রাগসঙ্গীত” প্রভৃতি নামে ভাগ করার প্রসঙ্গ উঠত না। একটি সুর একটি গোষ্ঠীর বা উপজাতির সুর হিসেবেই পরিচিত ছিল। গোষ্ঠী-সমাজ থেকে আজকের Nationhood-এর যে বিবর্তন,—লোকসঙ্গীত ও রাগসঙ্গীতের বিবর্তনের ইতিহাসও তার সঙ্গে জড়িত। গোষ্ঠী, খণ্ড-জাতি, উপজাতির রাজনৈতিক ও রাষ্ট্রীয় গ্রন্থিবন্ধনে যেমন জাতীয় রাষ্ট্র গড়ে উঠেছে,—রাগসঙ্গীতেও তেমনি বিভিন্ন জাতি ও উপজাতির সুরকে অবলম্বন করে একটা সর্বভারতীয় আকার ধারণ করেছে। আজো বহু ভারতীয় রাগ-রাগিণীর নামকরণে এর সাক্ষ্য মেলে। ‘আভীরী’, ‘সাবেরী’, ‘মালবী’, ‘কানাড়ী’, ‘পাহাড়ী’, ‘মাড়’ প্রভৃতি জাতির নামের সঙ্গে বিভিন্ন রাগ-রাগিণীর নামকরণ এই সত্যকেই পরিস্ফুট করে। আমাদের দেশের বিভিন্ন সঙ্গীত প্রবক্তারাও এ কথা স্বীকার করেছেন।

অতীতে লোকসঙ্গীতের ধারাটিও সমান্তরালভাবে প্রবাহমান,—যদিও সে ধারাটি নিজ-নিজ আঞ্চলিক ও ভৌগোলিক সীমারেখায় প্রবাহিত। আপাতদৃষ্টিতে মনে হতে পারে—একটি কেন্দ্রাভিমুখ, আর অন্যটি কেন্দ্রাতিগ। কিন্তু, ঐতিহাসিক বিচারে দুটিই পরস্পরের পরিপূরক। রাগসঙ্গীত যেমন

কেদ্রমুখী, লোকসঙ্গীত তেমনি বিকেন্দ্রিক স্বকীয়তায় ও আঞ্চলিকতায় উজ্জ্বল হয়ে থাকলেই বেঁচে থাকবে। এর মধ্যে ধারা বিরোধিতা দেখেন, তাঁরা আধুনিকতার নামে জাতি-বিকাশের বৈজ্ঞানিক ধারাটিকেই অস্বীকার করেন। পূর্বেই বলেছি, এই দুটি ধারাকে আপাতবিরোধী বলে মনে হলেও তারা পরস্পরের পরিপূরক। তার মানে অবশ্য এ নয় যে, লোকসঙ্গীতের ধারাটি একটি নিছক One Way Road। রাগসঙ্গীত যেমন বিভিন্ন আঞ্চলিক সুরকে অবলম্বন করে গড়ে উঠেছে, ঠিক তেমনি আবার রাগসঙ্গীতও লৌকিক ধারাটির উপর তার প্রভাব বিস্তার করে চলেছে। এই আদানপ্রদানের মধ্যে বাধার কোনো কঠিন প্রাচীর নেই। কাজেই আমরা যখন কোনো-কোনো লোকসঙ্গীতে রাগের প্রভাব পাই, তখন বলা মুশকিল—সেটা সেই অঞ্চল থেকেই উদ্ভূত, অথবা উপর থেকে আসা রাগসঙ্গীতের প্রভাব। বাংলার কোনো-কোনো লোকসঙ্গীতে রাগসঙ্গীতের প্রভাব স্পষ্ট। ঝিঁঝিট, দেশ, ভৈরবী, ভীমপলশী, ভূপালী, বিভাস প্রভৃতি রাগের স্পর্শ বাংলার লোকসঙ্গীতকে মাধুর্যমণ্ডিত করেছে।

অবশ্য, গ্রাম্য-জীবনে বিশুদ্ধ রাগাশ্রয়ী একটি ধারা এবং লৌকিক ধারা পাশাপাশি অবস্থান করে চলেছে। যাত্রাগানের বিবেকের সুর যেমন বিশুদ্ধ রাগাশ্রয়ী, তেমনি পূর্ববঙ্গে দ্বিজদাস, মনমোহন প্রভৃতি লোক-কবির গান-গুলোও বিশুদ্ধ রাগাশ্রয়ী। এগুলো গ্রাম্য-সংস্কৃতির অন্তর্ভুক্ত হলেও লোকসঙ্গীতের পর্যায়ে পড়ে না। লোকসঙ্গীতে যেখানে রাগের ছাপ পড়েছে, সেখানে রাগের স্পর্শ থাকা সত্ত্বেও লোকসঙ্গীতের মৌলিক চরিত্রটি বদলায়নি। এই সীমারেখাটি অতি সাবধানে টেনে সুরের মূল্যায়নে আমাদের এগুতে হবে।

ত্রিহট্টের লোকসঙ্গীতেও দেশ, ভূপালী প্রভৃতি রাগের ছায়া বহু গানে পাওয়া যায়। কোনো-কোনো গানে তা খুবই স্পষ্ট; আবার কোনো গানে তা শুধু ছায়া ফেলে মৌলিক ভাটিয়ালীর শ্রোতে বিলীন হয়ে যায়। এ বিষয়ে বিস্তারিত আলোচনার স্বযোগ থাকলেও আমি মাত্র দু'একটি দৃষ্টান্ত দিয়ে এ নিবন্ধ শেষ করব।

ত্রিহট্টে, বিশেষতঃ হবিগঞ্জ মহকুমায় একটি সুর প্রচলিত আছে, যাকে শাস্ত্রীয় সঙ্গীতে বলা হয় বাংলা-বিভাষ।

দেহ-তরী ছাইড়া দিলাম

ও গুরু, তোমার নামে— ॥

সা	সা	সা	রা	পা	পা	ধা	সাঁ	সাঁ	-ৱা
দে	হ	ত	রী	ছাই	ড়া	দি	লাম্	ও	০
-রাঁ	-সাঁ	-ধা	-পা	-ধা	-পা	-গা	-রা		
০	০	০	০	০	০	০	০		
গা	মা	-গা	-রা	-সা	ধা	সা	রা	গা	
গু	রু	০	০	০	তো	মা	রো	না	
গা	-রা	-সা							
মে	০	০							

আর একটি গানের প্রথম কলিতে শুদ্ধ দেশ রাগের সব কটি পদারট ব্যবহার পাই—

আছে শ্যাম-অঙ্গে রাই-অঙ্গ হেলাইয়া গো,  
শ্যাম-অঙ্গে রাই-অঙ্গ হেলাইয়া ॥

সা	সা	রা	-ৱা	মা	মা	মা	-পা	ধা	সাঁ
আ	ছে	শ্রা	ম্	অং	গে	রা	ই	অং	গ
পা	ধা	-পা	ধা	পা	-মা	-গা	-রা		
হে	লা	ই	য়া	গো	০	০	০		
রা	-ৱা	রা	মা	মা	-গা	রা	গা	-ৱা	
শ্রা	ম্	অং	গে	রা	ই	অং	গ	০	
রা	সা	সা	-ৱা						
হে	লা	ই	য়া						

শ্রীহট্টের “হোরীগান” বলে প্রচলিত বসন্ত-উৎসবের উল্লসিত লোক-সঙ্গীতের সুরের মধ্যে অবরোহণে ললিত-এর রেশ এক অপূর্ব বৈশিষ্ট্য এনে দিয়েছে—

আজ হোরী খেলব  
রে শ্যাম, তোমার সনে ;  
একেলা পাইয়াছি—  
হেথা নিধুবনে ॥

I সা -ৱা সা। সা -ৱা। সা -ৱা I সা জা -রা । সা -রা। সা -না I  
আ ০ জ হো ০ রী ০ খেল্ ব ০ রে ০ শ্রা ম

I সা -১ -১। গা গা। গা -মা I পা -১ -১। -১ -দা। -পা -মা I  
 তো . . মা র স . নে . . . . .  
 I মা মা -১। পা -১। দা -পা I মা জা -১। রা -১। সা -১ I  
 এ কে . লা . পা ই যা ছি . হে . থা .  
 I না -১ -১। সা -১। রা -সা I না -১ -দা। পা -১। -১ -১ I  
 নি . . ধু . . . ব . . . নে . . .

গান শুরু হয় বিলম্বিত তেওয়ারি ; ক্রমশঃ লয় বাড়তে বাড়তে দাদরা ও কাহারবা তাল-ফেরে—দ্রুত কাহারবায় সমাপ্তি টানা হয়। একদিকে স্বরের ধ্রুপদী বিভ্রাসে এবং লয়ের তাল-ফেরের চলনে,—আবার অত্মদিকে সাধারণ লোকের সমবেত কণ্ঠের সহজ অভিব্যক্তিতে এই গানগুলো এমন এক সামগ্রিক লৌকিক রূপ ধারণ করেছে যে, লোকসঙ্গীতে রাগের সাবলীল মিশ্রণের এরকম দৃষ্টান্ত অতি বিরল। কয়েক বৎসর আগে, কলকাতার শ্রোতৃমণ্ডলীর সামনে আমরা যখন এ গানটি উপস্থিত করি, অনেকে—এমনকি, কিছু সমজদার সঙ্গীতজ্ঞও এটিকে লোকসঙ্গীত বলে মেনে নিতে চাননি।

আমি পূর্বেই বলেছি, আমাদের পল্লী-সংস্কৃতিতে একটি অনাবিল রাগ-সঙ্গীতের ধারাও বিद्यমান ; কিন্তু, এই হোরীগানের ধারাটি তার সব-কাছাকাছি থাকলেও এই ধারাটি উপর থেকে নয়,—জনসাধারণের ভিতর থেকে উৎসারিত।

এ বিষয়ে সবচেয়ে নিভুল নিশানা হল গায়কী। কয়েক বৎসর পূর্বে পূজাপাদ আলাউদ্দীন খাঁ সাহেবের সঙ্গে ঘরোয়া আলাপের স্বযোগ পেয়েছিলাম। পূর্ববঙ্গের ত্রিপুরাজেলার মাটির স্বরের কোলে জন্ম নিয়ে উচ্চাঙ্গ সঙ্গীতের মিনারচূড়ায় যিনি আরোহণ করেছেন, এ বিষয়ে তাঁর বক্তব্য সেদিন আমার কাছে লোকসঙ্গীতের একটি নতুন দিক খুলে দিল। কথাগুলো তিনি বলছিলেন তাঁরই ছোটবেলাকার মাঠে-ময়দানে গাওয়া একটি গানের কথা—যে গানটি ছোটবেলায় আমরাও গেয়েছি : “নিরলে কইয়ো গিয়া বন্ধুয়ার লাগ পাইলে।”

এই গানটি একই স্বরে দুই গায়কীতে গেয়ে তাঁর স্বভাবসিদ্ধ সহজ অভিব্যক্তিতে বললেন, “এক গায়কীতে এটি লোকসঙ্গীত, আবার অল্প গায়কীতে একেই উচ্চাঙ্গসঙ্গীতের শ্রেণীতে ফেলা যায়।”

। পাঁচ ।

এই ছোট্ট নিবন্ধটি শেষ করার আগে দুটি কথা বলতে চাই। লোকসঙ্গীত নিয়ে আলোচনার পরিধি যদিও তুলনামূলকভাবে অনেক বেড়েছে, তবুও সামাজিক, ঐতিহাসিক, কাব্যিক দিক নিয়ে আলোচনার মধ্যেই তা সীমাবদ্ধ। লোকসঙ্গীতের সঙ্গীতিকী নিয়ে কোনো আলোচনা প্রায় চোখেই পড়ে না। ষাঁরা ভারতীয় রাগ-রাগিণী নিয়ে সার্থক গবেষণা করেছেন,—তাদের দরদী দৃষ্টি থেকে লোকসঙ্গীত প্রায় বঞ্চিত। অবশ্য জনজীবনের সঙ্গে ঘনিষ্ঠভাবে পরিচয় না থাকলে এবং একই অঞ্চলের লোকসঙ্গীতের বিচিত্র বিস্তার সম্বন্ধে গভীর অভিজ্ঞতা না থাকলে, দূরে বসে কয়েকটি সংগৃহীত সুরের বিশ্লেষণে তাঁদের আলোচনা একপেশে হবার ভয় থাকে। ষাঁরা রাগসঙ্গীত ও লোকসঙ্গীত দুটি ধারার সঙ্গে সমানভাবে ঘনিষ্ঠ সেরকম গুণী ডুবুরীর সম্মুখে আমাদের লোকসঙ্গীতের বিরাট সমুদ্র আজও অব্যবহৃত ও অনাবিষ্কৃত। ব্যক্তিগতভাবে নিজেকে আমি এই আলোচনার উপযুক্ত মনে করি না। তাছাড়া বিশেষ একটি জেলাতে সীমাবদ্ধ থাকায় আমার কাজ আরও কঠিন হয়ে পড়ে। তবু এই ক্ষুদ্র আলোচনা যদি উপযুক্ততরদের উৎসাহিত করে তবে তা সার্থক।

বিতীয়তঃ, এই আলোচনায় সাহস পেতাম না যদি না আমার অমুজপ্রতিম অধ্যাপক নির্মলেন্দু ভৌমিক মহাশয় আমার ফেলে আসা জেলার সংস্কৃতি সম্পর্কে আমার চেয়েও উৎসাহী হয়ে না উঠতেন। তাঁর এই অমুপ্রেরণার প্রধান উৎস পরলোকগত গুরুসদয় দত্তের সংগৃহীত গানগুলি। ব্রিটিশ মিউজিক সার্ভিসের লোক হওয়া সত্ত্বেও তিনি গ্রাম্য মাহুঘের সঙ্গে মিশে যেতে পেরেছিলেন। তাঁর সংগৃহীত লোকশিল্পের নিদর্শনগুলো ঘরোয়া মিউজিয়ামের ঐশ্বর্য আহরণের সৌধীন আর্ট-সাধনা ছিল না। সাধারণ অবজ্ঞাত মাহুঘের স্বপ্ন প্রতিভার স্বীকৃতি দিয়ে গ্রাম-বাংলার প্রতি শ্রদ্ধা ও ভালোবাসা জাগানো ছিল তাঁর কর্মসাধনা। বাংলাদেশে সঙ্গীত বা হস্তশিল্প জীবিত থাকলেও নৃত্য প্রায় অবলুপ্ত হতে বসেছিল। দত্ত মহাশয় ছিলেন বাংলার লোকনৃত্যের পুনরুদ্ধারে পথিকৃৎ। সিভিলিয়ান হিসেবে তাঁর এই কার্যে গৃহ রাজনৈতিক উদ্দেশ্য আরোপ করে সেই সময়ের উগ্র জাতীয়তাবাদীরা তাঁর বিরুদ্ধে কুৎসা প্রচার করেছিলেন। কিন্তু, কালের বিচারে গুরুসদয় দত্তের পক্ষে রায় মিলেছে। আলোচ্য গ্রন্থখানা ( শ্রীহট্টের লোকসঙ্গীত, ডঃ নির্মলেন্দু ভৌমিক, কলিকাতা বিশ্ববিদ্যালয় ১৯৬৬ ) তারই একটি প্রধান সাক্ষ্য।

## আসামের জাতীয় উৎসব বিহু

বা নাই বিহুগীতে তা নাই আসামে । যা নাই আসামে তা নাই বিহুগীতে । আসাম এবং অসমীয়া জনমানসের নিতুল দর্পণ বিহু । আসামের পাহাড়-পর্বত, পশুপাখী, নদী-বিল, মাঠপাথার, ফুলফল, বর্ণগন্ধ ও তার মধ্যে কর্মরত নরনারীর এমন প্যানোরামা ভারতের লোকসঙ্গীতে বিরল । বিহুগীতের সাহিত্যিক ও সাক্ষীতিক ভিতের উপরই দাঁড়িয়ে আছে অসমীয়া সংস্কৃতির উপসৌধটি ।

ধর্মপ্রভাবমুক্ত ইহজাগতিকতা ও শ্রমশীল জীবনের প্রতি অসীম মমতা—এই হলো বিহুর দর্শন । আদিম প্রাক্ আৰ্য উৎসবগুলি, কৃষি সমাজের ঋতু উৎসবগুলি, হিন্দুধর্মের প্রভাবে অধিকাংশ ক্ষেত্রে সাম্প্রদায়িক উৎসবে পরিণত হয়েছে । শারদীয়া, দেওয়ালী, হোলি সবই হিন্দুদের উৎসবে রূপান্তরিত হয়েছে, জাতীয় উৎসবের মর্যাদা হারিয়েছে । কিন্তু বহুজাতি, উপজাতি ও ধর্মাবলম্বী অধ্যুষিত আসাম উপত্যকায় বিহুর জাতীয় মর্যাদা দিন দিন ব্যাপকতা লাভ করছে । ধর্মীয় আচার বিচার, দেবদেবী, উপদেবতা বা অপদেবতার উৎপাত থেকে বিহু মুক্ত । বর্ষহিন্দু সমাজের বিধিনিষেধ ও বৈষম্যের বিরুদ্ধে প্রতিবাদই হল বিহুর প্রধান উপজীব্য । বিহুকাব্যের প্রেম অবোধ, কিন্তু তা দেহবাদী নয়—আদিম ষোথ কৃষি ও শিকারী জীবনের প্রাকৃতিক পরিবেশকে বশ করা ঐক্সজালিক কল্পনার ঐতিহ্যে তা মধুর । বিহুর আদিরস কর্মজীবন থেকে বিচ্ছিন্ন ব্যক্তিকেন্দ্রিক নাগরিক প্রেম নয়, সমষ্টিচেতনার ছন্দে তা সুস্থ ও সজীব ।

আসামের রাজরাজড়াদের স্বর্দীর্ঘ ইতিহাস লিপিবদ্ধ হয়েছে ‘বুরঞ্জী সাহিত্যে’ । আসামের গ্রাম্যজীবনের কৃষিসমাজের অবিচ্ছিন্ন অলিখিত ইতিহাস ছড়িয়ে আছে বিহুসাহিত্যে । অথচ সেদিন পর্যন্ত শহর ও গ্রামের অভিজাত-সমাজের কাছে বিহু ছিল ‘নিষিদ্ধ অস্ত্যজের অঙ্গীল নাচগান’ ।

বিহুগীতের প্রবহমানতা আজও মৌখিকতা ও নৈব্যক্তিকতার বৈশিষ্ট্যে উজ্জ্বল । প্রত্যেক বিহু-উৎসবের উন্মাদনায় স্বতঃস্ফূর্তভাবে তৈরী হচ্ছে নতুন নতুন গীতের ফসল । তাতে পাই ধারাবাহিক একটি সমাজের বিবর্তনের পরিচয় ।

সামন্ত সমাজ পত্তনের সঙ্গে সঙ্গে আদিম ট্রাইব্যাল ও অর্ধ-ট্রাইব্যাল সমাজে বহুমতীকে উর্বর করার জন্ত যুবক-যুবতীর ষোথ নৃত্যগীতের উপর এলো নিষেধাজ্ঞা । প্রণয় ও পরিণয়ের মধ্যে এলো প্রাচীর । কিন্তু সমাজপতিদের

শাসন সাধারণ মানুষ মেনে নেয়নি। জাতিকুল, ধর্মীয় বৈষম্য, নারীপুরুষের সামাজিক বৈষম্যের বিরুদ্ধে ব্যক্তিবিজ্ঞপ ও তির্যক মন্তব্যে বিহুগীত হলো ভরপুর। পল্লীরচয়িতরা শুধু কাব্যের খাতিরে নয়, সমাজপতিদের প্রতিকূলতার জ্ঞাতও সোজাহুজি কথা না বলে অনেক সময় বক্রোক্তির এবং দ্ব্যর্থব্যাঞ্জক শব্দের আশ্রয় নিয়েছেন :

শিলে বালিচরাই গিলে ঐ লাহরী  
শিলে বালিচরাই গিলে  
আক্কেবেলি বিহুখন চাবলৈ নাপালো  
মতামহ রখিয়া দিলে।

বালিচরাই অর্থাৎ খজুরী পাখীকে পাথরে গিলছে এটা যেমন উদ্ভট কথা, কোনো মেয়েকে বিহুর সময় ঘরে বেঁধে রাখা তেমন উদ্ভট কথা। আবার তেমনি আজগুবী কথা কোনো মেয়েকে ছুরন্ত মোষের রাখালী করতে দেওয়া। এখানে কোনো পুরুষকে ইংগিত করে মোষ বলে ব্যঙ্গ করাও হতে পারে।

কলীয়া কচুরে শিয়া  
জীয়াই থাকো মানে তোমারে তিরোতা  
বিহুলৈ পঠিয়াই দিয়া।

বিয়ের পর বিহুনাচ নিষিদ্ধ হওয়াতে স্বামীর কাছে স্ত্রী আবেদন করছে, ‘ষতদিন বেঁচে আছি, তোমার স্ত্রীকে বিহুতলীতে (যেখানে বিহুনাচ হয়) যেতে দিও।’

সমাজে এলো ‘গাধন’ বা ঘোতুক দেওয়ার প্রথা। মেয়েকে বিক্রি করার এই জঘন্য প্রথার বিরুদ্ধে সোচ্চার হয়ে উঠলো বিহুগীত।

চরায়ে, চরায়ে আলচখন পাতিলে  
গছর গুটি খাবর মন  
আইনো কৈ বোপায়ে আলচখন পাতিলে  
আমাক বেচি খাবর মন।

পাখীতে পাখীতে পরামর্শ করে গাছের ফল খাবার জ্ঞাত। মা-বাপে পরামর্শ করে আমাকে ‘বেচে খাবার জ্ঞাত’। উত্তরবঙ্গের ভাওয়ালিয়া গানেও মেয়েকে বিয়ে দেওয়ার প্রতিশব্দ হলো ‘বেচেয়া খাওয়া’। ভাওয়ালিয়া গানে আছে, ‘মায়-বাপে বেচেয়া খাইছে সোয়ামী পাগেলারে’।



কাউরীর শত্ৰু মুগাচুঙ্গীয়া  
 পরিব নিদিয়ৈ ডালত  
 আয়ে বোপায়ে আমারে শত্ৰু  
 ফুরিব নিদিয়ৈ গাঁওত ।

কাকের শত্রু যেমন মুগাপোকার পাহারাদার, সে তাকে ডালে বসতে দেয় না ; আমার শত্রু তেমনি আমার বাপ-মা, আমাকে গ্রামে বের হতে দেয় না ।

পিতৃতান্ত্রিক পরিবারমুখী সমাজে স্বাধীন মন নেওয়া-দেওয়ার পথে মা-বাবার শাসনের বিরুদ্ধে এই কঠোর মন্তব্য করে অভিমানে দুঃখে রাগে মেয়ে বলছে, ‘কিসের জন্ত আমার বাপ-মা, কিসের জন্ত ভাই, বিহর সময় যদি আমি প্রেমের সাথী না পাই?’ এলো জাতিকুলের বিচার। বিহতে পাই তারও বিরুদ্ধে তীব্র প্রতিবাদ।

তোমালৈ চাওতে জপনা দিওতে  
 বিক্ষিলে অঘৈয়া হলে  
 তোমার মন গলে, মোর ও মন গলে  
 কি করিব কলিতাকুলে ।

তোমার দিকে চেয়ে চেয়ে বাইরের আগল দিতে গিয়ে পায়ে ফুটলো কাঁটা।  
 তোমার আমার যদি মনের মিল হয় কুলের বিচারে করবে কি ।

ইষ্ট ইণ্ডিয়া কোম্পানীর আমলে

১৮২৬ খৃষ্টাব্দে ইয়ান্দাবুর সন্ধির পর আসাম এলো ইষ্ট ইণ্ডিয়া কোম্পানীর কবলে। আসামের সবুজ পাথারে. নীল-পাহাড়ে পড়লো বৃটিশ সৈন্যের ভারী বুটের প্রথম পদক্ষেপ। ধনতান্ত্রিক ব্যবস্থা দেশজ বিকাশের পথ ধরে এলো না, সাম্রাজ্যবাদের ঔপনিবেশিক অর্থনীতির পথ ধরে এসে আসামের গ্রাম্যজীবনে নিয়ে এলো ভাঙ্গন। ধনতান্ত্রিক অর্থনীতি তার বিকাশের দেশজপথে সামন্ত-ব্যবস্থার উপরে যে আঘাত হানতে পারতো, ঔপনিবেশিক অর্থনীতি তা করলো না। প্রাচীন সামন্ত শ্রেণীর জায়গায় এক নতুন জমিদারী এবং রায়তরী ব্যবস্থায় এক নতুন মোজাদারী ও মহাজনশ্রেণী সৃষ্টি করলো। তবু ঔপনিবেশিক অর্থনীতিরও একটা প্রগতিশীল ছুমিকা ছিল। আসামের দুর্গম জঙ্গল, জলাভূমি ও পতিত মাটিতে গড়ে উঠলো উত্তানের মতো চা-বাগিচা। আসামের কৃপমণ্ডুকতা ভেঙ্গে গেল। বাইরের ছুনিয়ার সঙ্গে আসামের রাখীবন্ধন হলো। ব্রহ্মপুত্র নদীতে উজান বেয়ে, জলে ঢেউ তুলে, সিটি বাজিয়ে এলো জাহাজ।

সেই জাহাজের সিটি গ্রামের বিহুর 'মেঘের শিংয়ের বাঁশী পেপার' ধ্বনির সঙ্গে এসে মিশলো

উজাই আহিলে কোম্পানীর জাহাজ ঐ  
 পিরথিবী টলেমল দেখে  
 চপাইদে চপাইদে কলিকতার জাহাজ ঐ  
 মনোমতীর বাতরি সোধে।

গ্রামের লোক এবার জাহাজঘাটে কলকাতা থেকে আসা জাহাজে তাদের 'মনোমতীর' বার্তা নিতে এলো।

গত শতাব্দীর প্রথম ভাগে ব্রহ্মদেশীয় বর্গীরা আসাম আক্রমণের সময় আসামের মেয়ে মনোমতীকে অপহরণ করে নিয়ে গিয়েছিল। অনেক মেয়েকেই নিয়েছিল। মনোমতী তাদেরই প্রতিনিধি।

শিল্পবিকাশের, ব্যবসাবাণিজ্যের তাগিদে পরবর্তী সময়ে এলো রেলগাড়ি। চিরবিচ্ছিন্ন আসাম ভারতভূমির সঙ্গে লোহবন্ধে গ্রন্থিবদ্ধ হল। কিন্তু ভূগর্ভে তেল, কয়লা ও প্রচুর খনিজ সম্পদ-ভরা আসামে—ঔপনিবেশিক অর্থনীতির বিকাশ জনসাধারণের মধ্যে কোনো সমৃদ্ধি আনলো না। তার বিহুগীতেও যেন সেই বৈপরীত্যের, সেই ব্যর্থতার ছবি। চলন্ত রেলের সিটি তার ব্যর্থ-প্রেমের, চলে-যাওয়া প্রেচ্ছসীর কথাই মনে করিয়ে দেয়।

উকিয়াই উকিয়াই ও লাহরী  
 রেলগাড়ী চলিলে ও লাহরী  
 রঙিয়াত গোখুলী হল,  
 তোমাক আনিম বুলি ও লাহরী—  
 বরেশ্বর সাজিলো ও লাহরী  
 গরুবন্ধা গোহালী হল।

সিটি দিয়ে দিয়ে ও বান্ধবী, রেলগাড়ি চলে গেল, রঙ্গিয়া জংশনে সন্ধ্যা নেমে এলো। তোমাকে আনবো বলে ও বান্ধবী, বড়ো করে ঘর বাঁধলাম। সেই ঘর হল আজ গোহাল।

এমন অপূর্ব ইন্দ্রিয়ময় ছবি ও ভাবের ব্যঞ্জনা আসামের বিদগ্ধ কাব্যে খুঁজে পাওয়া কঠিন। আসাম উপত্যকার লখিমপুর, শিবসাগর ও দরং জেলায় পত্তন হল ইংরেজের চা-বাগিচা। একদিকে আসাম যেমন হলো পৃথিবীর একটি অতিপ্রিয় পানীয়ের প্রধান উৎপাদক, অন্যদিকে কিন্তু আসামে এলো আমেরিকার

নিগ্রো দাসত্বের মতো আধুনিক দাসত্ব। একদিকে অগ্রগতি অন্যদিকে মানুষের দুর্গতি। ধনতন্ত্র-বিকাশের এই তো রীতি। ১৮৩২ খৃষ্টাব্দে রবার্ট ব্রুস আসামের মণিরাম দেওয়ানের সহযোগিতায় প্রাচীন চীনদেশের চা গাছের প্রতিকল্প আসামে চা গাছ আবিষ্কার করেন। পৃথিবীর অর্থনৈতিক মানচিত্রে আসামের প্রতিষ্ঠা হলো। কিন্তু প্রকৃতির অফুরন্ত দানে আত্মসন্তুষ্ট অসমীয়া চাষী বাগিচায় শ্রম করতে গেল না। তাছাড়া চাবুকের নীচে দাসত্ব স্থানীয় লোককে দিয়ে করানো সম্ভব নয়। তাই সাহেবদের দালালদের সাহায্যে বাইরে থেকে বিশেষতঃ ছোটনাগপুর, উড়িষ্যার আদিবাসী অঞ্চল থেকে আনা হল কুলিদের। আসামে এরা এসে দেখলো তাদের ভুলিয়ে ভালিয়ে এনে মরণ কাঁদে ফেলা হয়েছে, কেরবার আর পথ নেই। সরকারী হিসাব থেকেই জানা যায় ১৮৬৩ খৃঃ ১লা মে তিন বছরের মধ্যে আসামে যে ৮৫,২১৫ জন মজুর আমদানি হয়েছিল তার ভিতর ৩১,৮৭৬ জনই অত্যাচার, অর্ধাহার ও ব্যাধিতে অকালে পৃথিবী থেকে বিদায় নিয়েছিল।

কুলিদের কর্মের, ধর্মের ও রক্তের এই ইতিহাস তাদের আদিরসাত্মক ঝুমুর গানের নতুন বক্তব্যে, আজো তাদের স্মৃতি ও চেতনায় চিরস্থায়ী হয়ে আছে।

কাঁকি দিয়া আনিলি আসাম ;

রে নিঠুর শ্রাম।

চাউলভাজা চায়ের পানি বাঁচাইল পরান।

সাহেব বলে কাম কাম

বাবু বলে ধইরে আন

সর্দার বলে লিব পিঠের চাম

রে, নিঠুর শ্রাম।

কাঁকি দিয়া আনিলি আসাম।

আসামের বিহগীতেও এলো চা-বাগিচা ও তার জীবনের টুকরো ছবি।

চাহপাত ছিঙিলো চটাইত মেলিছিলো তেতেলীপতীয়া হল

শহরর জীয়েকক আনিবরে পরা খুটির মহ বিকয়ে গল।

আমের পাশের চা-বাগিচা থেকে পাতা ছিঁড়ে এনে রোদে চাটাইতে শুকিয়ে চা-খাওয়ার স্থানীয় শক্তি চালু ছিল গরীব অসমীয়া চাষীদের মধ্যে। এই গীতে বলাছে চা-পাতা ছিঁড়ে এনে চাটাইতে মেলেছিলাম, কিন্তু হয়ে গেল তেঁতুল-

পাতা। শব্বরের মেয়েকে ঘরে আনার পর, হায়, খুঁটির মহিষ বেচতে হল। ব্যর্থ পারিবারিক জীবনের অল্পম্র ছবি। কিন্তু চা-পাতা তেঁতুল-পাতায় রূপান্তরিত হওয়ার তির্যক উক্তিটি অত্যন্ত তাৎপর্যপূর্ণ। এ কেবল ব্যক্তিজীবনের ব্যর্থতার রূপক নয়। চা পাতা বা চা-বাগিচা সম্পর্কে অসমীয়া গ্রাম্যমানসিকতার এ এক ঐতিহাসিক অভিব্যক্তি।

বাগিচার চাকরি নেলাগে লাহরি

নেলাগে তলপর ধন

তয়ে ধানে দাবি ময়ে হালবাম

সেই হব জীবনের ধন।

বাগিচার চাকরিতে যাব না বন্ধু, সেখানকার রোজগারে প্রয়োজন নেই। তুমি যান কাটবে, আমি হাল বাইব—সেই হবে জীবনের ধন। বাগিচার অত্যাচারী প্লান্টার সাহেবদের সম্বন্ধে গ্রামের লোকের কি ধারণা ছিল, বিহুগীতের একটি কলির রেখাচিত্রে যে চিত্রটি আঁকা হয়েছে তা থেকেই বুঝতে পারি।

চিরিপ চিরিপকৈ বাগিচার চাহাবটি

চরাপ খাই পেলালে চিচা.....

চিরিপ চিরিপ করে বাগানের সাহেবটি মদ খেয়ে বোতলটি মারলো ছুঁড়ে। আসামের প্রথম বিদেশী শোষকশ্রেণীর প্রতিনিধির এত অল্পকথায় এমন নিখুঁত ছবি—অসমীয়া নাগরিক কাব্যেও বড় মেলে না।

কিন্তু যতই ধীর গতিতে হোক তথাপি রেলগাড়ি এলো, মোটরগাড়ি এলো, চা বাগিচার সংখ্যা ও মুনাফা বেড়ে যেতে লাগলো। গ্রামের গণ্ডী গেল ভেঙে। মূল্যবোধও বদলে যেতে লাগলো। আসতে লাগলো কাঞ্চন-কৌলৌন্ড। চা-বাগিচা বা জাহাজ কোম্পানীর একজন কেরানী হতে পারলেও অর্থের সমাগম প্রচুর। তাই দেখি অসমীয়া গ্রাম্য যুবকদের আক্ষেপ :

কেরানী নহলো মহরী নহলো

ধনক কেনেকৈ পায় ?

কেরানীও হতে পারলাম না, মহরীও হতে পারলাম না, আমার প্রাণের ধনকে কি আমি পাব ? গ্রামের সময়, দণ্ড, গ্রহর নবাগত ঘড়ির কাঁটার পড়ে হল ‘টাইম’। প্রণয়িনীকে যুবক নতুন বস্ত্রের লোভ দেখাচ্ছে—

কামলৈ যাবলৈ টাইম চিনি পাবলৈ

আনি লম্ব কুম্পানীর ঘড়ি।

কোম্পানী নামলো মরণের ব্যবসায়ে। ভারত থেকে দক্ষিণ পূর্ব এশিয়া ও চীনে আফিম চালান দিয়ে তাল তাল সোনা লুঠে আনতে লাগলো বিধের বিনিময়ে। আসামে এই বিষ এমন ছড়িয়ে পড়েছিল যে, আসামের সেই সময়কার সমাজ-সংস্কারকরা একে জাতীয় বিপদ হিসাবে ঘোষণা করলেন। আসামে এর নাম হল বরবিষ।

জার্মান পাদরি ডঃ ক্রিস্টলীর লেখা ‘দি ইণ্ডো-ব্রিটিশ ওপিয়াম ট্রেড’ পড়ে প্রভাবান্বিত হয়ে ১৮৮১ খৃঃ ‘ভারতী’ পত্রিকাতে মাত্র ২০ বৎসর বয়সে রবীন্দ্রনাথ ‘চীনে মরণের ব্যবসায়’ বলে যে প্রবন্ধটি লেখেন তাতে অগ্ন্যাগ্নি হানের সঙ্গে আসামের আফিমের ব্যবসার বিষময় ফল সম্বন্ধে লেখেন, ‘আসামে যেক্রমে অহিফেন সেবনরূপ ভীষণ মড়ক আসামের সুন্দর-রাজ্য জনশূন্য ও বনজঙ্গলের বাসভূমি করিয়া তুলিয়াছে এবং আসামীদের মত অমন ভাল একটি জাতিকে ভারতবর্ষের মধ্যে সর্বাপেক্ষা অধম, দাসবৎ এবং নীতিভ্রষ্ট করিয়া তুলিয়াছে।’

আফিমকে অসমীয়া ভাষায় বলে ‘কানি’ আর আফিমখোরকে বলে কানিয়া। অসমীয়া সাহিত্যের অগ্ৰতম পথিকৃৎ হেমচন্দ্র বরুয়া (১৮৩৫-৯৬) এই আফিম খাওয়ার বিরুদ্ধে ‘কানিকীর্তন’ নামে একটি প্রহসন লিখেন। অসমীয়া সাহিত্যের প্রথম আধুনিক নাটকগুলির মধ্যে এটি অগ্ৰতম। আফিমের নেশায় মহাজনের কাছে মাটি বিক্রি করা নিঃস্ব ভগ্নস্বাস্থ্য কানিয়াদের অতি বাস্তব ছবি পাই বিহীনগীতে। গীতে আছে কোম্পানীর আমলে আফুখেতি অর্থাৎ পোস্তক্ষেত উধাও হয়ে গেল। সেই আফু আফিমের রূপে গোপনে এসে ‘ডেকালরা করিলে বুঢ়া’। অর্থাৎ যুবককে বানাল বুড়া।

শিবলাগর শুকাব আফুকানী ওলাব

আফিঙত পাতিব জোরা

কোম্পানী বাগিছা সদাগরি করিব

ডেকালরাক করিব বুঢ়া।

আহোম রাজাদের আমলে আসামে যে কেউ পোস্তগাছ চাষ করতে পারতো। তখনও তা সর্বনেশে নেশা হয়ে দেখা দেয়নি। কিন্তু ইংরাজের শাসনে ১৮৬৩ সনে সরকার ছাড়া অন্যদের পোস্ত চাষ নিষিদ্ধ হয়ে গেল। সেই আফু চাষ আফিমের ব্যবসায়ে পরিণত হল। বিহর একটি অতি বিখ্যাত গীত আছে—

কানিয়ালৈ নাযাবি কানি দিব লাগিব

আৰু দিব লাগিব কুটি

কানিখাই থাকোতে পিঠা দিব লাগিব

ধুই দিব লাগিব ধুতি।

আফিমখোরকে বিয়ে কোর না, আফিম সাজিয়ে দিতে হবে। আফিম খাবার সময় খাবার জন্ম আবার পিঠা তৈরী করে দিতে হবে। আর তার সব কাজই করে দিতে হবে।

সাম্রাজ্যবাদী শোষণের দায়ভাগ

সুদীর্ঘ বিদেশী ও সামন্তশোষণ ও শাসনে বিহুগীতের জন্মদাতা আসামের কৃষকসমাজ হল নিঃস্ব ও নিঃসম্বল। বলহীন দেহ হলো ব্যাধি মন্দির। তার সঙ্গে এলো ঘনঘন বহু। মহাজনের ঘরে তার শেষ সম্বল বন্ধক হলো। অসংখ্য বিহুগীতে লিপিবদ্ধ হয়ে আছে সেই ইতিহাস। প্রত্যক্ষ বা পরোক্ষভাবে বিহুগীতে যে টুকরো টুকরো ছবি আছে তাকে এক স্ত্রে গাঁথলে যে বাস্তব চিত্রটি ভেসে উঠে আসামের শোষিত কৃষক সমাজের এটাই সবচেয়ে নির্ভরযোগ্য ইতিহাস।

নপানী বঢ়া নাই নাহর ফুল ফুলানাই

বিহু বিহু লগা নাই গাত

গাঁওর ডেকালরাই জুমেৰে ঐ ফুলা নাই

গোন্ধ তেলর লোয়া নাই ছাট্।

রঙাঙ্গী বিহু অর্থাৎ বসন্ত বিহু উৎসবের কিছু দিন আগে থেকেই চৈতী হাওয়ায় অসমীয়া মানসিকতায় 'বিহু বিহু' ভাব। কিন্তু এবার বিহুর বাতাসে আর শিহরণ নেই। নাগেশ্বর গাছে ফুল ফোটেনি, গ্রামের যুবকরা গন্ধতেল গায়ে মেখে দলে দলে আর ঘুরে বেড়ায় না।

বিহুবতী চরায়ে করে বিহু বিহু

আমার বিহু কাপোর নাই...

বিহুর পাখী যে ডেকে চলেছে বিহুর বার্তা জানিয়ে, কিন্তু আমাদের যে বিহুর কাপড় নেই। বিহুর সময় নূতন কাপড় কিনবার সামর্থ্য নেই—এর চেয়ে বড় দারিদ্র্যের দৃষ্টান্ত আসামে আর কি হতে পারে ?

বিহুর নাচনি নরীয়া পরিলে

চুলীয়া পরিলে জর।

বিহুর নাচুনী মেয়ে অশ্রু, চুলীর উঠেছে জর...। ভেঙে পড়া গ্রাম্য

ব্যাধিগ্রস্ত সমাজের চিত্র। আদিরসাত্মক বসন্ত বিহতে সমাজচেতনা তীক্ষ্ণ প্রতিবাদে শোষকদের বিরুদ্ধে সোচ্চার হয়ে উঠলো :

উজাই নাচাবি ভটিয়াই নাচাবি  
পথারত লাগিছে জুই  
সোনার মাটি মোর আজি নাইকিয়া  
লোকক খুয়াইছো কই।

উজানে তাকিও না, তাকিও না ভাটিতে, মাঠে লেগেছে আগুন, আমার সোনার মাটি আর নেই—নিজে কয়ে খাওয়াচ্ছি পরকে।

কিন্তু জনতা অমর। তেমনি অমর তাদের সৃষ্টিপ্রতিভা। একদিকে অনাহার, ব্যাধি, বন্ধ্যা, অন্তর্দিকে অভিজাত শ্রেণীর অবজ্ঞা ও ঔদাসীন্য। এর মধ্যেও বসন্তের ডাকে সাড়া দিয়ে নেচেছে, মন-কেড়ে-নেওয়া ঔড়ব জাতীয় বিহুর সুরের কোমল গান্ধারী ও কোমল নিখাদের সঙ্গে মধ্যম পঞ্চমের টানাপোড়েনে নতুন নতুন গীত রচনা করেছে—যার মধ্যে বলিষ্ঠ জীবনবাদ পলিত হয়ে উঠেছে।

ব্রিটিশ শাসনের বিরুদ্ধে গণবিদ্রোহের প্রতিধ্বনি পাই বিহতে। ১৮৩০ সনে সশস্ত্র বিদ্রোহের চক্রান্তের অভিযোগে পিয়লি কুকন ও জীউরাম ছলীয়ার ফাঁসী হয়। ১৮৫৮ সনে ধোরহাটে মণিরাম দেওয়ান ও পিয়ালি বরুয়ার ফাঁসী হয়, সিপাহী বিদ্রোহীদের সঙ্গে যোগসাজসে আসামে বিদ্রোহের ষড়যন্ত্র করার জন্য। আসামের এই প্রথম বিদ্রোহীর দল অসমীয়া জনসাধারণের মনে, তাব লোকগীতে চিরজাগরুক :

রূপর ধোঁয়াখোয়াত খালি ঐ মণিরাম  
সোনার ধোঁয়াখোয়াত খালি  
কুস্পানীর ঘরতে কিনো দায় লগালি  
ডিঙিত চিপেজরী ললি।

মণিরাম ছিলেন আসামের প্রথম শিল্পপতি ও ধনী পরিবারের লোক। তাই গীতে শুনি—

শোনার হকোতে ধূমপান করতি,  
মণিরাম রূপোর হকোতে করতি ধূমপান।  
কোম্পানীর কাছে কি অপরাধে অপরাধী হলি যে,  
গলার নিলি কান্দির হাড়ি।

## রঙালী বিহু

প্রাতঃ বৎসর পয়লা বৈশাখে অসমীয়া রূপকথার প্রবাসী কল্পা 'বরদৈচিলা' ঝোড়ো বাতাসে ফিরে আসে মায়ের ঘরে। তার ছ'ভানায় বুষ্টির ঝারি, পয়নে জলডব্বুর মেথলা, ছ'চোখে বিদ্যুচ্ছটা। সঙ্গে নিয়ে আসে বিহুর উপহার— 'বিহুয়ান'—ফসলের ফরমান। সে আসবে বলে সারা চৈত্র মাস ঘরে ঘরে চলে আয়োজন। প্রত্যেক অসমীয়ার তখন 'বিহু বিহু লাগিছে গাত'।

আসামের জাতীয় উৎসব বসন্ত বিহু। পয়লা বৈশাখ থেকে পনের দিন সমস্ত ব্রহ্মপুত্র উপত্যকায় ঢোলের বোল ও পেপা বাঁশির সুর পার্শ্ববর্তী পাহাড়ের গায়ে প্রতিহত হয়ে আকাশে বাতাসে তোলে তারই তরঙ্গ। উৎসব মন্ত তরুণতরুণীরা তখন 'বিহু বলিয়া'—বিহুপাগল। প্রতি ঘরের শোভা তাঁতশাল, তাঁতশালের শোভা হুন্দরী কল্পা। তাঁতশালের টানাপোড়েনে সে বুনে তোলে নক্সাকাব্য। তাই তার নাম 'শিপিনী'। আসামে তাই লক্ষ্যের কথা 'বোঁয়া কটা নেজানা গাভৰু'—বুনেতে না জানা হুন্দরী। কিন্তু সে তাঁতশালও বিহুতে অচল, তাঁতিনী বিমনা। সে গান ধরে—

অতিটেক চেনেহর মুগারে মছরা

অতিটেক চেনেহর মাকো

তাতটেক চেনেহর বহাগর বিহুটি

নেপাতি কেনেকৈ থাকো।

আমার অতিপ্রিয় মুগার নাটাই, তার চেয়েও প্রিয় আমার মাকু, তার চেয়েও প্রিয় আমার বসন্তবিহু। সে উৎসবে যোগ না দিয়ে আমি কি করে থাকি? বিহুতলীতে দলে দলে যুবক-যুবতীরা যায় বিহু নাচতে। যুবতী গান ধরে—

বিহু মারি থাকিবার মনে ঐ লাহরী

বিহু মারি থাকিবার মন

বিহু মারি থাকোতে পলুয়াই নিনিবা

ভরিব লাগিব ধন।

বিহু নাচে এমনি মন্ত হয়ে থাকতে চায় মনরে সাথী, কিন্তু দেখো নাচতে গিয়ে হঠাৎ আমাকে নিয়ে পালিয়ে যেয়ো না; তাহলে অনেক খেসারত দিতে হবে। যুবক তখন পাণ্টা জবাব দেয়—



### কাষ চাপি চাপি নাহিবি নাচনী

হাতত ঢোলর মারি আছে—

নাচতে নাচতে বেশি কাছে এগিয়ে এসো না নাচনী—আমার হাতে রয়েছে ঢোলের কাঠি। নেতিবাচক এই বিতণ্ডায় কি অপূর্ব ইতিবাচক ইঙ্গিত। এমনি ভাবে একদিন উন্মুক্ত প্রান্তরে নাচতে নাচতে গভীর রাত্রে পালিয়ে গিয়ে তারা দলে দলে বিয়ে করতো বিহুর লগ্নে।

আদিম আবেগ

শ্রেণীহীন আদিম গোষ্ঠীসমাজে যুথবদ্ধ মানুষ প্রকৃতির অমুক্তিমূলক ঐচ্ছজালিক কল্পনার সাহায্যে প্রকৃতিজয়ে বিশ্বাস করতো। সম্ভান উৎপাদন ও শস্ত ফলন তার কাছে ছিল একই প্রক্রিয়ার ফল। তাই কৃষির কাজ আরম্ভ করার আগে নিজেদের মধ্যে কামোদ্দীপক উদ্ভাদনার সৃষ্টি করলে ধরিত্রীও অন্তঃসত্ত্বা হবেন বলে তাদের আদি ও অকৃত্রিম বিশ্বাস। এই বিশ্বাস থেকেই দেশে দেশে Fertility Cult-এর উৎপত্তি। বসন্ত উৎসব মূলতঃ সেই Fertility Festival কিন্তু পরবর্তী সময়ে ধর্মের প্রভাবে ও সামন্ত সমাজের অহুশাসনে তা রূপ নিল লিঙ্গপূজায়। বসন্ত উৎসব তখন রূপান্তরিত হল হোলি উৎসবে। তাই এই উৎসবগুলি তার সর্বজনীন রূপটি হারিয়ে ফেলল কিন্তু আসামের বিহু আজও পুরোপুরিই ধর্মভাবমুক্ত। তাই এই উৎসব সত্যিকারের আসামের জাতীয় উৎসব। আজও বিহু সামগ্রিক সমাজের নৈব্যক্তিক সৃষ্টি। বিহু একান্তভাবেই ইহজাগতিক। তার মানবিক প্রেম রাধাকৃষ্ণকে ভর করে পরোক্ষ পথে যাত্রা করেনি। যদিও উন্মুক্ত প্রান্তরের সেই উদ্ভামতা ফিউডাল সমাজ ব্যবস্থায় গৃহপ্রাঙ্গণে সীমিত হয়ে এসেছে, তবু বিহুর দিনে এখনো তার নাচে গানে ছরস্ত শৃঙ্গাররসে ভরপুর আদিম আরণ্যক মদিরা লকলে যেন শিরায় শিরায় অনুভব করে।

পাশ্চাত্য শিক্ষায় শিক্ষিত সম্প্রদায় বিহুকে অঙ্গীল আখ্যা দিয়ে বর্জন করেছিল। মাত্র এই শতাব্দীর ত্রিশ দশকের জাতীয় জাগরণের সঙ্গে সঙ্গে বিহুও তার মর্যাদা ফিরে পেতে লাগল। শিক্ষিত ভদ্র সম্প্রদায়ের উন্নাসিকতাকে উপেক্ষা করে অসমীয়া ঐতিহ্যের কোহিছুর এই বিহু কাব্য ও সংগীত বেঁচেছিল অশিক্ষিত সাধারণ মানুষের পর্ণকুটরে।

বিহুর আদিরসকে যারা অঙ্গীল বলে উপেক্ষা করত তাদের ব্যঙ্গ করে তার গাইত—

প্রথমে ঈশ্বরে জগৎখন স্বজিলে

তারপর স্বজিলে জীও

সেইখন ঈশ্বরে পীরিতি করিলে

আমিনো ন করিম কিও ?

ঈশ্বর প্রথম সৃষ্টি করলেন জগৎ—তারপর সৃষ্টি করলেন মানব; সেই ঈশ্বরই যদি প্রেম করলেন তবে আমরা করব না কেন ? এই প্রশ্নের কোনো জবাব নেই। সত্যিই তো, শৃঙ্গাররস আর আদিরস যদি অঙ্গীল হয়, তবে পৃথিবীর কোন্ মহাকাব্য অঙ্গীলতামুক্ত ? কিন্তু আসামের বিহুর বক্তব্য অপূর্ব কাব্যমণ্ডিত ও ইঙ্গিতময়।

তোমার তিনিখনি, আমার তিনিখনি

ছখনি কাপোরর জপ

তোমার তিনিখনি লোয়া বাছি বাছি

কুকুরাই দিলেহি ডাক।

তোমার তিনখানা আমার তিনখানা ছয়খানা কাপড় এক সঙ্গে রয়েছে,  
তোমার তিনখানা বেছে নাও—বাইরে মুরগী ডাক দিয়েছে।

কিংবা— হাঁহ হৈ চরিমগৈ তোমার পুকুরীত

পার হৈ পরিমগৈ চালত

ঘাম হৈ সোমাম গৈ তোমায়ে শরীলত

মাখি হৈ চুমা দিম গালত।

আমি হাঁস হয়ে তোমার পুকুরে চরব, পায়রা হয়ে পড়ব গিয়ে তোমার চালে,  
আমি ঘাম হয়ে দেহের সঙ্গে থাকব আর মৌমাছি হয়ে চুমো খাব গালে।

বিহুতে নিসর্গচিত্র

প্রকৃতির লীলাভূমি আসাম। নীল পাহাড় ও সবুজ উপত্যকায় ঘেরা আসামের বৃক জড়িয়ে রয়েছে সাতলহরী হারের মতো ব্রহ্মপুত্র ও তার অসংখ্য শাখাপ্রশাখা। বন বন, বর্গা, হরিণ ও বনের অগাধ পশুপাখি, বুনোফুল, বিভিন্ন ঋতুতে রঙের বিচিত্র খেলা—আসামের লোকসঙ্গীত বিহুতে এই ল্যাণ্ডস্কেপ যেমন চিত্রিত হয়েছে আসামের কোনো আধুনিক কবি বা চিত্রকরের চিত্রে তা পাওয়া যায় না। আসামে ব্রহ্মপুত্রের নাম লুইত। এই লুইত অসমীয়া কাব্যসাহিত্যে চিরপ্রবহমান।

নুইডর বালি বগী চকে চকি

কাছই কণী পারে লেখি

গাতে জুই জলিছে সরিয়হ্ ফুটিছে

ধনক পানী-ঘাটত দেখি ।

ব্রহ্মপুত্রের ঝিলমিল রূপালী বালিচর, সেখানে কচ্ছপ গোপনে ডিম পেড়ে  
বায় গুণে গুণে, জলের ঘাটে প্রিয়কে দেখে সর্বাঙ্গে আমার রোমাঞ্চ হচ্ছে ।

পর্বতে পর্বতে বগাব পারো মই

লতাত বগাবলৈ টান

বলিয়া হাতীকো বলাব পারো মই

তোমাক বলাবলৈ টান ।

আমি পর্বতের পর পর্বত ডিক্রাতে পারি—কিন্তু লতা তো বাইতে জানি  
না । পাগলা হাতীকেও বশ করার কৌশল জানি—কিন্তু তোমার মন  
ভোলাতে তো জানলাম না ।

নৈর রঙা গঢ়া দলনি-দপনি

হরিণা চিঞরে বনত

তোমার সন্তাপত থাকিব নোয়ারি

মরোঠৈগ সদিয়ার রণত ।

নদীর ঢেউয়ে রাঙা মাটির পাড় টলমল করছে, দূরের বনে শোনা যাচ্ছে হরিণীর  
ডাক, তোমার বিরহ সহিতে পারি না । ভাবছি সদিয়ার যুদ্ধে গিয়ে প্রাণ দেব ।

প্রকৃতির পটভূমিতে মানবিক প্রেমের এমন সমন্বয় বিদগ্ধ সাহিত্যে বিরল ।  
এমনিতরো দু-একটি কথার রেখায় আঁকা অসংখ্য ছবি ছড়িয়ে আছে বিহ-  
কাব্যে । ক্রমে প্রকৃতির পটভূমিও বদলে যায়—সেখানে আসে রেলগাড়ি,  
জাহাজ, চা-বাগিচা ইত্যাদি ।

উকিয়াই উকিয়াই রেলগাড়ী চলিছে

রঙ্গিয়াত গোধূলী হল

তোমাক আনিম বুলি বরে ঘর সাজিলো

গরুবন্ধা গোহালী হল ।

সিটি দিয়ে দিয়ে রেলগাড়ি চলে গেল । রঙ্গিয়া জংশনে সন্ধ্যা নামল ।  
তুমি আসবে বলে ঘর বেঁধেছিলাম—সেই ঘর হল গোহাল । ব্যর্থপ্রেমের কি  
অপরূপ ব্যঞ্জনাময় ছবি । আর একটি বিহগীতে বিরহ প্রকাশ হচ্ছে—

চাপাত চিঙিলে'। চটাইত মেলিছিলে।

তেতেলিপতীয়া হল।

চাপাতা ছিঁড়ে চটাইতে শুকোতে দিয়েছিলাম, তা হয়ে গেল তেঁতুলপাতা।

বিহুতে সমাজচিত্র

আসামে সমাজ বিবর্তনের নির্ভুল সাক্ষ্য বহন করে বিহু গান। আদিম গোষ্ঠীসমাজে এলো বংশকৌলীণ্য, ধন-কৌলীণ্য, সমাজ শাসন। বিহুর উগ্ৰুক্ত প্রাস্তরে অবাধ মেলামেশা নিষিদ্ধ হতে লাগল। বিহুগীতে তার প্রতিবাদ বারবার প্রতিধ্বনিত হয়েছে।

তোমালৈ চাওঁতে জপনা ডেওঁতে

বিস্কিলে অঁঘিয়া হলে

তোমার মনে গলে আমার মনে গলে

কি হব কলিতা কুলে।

তোমার দিকে তাকিয়ে তাকিয়ে যেতে খিড়কির দরজায় পায়ে বিঁধল কাঁটা। তোমার মন আর আমার মন যদি এক হয়, তবে কিসের এই কৌলীণ্যের ঘটনা?

কাউরীর শতক মুগা ছুদীয়া

পরিব নিদিয়ে ডালত।

আয়ে বোপায়ে আমারে শতক

ফুরিব নিদিয়ে গাঁওত।

কাকের শত্রু মুগা চাষ গ্রহরী বসতে দেয় না ডালে। আমার শত্রু পিতা-মাতা, গ্রামে আর বেরুতে দেয় না।

এলো ধনতাত্ত্বিক ধনবৈষম্য। দারিদ্র্য, শোষণ, অনাহার, ম্যালেরিয়া ও বেকারী। বিহুর আনন্দেও যেন ভাঁটা পড়ল।

বিহুওতী চরাইএ করে বিহু বিহু

আমার বিহু কাপোর নাই

বিহু পাখী বিহু গান গাইছে, কিন্তু আমার তো বিহুর কাপড় নেই।

কিংবা—‘কেরানীও হতে পারলাম না মুহুরীও না—প্রিয়াকে কি করে পাব?’

অথবা অগ্ৰথানে আছে ‘এবার ঢোল বাজাবে কে? ঢুলিয়া তো জুরে কাতর।

নাগকেশর ফুল ফোটেনি, গাঁয়ের মেয়েরাও গন্ধতেল মাখায় দিতে পারেনি।’

ইত্যাদি।

এই দারিদ্র্য, ব্যাধি, অনশন ও প্রাকৃতিক বিপর্যয়ের মধ্যে আসামের গ্রামের বলিষ্ঠ মানুষ তার অমর লৌকিক ঐতিহ্য বিহর বৈশিষ্ট্যকে বাঁচিয়ে রেখেছে। কারণ, বিহর প্রাণশক্তি, দুরন্ত আশাবাদ, জীবনের প্রতি গভীর ভালবাসা তাদের নিজেদেরই জীবনদর্শনকে প্রতিফলিত করে। তাই শত দুঃখ কষ্টেও আজকে সমস্ত আসামে একই সুরে ঢোল ও পেপাবাঁশির ছন্দে তারা গেয়ে উঠবে—

ঘরত্ নবহে মন সমনীয়া

পথারত্ নবহে মন,

কমুয়া তুলাবোর যেনেকৈ উড়িছে

তেনেকৈ উড়িবর মন।

ঘরে বসে না মনরে বন্ধু, পাথারেও বসে না মন, ফাটা শিমূল যেমানি উড়ে  
তেমনি ওড়াব মন।

## একটি নদী, একটি রাজ্য ও একটি লোকগীতি

নদীর নাম লুইত। রাজ্যের নাম আসাম। লোকগীতির নাম বিহু। একই নদী, তিব্বতে নাম তার ছানপো, আসামে লুইত, বাংলায় ব্রহ্মপুত্র। পারের জাতি, ভূপ্রকৃতি, জনপদ নিয়ে একই জলধারাকে বিভাগ করে নদী-কেন্দ্রিক কৃষিসমাজে গড়ে উঠেছে এক একটি কৃষ্টির এক একটি বিশেষ রূপ।

শুধু লোকগীতিতেই নয়, অসমীয়া নাগরিক কাব্যে সাহিত্যে ও গীতেও লুইত চিরপ্রবহমান। অসমীয়া মানসিকতার ধমনীতে রক্তের মতো সঞ্চালিত লুইত। প্রতি বৎসর ঘর ভাঙে, ভরা শশুক্ষেত যোজনের পর যোজন ডুবিয়ে দেয়, সর্বনাশা গড়াখহনীয়া বা পারের ধস্‌ নেমে শহর গ্রাস করে, ভাসিয়ে নেয় কত মানুষ মোষ, হাতী—অথচ কী ভালবাসা এই নদীর জন্ত।

ভারতবর্ষে আর কোথাও কোনো নদীর পারের মানুষ সেই নদীকে নিয়ে এত কাব্য, এত গান, এত প্রেমের উপাখ্যান রচনা করেছে কিনা জানি না। এ ভালবাসা একান্ত মানবিক—ঐশ্বরিক নয়, ভক্তিবাদ তাকে আচ্ছন্ন করতে পারেনি। পারভাঙা পদ্মার ঢেউয়ে পূর্ববঙ্গের মনের দোলা কিন্তু পূর্ববঙ্গের লোকগীতিতে বা কাব্যে এমনভাবে পাই না। গঙ্গা তো পূজ্য, ‘দেবীস্বরেণ্বরী ভগবতী গঙ্গে’—সেখানে প্রেম নেই, আছে ভক্তি। কিন্তু অসমীয়ার লুইত যেন কসাকের ডন, বা হান্‌ জাতির ইয়াংসী।

অনার্ধ এই নদীকে অবশ্য আর্থরা চেষ্টা করেছেন—নামাস্তর করে জাতে তুলে নিতে। সব অনার্ধ নামেরই উৎস তাঁরা সংস্কৃতে খুঁজে পেতেন। কাজেই লুইত হয়েছিল ‘লৌহিত্য’। প্রাচীন কামরূপের রাজাদের দানপত্রে দেবাদিদেব মহাদেবের স্ততির সঙ্গে সঙ্গেই থাকতো আমোঘা গর্ভসমুত শুভঙ্করী শঙ্করী শক্তি স্বরূপ লৌহিতের বন্দনা : ‘পবন রমণী সকলের মতো অতিবেগবতী, সমুদ্রের মতো নির্মল—লৌহিত্যের জাল তোমাদের পাপ দূর করুক। এখানে লুইত হলো পতিতপাবন লৌহিত্য।’ কিন্তু অনার্ধ লুইতেরও আদিকথা আছে, আছে ব্রহ্মপুত্র নামেরও।

প্রাচীন আসামের বড়ো সভ্যতা তার প্রধান সাক্ষ্য রেখেছে বিভিন্ন নদী ও জনপদের নামের সঙ্গে বড়ো ভাষায় জল এর প্রতিশব্দ ডি বা টিতে। ডিহিং ডিশাং

ডিখো প্রভৃতি নদী কিংবা ডিব্রুগড়, ডিমাপুর, ডিগবয় প্রভৃতি স্থানের নামে তারই পরিচয়। লাও-টি শব্দ থেকেই লুইত শব্দের উৎপত্তি একথা বলেছেন আচার্য সুনীতিকুমার চট্টোপাধ্যায় প্রমুখ ভাষাতত্ত্ববিদেরা। বড়ো শব্দ বল্লম-ভুতুর—অর্থাৎ প্রবাহিনী—বিষ্ণুপ্রসাদ রাভার এই বক্তব্যকেও আচার্য সুনীতিকুমার মেনে নিয়েছেন। আহোম রাজবংশাবলী অহম বুরঞ্জীতে ব্রহ্মপুত্রকে বারে বারে ‘টিলাও’ বলা হয়েছে, যা হলো ভাষাতত্ত্ববিদদের মতে একটি অস্ত্রিক গঠন। সেই আর্থীকরণের লৌহিত্যের আভিজাত্য বর্জন করে লুইত তার আদিম অনার্থ নামটি নিয়েই বেঁচে রইলো। তাই বোধহয় তার পারে পারে জীবনের, প্রেমের, গতির, প্রকৃতির এমন অপরূপ কাব্যলীলা।

অসমীয়া লোকগীতি বিহুতে লুইত প্রায়ই হয় ‘চিরি লুইত’ বা শ্রী লুইত বা ‘বুঢ়া লুইত’ বা বুড়ো লুইত। চীনাভাষায় ‘লাও’ শব্দের অর্থ বৃদ্ধ, এর সঙ্গে লাও-টির কোনো সম্পর্ক আছে কিনা জানি না, কিন্তু নিগ্রোদের কাছে ওল্ডম্যান রিভার মিসিসিপির যে মূল্য অসমীয়াদের কাছে বুড়ো লুইতেরও সে মূল্য।

এই বুড়ো লুইত কিন্তু বসন্ত উৎসব বিহুর সময় হয় “ডেকা”, নওষোয়ান। যৌবনের উদ্দামতায় সে সময় বিহুতলীর সব তরুণ-তরুণী তার কাছে পরাজিত—তার পারে পারে ঝাউ বন নল খাগড়া, লহিয়া বনে লাগে তারই উদ্দামতার দোলা, মাদার, শিমূল পলাশে—রঙের নেশা। এমন যে অবহেলিত ভেবেলীলতা বা বিরিণা বন সেখানেও মাতামাতি।...এই যৌবনের ঢল নেমে না এলে ফসলের বান ডাকবে কি করে? তাই তো যুবক যুবতীর ভালবাসার অস্ত্র নাম লুইত।

চিরিপ চিরিপ করি

কাপোর ধুই আছিলো

চিরি লুইতলে চাই

চিরি লুইততে কিরিলি মারি এ

চেনাই নাও মেলি যায়।

শ্রীলুইতের দিকে তাকিয়ে তাকিয়ে চিরিপ চিরিপ করে কাপড় ধুইতেছিলাম—লুইতের শ্রোতে গলা ছেড়ে দিয়ে মরমীয়া আমার নাও বেয়ে বেয়ে যায়।

লুইতের চাপরিত নিতৌ পেপা বাও

করেনো বুকরে ধন

রাতিরে রাতিতো বিহুরে তলীতে

বিহুমারি থাকিবর মন।

লুইতের বালুচরে পেঁপা বাগীচি বাড়িয়ে চলেছ কে তুমি বুকের ধন ?  
সারারাত বিহতলীতে বিহনাচে বিভোর হয়ে থাকতে চায়, আমার মন ।

বিহ নাচের ভঙ্গীতে, কোমরের দোলায়, বজ্রচাহনি ও হাতের মুদ্রায় শৃঙ্গার  
রসের স্খোতনা ; আবার ঢোলের বোলে, ‘পেঁপা’র পুকারে ‘টকার’ তালিতে মেঘ,  
বৃষ্টি ও বজ্রের অম্লরণন । ভর যৌবনে মিলন না হলে ফসলের বান যে ডাকবে  
না । তাই

লুইতই পাণীটুপি চোরা মূরে দাড়ি  
ভাটীলে ভটীয়াই যায়  
আজি কালি করি যৌবন যায় ভটীয়াই  
উলটি পাবলৈ নাই ।

চেয়ে দেখ মুখ তুলে, লুইতের জল ভাটিদেশে বয়ে চলেছে ; আজ কাল করে  
যৌবনও বাচ্ছে, তেমনি ভাটির দেশে ফিরে পাবে না তাকে । যৌবনের খেলা  
যৌবনেই সাক্ষ করতে হয় ।

লুইতর পাররে কহুয়া ফুলনি  
মিরিয়নী খেলিছে তাত  
এনে ফাগুন দিনত

তোমার যৌবন ফুটিলে  
মন মোর খেলিছে তাত ।’

লুইতের পারে কাশফুলের বন, মিরি মেয়েরা সেখানে খেলায় রত । এমন  
ফাগুন দিনে তোমার যৌবন হলো বিকশিত, সেই যৌবনের বনে মন চায় মোর  
খেলতে ।

লুইতর বালি বগী চকেচকি  
কাছই কণী পারে লেখি  
গাতে জুই জলিছে সরিয়হ ফুটিছে  
ধনক পানী-ঘাটত দেখি ।

কচ্ছপের গুণে গুণে ডিম পেড়ে যাওয়া—লুইতের ঝিলমিল রূপালী বালুচর ;  
জলের ঘাটে বন্ধুকে দেখে সর্বাঙ্গে আমার রোমাঞ্চ হচ্ছে ।

লুইতত ভোটডাই ওলাল শিশু  
আজি বোলে রঙালী বিহ বিহ...

হঁশ করে ওঠা শুভকে টোঁমরা লুইতের জল, কাশ ফুলের বনে ঢাকা লুইতের



পার, 'নারায়ণ' শিমুলের ছায়ায় ঢাকা লুইত কচ্ছপে ডিম-পেড়ে-বাওয়া লুইতের ধবল বালুচর, মিরিমেয়েদের গাধোয়া লুইতের প্রবাহ—এইসব বর্ণনায় ধরা পড়েছে আসাম উপত্যকার মাহুষ ও প্রকৃতি।

অসমীয়া লোকগীতি বিহু ও বনগীতের এই ঐতিহ্য, আধুনিক আসামের বিদগ্ধ কাব্য, গীতি ও সাহিত্যে প্রবহমান। আসামের প্রথম ঔপন্যাসিক রজনীকান্ত, বরদলৈ-এর প্রথম উপন্যাস 'মিরিজীয়রী'র নায়ক নায়িকার শোভনশিরি নদীর পাড়েই লীলাখেলা আবার শোভনশিরি নদীর জলেই হুজনের প্রাণান্ত। কিন্তু সেই শোভনশিরি নদী কিন্তু বুড়ো লুইতেরই ভাষা। রজনীকান্তের নিজের ভাষায় 'প্রবাদ আছে যে ব্রহ্মপুত্র বাবাই আগবাড়ি আহি তেওর পরম রূপবতী সর্বগুণে বিভূষিতা ভাষা সোরনশিরিক বাটরে পরা আদরি নিছে।'।

আধুনিক অসমীয়া সাহিত্যের একজন পথিকৃৎ লক্ষ্মীনাথ বেজবরুয়ার এক গীতিকাব্যে প্রেমিক যুগল ধনবর ও রতনী। নায়িকা রতনী লুইতের জলে আত্মহত্যা করার পর নায়ক ধনবর বিলাপ করছে : বিহুর সুরে—

বোপা মোর লুইত ঐ সামরি লোয়া মোক

বোলাত থান একেরি দিয়া

রতনী মরিল মোর সকলো পরিল ওর

আরু মোর একো নাইকিয়া।

আসামের সব নদীই বুড়ো লুইতের ভাষা, কত্যা কিংবা দৌহিত্রী। আধুনিক অসমীয়া সঙ্গীতের জনক, প্রথম অসমীয়া চলচ্চিত্রের স্রষ্টা, জ্যোতিপ্রসাদ সংগ্রামী আসামী আসামের আত্মাকে উদ্বোধিত করেন যে গানটিতে সেটি হলো :

লুইতর পাররে আমি ডকা লরা

মরিবলে ভয় নাই।

প্রথম অসমীয়া ছায়াছবি 'জয়মতী'র পরিচালক জ্যোতিপ্রসাদ রচিত যে গীতটির সুরে আজো সারা আসামের বুক ভিজিয়ে দেয় সেটি হলো :

লুইতরে পানি যাবি অ 'বৈ'...

সন্ধিয়া লুইতর পানী সোনোয়ালী

চহরে নগরে যাবি অ 'বৈ'

জয়ারে কিরীতি দেশে বিদেশে

চহরে নগরে ফুরিবি কৈ।...

আসামের লোকগীতির একটি বিশিষ্ট ধারা হলো ‘বনগীত’। বনগাতের শ্রেষ্ঠ রচয়িতা অনাদিরাম দাসের একটি অমূল্য সৃষ্টি :

লুইতের শুয়নি রূপহী মাজুলি

মরো যেন লাগে তাত,

বাঁইরে শুয়নি আগে ঐ লেকেচি

পরে কপৌজুরি তাত

মরো যেন লাগে তাত।

লুইতের শোভা রূপসী মাজুলী দ্বীপ, মন চায় সেখানে মরতে। বাঁশগাছের শোভা তার ছুয়ে পড়া ডগায় বসে থাকা যুগল-ঘুঘু—আমার মন চায় সেখানে মরতে।

সমকালীন আসামের প্রধান গীতিকার ভূপেন হাজারিকার প্রথম গানের সঙ্কলনটি হলো—

‘জিলিকাব লুইতেরে পার’

আসামের বাঙ্গালী কবি অমলেন্দু গুহের প্রথম কাব্যগ্রন্থ হলো—

‘লুইত পারের গাথা’

লুইত মানে কুষ্টি সৃষ্টি, লুইত মানে ধ্বংস কান্না, লুইত মানে আসামের ভবিষ্যৎ।

## বিহুৰ মূল্যায়ন ও বিহুৰ ভবিষ্যৎ

অন্ধেষ ডিম্বেশ্বৰ নেওগ বিভিন্ন পত্ৰিকাতে আধুনিক যুগে বিহুৰ মৌলিক বিচাৰ কৰতে গিয়ে কয়েকটি উক্তি কৰেছিলেন—যাৰ সঙ্গে আমাৰ মতের পার্থক্য ছিল মৌলিক। তাঁর লেখা ‘আকুল পথিক’ (অসমীয়া) পুস্তকটি বিহু সঙ্গীতের এক অপূৰ্ব সম্ভাৰ। ইতিমধ্যে বিহুৰ সংগ্ৰহ নিয়ে কয়েকখানি পুস্তক প্রকাশিত হয়েছে, কিন্তু বিহুৰ গান খুঁজতে হলে প্রথমেই মনে পড়ে ‘আকুল পথিক’কে। নেওগ মহাশয় হলেন পরিকল্পিতভাবে বিহুগীত সংগ্ৰহের পথিকৃৎ। আমি ষতদূৰ জানি ‘আকুল পথিক’ প্রথম প্রকাশ হয়েছিল ১৯২২ সনে আর নকুল ভূঞা মহাশয়ের ‘বহাগী’ বেরোয় ১৯২৪ সনে। অবশ্য এর অনেক আগেই রজনীকান্ত বরদলৈ ও লক্ষ্মীনাথ বেজবৰুয়াৰ রচনায় বিহুগীতের বহু উদ্ধৃতি দেখতে পাই।

বঙ্গদেশে রবীন্দ্রনাথ লোকসাহিত্যের প্রথম প্রচারক হলেও ড. দীনেশচন্দ্র সেন তাঁর ভিত্তিকে প্রশস্ত ও সমৃদ্ধ কৰেছিলেন। ড. দীনেশ সেন হলেন বাংলা ভাষার প্রথম ইতিহাস রচয়িতা। অসমীয়া ভাষা সাহিত্যের ইতিহাস রচয়িতা ও লোকসঙ্গীতের সংগ্ৰাহক হিসাবে নেওগ হলেন দীনেশ সেনের সমকক্ষ। অতএব নেওগ মহাশয় যখন বিহুৰ মূল্য বিচাৰ কৰতে গিয়ে এমন উক্তি কৰেন যা বিহুৰ মৰ্মবাণীৰ ঠিক বিপৰীত তখন তাঁৰ গুরুত্বকে আমৰা অস্বীকাৰ কৰতে পাৰি না।

বিহু অসমীয়া ‘রীতি না সংস্কৃতি’ এই নামে নেওগ ‘আমাৰ প্ৰতিনিধি’তে কয়েকটি ধাৰাবাহিক প্ৰবন্ধ লিখেছিলেন। সেখানে আজকের ভদ্র শিক্ষিত সমাজের বিহু উৎসবগুলির প্রকৃতি বিশ্লেষণ কৰতে গিয়ে তিনি মন্তব্য কৰেছিলেন—“আমি আজি কিছুমান বছৰৰ পৰা দুঃখেৰে মন কৰিছোঁ ইতৰ সমাজত লুকাই-চুৱকৈ গছতলে বাঁহতলে হোয়া বনৰীয়া নাচ-গানে দেখাদেখিকৈয়ে নগৰবোৱত খুলি পুতিছে, আৰু তথাকথিত শিক্ষিত সমাজৰ বহুতে তাকে সদৌ অসমীয়া সমাজৰ ‘সংস্কৃতি’ বুলি আনকো দেখুয়াবৰ অপচেষ্টা চলাইছে... পৰিতাপৰ কথা, অম্লীল বনৰীয়া নাম আৰু কামোদ্দীপক বনৰীয়া নাচত সংস্কৃতিৰ “ওলটা যাত্ৰা” হৈ দেখিবলৈ পোয়া হয়। বনৰীয়া নাম বোলোতেই অম্লীল—এনে কথা আমাৰ মনে-ঘৰেও নাই, এটি জীৱৰ প্ৰতি আন এটিক

পবিত্র আকর্ষণ, ইয়াতকৈ আরু আধ্যাত্মিক বিষয় কি হব পারে? কিন্তু য'ত কেবল পচাদেহর প্রতি পচাদেহর পচাভাবর উগার উঠিছে তাতেই সি বর্জনীয়। আরু এনেবোর গীতর লগত বিহ উছবর সম্পর্কই বা কি? হুচরি গোয়া বা নতুন বছরর পবিত্র লগত 'হরি উচ্চরি' ঘরে ঘরে মংগল আশীষ যাচি ফুরা বিহ উছবর অংগ। আজিলৈকে সমাজর সম্ভ্রান্ত লোকর ঘরত হুচরি গায়; বনরীয়া নাচ-গান নকরে বা করিবলৈ দিয়া নহয়। তেস্তে সর্বসাধারণর ঘরত এনে উংকট নাচ-গান সোমাল কেনেকৈ? .. অসনীয়া সংস্কৃতির মহান কীতিমুগ্ধ বিহত যথার্থতে আমি সংস্কৃতিকেই প্রথমে বলি দিছে।। বিহর সামাজিক আরু সাংস্কৃতিক সকলো. তাৎপর্য বাদ দি বাঁহতলীয়া ইতর নাচগানক আমার বর্তমান সমাজর শারীত আরু ডুইংকমত খাই দিয়া কথাই ইয়ার যথেষ্ট প্রমাণ।”

এর পরে 'আবাহন'-এ লেখা একটি প্রবন্ধে তিনি বিহর সংস্কার সাধনের সমস্তার বিষয়ে বলতে গিয়ে লিখেছেন—“এই সকলোবোরলৈ লক্ষ্য রাখি বিহ অমুঠানর সংস্কার সংরক্ষণ আরু নবীকরণ (Orientation) আবশ্যক খেন বোধ হয়। তার বাবে পোণতে গায়লীয়া সমাজত হুচরির এই নীচকরণ (vulgarisation) আরু ব্যবসায়ীকরণ (commercialisation) গুচার লাগিব, আরু তার লগে লগে নগরর বহুতো বিহ সম্মিলনত অসমীয়া জাতীয়তার নামত দেখুওয়া ককাল ভঙা অল্লীল নাচ আদিও একয়ার লাগিব।”

গ্রহণ এবং বর্জন

যুগ পরিবর্তনের মুখে আমাদের প্রবহমান সংস্কৃতির সামনে একটি প্রকাণ্ড প্রশ্নবোধক চিহ্ন বাধা হয়ে দাঁড়ায়। তখন বাধা মোচনের জন্ত প্রয়োজন মূল্যায়ন। মূল্যায়নে দুটি জিনিস থাকে—গ্রহণ এবং বর্জন। গ্রহণ যেমন বড় কথা তার থেকেও বড় কথা বর্জন। সংস্কৃতির সমন্বয় যেমন সত্য, তেমনই সত্য সংস্কৃতির সংঘাত। সংস্কৃতি সমাজের দর্পণই শুধু নয়, সংস্কৃতি রূপান্তরের অস্ত্র। প্রকৃত রূপায়ন সেই অস্ত্রকে করে ধারালো। গৌড়াভাবে বর্জন যেমন এই অস্ত্রকে করে ভোঁতা, অন্ধভাবে গ্রহণ করলে তাতে মরিচা পড়ে। শ্রীনেওগ মূল্যায়নের গ্রহণ ও বর্জনের প্রশ্নটি সঠিকভাবেই তুলে ধরেছেন কিন্তু তাতে করে তিনি 'উন্টো যাত্রা' করেছেন অর্থাৎ যা গ্রহণীয় তাকে বর্জন করলেন আর যা বর্জনীয় তাকে গ্রহণ করলেন।

যেদিন মানুষকে সামগ্রিকভাবে বেঁচে থাকার উদ্দেশ্যে প্রকৃতির বিরুদ্ধে সংগ্রাম করতে হয়েছিল সেদিন গোষ্ঠীবদ্ধ সমাজের সংস্কৃতির স্বরূপও ছিল সামগ্রিক। সেদিন ছিল একদিকে বস্তু প্রকৃতি, অন্নাদিকে ছিল মানুষের হাতে আদিমতম উপকরণ। তা হোল Productive force উৎপাদনের উপকরণ আর তাকে কেন্দ্র করেই গড়ে উঠেছিল Production relations উৎপাদন সম্পর্ক—শ্রেণীহীন গোষ্ঠীবদ্ধ সমাজ। কিন্তু উৎপাদনের পদ্ধতি পরিবর্তনের সঙ্গে সঙ্গে উৎপাদন সম্পর্কের পরিবর্তন হয়ে ইতিহাসে শ্রেণী ও শ্রেণী সংঘাতের অধ্যায় শুরু হোল। তখন থেকে প্রকৃতি বিজয়ের সংগ্রামের সঙ্গে সঙ্গে শ্রেণী সংগ্রামই হোল মানব ইতিহাসের প্রধান চালিকাশক্তি। শোষক এবং শোষিত, শ্রমকারী আর পরশ্রমভোগীর মধ্যে, শাসক ও শাসিতের মধ্যকার দ্বন্দ্ব সংঘাতই হোল অর্থনীতি, রাজনীতি এবং সংস্কৃতির মর্মকথা। কিন্তু অর্থনৈতিক বা রাজনৈতিক সংঘাত যেমন স্পষ্ট ও প্রত্যক্ষ সংগ্রাম, সাংস্কৃতিক সংগ্রাম তেমন স্পষ্ট ও প্রত্যক্ষ সংগ্রাম নয়। কখনও তা অতি সূক্ষ্ম ও জটিল। কিন্তু তবু শ্রেণী-সমাজের সংস্কৃতিকে সূক্ষ্মভাবে বিচার বিশ্লেষণ করলে দেখা যাবে যে, এই শ্রেণীসংগ্রামই হোল তার মূলকথা। শ্রেণীবিভক্ত সমাজে কেউ-ই শ্রেণী-সংঘাতের হাত থেকে অব্যাহতি পায় না। শ্রেণীস্বার্থ-নিরপেক্ষ কোন চিন্তা থাকতে পারে না। শোষক শোষিতের সংঘাত কখনও ধর্মীয়, কখনও জাতীয়, কখনও বা বর্ণসংঘাতের রূপ নেয়; কিন্তু মূলত তার স্বরূপ হোল একাই—শ্রেণী সংঘাত।

ইতিহাসে আমরা দেখেছি এক ধর্মশাসিতের অন্ন ধর্ম—দুই ধর্মের দুই দেবতার যুদ্ধ। মধ্য যুগে শাক্ত রাজধর্মের বিরুদ্ধে গণশক্তি হিসেবে বৈষ্ণব ধর্মের আবির্ভাব। উপরের শ্রেণীর ব্রাহ্মণ্য ধর্ম আর শরিয়তী ইসলামের বিরুদ্ধে নিম্নশ্রেণীর আউল-বাউল এবং সূফী সাধকগণের আবির্ভাব। অগ্রগামী প্রগতিশীল শক্তি—Historical religion বা শাস্ত্রীয় ধর্মকে পরিত্যাগ করে Religion of man বা মানবধর্মকে প্রচার করেছেন। বছর কয়েক আগে অনুষ্ঠিত অসম সাহিত্য সভার বরপেটা অধিবেশনে সাংস্কৃতিক সম্মেলনের সভাপতির অভিভাষণে ত্রীহেম বরুয়া সংস্কৃতির কেবল সহ-অবস্থানকেই দেখিয়েছেন। তিনি বলেছেন, “সংস্কৃতিগত সংঘাত হচ্ছে নীচাত্মিক মনোভাবের পরিচয়।” কিন্তু নীচ বা উচ্চ, ভাল কি মন্দ, বাস্তব ঘটনাকে স্বীকার করতেই হবে। এই সংঘাত হল objective reality independent of human will।

সমস্বয় হয় ভাষায় ভাষায়, জাতিতে জাতিতে, কলার প্রকরণে প্রকরণে ; কিন্তু শোষকের ভাবাদর্শ আর শোষিতের ভাবাদর্শের মধ্যে সমস্বয় কখনই হতে পারে না। শাসিত জনগণ কখনও বা শাসক শ্রেণীর ভাবাদর্শের দ্বারা প্রভাবিত হন নতুবা শাসকশ্রেণীর কাছে আত্মসমর্পণ করতে বাধ্য হন। মেঠোমুহুরের বিহুগীতের কলি তখন স্বতঃই মনে পড়ে :

স্বর্গদেও ওলালে বাটচরার মুখলৈ  
 ছুলিয়াই পাতিলে দোলা  
 কাণত জিলিকিলে মকর কুণ্ডলে  
 গাত গোম চেঙ চোলা।

কিংবা ব্রাহ্মণ্য ধর্মের প্রভাবে ধর্মনিরপেক্ষ মানবপ্রেমমুখী বিহুগীতে পাই—

প্রথমে প্রণামো আই সরস্বতী  
 দ্বিতীয়ে প্রণামো হরি...ইত্যাদি।

অথবা গরুর ‘গা-ধোরা’ ( স্নান ) নাম। এর সঙ্গে বর্তমানের বূর্জোয়া জাতি-বিদ্বেষের হাওয়া কোনও কোনও বিহুগীতকে কলুষিত করেছে।

বঙাল ঐ, বঙাল ঐ, লেতেরা বঙাল ঐ  
 বঙালক নির্দবা ঠাই...ইত্যাদি।

( ‘বণ-বেণু’—ডিম্বেশ্বর নেওগ )

এহণ বর্জনের সমস্তকে এই দৃষ্টিকোণ থেকেই দেখা উচিত। এই প্রগতিশীল গণদৃষ্টি না থাকলে বিহর সংস্কার হবে বিহর সংহার।

#### বিহর জীবনদর্শন

আমাদের পূর্বসূরী ‘জোনাকী যুগের’ শ্রেষ্ঠ প্রতিনিধি সাহিত্যরথী বেজবরুয়া এবং কথাশিল্পী রজনীকান্ত বরদলৈর এই গণদৃষ্টি ছিল। বরদলৈ ‘মিরি-জীয়রী’র সমর্পণে লিখেছেন : “মোর আজলী ‘মিরি জীয়রী’য়ে আজিকালির নব্য ধরণেরে বঙলা গান নিশিকিলে দুখ লাগিলে তাই আধা ভঙা অসমীয়া মাতেরেহে সামান্য সামান্য বিহুগান গাব জানে।...সেই দেখি আরু ভাই তুমি এই বিলাক বিহু-নামেরে কলঙ্কিত হলেও শুনিবলৈ ভাল পোয়া বুলি জানিহে ইয়াত কেইটামান বিহুনাংম দিলো। কুরুচি বুলি তুমি মোর দোষ নধরিবা। গাভরুয়ে বেয়া বিহুনাংম নাগায় আরু গালেও মোর একো উপায় নাই।”

কৃপাবর বরুয়া ( লক্ষ্মীনাথের ছদ্মনাম ) ছিলেন আরও স্পষ্টবাদী : “আপোনাসকল ‘চহরীয়া’ মাহুহ কেইটাই গোটেই অসম দেশখন নহয়।

এ চকু শাকত আপোনালোক এটা জালুক। বছরেকর মুরত গাওঁর ইমানখন  
মানুহে মন মুকলি করি দি, নাচিবাগি রং ধেমালি করি দুখীয়া জীবনটো শতাই  
লয়, আপোনালোকে তাকো দেখিব নোবারা হ'ল। গাওঁলীয়া মানুহ, মানুহ  
নহয়, আপোনালোক চহরীয়া মানুহ কেইটাই মানুহ।”

বরদলৈ বা কুপাবর বক্সা যে সময়ে উপরোক্ত মন্তব্য করেছিলেন সেই সময়ে  
“ভঙ্গসমাজে” বিহু ছিল কলংকিত। ইতরজনের অসভ্যতা।

কিন্তু ইতরজনের সাহিত্য বলেই কি কেবল ইহা পরিত্যক্ত হয়েছিল? না।  
ইহা পরিত্যক্ত হয়েছিল বিহু কাব্যের জীবনদর্শনের জগৎ যা ছিল বর্ণাশ্রমী হিন্দু  
ধর্মের সম্পূর্ণ পরিপন্থী। বিহুর secularism বা ইহজীবনমুখীতার বলিষ্ঠ  
মানবিক বাণী, নারী-পুরুষের সাম্য, নারীর প্রেমের স্বাধীনতা সমস্তই ছিল  
নিষ্ঠাবান হিন্দু উচ্চ সমাজের রীতি-নীতির, মম্বুর বিধানের বিরোধী। সেই  
হেতুই তা ছিল ‘অশ্লীল’।

শ্রেণীহীন গোষ্ঠীসমাজের সংহত সামগ্রিক জীবনে ফসল উৎপাদনে মানব  
প্রজননের ঐন্দ্রজালিক অমুক্তি থেকে যে fertility cult-এর জন্ম, তার থেকেই  
বিহুর উৎপত্তি। পৃথিবীর আদিম সংস্কৃতির নৃত্যসঙ্গীতের ইহাই ছিল আদি  
উৎস। কিন্তু যখন এই প্রজনন অমুক্তি mother cult তথা লিঙ্গ পূজায়  
রূপান্তরিত হয়ে তান্ত্রিকতার রূপ নিল তখন থেকেই বিহুতির স্বরূপাত। বিহু  
একান্ত মানবিক। অমানবিক, অলৌকিক হল বিহু-বিরোধী জীবনদর্শন।  
বিহুগীতে “পচা দেহের প্রতি পচাভাবের প্রকাশ কখনও ধ্বনিত হয়নি।” মানব-  
দেহের সৌন্দর্য, মানব দেহের চিরন্তন পবিত্রতাই হল বিহুর জীবনদর্শন। মানব-  
দেহের নখরতার কথা ব্রাহ্মণ্য ধর্মই প্রচার করেছিল। বৈষ্ণবধর্মও বিহুর  
দর্শনের বিরোধিতা করেছে। বৈষ্ণব ধর্মের প্রভাবে বিহুগাতে কখনো বা

বিষয়র দুঃখ জানি তথাপিতো একো প্রাণী

নেরে দুনাই তাকে ভুঞ্জি মরে—

এই বৈষ্ণবী দর্শনের প্রতিধ্বনি পাই।

ধনে ধনে করি ধনকে ঘাটিলো

পরম যতন করি,

ধন গ'ল উচলি দেহা গ'ল পিচলি

লগত গ'ল দুছলি থরি।

এ হল বিহু-বিরোধী জীবনদর্শন। ইহা প্রক্ষিপ্ত। বিহু জগতে ইহা বিজাতীয়।

এই ক্ষয়িষ্ণু বৈষ্ণব দর্শনের দ্বারাই শেষজীবনে প্রভাবান্বিত হয়েছিলেন পরলোকগত নেওগ। তাঁর ‘প্রতিনিধি’তে লেখা প্রবন্ধে উল্লিখিত তাঁর মতের সারমর্ম হল : বিহর নৈসর্গিক এবং ধর্মমূলক অংশ চিরন্তন সংস্কৃতির অংশ এবং ‘রক্তমূলক’ আদি রসাত্মক অংশ বর্জনীয়। বিহু নাচ সম্পর্কে একে পাশবিক (vulgar) উদ্ভেজনামূলক বলে তিনি আমাদের সামনে নিজে মন্তব্য করেছিলেন।

#### সংস্কার-সংরক্ষণ-নবীকরণ

নেওগ মহাশয় কর্তৃক উত্থাপিত নীচকরণ (Vulgarisation) ও ব্যবসায়ীকরণ (Commercialisation)-এর অভিযোগ সত্য। কিন্তু এর জন্তে দায়ী কে? যে কৃষিসমাজে বিহর উৎপত্তি সেই কৃষিসমাজের সংহতি নষ্ট করল কে? সামন্ত সমাজের মহাশয় ব্যক্তিরা এবং ঔপনিবেশিক শোষণের ছায়ায় জন্মলাভ করা সঙ্কান্ত শ্রেণী। পাথারের বিহমণ্ডে “ইতর” জনসাধারণের মধ্যে তারা প্রবেশ করতে পারেন না। সেই সমস্ত “ইতর” মানুষকে তাঁদের চাতালে আসতে হলো। নীচকরণ আর ব্যবসায়ীকরণের সূত্রপাত সেখানেই। আজ শহর-গুলিতে বিহর পুনর্জীবন ও সর্বজনীন বিহমণ্ডেও নীচকরণ ও ব্যবসায়ীকরণের প্রবণতা অবশ্যই আছে। বাঁশতলা, বনতলার জিনিস যখন মঞ্চে স্পটলাইটের নীচে আসে, তখন তার চরিত্র সংযত রাখা কঠিন হয়ে পড়ে। কিন্তু সঙ্গে সঙ্গে আরেকটা কথা মনে রাখতে হবে। আজকের যুগ গণজাগরণের। আজকের বিহু মণ্ড ‘মহাশয়-ব্যক্তিবর্গের’ নিজস্ব চাতাল নয়। সেখানে গণমুখী শ্রেণী-সচেতন সংগ্রামী দেশপ্রেমিক জনগণেরও সমাগম হয়। দর্শক হলেন মুখ্যতঃ এঁরাই। অতএব বিকৃতি ও ব্যবসায়ীকরণের প্রতিবন্ধকও আছে। বোম্বে ছবির গীত ও নাচের বিকৃতি হয়তো এঁরা বিনা প্রতিবাদে দেখে থাকেন, কিন্তু নিজেদের সনাতন বিহুতে সেই বিকৃতি তাঁরা সহ্য করবেন না। বিহু নাচে একদা ‘ইতর যুবতীর কোমর বাঁকানো অল্লীলতা’ দেখে ভদ্রলোকেরা হয়তো চোখের লালসা তৃপ্ত করেছিলেন। কিন্তু আজ নৃত্য হিসাবে ইহা জাতীয় সম্মান অর্জন করেছে। আগে বিহু নাচগুলিতে যে বিশৃঙ্খল দাপাদাপি দেখেছিলাম বর্তমানে সেখানে এসেছে Choreography, নৃত্য পরিকল্পনা ও পোশাকের সামঞ্জস্য ইত্যাদি; অথচ বিহু নাচের মৌলিক চরিত্র সেখানে লুপ্ত হতে দেখি না। ধুতি, জামা, গামছা, ‘গগণা সপপা’ সমস্তই আছে এবং থাকবে। কোমরের ভদ্রিয়াও



আছে ও থাকবে। কিন্তু সেখানে অশ্লীলতা কিছুই পাই না। পরিবেশনের উপর তা নির্ভর করে। কিভাবে একে নীচকরণ বলি? কিন্তু যে সমাজে শিল্পীকে ধনীর দুয়ারে হাত পাততে হয় জীবিকার তাড়নায়, সেখানে ব্যবসায়ী-করণের প্রবণতা থাকবেই এবং তার বিরুদ্ধে থাকতে হবে সদা সতর্ক।

বিহুর ভবিষ্যৎ ও নবীকরণ

বিহুর ভবিষ্যৎ সম্ভাবনা অপরিমিত। বিহু কাব্যের তুলনাহীন ঐশ্বর্যের সঙ্গীত হিসাবে তার চিরন্তনতার প্রসঙ্গ এখানে তুলবো না। আমার আলোচ্য বহু ধর্ম ও বহু ভাষাভাষী জাতি, জনজাতি এবং উপজাতিতে সমৃদ্ধ আসামে বিহু হবে পরিপূর্ণ জাতীয় উৎসব আর বিহু মণ্ডপ হবে অন্তর-আদানপ্রদানের শ্রেষ্ঠ মিলন ক্ষেত্র।

দুঃখের বিষয় ভারতে প্রায় সমস্ত উৎসবই সাম্প্রদায়িক। বসন্ত উৎসব রূপান্তরিত হয়েছে হোলি বা চৈতন্য উৎসব ইত্যাদিতে, শারদীয়া পরিণত হয়েছে দুর্গোৎসব ইত্যাদিতে। কারবালার কাহিনীমূলক মহরম হল মুসলমান সাম্প্রদায়ের। কিন্তু বিহু এর মধ্যেও তার ধর্মনিরপেক্ষ প্রকৃতি অক্ষুণ্ণ রেখেছে। ইহা বিহুর গৌরব, অসমীয়া জনগণের গৌরব।

কিন্তু বিহুর নবীকরণ বিহুর নতুন জাতীয় মর্যাদা উপরের কয়েকজনের প্রচেষ্টায় হতে পারে না। নতুন দিল্লীতে গণরাজ্য দিবসের শিল্পী সমারোহে বিহুর দল যোগ দিলেই বিহুর জাতীয় প্রতিষ্ঠা হবে না। যে কৃষি সমাজ থেকে বিহুর উৎপত্তি সেই কৃষি ব্যবস্থার বৈপ্লবিক রূপান্তরের সঙ্গে নবীকরণের সমন্বয় জড়িত। আজ যে কৃষি সমাজের বিপর্যয়, তার বিরুদ্ধে কৃষককে ভূমির মালিকানা দেবার আন্দোলনের অর্থাৎ কৃষি বিপ্লবের ঢেউএর সাথে বিহুর সর্বাঙ্গীণ বিকাশের ধারা প্রবাহিত হবে। তার সঙ্গে আসামের কবি স্বতঃস্ফূর্ত গীত রচনা করবেন। বিহুপ্রাঙ্গণে আবার সমগ্র জনগণের অকুণ্ঠ সহযোগ হবে। নতুন যুগের বিহু মণ্ডপে সবাই ছন্দোবদ্ধ চেতনায় হাততালির তালে তালে গাইবে ‘বিহুগীত’—‘বিহুনাচ’ নয়। বিহু সংস্কৃতির চিরউজ্জল কোহিনূর হয়ে আসামের দিগন্ত উদ্ভাসিত করে রাখবে।

‘অসমবানী’তে প্রকাশিত লেখকের মূল অসমীয়া প্রবন্ধ থেকে বাংলায় ভাষান্তরিত।

## আসামের বোল মঘাই ওজার ঢোল

সমতলে সেদিন আগুন জ্বলছে। শিলং পাহাড় থেকে গানের ব্রিগেড চলেছে উমইয়াম্ নদীর শ্রোত বেয়ে সে আগুন নেভাতে। উমইয়াম্ মানে অশ্রমতী। খাসিয়া উপকণ্ঠার এক হতভাগা মেয়ের চোখের জলে প্রবাহিত এ নদী। সেদিন তার জল কানায় কানায় পূর্ণ, বোধ হয় সমতলের সংবাদে। আমাদের ব্রিগেডে ছিলেন অসমীয়া, বাঙালী, খাশিয়া, জয়ন্তীয়া, নেপালী শিল্পীরা। নেতৃত্ব করছিলেন ডঃ ভূপেন হাজারিকা ও এই প্রবন্ধের লেখক। সেদিন ব্রহ্মপুত্র উপত্যকার ধোঁয়ায় আচ্ছন্ন পর্বতচূড়ায় শুভবুদ্ধির এই সংঘবদ্ধ অঙ্গীকার প্রতিধ্বনির তরঙ্গ তুলেছিল চারদিকে। সেই প্রতিধ্বনিকে আরও জোরালো করার জন্য আমাদের সংগীত সমদলে অভাব অল্পভব করছিলাম একটি দামামার। যাত্রার পূর্বে তাকে চিঠি লিখলাম—“ওজা ভাই, আমাদের অভিযানের ‘আগরলুয়া’ হবে তুমিই আর তোমার ঢোল হবে আমাদের জয়ডঙ্কা।”

গৌহাটী, নওগাঁ, টিং প্রভৃতি অঞ্চল হয়ে পৌঁছলাম জোড়হাটে। জোড়হাটে পৌঁছেই ধাওয়া করলাম মঘাই ওজার বাড়ি। জোড়হাট থেকে চার মাইল উত্তরে আসাম ট্রান্স রোড ধরে ভোগদৈ নদী পার হয়ে চেনিজান চা-বাগিচাকে ডান হাতে রেখে বাঁহাতির বালুময় গৈঁয়ো কাঁচা পথ ধরে কিছুদূর গেলেই মঘাই ওজার বাড়ি। মঘাই ওজার ছোট ছেলে অরুণ রাস্তা থেকে দৌড়িয়ে হাঁপাতে হাঁপাতে মাকে বললো—“বরদেউতা আহিছে” অর্থাৎ জ্যঠা এসেছেন। মঘাই বাড়ী নেই। তার স্ত্রী রোহিনী মাথার উপর ঘোমটা টেনে সলজ্জভাবে বললো, ‘আপনার কথা ভেবে ভেবে এই কয়দিন উনার চোখে ঘুম নেই। শুধু বলেন, হে ভগবান, আমার দাদার যেন কিছু না হয়।’

শান্ত সবুজ উপত্যকায় হঠাৎ জলে ওঠা আগুনে দক্ষ মনের উপর এই কটি কথায় মেঘের ছায়ায় ঘিরে দিল। অনেক চেষ্টাতেও চোখের জল রোধ করতে পারলাম না।

জোড়হাটে বাঙালী স্কুলে সেদিন সন্ধ্যায় আমাদের অনুষ্ঠান। অসমীয়া বাঙালী দর্শক পাশাপাশি বসেছেন। একদিন কেন, এক ঘণ্টা আগেও ছিল তা অভাবনীয় ব্যাপার। পোশাকে প্রকৃতিতে, আকারে আকৃতিতে, ভাষায় ও ভাবে এমন ঘনিষ্ঠ দুই জাতির মাঝখানে তখন যেন সমুদ্রের ব্যবধান। সমস্ত

বিদেহ-ভয়, সন্দেহ-অবিশ্বাসের থমথমে চাপা গুমোটকে চৌচির করে দিয়ে বেজে উঠল মঘাই ওজার ঢোল। ধিন্ ধাও ধাও, থিং তাও তাও, ধিন্-খিতি-গিঘিন্-ধাও, ঘিনি খিতা গিঘিন্ ধাও। চিরাচরিত বিহুগানের বদলে সেই স্বরের টানে মঞ্চের উপর Improvise করে ভাষা-দাক্ষার বিরুদ্ধে ছড়া কেটে ওজা মিলনের গান গাইলেন—

রাইজখনে কান্দিছে দা-ডাঙরীয়া  
দেশখনে কান্দিছে চোয়া  
রাইজর বলতে তুমি বলবন্ত  
কিয়নো পাহরি যোয়া।

( দেশ কান্দিছে, কান্দিছে দেশের মানুষ, তাদের বলেই তো আপনারা বলীয়ান—ভদ্রমহোদয়রা কেন ভুলে যান। )

এর মধ্যেও তীব্র ব্যঙ্গ, হাস্যরস পরিবেশন করে গাইলেন—

ভাইয়ে ভাইয়ে ডন করে  
পরে পায় আশ,  
মতা মাইকী ডন লাগে  
ঘরে বনবাস।  
( স্বামী-স্ত্রী ঝগড়া করে  
গৃহ বনবাস।  
ভাইয়ে ভাইয়ে দাঙ্গা করে  
শত্রু পায় আশ )

সেদিন আসামের শিক্ষিত ও বুদ্ধিজীবী শ্রেণীর অধিকাংশের চিন্তা যখন জাতি-বিদ্বেষের কলুষ কালিমায় আচ্ছন্ন তখন আসামের গরীব চাষীর ঘরের সন্তান মাটির শিল্পী মঘাই ওজার ঢোলের কাঠিতে অসমীয়া সংস্কৃতির বিবেক গর্জে উঠলো।

যে হাতে হালের খুঁটি, সেই হাতে ঢোলের কাঠি

আসামের অপরাঞ্জেয় লোকশিল্পী মঘাই ওজা। বহু সর্বভারতীয় সাংস্কৃতিক সমাবেশে আসামের প্রতিনিধিত্ব করেছেন তিনি। আজ তাঁর বয়স ৪৫ পার হয়েছে। এই ৪৫টি বছর দারিদ্ৰ্যের বিরুদ্ধে একটানা সংগ্রামে চিহ্নিত। কিন্তু তাঁর শিল্পী চেতনায় হুঃখ বা হতাশা দানা বাঁধতে পারেনি। চাষীর গর্বে তিনি

ঢোলের বোলে বলেন, এক হাতে ঢোলের কাঠি, আর হাতে হালের খুঁটি। অল্প বয়সে বাবা মারা যান। তখন পাঠশালাতে হাতে খড়ি হয়েছে মাত্র। কিন্তু মায়ের মুখে অল্প জোগাবে কে? হাল বাইবার বয়স তখনও হয়নি। যে মাটি আছে তাতে পেট চলে না। কিশোর মঘাইএর উপর পড়লো সংসারের দায়িত্ব। বাড়ির কাছে চেনিজান চা-বাগিচা। কিশোর মঘাই গেল সেখানে ষোগালীর কাজ নিয়ে। সেখানেই নিজের চেষ্টায় শিখলো মিস্ত্রীর কাজ। ষেটুকু রোজগার হতো মাকে এনে দিত। ক্ষুধার পয়সা বাঁচিয়ে কিশোর মঘাই কিনলো তার একমাত্র শখ—একটি বিহুর ঢোল। কাজের পর ষেটুকু সময় পেত, বিহু ঢোলের বোলে ভরাট হয়ে থাকতো। আশেপাশে উদীয়মান ঢুলী হিসাবে তার নান ছড়িয়ে পড়তে লাগলো। ছোট ছোট বিয়ের আসরেও ডাক পড়লো। দু-চার টাকা উপরি আয় হতে লাগলো। একবারে মাজুলীতে এক বড় বিয়ের বাড়িতে একসঙ্গে মিলে গেল ২০ টাকা। সে সময় সেটাই মঘাইএর জীবনে বড় রোজগার। এই করে টাকা জমিয়ে গরু হাল কিনে ফেললো। কিছুদিন পর চাকরীতে ইস্তফা দিয়ে নিজের ঘরে ফিরে এলো। শক্ত করে ধরলো হালের খুঁটি, সঙ্গে সঙ্গে অবিশ্রান্ত রেওয়াজে চললো ঢোলের কাঠি।

বরুয়া হলেন ওজা—ঢোলের বাহুরকর

তার পারিবারিক উপাধি বরুয়া। কিন্তু জনসাধারণ তাকে ডাকতে লাগল “ওজা”—অর্থাৎ ওস্তাদ বলে। তার নাম ডাক ছড়িয়ে পড়লো।

গণনাট্যের সংগঠক হিসাবে আসামে ঘুরে বেড়াতাম শিল্পীর সন্ধানে। প্রায় ২০ বছর পূর্বে জোড়হাটে মিলিত শিল্পী সমাজ আয়োজিত একটি অনুষ্ঠানে প্রথম আবিষ্কার করলাম এই লোকপ্রতিভাকে। অসমীয়া সংস্কৃতি ও সাহিত্যের আদি-মাতা বিহু। অথচ কিছুদিন আগে শিক্ষিত সমাজে এর উপর ছিল অবজ্ঞা, এমনকি নিষেধাজ্ঞা। ইংরাজী বিশের দশকের গণ-আন্দোলনের পর থেকে বিহু তার আত্মমর্যাদা ফিরে পেতে থাকে কিন্তু গীতের ধারাটি পুনঃপ্রতিষ্ঠিত হলেও নৃত্য ও বাস্তব দিক থেকে পূর্ণাঙ্গ প্রতিষ্ঠা সেভাবে হয়নি। তার ছন্দ ও স্বরম। যেন কোথায় হারিয়ে গিয়েছিল। হঠাৎ যেন মঘাই ওজার ঢোলে শতাব্দীর হারিয়ে যাওয়া এই লোকসংস্কৃতিটি মুখর হয়ে উঠল। এর আগে আসামের বিহুর ঢুলীদের তিন-চারটি বোলে যাকে বলে “নাচনী-চাপর” বারে বারে বিভিন্ন লয়ে বাজাতে দেখা যেত। মঘাই সেখানে আনলেন বোলবাগীর ও ছন্দের

অপরূপ বৈচিত্র্য। ঐন্দ্রজালিক যুগের Fertility Cult থেকেই বিহু নাচের উৎপত্তি। মেঘ, বৃষ্টি, ঝড়, বজ্রপাত, তারপরে ফসলির দোলা ফসল কাটা নবান্ন—সবই প্রতীক অঙ্গ সঞ্চালনে অভিব্যক্ত বিহুবৃত্ত্য। মঘাই ওজার ঢোলে মেঘ ডাকে, বজ্র ফেটে পড়ে। ঝড় আসে, আবার টাপুর টুপুর বৃষ্টি পড়ে। মঘাই ওজা প্রকৃতির অমুক্তিতে নিজে অভিনব বোলবাণী সৃষ্টি করেছেন। আসামের সনাতন ঐতিহ্য ঠাঁতশালে কাপড় বোনা, সূতা কাটা, তুলা ধোনা ইত্যাদি। সেই ছন্দে তিনি যখন ঢোলের সাথে ছড়া কাটেন :

কঁপাহ ধুহু ধুহু বেটা  
কঁপাহ ধুহু ধুহু  
নেওথনিতে ধুহু বেটা  
নেওথনিতে ধুহু।

তখন যেন চোখের উপর ভাসে সেই চিত্র। লৌকিক ছড়া ও লৌকিক উপকথাকে তিনি ঢোলের বোলে প্রাণবন্ত করে তোলেন। আসামের অতি পরিচিত মেঠো পাখী ‘বতাচরাই’ প্রাস্তরে উড়ে উড়ে ঘুরে ঘুরে দিগন্তে বিলীন হয়ে যায়। তিন মাত্রা ও চার মাত্রার টানা পোড়েনে বাজকর মঘাই ওজা চিত্রকর হয়ে দেখা দেন আমাদের সামনে।

উড়িৎ তোঁ তোঁ উড়িৎ তোঁ তোঁ  
উড়িলোঁ উড়িলোঁ উড়িলোঁ  
উড়ি... (৩) উড়ি ষাওঁ... (৩)

তিত্বীং তোঁ তোঁ, তিত্বীং তোঁ তোঁ—তারপর হ্রীং ঘিটি টিটি ঘিৎ ঘি তোঁ বলে রেলা মেরে দিগন্তে উড়ন্ত পাখীর পিছনে ধাওয়া করেন। ভারতের সর্বত্র উপকথায় লোকছড়ায় ও গানে বৃষ্টির কামনায় শিয়ালের বিয়ে দেওয়া হয়। বাংলা দেশে যেমন বলে :

রৌদ্র ওঠে বৃষ্টি পড়ে  
শিয়াল মামা বিয়ে করে।

ঠিক তেমনই আসামেও খেঁকশিয়ালের বিয়ের গল্প আছে। কিন্তু মঘাই ওজার নিজের রচনায় ও ঢোলের ছন্দে এই গল্প রীতিমত নাট্যরসে ভরপুর হয়ে ওঠে :

চোতর মাহত ঢোলর হাত  
বরষুণত পিছল বাট  
মাজে মাজে রোদ চৌফুলীয়া ঐ  
রোদ চৌফুলীয়া  
খরা শিয়ালর বিয়া ঐ  
খরা শিয়ালর বিয়া । ..

সে বিয়েতে অতিথি অভ্যাগতদের অপূর্ব বর্ণনা। তার মধ্যে আবার কর্মরত নেউল রান্ধুনী, বিড়াল গোয়ালী, কন্য়ার মামা কাঠবেড়ালী, বাজনদার ব্যাঙ ইত্যাদি। থেকশিয়ালের বিয়ের এই বিচিত্র সমাবেশ ও আয়োজন ঢোলের কসরতে মঘাইএর বর্ণনার ঢঙে শ্রোতাকে বিয়ের রঙ-উল্লাসে মজিয়ে দেয়। তারই ক্লাইম্যাক্স আসে যখন শ্রোতার অট্টহাসিতে ফেটে পড়েন, যখন হাতীর পিঠে শিয়াল বর 'রভাতলীতে' অর্থাৎ বিয়ের মণ্ডপে এসে হাজির হয়। কন্য়াপক্ষের সবাই আবিষ্কার করে শিয়াল বরের লেজটি কাটা।

মোখনা হাতীত উঠি শিয়াল  
আহিল রঙ করি  
দরা হৈছে ভেলেঙ ভেকু  
লেজ নাইকিয়া ঐ  
লেজ নাইকিয়া।

দুব দুবাস্তে সীমান্তের ঢোল

মঘাইএর সঙ্গে আমার পরিচয় অল্পদিনের মধ্যেই গভীর ঘনিষ্ঠতায় পরিণত হল। গণনাট্যের সংগঠক হিসাবে লৌকিক প্রতিভা খুঁজে বেড়িয়েছি অনেক, মঘাইএর মতো কৃষকের গর্ব ও অভিমান নিয়ে এমন দুর্বীর প্রাণবন্ত অথচ সহজ বুদ্ধিদীপ্ত মাটির শিল্পী আর পাইনি। তিনি হলেন আসাম গণনাট্যের সহসভাপতি। গণনাট্যের মধ্যে এসে তাঁর ধ্যানধারণা নতুন দিগ্বলয়ের সন্ধান পেলো। চিরাচরিত গান গাইতে গাইতে উত্তেজিত মুহুর্তে কখনও তিনি দেশের দুঃখ দারিদ্র্য অবিচারের বিরুদ্ধে মঞ্চেই স্বতঃস্ফূর্ত গান রচনা করে গান গাইতে শুরু করেন :

মাজুলী দেশতে খোয়ার অভাবতে  
পেলায় পরিয়ালক কাটি ;

শিলং রোডতে দেখিবা রাইজসকল  
মিনিষ্টার সকলর মাটি ।

( মাজুলী দেশের খবর আসে অশ্রুভাবে নিজের স্ত্রীকে কেটে ফেলেছে, ওদিকে তাকিয়ে দেখ, শিলং রোডে মিনিষ্টারদের নতুন নতুন বাড়ি । )

বিদ্রূপ ও ব্যঙ্গনায় এ সুস্পষ্ট ও লক্ষ্যভেদী । ষথার্থ শিল্পীরূপে সম্মান পেলেন তিনি সর্বত্র ।

১৯৫৪ ইংরাজীতে কোলকাতার ওয়েলিংটন স্কোয়ারে গণনাট্যের প্রাদেশিক সম্মিলনে আসামের প্রতিনিধি হিসাবে ডঃ ভূপেন হাজারিকা ও মঘাই ওজাকে নিয়ে আসি । হাজারিকার কণ্ঠে ও মঘাই ওজার ঢোলে কোলকাতার হাজার হাজার জনতা আসামের এক নতুন পরিচয় পেলেন । বিখ্যাত সংগীতশাস্ত্রী জ্ঞানপ্রকাশ ঘোষ আমাকে বলেছিলেন, মঘাইএর ঢোলের বোল আমাদের শাস্ত্রীয় ব্যাকরণের বাইরে ; মাটির ও মাঠের দুর্লভ জিনিস । তিনি এমন মুগ্ধ হয়েছিলেন যে বাড়িতে নিয়ে গিয়ে টেপরেকর্ড করে রেখেছিলেন ।

তারপর গণনাট্যের সর্বভারতীয় অস্থায়ী পাটনা, মাদ্রাজ, বোম্বে—সর্বত্র মঘাইএর ঢোলের জয়ডঙ্কা ।

মোর কান্ধত ঢোলর বোজা

চিরদিনের হাসিখুশী মানুষটি চিরন্তন দারিদ্র্যের বোঝা বয়ে চলেছেন । কিন্তু তাঁর দুঃখ দারিদ্র্যের জন্ত নয় । বয়সে তাঁটা দিয়েছে—আর কয়দিন বাজাবেন ? কিন্তু কেউ আর তাঁর এই বিস্তে শিখে নেবার জন্ত উৎসাহী নন, এটাই তাঁর আসল দুঃখ । যে দিনকাল, ঢোলের সম্মান আর থাকবে না । যেটুকু টাকা উপার্জন করেন, ছেলে মেয়ে পরিবার নিয়ে পেট ভরে না । হাল বেয়ে যে ধান ঘরে ওঠে, তাতে তিন মাস কোনমতে চলে । ঢোল বাজিয়ে সারা বছর যা রোজগার করেন তাতে পরিবারের ছেলেমেয়ের বস্ত্রের সংস্থান হয়তো হয়—কিন্তু ঘরের ফুটো ছাউনি টাকা যায় না । তাই মঘাই ওজা মাঝে মাঝে গান ধরেন—

মোর কান্ধত ঢোলর বোজা

মোকে কয় মঘাই ওজা ।

তবু মঘাই ওজার ঢোল যখন বেজে ওঠে—সেখানে হতাশা নেই, বিভ্রান্তি নেই, আছে লয়ে জুত তরঙ্গে অমর গণজীবনের ঢেউ ।

